



VATICINIA

DE

CHRISTIANÆ REIP. AFFLICTIONE,

AC DEIN CONSOLATIONE;

TURCICI IMPERII INCREMENTIS,

ET DENIQUE EXCIDIO;

Hungarici Regni frequenti vastatione;

TANDEMQUE

HIEROSOLYMÆ RECUPERATIONE;

Exarata in

VITA S. ANGELI

HIEROSOLYMITANI,

MARTYRIS, DOCTORIS, VIRGINIS,

Ex Ordine beatæ Virginis MARIÆ de
Monte Carmelo,

*Scriptâ anno 1227. ab oculato Teste Enoch Patriarchâ
Hierosolymitano; in Capita digestâ & editâ an. 1527.
per Thomam Bellorofium Canon. Panormitanum,*

*Commentario prævio & Notationibus illustratâ studiô
ac operâ R. P. DANIELIS A VIRGINE MARIA, præ-
fati Ord. Provincialis in Provincia Flandro-Belgica.*



BRUXELLÆ,

Typis JOANNIS MOMMARTI, ad insigne Ty-
pographiæ. 1665.



AMITAV

... ..
... ..
... ..
... ..
... ..

... ..


123 456 789

... ..
... ..
... ..
... ..

... ..
... ..
... ..
... ..
... ..

... ..
... ..
... ..
... ..

... ..



REVERENDISSIMO PATRI
MAGISTRO
HIERONYMO ARI,
PRIORI GENERALI
Totius Ordinis B. Virginis MARIE
de Monte Carmelo,
Fr. DANIEL A VIRGINE MARIA,
Filius minimus.

Tullianum illud : *Otiô nisi præ-*
paratô, institui Historiam nec pos-
se, nec exiguo tempore absolvi,
quàm verum sit experior; An-
nis multis Carmelitanę Historiæ illustran-
dæ operam navans, vetustiora quævis
opuscula indagavi; & selectiora in certas
digessi classes, ac notationibus illustravi,
câ intentione, ut, cùm singula seorsum,

E P I S T O L A

incompletè Ordinis hujus Historiam pandant, illa omnia simul in unum volumen, SPECULUM ORDINIS nuncupatum, collecta; sint instar speculi, in quo Religionis hujus originem, incrementa, Regulas, Patrocinium beatiss. Virg. MARIÆ verè maternum, Privilegia Apostolica multiplicia, Viros sanctitate & eruditione illustres, contemplari liceret. SPECULUM istud, etsi nondum plenè formatum, reposui ad pedes Tuos, Reverendissime Pater, cùm Româ in Belgium advenisses, confidens illud (Deô juvante) intra spatium unius circiter anni posse perficere, & polire, ut decentiùs iteratò appareret in conspectu Tuo. Verùm, cùm aliud humeris meis onus impositum esse volueris, atque in eo debitè ferendo temporis plurimum requiratur; fatago quidem succisivis horis regredi subindè ad SPECULUM: ast mox succedentes rursus aliæ occupationes necessariæ, animum ferè totum sibi sic vendicant, ut ulteriùs sperare vetent tam citò coronidem istius SPECULI.

Ejus

DEDICATORIA.

Ejus igitur loco, en SPECULUM aliud
 (majoris istius partem), SPECULUM vitæ
 perfectissimæ Carmeliticæ, imò ANGELI-
 CÆ, vitam videlicet S. ANGELI adfero,
 Reverendissime Præsul, Tibi, ceu AN-
 GELO alteri nostro; etenim, quemadmo-
 dum olim S. ANGELUS de Terra Sancta,
 Patriâ suâ Christi mandatô in Siciliam,
 venit: & ibi aliquamdiu prædicavit,
 tamquam Siciliæ Doctor & Apostolus.
 Ita quoque ex natali solo Lombardiâ,
 ejus quem Christi loco habebas, jussu, in
 eandem Siciliam destinatus fuisti ad Ca-
 thedras, & Præfecturas studiorum, atque
 istius Regni Commissarius Generalis.
 Deinde sicut S. ANGELUS ex Sicilia ad
 Urbem veterem, indeque Romam vênit,
 & coram summo Pontifice Honorio III.
 & Cardinalibus aliquoties, ac tum in
 Ecclesia Lateranensi Ecclesiasten egit: sic
 quoque ex Sicilia redux, Romæ factus
 Qualificator sancti Officii, & Procurator
 Generalis Ordinis, frequenter lingua Tua
 loquebatur sapientiam, & perorabat, in
 cōspectu Principis Ecclesiæ Innocentii X.

E P I S T O L A

& Coetûs Purpuratorum Patrum. Româ
 discedens S. ANGELUS, per varia loca
 euangelizando discurrens, velut nubes im-
 brifera, & verbo, & opere innumeras
 Christo lucrificat animas, nullis parcens
 laboribus: similiter Tu, per concordem
 electionem Patrum omnium Provincia-
 rum ad totius Ordinis SPECULAM eleva-
 tus, datus à Domino SPECULATOR DO-
 MUI CARMELI, sollicitus Circumspector
 non solùm in excelsis sedens, sed & in pe-
 riculis maris, & fâtionibus itinerum
vadis & vides si cuncta sint prospera erga filios
 Tuos, pacem portans, & illuminans illu-
 stri sydere Tuo Religionem, per Provin-
 cias Italiæ, Germaniæ, Belgii, Galliæ
 & Hispaniæ discurrendo, Regularem dis-
 ciplinam instaurando, ac perficiendo, &
 fovendo leni Favonio Tuo: facisquæ ut ger-
 minans germinet Carmelus fructus obser-
 vantia, pietatis, doctrinæ, crescatquæ de-
 cor Carmeli. Ejus rei testes sunt Provin-
 ciæ nostræ Belgicæ, dudum quibusdam
 quasi fluctibus agitata, nunc in summa
 pace & tranquillitate Vestrà prudenti di-
 rectio-

DEDICATORIA.

rectione constitutæ. Idem præstitum in Provincia Turoniæ, & in magno Conventu Maubertino Parisiis, atque alibi. Et hæc operum S. ANGELI, Tuorumque in variis convenientia hoc opusculum, Tuum facit.

Est & aliud motivum illud Nomini Tuo inscribendi (idem videlicet quod antè annos centum triginta octo permovit quoque venerabilem Thomam Bellorolium, ut hanc eandem Historiam Tuo quondam Prædecessori Reverendissimo Patri Nicolao Audet dicatam voluerit) ut sic gratius sit cunctis filiis Tuis, & SPECULUM istud, in quo Carmelitici Instituti pars utraque (contemplationis & actionis) sanctissimæ vitæ exempla, monita divina, stupenda miracula, cœlestia arcana, mirabiliter relucet, per omnes Ordinis Provincias magis divulgetur: atque etiam sicut olim S. ANGELUS, ut alter Jonas, poenitentiam prædicavit, ad avertenda mala Reipublicæ per Infideles à Christo comminata; ita & hæc Vita sub Tuæ protectionis munimine tutius orbem Christianum pervolet, sitque instar tubæ

EPISTOLA DEDICATORIA.

excitantis ad bellum adversus infensissimos Ecclesiæ Christi hostes, ea sunt peccata, *Capite* 14. Vitæ S. Angeli recensita, propter quæ desolatione desolata est terra, Christianorum bina Imperia everfa, & complura florentissima Regna occupata à Turcis, etiam usque modo Christianitatem infestantibus.

Suscipe igitur, Amplissime Præsul, SPECULUM istud vitæ Tuæ, in quo gesta Tuis similia nō pauca contemplari licebit, SPECULUM omnigenæ virtutis, SPECULUM demonstrans quid faciendum, quid fugiendum. SPECULUM cui qui se assimilare fatagunt, dignos se reddent, ut in æternum Beati intueantur SPECULUM sine macula Dei Majestatis in Coelis. Id Tibi SPECULATORI NOSTRO, atque unà hîc diuturnam incolumitatem opto, & voveo.

FACULTAS

REVERENDISSIMI PATRIS GENERALIS.

F^R HIERONYMUS ARI *Astensis*, Magister ac humilis Prior Generalis, Commissarius & Visitator Apostolicus totius Ordinis FF. B.V. M. de Monte Carmelo.

Ut Vita S. Angeli Martyris Ordinis nostri, Commentario prævio & Notationibus illustrata per Rev. adm. P. Daniele à Virgine Maria Provinciæ nostræ Flandro-Belgicæ Provincialem, typis mandetur facultatem concedimus; dummodò à R. adm. P. Francisco Bonæ Spei, Exprovinciali dictæ nostræ Provinciæ, alteroque Theologo nostri Ordinis probetur, & aliorum ad quos spectat, consensus accedat. Datum Matriti 23. April. 1664.

FR. HIERONYMUS ARI,
Generalis Carme-
litarum.

FR. SEBASTIANUS FANTONUS
Castrutijs, Provincialis Hy-
bernix, Secretarius Ord.

Appro-

Approbatio Theologorum Ordinis.

DE mandato Reverendissimi Patris Generalis nostri S. Ord. Carmelitarum perlegi cum maxima animi consolatione Rev. adm. P. DANIELIS A VIRG. MARIA Provinciæ nostræ Flandro-Belgicæ Provincialis, ac ejusdem Ordinis Historiographi, *Commentarium prævium in Vitam S. Angeli Martyris ex Ordine B. M. V. de Monte Carmelo, testimonia sanctitatis illius, & Prophetiam de Agarenis ac Turcis illustratam.* Duas insuper ejusdem sancti Vitas Miraculis & Vaticiniis plenas, cum *Notationibus* variis prædicti Authoris; nec quidquam offendi sanæ fidei, aut moribus sanctis contrarium, sed omnia ad Historiam lectu dignissimam pertinentia, omnia ad veram fidem, in Turcorum & aliorum infidelium persecutionibus, fovendam animantia, omnia ad singularem vitæ sanctitatem valde conducentia; quæ proinde in S. Angeli meritissimum honorem, & populi Christiani contra Turcicos ac diabolicos incursus solidam ædificationem imprimenda, sub protestationibus in simili fieri solitis, censui. Antuerpiæ 12. Octobris 1664.

Fr. FRANCISCUS BONÆ SPEI,
Ex provincialis, ac S. Theol. Pro-
fessor ejusdem Ordinis.

A L I A..

IDem planè censeo de hoc opere, hisce præsertim diebus aptissimo, ne dicam necessario, ad excitandos Christianorum, maximè Principum animos è somno gravi; ut divinis revelationibus, & inspirationibus respondeant, & hostem communem vigilanter depri- mant, & expugnent.

Fr. EDMUNDUS AB ANGELIS,
ejusdem Ordinis, S. Theol.
Professor.

INDEX

INDEX CAPITUM

ET

PARAGRAPHORUM.

Commentarius Prævius.

- §. 1. **E** Logia de sancto Angelo. Pag. 1
- §. 2. **E** Scriptores vitæ sancti Angeli 11
- §. 3. **E** Prophetia S. Angeli de Turcarum imperio per multas Asia, Africa, & Europa Provincias protendendô; deq; frequentibus Hungaria Vastationibus illustratur, & magna ex parte adimpleta ostenditur. 18
- §. 4. Agareni, Ismaëlitæ, Turci, Othomani an iidem sint, an reipsa diversi, & de eorum origine. 38
- §. 5. De Religione Turcarum, & Alcorano Mahumetanorum. 53
- §. 6. Quâ ratione Christiani Turcis resistere, & victoriam, ac triumphû de illis reportare possint. 61
- §. 7. De Rege, qui cum suis exercitibus liberaturus est orbem Christianum à Dominio Turcorum. 73
- §. 8. De Turcici Imperii everfione, & fine sectæ Mahumetanæ. 84
- §. 9. Consonantia variorum aliorum vaticiniorum de restituenda & reformanda Ecclesia, & everfione sectæ Mahumetanæ, deq; mundi duratione. 94

Vita sancti Angeli.

E Pistola Thomæ Bellorofii ad Reverendissimum P. Nicolaum Audettum Generalem Ord. Carm. III

Notatio-

INDEX CAPITUM

Notationes.	120
Prologus.	122
Cap. 1. De Testibus & S. Synodo approbante vitam sancti Angeli, cum compendio ejus martyrii.	124
Cap. 2. De Parentibus S. Angeli, & apparitione gloriosæ Virginis illis factâ.	128
Cap. 3. De Conversione sancta Parentum S. Angeli, ejusq; nativitate, & miraculosâ infantili abstinentiâ.	131
Cap. 4. De S. Angeli educatione, studiô litterarum, & proposito ingrediendi religionem.	137
Cap. 5. De ingressu Religionis, & victûs abstinentiâ, de camisia ferrea, & aliis indumentis, de strato, de somno, & modo orandi.	140
Cap. 6. De primo miraculo S. Angeli.	143
Cap. 7. De miraculis S. Ioannis Fratris S. Angeli.	144
Cap. 8. De S. Angelo transeunte unâ cum 70. hominibus supra Iordanem siccis pedibus.	146
Cap. 9. De resuscitato Iosepho adolescente à sancto Angelo.	149
Cap. 10. De recessu S. Angeli clam in desertum, & de operimento ejus cappæ albæ quàm reliquit, quo septem mortui resuscitati, & mundati quatuor leprosi sunt.	151
Cap. 11. Quod S. Ioannes Frater S. Angeli fuit electus in Patriarcham Hierosolymitanum juxta revelationem B. Virginis : & S. Angelus remansit quinque annis in deserto, nutritus, & visitatus quotidie ab Angelis.	154
Cap. 12.	

Cap. 12. Quod Christus cum multitudine Angelorum apparuit S. Angelo, cui præcipit ut iret in Siciliam, ad prædicandum, & subeundum martyrium. 155.

Cap. 13. De responsione S. Angeli ad Christum, deq̃ commendatione Civitatis Hierusalem. 158

Cap. 14. Revelatio Christi de Regnis, & Provinciis Christianorum occupandis ab Ismaëliis, sive Agarenis, deq̃ Imperio Turcarum extendendò usque ad Regnum Vngaria: quorum armis castiganda foret ipsa etiam ferè tota Europa, & Italia, ac ferè omnes Christiani. 159

Cap. 15. Revelatio de Rege, qui liberaturus est orbem Christianum è manibus Turcarum. 162

Cap. 16. De reditu S. Angeli à deserto & conversione 80. Iudaorum in Hierusalem. 163

Cap. 17. De recessu ab Hierusalem & adventu sancti Angeli in Alexandriam. 164

Cap. 18. De navigatione S. Angeli, captivatis quatuor navibus Saracenorum, quorum septuaginta fulminati, ceteri omnes cæci facti sunt, quorum ceteri crediderunt in Christum. 165

Cap. 19. De adventu S. Angeli in civitatem Messanam, deq̃ restituta muto loquela. 167

Cap. 20. De adventu sancti Angeli ad portum civitatis vetula, deq̃ reliquiis allatis Domino Frederico de Claromonte. 168

Cap. 21. De sancto colloquio S. Angeli cum S. Francisco, deq̃ leproso mundato. 169

Cap. 22.

INDEX CAPITUM

Cap. 22. Quòd sanctus Angelus Panhormi convertit ad fidem septem supra ducentos Iudæos.	172
Cap. 23. Quòd sanctus Angelus mundavit septem leprosos, & sanavit Archiepiscopum Panhormitanum ab incurabili infirmitate.	173
Cap. 24. Quòd Angelus Agrigenti curavit Paraliticos, demoniacos, cæcos, & surdos.	175
Cap. 25. Quòd S. Angelus venit ad oppidum Licatam, & cœpit exequi mandatum Domini.	176
Cap. 26. Quòd S. Angelo apparuit D. Ioannes Baptista, & animavit eum ad subeundum martyrium, cuius diem prædixit.	179
Cap. 27. De martyrio, & transitu S. Angeli.	180
Cap. 28. Quòd anima S. Angeli apparuit Gotfredo Archiepiscopo Panhormitano, cui commendavit corpus suum ut sepeliret.	183
Cap. 29. De funere S. Angeli, & miraculis.	184
Cap. 30. Revelatio D. Ioannis Baptiste facta B. Athanasio de Claromonte Patriarchæ Alexandrino, qui eam scripsit fratri suo Frederico de Claromonte Panormitano.	186
Epistola Thomæ Bellorosi ad Reverendiss. P. Generalem de quotidianis miraculis S. Angeli Martyris.	189
Notationes in vitam S. Angeli.	192
Vita S. Angeli alia compendiosior.	217
Notationes ad vitam compendiosiore.	233
Baptista Mantuanus de S. Angelo.	235
Notationes ad Baptistam Mantuanum.	238
Miracula	

Miracula facta per intercessionem
sancti Angeli.

- Cap. 1. **S**anctus Angelus Protector Leocata, & Leocatenſium erga eum devotio. 243
- Cap. 2. De vetula, qua miraculoſè facta eſt lactans, ut prolem à morte præſervet; & de duobus hydropicis S. Angelo intercedente ſanatis. 247
- Cap. 3. De leproſo mundato, claudis, impotentibus, ac infirmis pluribus curatis. 249
- Cap. 4. De tribus mirabilibus, qua Deo diſponente, facta ſunt ad ſepulchrum S. Angeli. 253
- Cap. 5. Sanctus Angelus Leocatam ab invaſione Turcarum liberat, & quosdam Cives à ſervitute. 257
- Cap. 6. Apparitiones S. Angeli, ubi à periculis ſalvat, & morbos varios ſanat. 260
- Cap. 7. Favores alii, & Miracula S. Martyris in extremis neceſſitatibus & eventibus. 264
- Cap. 8. De mortuis reſuſcitatis, cæcis illuminatis, aliisq; à morte præſervatis. 267
- Cap. 9. De Leocatenſiū conſtanti devotione erga S. Angelum, de feſto celebri, & ſupplicatione ſolemni, & miraculis in eorum favorem patratis. 270
- Cap. 10. De ſignatis honoribus ſancto Angelo Leocata exhibitis. 273
- Cap. 11. De cultu S. Martyris in Vrbe Panormitana, ubi in Patronū & Protectorem dilectus, &c. 250
- Cap. 12. Concluſio cum reflexione morali, &c. 278



Abt. a. T. Will. p. d. b. e. del.

Abt. a. T. Will. p. d. b. e. sculp.

COMMENTARIUS

PRÆVIUS

AD VITAM

SANCTI ANGELI.

Testimonia Sanctitatis ,


*Et Prophetia de Agarenis , ac Turcis
illustrata.*

§. I.

ELOGIA

DE S. ANGELO.

MARTYROLOGIUM ROMANUM ad diem 5.
Maji, & CARD. BARONIUS.

- I.  *Eocata in Sicilia S. Angeli Presbyteri, Ordinis Carmelitarum, qui ab hæreticis, ob defensionem Catholicae Fidei, trucidatus est. Cardinalis Baronius in Annotationibus subjicit: Scripsit ejus res gestas Enoch Hierosolymitanus: de eodem etiam Molan.*

in addit. ad Vsuard. hâc die. Habes easdem in compendium redactas in Thes. Concion. Tomo 2. hâc die.

JOANNES MOLANUS ad Martyrologium
Ufuardi die 5. Maji.

2. *In Sicilia apud Oppidum Leocatam, sive Achatem, natale S. Angeli Presbyteri & Martyris, qui de Monte Carmeli, prædicationis causâ, divinô jussu veniens, cum multos ad pœnitentiam convertisset, à quibusdam impiis hæreticis trucidatus est. Ibi ad marginem annotatur: Scriptor Vitæ S. Angeli Enoch Ierosolymitanus.*

JOANNES GILLEMANUS in Martyrologio,
seu Agiologio.

3. *Tertio nonas Maji, apud Leocatam Oppidum Sicilia, Beati Angeli de Ierosolymis Carmelitæ: qui posteaquàm, velut nubes imbrifera, prædicando circumquaque discurrens, complures, Christo lucrifecit animas; pro Fidei veritate & pudicitia tuitione, tamquam alter Ioannes Baptista, martyrizatus est.*

WERNERUS ROLEVINCK Carthusiensis in
Fasciculo Tempor. circa ann. 1220.

4. *S. Angelus Ierosolymitanus Carmelita vir sanctioribus annumerandus, &, ut paucis multa dicam, nominis sui verè Speculum, velut nubes imbri-*

imbrifera pradicando circumquaque discurrens, innumeras Christo lucrificavit animas : cui etiam tandem post multa miracula proprii sanguinis mortis vicem reddidit.

JOANNES GROSSI, Generalis Carmelitani Ordinis, in Tractatu inscripto, VIRIDARIUM.

5. S. Angelus Martyr gloriosus, qui inter Fratres primò de Monte Carmeli ad regnum Siciliae applicantes primatum tenebat. Iste Sanctus dum Fidem Christi in quadam domo oppidi servidè pradicavit, infidelium gladiis occisus, infra impiorum manus occubuit. Vbi in honorem S. Martyris dedicata fuit Ecclesia, in qua ejus gloriosum corpus supra magnum Altare in tumba requiescit honestè. Et in ea suis meritis crebra fiunt miracula, & præsertim quinto die Maji, quem proprio sanguine dedicavit. Fons quidam in eodem scaturiens liquoris, in quo iste Martyr gloriosus sanguinem pro Christo impendit, singulis annis à primis Vesperis usque ad secundas inclusivè, oleum cunctis ministrat : & qui ipsò die specialiter peruncti fuerint, meritis sancti Martyris multi diversis gravati languoribus sanantur.

Fons olei
ex sepul-
chro S. Al-
geli scatu-
rit.

JOANNES BAPTISTA MANTUANUS, etiam
Prior Generalis Religionis ejusdem, in
Apologia ad Sigismundum Gonzagam
Cardinalem.

*Prophetia
S. Angeli
de Turcis.*

6. Venio ad tertium, Angelum, Martyrio coronatum, qui præter Sanctimonia splendorem, claruit etiam spiritû Prophetia, & multa de futuris vera prædixit: præsertim de regno Turcorum ampliando, de Republica Christianorum affligenda usque ad ea tempora, quibus Turci in Italiam pervenerunt: quæ omnia fuerunt hætenus adimpleta. Hunc virum Sanctissimum Romæ quondam repertum Beatus Franciscus ita est veneratus, ut prostratus in terram pedes ejus sit deosculatus, eumque prædixerit Martyrem futurum. Angelus autem, mox ut surrexit, cum intuitus, in hac verba prorupit: Beatus tu, Francisce, qui Christi stigmatibus es decorandus; nec habent Minores pro Francisci stigmatibus testimonium aliud magis idoneum: & hujusmodi colloquiis fuit præsens Beatus Dominicus.

ARNOLDUS BOSTIUS libro de Patronatu
B. Virginis Mariæ, cap. 9.

*S. Angelus
speculum
sui Nominis.*

7. Angelus Martyr, purpurâ rosei cruoris rubundus, & ipse Hierosolymita, de Christi tribu, Mariâ prænunciante, carne progenitus, nominis sui speculum verè fuit. Prædicationi nempè verbi Dei, & caelestis regni annunciationi tam ferventer insti-

institit, ut ferè alter surrexisse videretur Elias. Si testimonium studiosi agricola, ut Chrysostomus inquit, messis fecunda, generosi assidue Prædicatoris Ecclesia plena sit, septuaginta & amplius hominum millia, qui sæpius ad eum audiendum in Hierosolymitana Civitate venisse sunt aestimati, quantus fuerit Christi Prædicator, & nuntius, palam ostendant. Hic divini verbi sacer, & uberri-
 mus seminator posteaquam Terram sanctam & Sicilia regnum (dum pedibus pulchris circumfert munera pacis) sanctitate præcipuam, compluribus miraculis, & copiosam doctrinam illustrarat, Romam adiit; ubi sanctis Francisco, & Dominico, multorum illustrium virorum Patriarchis, in Ecclesia Lateranensi obviavit. Quo in loco Seraphicus Franciscus, charitatis succensus ardore, vocem exaltavit prophetico spiritu, dicens Beato Dominico: Ecce Angelus Hierosolymitanus, Vir utique Angelicus, Christi Martyr in brevi futurus: & ut insuperabilis erat humilitatis, in terram se prosternens, capit Angeli pedes deosculari. Et quamquam S. Angelus, pro Christo cupiens fuso rutilare cruore, Beatum Franciscum nunquam antea fuisset intuitus, eidem mox intulit: Salve humilitatis exemplar, qui singulariter in corpore tuo stigmata Domini Jesu portare mereberis. Beatus verò Dominicus horum sermones audiens, tacitus eos admirabatur. Abinde verò felix hic Athleta, non degene-

Prædicator
serventissi-
mus.

Colloquium
ejus cum
SS. Domi-
nico &
Francisco.

Marty-
rium ejus.

rem ab inclytis Christi tyronibus, martyribus dico, gerens animum, qui ferrô & igne Decios triumpharunt & Neronés, in Siciliam reversus, veluti Dominus JESUS in Eremo (quam solitarius inhabitavit quinquenniô) familiariter apparendo, prædixerat; ab incestuoso, veritatis, & virtutis inimico, Berengario, pro fide Ecclesiæ, & virtute pudicitie, tanquam alter Baptista Ioannes, in Leocata, prope Ecclesiâ Apostolorum Philippi, & Iacobi, ubi quinque serè hominum millibus prædicavit, lethaliter adeò vulneratur in capite, ut sanguis albens ex cerebro, & cerebrum rubens ex sanguine, lilii & rosa coloribus, Virginis & Matris Ecclesiæ faciem, in virginis agone vitali purpuraret. Triumphali morte nobilis, & sanguine proprio laureatus, cum multis miraculorum insigniis, de præsentis pelago ad littus quietis, de exilio ad patriam, de carcere ad palacium, & sanctiorem regionem, vitamq; beatam evolavit, felici commerciô pro terrenis caelestia, pro perituris æterna, commutans. Canam igitur jure optimo: Credidit undè necem Sancto, dedit hostis honorem,

Percussorq; magis morte perenni jacet.
Ante sepulchra pii datur modò dona salutis,
Et corpus lacerum corpora multa fovet.
Nunc canit in de la sol qui quondam flebat
in arc:

Pro te, Christe, mori, est gloriâ, vita, quies.
Au-

AUBERTUS MIRÆUS librô de origine, & incrementis Ordinis Carmelitani, cap.6.

8. S. Angelus, nobilibus parentibus, ad fidem S. Angelus conversis per visum Beatissima Virginis, prolem, favore B. nomenq; prænuntiantis, Ierosolymis ortus, An- V. MA. gelica virtutis ab infantia specimen dedit. Qui RIÆ natus. annum agens decimum octavum, trium linguarum, Philosophia, ac Sacra Scriptura peritissimus, Beatissima Virginis MARIE de Monte Carmelo Religioni seipsum devovit. Vbi mirâ orandi assiduitate, & austeritate vitam duxit Angelicam. Cum autem eximius ei honor, ob plurima virtutum ornamenta, & insignia, ac frequentissima miracula, passim deferretur, hunc detrectans, in desertum, Christi jejunio consecratum, clam secessit, ibiq; per quinquennium, Angelico pane nutritus, divina contemplationi vacavit, donec jussus à Christo, qui multo Angelorum, ac Sanctorum comitatû stipatus, illi apparuit, in Siciliam iter instituit. Obvios verò plurimos, & Christianos à vitiis, & Iudeos, ac Saracenos ab infidelitate convertit: &, velut nubes imbrifera prædicando circumquaque discurrens, innumeras Christo lucrificavit animas. Romam perveniens à sanctis Viris Francisco & Dominico agnitus, in honore habitus, & familiariter tractatus, B. Francisco stigmatum impressionem prædixit, à quo & sui Martyrii prædictionem accepit. Leocatam deinde pe-

Ejusdem
Religioni
se devoveret.

Quinquennio in
deserto degit solus.

*In concio-
ne occidi-
tur.*

*Cantu ca-
lesti, &
miraculoso
oleo hono-
ratur.*

tivit : ubi à nefario quodam , quod sororem publi-
cè pœnitentiam agere fecisset , ac ipsum à publico
incestu avertete conaretur , in media concione
quingies pugione perfossus est , flexiſq; genibus
pro persecutore , populoq; precatus , Psalmum :
In te Domine speravi , pronuntians ad ver-
sum , In manus tuas , è cœlo ad triplicem aureo-
lam vocatus , animã sub columbæ candidissimæ spe-
cie visam , efflavit. Et clarissima lux corpori afful-
gens , cantusq; caelestes , ac suavissimus odor ,
Martyris exitum honestarunt. Fons olei à primis
Vesperis usque ad secundas , scaturit in eo loco ,
ubi Martyris sanguis effusus est , quò , si qui , eodem
die , perunguntur à diversis languoribus liberan-
tur. Scripsit ejus res gestas B. Enoch Patriarcha
Hierosolymitanus , ejusdem individuus comes.

ABRAHAM BZOVIVS in Annalibus Eccles.
ad an. Christi 1220. num. xv.

9. Eodem anno Panormi in Sicilia Martyrium
accidit sancti Angeli Præbyteri Ordinis Carmeli-
tarum , qui ab hæreticis ob defensionem Catholicæ
Fidei trucidatus est. Ibi consequenter habe-
tur compendium ejus vitæ ex Enoch.

THOMAS FAZÆLIUS de rebus Siculis de-
cade primâ lib. 5. cap. 3. & LEZANA in
Annalibus Carmelitanis.

10. Nobilitatur Sepulchro Angeli Carmelitæ
Hierosolymitani pii viri , qui de Turcarum exor-
tu,

tu, incrementis, ac demùm excidio multa vaticinatus est. Ità ille. De isto Vaticinio, seu Prophetia S. Angeli quoad Turcas, sæpiùs agitur in Annalibus Carmelitanis tomo 4. & quidem sic ad annum reparatæ salutis 1368.

num. 8. *Amurates Turcarum Princeps magnos per hæc tempora tum in Europa, tum in Asia fecerat progressus. In cujus potestatem venerat imprimis Rex Misiorum Brageses, nec non Bogdanus, qui Rodopen imperiò tenebat. Accessere etiam in ditionem & alii Europæi Duces, Tryballorum videlicet, Græcorum, & Albanorum; ut propterea Ioannes Palæologus Græcorum Imperator ad Papam Urbanum pro suppetiis petendis, venerit. Bzovius sub anno 1369. num. 1. Hæc nos scribimus, ut certus Domini Prophetæ sanctus Angelus Carmelita noster noscatur, qui hæc mala Christianitati imminentiã ante multos annos præfagã mente prædixerat. Pro aliis locis videri poterit in Indice eorundem Annalium sub littera P. Prophetia S. Angeli adimpleta. Sed de his latius §. 3.*

Vaticinatus est S. Angelus de Turcis.

JOANNES BALÆUS.

11. Is mordacissimus hæreticus, quamvis de cæteris Sanctis contemptibiliter scribat, attamen D. Angeli propheticum spiritum, & sanctam vitam variis in locis memorat, & approbat. Imprimis in Catha-

Et de Rep. Christ. affligenda per Turcas. thalogo Scriptorum Britanniae in Appendice ad Richardum Eligensem. In quodam Kalendario Historico reperi, quod anno Domini 1220. Carmelita per Europam celebrari primum ceperint, postquam Angelus Hierosolymitanus, ejusdem Ordinis Eremita, Roma prædixisset Christianorum Rempublicam brevè affligendam esse.

Et Centuria 8. ad Davidem Boifum: Mahumetes magnus Turcarum nonus Imperator atrocissimus: hic Constantinopolim, Eubaam, & Theodosiam capit, ac Hydruntem in Italia expugnavit, juxta Angeli Martyris vaticinium.

Similia habet Centuria 4. de tempore Bonifacii VIII. ubi S. Angeli prophetiam de dilatatione Turcici imperii refert, & probat. De ejus canonizatione scribit Centuria 8. ad Guilielmum Bottoner his verbis: Pius secundus Angelum Hierosolymis natum, Carmelitam Martyrem canonizavit, sollicitatore Ioanne Soreth.

Ejusdem ferè farinae fuere confarcinatores Bibliothecæ Tigurinæ, in qua hæc de S. Angelo: Angelus Hierosolyma natus, genere Hebraeus de tribu Iuda, Eremita Montis Carmeli, sub Doctore Cyrillo, Hebraicè, Græcè, & Latine peritus, plures Iudeorum ad Evangelii Fidem convertit. Hic doctrinâ, & vitâ sanctissimus, futura prædixit multa, de regno Turcarum ampliando, de Repub. Christianorum affligenda. . .

Mar-

Martyrio tandem in Sicilia coronatur sub Duce Berengario, quòd ejus incestum redarguerit, an. Domini 1220. Enochus, & Mantuanus.

Sed quorsum ista ex hæreticis illis? Quia, S. Chrysostomo teste, veritatis maximum argumentum est, cùm quis inimicos ad testimonium adhibet.

§. II.

Scriptores Vitæ S. Angeli.

12. **V**itam S. Angeli primigeniam scripsit (sicut præfati Baronius, Molanus, Albertus Miraus, Bzovius, & alii referunt) Enoch Hierosolymitanus de quo etiam in præfata Bibliotheca Tigurina litterâ E. ista leguntur: Enoch de Jerusaleme Eremita montis Carmeli, Hebraicè & Latinè peritus, scripsit D. Angeli, cujus comes erat, vitam & martirium libro 1. claruit anno Domini 1220.

Enoch Ierosol. Scriptor Vitæ S. Angeli.

De eodem Enocho hæc in Annal. Carmel. To. 4. leguntur: [a] Hujus porrò Enochi vita, quantum ex Authoribus variis, præsertim in ipsa Historia S. Angeli ab eodem scripta, haberi potest, hæc est: Fuit hic Pater natione Palæstinus, sancti Angeli (eiusdem nationis) focius, & in Patriarchatu Jerosoly-

a Ad ann. 1227. nu.

*Patriar-
cha Ieros.
Syro-Græc.*

solymitano Nicodemi , Honuphrii , & beati Joannis successor pro Syro-Græcis ; cùm & ipsi tales fuerint , nec alterius nationis homines Palæstini pro Antistitibus acceptarent. *Et infra* : Socius ejusdem Martyris cum Josepho de Emmaus , & Petro Bethlehemitano pro itinere in Alexandriâ , Siciliam , & Romam peragendo , ab eodem electus , totius ejus sanctæ conversationis , & mortis , testis oculatus adfuit , ut & ipse testatur cap. 19. ejusdem Historiæ. Unde postea in Hierosolymitana Synodo , de qua sub anno 1222. diximus , & in qua Angelum Divorum numero Græci illi Antistites , quatenus possent , adscripsere , ipse Enoch testimonium perhibuit , prout habetur ex cap. 1. ejusdem Historiæ. Ad dignitatem Patriarchalem Jerosolymitanam , pro Syris videlicet , & Palæstinis , assumptus videtur post Patriarcham illum , qui , ut anno eo diximus , Synodo eidem factæ pro S. Angeli sanctitate comprobanda affuit.

13. In iisdem Annalibus ad annum Christi 1186. de præfato Enocho , & Vitâ S. Angeli per
b Ann. cum scriptâ illa annotantur: [b] Ipsorum (Ange-
 1186. n.4. li & Joannis) Vita ab Enoch Hierosoly-
 morum Patriarcha , ejusdem Angeli in peregrinatione socio , anno 1227. descripta ;
 quam

quam dispositione divinâ à 100. annis, & suprà, in manuscripto codice reperit Thomas Bellorofus Panormitanus Apostolicæ Sedis Notarius : & ad Nicolaum Audeth, totius Ordinis Generalem tunc temporis, transmisit, qui eam Panormi typis mandari curavit ; prout factum est sub anno 1527. & ex Latina Tuscho idiomate transcriptam Joannes Baptista de la Rosa Panormitanus Canonicus, etiam Panormi an. 1597. Habetur etiam Latina in manuscripto Vaticanæ Bibliothecæ sub num. 3813. illamque Benedictus Gononus Cælestinus Monachus typis iterum mandavit in tomo De Vitis Patrum Occidentalium libro 4. quamque ex pervetusto quodam Codice manuscripto, Romæ mirabiliter reperto, & à Reverendissimo Domino Roberto Berthelot Episcopo Damasceno, & Suffraganeo Lugdunensi, excepiisse fatetur. Illam recipiunt D. Cardinalis Baronius in notis ad Martyrologium Romanum sub die 5. Maji, Petrus Galesinus ibidem. Joannes Molanus in additionibus ad Ufuardi Martyrologium in margine, &c. Quia tamen Codex ille Vaticanus, & is, quem suo operi inseruit præfatus Benedictus Gononus, haud paucis, nec levibus, mendis scaterere conspicitur, propterea non ipsis, sed

*S. Angeli
Vita quã-
do scripto,
& typis
edita.*

sed eo, quem præfato anno 1527. Panormi typis commissum diximus, semper utemur, dum de prædictis sancto Angelo, ejusque germano Joanne; sermonem instituemus.

14. *Præfatum Thomam Bellorosium magnæ virum authoritatis fuisse, habetur ex iis, quæ gessit in Hungaria, & ipse refert in Epistola dedicatoria, hic infra præfixâ Vita sancti Angeli: cujus exemplar venerabilis P. Ioannes Baptista de Lezana ante annos septemdecim in Belgium misit cum litteris hujus tenoris: Transmitto ad Vestram R. Paternitatem Vitam nostri S. Angeli transcriptam ex ea quæ apud me extat impressa Panormi, & dicata Generali Nicolao Audeth: ad cujus normam aliæ Vitæ ejusdem Sancti corrigi & emendari debent. Sunt enim in multis vitiatæ, ut patet in ea quam habet Benedictus Gononus in Vitis Patrum Occidentalium, ... Romæ x. Augusti 1647. Et ex eo exemplari iteratò prælo nunc Vita illa prodit. Superscriptio erat: R. P. Danieli à Virgine Maria, Sacræ Theologiæ Lectori, Ordinis Carmelitarum. Initium, seu titulus libri istius est: VITA S. ANGELI MARTYRIS, CUM REVELATIONIBUS EI A CHRISTO FACTIS IN DESERTO: QUIBUS PRÆDICUNTUR INVASIONES, CALAMITATES, EXCIDIA, EVER-*
SIO-

SIONES REGNORUM, ET AFFLICTIONES CHRISTIANORUM IN MULTIS PROVINCIIS, ET PRÆCIPUE IN ITALIA.

Finis autem: Vitæ sancti Angeli Hierosolymitani Martyris, Ordinis Dei Genitricis de Monte Carmelo, per Reverendissimum Enoch Patriarcham Hierosolymitanum scriptæ Anno Domini M. CC. XXVII. & per Rever. Dominum Thomam Belorofium Canonicum Panormitanum Apostolicum correctæ, & in triginta Capita digestæ; finis, Anno Domini M. D. XXVII. Panormi. Exemplar veteris istius impressiōnis extat quoque inter collectanea RR. Patrum Ioannis Bollandi, & Godefridi Henscenii Soc. JESU.

15. Vitam sancti Angeli aliquantò breviorē scripsit quoque alius vetustus Author Anonymus: ea extat in antiquo Codice M. S. Conventus Mechliniensis (in quo etiam alia aliquot Sanctorum Ordinis hujus Vitæ, atque alia plura antiquitatis monumenta inserta sunt) exarato Anno Christi 1484. & illa hic ponitur secundo loco, cui proximè subjungitur ea, quam Versibus edidit magnus Poëta Baptista Mantuanus libro 5. Fastorum. Arnoldus quoque Bosnius (ex cujus libro De Patronatu D. Virginis depromptum Elogium præcessit) in Speculo suo historiali, à ducentis fere annis conscripto, Vitam S. Angeli luculento stylo tradit. Idem Author in libro de Viris illustribus

*Vita alia
S. Angeli
brevior.*

hujus

Scriptores alii Vita S. Angeli. hujus Ordinis eandem contrāctiorem habet. Hujus sancti Martyris Vitam in compendium redactam habent quoque Ioannes Paleondorus libro 3. Historia Carmelitana cap. 3. Philippus Metius in libro de Viris Illustribus Ordinis hujus cap. 8. In Menologio Carmelitano per Thomam Saracenum edita fuit Vita ex M. S. Vaticano; at in nonnullis alterata & decurtata apparet. Pleniorē dedit præfatus Gononius; sed & in ea aliqua sunt emendanda, sicut jam antè est dictum. Agitur quoque de sancto Angelo apud Petrum de Natalibus, in Martyrologiis Maurolici & Bardi, & in Fastis Sanctorum Heriberti Rosweydi. Sed inter omnes uberiùs, & accuratiùs de hoc S. Martyre tractavit Ven. P. Ioannes Baptista de Lezana Tomo 4. Annalium Carmelitanorum: ubi juxta seriem annorum, natalitia, acta, & martyrium sancti Angeli ordinatè digesta referuntur.

Vita sancti Angeli edita Italicè, Hispanicè, Gallicè, & Belgicè.

Et isti omnes de S. Angelo scripserunt idiomate Latino, Italico sermone ejusdem Vitam evulgavit supranominatus Ioannes Baptista de la Rosa, nec non Reverendiss. P. Ioannes Antonius Philippinus, Generalis Ordinis ejusdem (& indè est desumpta Synopsis Miraculorum quorundam recentiorum hìc infrà.) Hispanicè edidit Ioannes Pinto de Victoria, in Hierarchia Ordinis Carmelitani cap. 6. Gallicè publicarunt Ireneus à S. Catharina, & Michaël à S. Spiritu. Belgicè consignavit, & typis edi curavit Petrus Nyverselius.

16. Porro cùm in Vita S. Angeli contineatur notabile illud oraculum, seu vaticinium de occupandis Terra Sancta Provinciis, atque aliis multis Regionibus per Agarenos, & Ismaëlitas, deq̃ Turcici Imperii maximo incremento, ac demùm excidio, opera-premium videtur declarare hoc loco *Motivum* ista pleraque jam eventu comprobata, ut certam *nova hu-* de reliquis in posterum Fidem faciant: atque ita *jus editio-* Vita hac S. Angeli, & ista minatoria prædictio-
 nes, stupenda ejus miracula, sancta exempla, divina monita excitent, & permoveant efficacius ad deferenda, ac detestanda peccata (quæ omnium malorum sunt causa) & cognoscendam, & suscipiendam justitiam, nec non redimendas pœnas, afflictiones, tribulationes, à Christo per S. Angelum prænuntiatas (si quæ adhuc reslent non impletæ) nam ejusmodi minacia Dei oracula sunt conditionata, nempe si peccata non committantur, etiam pœna comminata non infligantur. Ideoq̃ præmittuntur à Deo, ut homines inducant ad penitentiam, atque ita eis parcat: Mutatis enim rebus, & personis, effectum non consequuntur. Atque ita hac mutatio non est in Deo, Deiq̃ decreto, sed in ipsis reis, & peccatoribus.

17. Et hâc ratione, sicut olim S. Angelus (juxta nomen suum illi, priusquam nasceretur, ab ipsa cœlorum Regina inditum) fuit veraciter Angelus, idest nuntius divinorum mandatorum, & cœlestium arcandorum interpret; sic & hac Vita per

Christianum Orbem evulgata, sit instar tubæ, excitantis ad bellum adversus peccata, schismata, dissidia, quæ Rempublicam Christianam everunt, ac Babylonem ædificant, & intonantis pacem, castitatem, temperantiam, divinæ legis observantiam, charitatem, cæterarumq; virtutum exercitia, quæ Ierusalem, idest regnum Christi, in terris conservant, & augent, ac vires adversus hostes orthodoxa Fidei subministrant.

§. III.

Prophetia S. Angeli de Turcarum Imperio per multas Asiæ, Africæ, & Europæ Provincias protendendo; de quæ frequentibus Hungariæ vastationibus illustratur, & magna ex parte adimpleta ostenditur.

Ad Caput XIV. Vitæ S. Angeli.

18. **E**X antedictis, atque magis ex dicendis, in Vita S. Angeli habetur, ipsum, de asfligenda Republica Christiana, incrementisque, ac demùm excidio Turcarum vaticinatum fuisse ea quæ ab ipso Christo didicerat; sicuti duobus Vitæ ejus Capitibus (videlicet 14. & 15.) referuntur; quæ hic consequenter illustrantur & explicantur. Igitur cùm S. Angelus Christum Dominum ora-
ret

ret (sicuti Cap. 13. Vita ejus scribitur) ut ab Infidelium jugo sanctam civitatem Ierusalem liberare dignaretur, ab eo hoc accepit responsum & predictionem, prout Capite 14. narratur.

19. Scito Angele, & hanc revelationem ubique prædicabis, quòd civitas Jerusalem diu erit sub ditione Agarenorum, quæ ab eis non multò post ferè tota funditus destruetur. In Ecclesiasticis Historiis quivis utrumque versatus fuerit, facile perspiciet, & quasi manu palpabit, quòd & qualiter revelatio S. Angelo facta de Terra Sancta occupanda, & desolanda per Infideles, de Christianorum afflictione, & Turcarum Imperio ampliando, majori ex parte adimpleta sit. Inprimis illud, de Jerosolyma per Agarenos destruenda. Quod fieri cæptum eodem illo anno 1219. quo per S. Angelum prænuntiatum fuerat; eo enim tempore quo ipse Ierosolymis egressus versùs Siciliam proficiscebatur, Coradinus filius Saphadini aggressus Ierosolymam (quæ videbatur inexpugnabiliter munita) ejus muros cum turribus destruens, in acervos lapidum redegit, parcens solis Turri David, Templo, & Sepulchro Domini, ob loci reverentiam; Prout refert istorum temporum Scriptor Iacobus de Vi-

Prophetia
S. Angeli
de Terra
Sancta de-
solatione
verificata.

pulchrum Domini, atque alia cuncta religiosiora loca, quæ eatenus intacta conservata fuerant, cruore, omniq; nefariâ scditate, atque turpitudine, polluta, & ornamentis spoliata fuere. Ab hac autem devastatione Urbis Ierosolymorum nunquam hætenus ea in potestatem Christianorum venit; sed penes Barbaros Saracenos, & Mahumetanos perstitit: videlicet à præfato an. 1244. usque ad 1516. sub Saracenis, Sultano Ægypti, & Mammaluchis: ab anno autem 1516. & deinceps Ierosolyma, totaq; Terra Sancta, à Turcis occupatur, sicut ex dicendis patefcet. Videri de his poterit Spondanus ad dictos annos. Prosequitur Christus ad S. Angelum, ei superventura mala denuntians.

20. Ipsa insuper Judea, Samaria, Galilea, & tota Terra Promissionis, & Capadocia, & Ægyptus cum multis Regionibus, & Provinciis Asiæ, & Africæ, paucis interjectis annis, omni ex parte cedent in potestatem Ismaëlitarum. Etiam ista omnimodò adimpleta fuerunt aliquantò pòst; cum enim præfati Chorasmini, ob suam immanem crudelitatem, nec à Tartaris (quibus tributum, sicut solebant, solvere detrectarent,) admitterentur, & à Sultano Babylonie, & Ægypti excluderentur, divinò iudiciò ab invicem divisi, intra breve tempus ferè omnes perierunt, à populis in eos insurgentibus. Atque ita Ierosolyma, & urbes vicinæ

cina remanserunt sub dominio Saracenorum: qui paulatim totam Terram Promissionis occupaverunt, prout refert oculatus testis Guilielmus de Samuco (seu Sanvico) in libro de perditione Monasteriorum Ordinis sui Carmelitici in Terra Sancta, cap. 8. ubi hæc inter alia: Anno Domini millesimo ducentesimo quadragesimo quarto Pagani Chorasmiani post triumphum quem in Terra Sancta de Templariis, & Hospitalariis, aliisque innumeris Christianis obtinuerunt, ad Sanctam civitatem Jerusalem accesserunt... Post hæc autem ascenderunt vehementius ante conspectum Domini Sabaoth scelera nefandorum Christianorum Terram Sanctam fordidantium, quorum corda Deus effæminavit, & animos infidelium adversus eos corroboravit. Qui cum potestate magna contra nobilem civitatem Antiochiæ venientes, & eam obsidentes, tandem annò Domini millesimò ducentesimò sexagesimò octavò eam vi armorum ceperunt: in qua innumerabilium Christianorum sanguinem effundentes, non solum solemne Monasterium, quod Fratres hujus Religionis in ea habebant, sed totam Civitatem in solitudinem redigerunt... Cùm autem Dominus Deus Christianos Feniceos ad poenitentiam diutius expectasset (quos

studia



studia profana dilacerabant) videns quòd illam facere renuebant, iratus in eos, induxit ad fenicem innumerabilem Paganorum multitudinem : qui gloriosam Civitatem Tripoli obsidentes, tandem eam annò Domini millesimò ducentesimò octuagesimò nonò obtinuerunt, & tam Monasterium quod Fratres hujus Religionis habebant, quàm ipsam Civitatem diruerunt, captis in ea, & interfectis infinitis utriusque sexûs Christianis . . . Proindè contra Tyrum ascendentes, munitissimam Civitatem illam, eòdem annò cæperunt, in qua multorum Christianorum sanguinem effundentes, Civitatem illam cum Monasterio hujus Religionis, quod in ea erat, destruxerunt. Bienniò autem ferè lapsò, Saraceni contra opulentissimam Civitatem Accon venerunt, & post multos actus bellicos à Saracenis peractos, qui eam deforis impugnabant, & à Christianis qui eam intùs defendebant, tandem Saraceni in mense Majo 1291. Civitatem obtinuerunt: in qua fuerunt ultra triginta millia Christianorum cæsa & capta, præter eos qui per mare evaserunt, ex quibus fui ego unus. *Scriptis igitur hac Author quæ ipsemet vidit. Consequenter Christus de Turcis sermonem infert.*

21. Nec multò pòst universa illa mundi pars, quæ minor Asia dicitur, in ditionem Mahumetis, Othomano Duce, deveniet. Id contigit circa, & aliquantò pòst annum Christi 1300. quando res Turcica ita aucta fuit, ut *De Turci- ci Imperii* exindè Imperii Turcici initium sumatur. Primus *incremen-* autem eorum Imperator fuit Ottomanus (prout *to.* latius infrà §. 4.) qui invasit Bithiniam, Cappadociam, Pamphiliam, Siciliam, Regiones opulentissimas. Ejus autem Successores Græciam, Thraciam, Thessaliam, aliasq; quamplurimas Provincias obtinuerunt, atque in hodiernum usque diem possident. Christus ad S. Angelum prædictionem de Turcis continuat.

Indeq; terrâ, & mari indies magis potentia eorum augebitur, & terrebit ferè omnes gentes. Id, *heu!* nimium in hodiernum *Et ampli-* usque diem experimur Christiani: in tantam enim *tudine, ac* amplitudinem Turcicum Imperium excrevit, ut & *potentia.* Europæ, Africa, & Asiæ permultas Provincias, & Regiones complectatur: absumpseritq; duo Imperia, Byzantinum, seu Constantinopolitanum, expugnatâ Constantinopoli annò Domini 1453. (cùm stetisset Vrbs ab ejus conditu, seu dedicatione per Constantinum magnum factâ, annis mille centum viginti tres.) Et Trapezuntinum annò Dominicæ Incarnationis 1461. (quod exordium habuerat anno 1204. complectens ferè Cappadociam, Paphlagoniam, Pontum, & Colchidem.)

Consequenter Mitylenen, Rhodum, & Cyprum sue potestatis fecit. Habent igitur nunc Turcæ in Europa Hungariam (de cujus frequentibus vastationibus statim) majori ex parte Romaniam, seu Thraciam, Graciam, cum Insulis maris Ægæi, Slavoniæ partem, Bosnam, Serviam, Rasciam, & Bulgariam. In Africa obtinent Ægyptum totam, Tripolim, Algerum, Tunetum. In Asia possident Natoliam (quæ dicitur Asia minor) Babylo-niam, Arabiam omnem, cum Armenia, Cyprum, Palestinam totam, quæ passim Terra Sancta & Terra Promissionis nuncupatur. Hinc patet quàm verum sit illius S. Angeli vaticinium de amplianda Turcarum potentia per Asiam, Africam, & Europam. Etiam Ismaëliarum Dominium ad Turcos transferendum Christus sancto Angelo præ-nuntiat.

22. Hierosolymam cum universo Ismaë-litarum (id est Agarenorum seu Saraceno-rum) dominio Othomani obtinebunt. Id impletum fuit Annò Christi 1516. Tunc Selimius triumphans de Mammaluchis & Sultano Ægypti, universâ Syriâ, & Ægyptô potitus est: atque ita Othomani (id est Turci) omnes Ismaëliarum, seu Saracenorum ditiones obtinuerunt, & usque in præsens possident. Tum iterum de Christianis & Hungaria: Christianorum propugnacula expugnabunt. Ejuscemodi propugnacula olim erant Belgradum, Buda, aliâq; munitissima loca

loca in Hungaria (de qua statim) & alibi.

23. Ungariam pluries invadent , & ferè *Vngaria*
 desolabunt eam. Primus Hungariam ingressus *sapius im-*
 & adorsus fuit Bajazetes Anno Christi 1394. qui *petenda &*
 in Pannonia inferiori Sirmuensem agrum misere *desolanda*
 devastavit: & sub idem tempus Bulgariam & Wa- *pradicatur:*
 lachiam , Hungariæ finitimas , & olim attribu- *& id ad-*
 tas , occupavit annò 1415. Turci Regnum Bos- *impletur.*
 nae & Hungariæ aggressi ; rabies eorum crudelis
 & impia copiosam multitudinem Nobilitatis Hun-
 garicæ devicit ac prostravit. Cladem illam descri-
 bunt istius gentis Historici , & referunt Bzovius
 ac Spondanus ad dictum annum. Anno 1444.
 Wladislaus Hungariæ Rex contra pacta inter Tur-
 cas & ipsum inita , exercitum ducens , victus
 & interemptus fuit , & ejus exercitus profligatus;
 ita ut vix tertia pars evaserit. Dicitur autem A-
 murates Turcarum Imperator , cùm fœdus jura-
 tum super Euangelia à Christianis , & super Al-
 coranum à Turcis , violatum videret , exclamasse
 ad Christum : Si Deus es , tuas , measque hîc
 injurias , te quæso , ulciscere. Ita Bzovius ,
 Spondanus , & alii. Rursus annò 1475. incur-
 sionem facientes Turci in Hungariam , magnam
 ejus partem vastarunt. Annò autem 1521. mense
 Septembri Solymanus Turcorum Imperator exer-
 citum adversus Hungaros ducens , primitias expe-
 ditionum suarum ; Belgradum (dictum etiam Al-
 bam Græcam , ad confluentem Savi & Danu-
 bii

bii inclutorum fluminum situm) munitissimum totius Hungariae oppidum, & validissimum Christianitatis eâ parte propugnaculum, rebus omnibus necessariis tunc destitutum, post bimestrem obsidionem expugnavit; unâ cum Sabbatiâ, aliisq; nonnullis munitioibus.

24. Post quinquennium, annô scilicet 1526. idem Solymanus ingenti collectô exercitû, expeditionem in Hungariam suscepit sub finē Augusti. Illum præproperè nimis aggressi Hungari ingenti clade cæsi sunt. Ludovicus Rex fugâ sibi consulturus, in palude, equô cum sessore in dorsum corruente, suffocatus interiit. Indè Solymanus Budam versus moveus, primariam Hungariae civitatem sine ullo præsidio relictam reperit & combustit. Deinde in omnes Hungariae partes prædatoribus, omnia ferô & flammâ vastata fuere. De illa luctuosa Hungarorum cade adhuc in sequentibus mentio recurret. Mortuô itaque Rege, nullâ prole relictâ, de successione contentio magna exorta est, inter Ferdinandum Archiducem Austriae & Ioannem Vaidam, adherentibus Procerum unâ parte huic, & alterâ isti. Interimq; Turci his eorum disidiis in commodum suum usi, laiciam, munitissimam primariamq; Bosnensis Regni urbem; pro qua tot olim tantaq; bellorum certamina contracta fuerant, socordiâ Præfetti Ferdinandi, cum majori parte Regionis, nec non & Croatia partem, in suam potestatem redegerunt, nemine opem ferente.

Itē-

Iterum post triennium (anno 1529.) idem Solimanus, cum numerosissimo exercitu in Hungariam venit, & Civitates Quinqueecclesiensem, Albam regalem, Pestensem, aliasq³ multas sese spontè deditas recepit; deindè Budam, ejusq³ arcem (deditibus se pariter militibus contra Ducis voluntatem; quos propterea Solimanus neci dedit, & Ducem honoravit) in potestatem accepit: ac subindè Strigoniò, Altenburgò, aliisq³ oppidis, & munitissimis castellis ad Danubium sitis, sese similiter ei deditibus; Viennam Austriæ die vigesimò sextò Septembris obsidione terrâ & aquâ cinxit, ac multis diebus gravissimè oppugnavit. Sed illà, forti propugnatione Philippi Palatini Rheni, Nicolai Comitis Salmensis, Guilielmi Rogendorfi, & aliorum generosorum Ducum defensâ, soluta est obsidio decimo-quarto Octobris: quâ die Solimanus abiit, amissis illic circiter sexaginta millibus hominum ex ducentis millibus quos adduxerat: (utrumque numerum alii valdè augment, aliiq³ valdè minuunt:) & præter ingentem prædam, captivis abductis, aut fœdè casis, totidem aut amplius miseris Christianis ex iis Regionibus.

Denuò post triennium (Anno 1532.) in Hungariam venit idem Solimanus cum exercitu trecentorum millium equitum: sed post ignobilis oppiduli Quinsii terdecies oppugnationem, & fortissimam ejus propugnationem, auxiliante S. Martino, haud longè inde natò, nequaquam vi capere potuit.

potuit. Aliquantò pòst, non ausus ulteriùs progredi adversus florentissimum Caroli V. Imperatoris exercitum, per devia hinc inde errando vagatus sine ullo opere-pretio regressus est.

*Vngaria
frequentes
vastatio-
nes per
Turcas.*

Rursus anno 1541. Hungariam petit, & circa Budam cæsis viginti Christianorum millibus, tormentis omnibus, atque impedimentis captis, Budam sibi vendicavit Bienniò pòst (an. 1543.) Idem Solimanus in Hungariam cum magno exercitu penetrans, Quinque ecclesias, Valpoviam, Strigonium, Albam-regalem, (ubi Reges coronari & sepeliri consueverant) amplas, & munitas Vrbes, aliàq; non pauca oppida occupavit; totàq; Regione dire vastatâ Constantinopolim rediit: nostris interea Principibus cum suis magniloquentissimis jactantiis inter se ludentibus in reliqua Christianitatis

a Ad ann. perniciem, inquit Spordanus. [a]

1543. nu. 1.

25. Postea annò 1552. per suos Duces magnam reliqua Hungariae partem sibi subiecit interceptis aliquot præcipuis urbibus, & quamplurimis oppidis, ac arcibus. Denique anno 1566. initio Iunii Constantinopoli discedens expeditionem in Hungariam movet, Zigerthum (seu Zygethum) ad Pannonia, & Croatiae confinia situm, totiusq; Pannonia firmissimum, in duas partes, duplicemq; arcem distinctum, aliasq; oppugnatum, nec expugnatum, secundo obsedit, & cepit. In Commendationem Comitum Seriniorum (quorum inclytum nomen etiam hoc tempore per Orbem

*Zigerthi
obsidio.*

cum gloria divulgatur) Historiam memorabilem de glorioso fine Comitum Serinii, modernorum avo, seu abavo, memorasse haud puto Lectoribus ingratum fore. Ad dicti Oppidi obsessionem, & oppugnationem; cum Dravus fluvius superandus esset, præmissio ad Hamsam Quinqueecclesiarum præfectum mandatò, ut pontem supersterneret, isq; Imperatoris Turcarum, & cusaret: misit ad illum Solimanus linteam, seu Hamse mantile Turcicum, in cuius extremitate aureis litteris scriptum erat, ut pontem quocumque in loco, & quacumque ratione, confestim supra Dravum jungeret: qui nisi ad suum adventum extructus esset, ille ipso linteò in ripa fluminis suspendendus esset. Cujus rei timore perculsus Hamse, celerissime eò ipso momentò manum operi omni diligentia admoventis, incolis, militibus, nobilibus adhibitis, interdiu, nec noctu conquievit, donec duodecim dierum spatiò admirandi operis pontem per fluvium, paludes & stagna, in longitudinem unius milliarii, latitudinem quatuordecim cubitorum, deduxit. Tantum potuit certitudo supplicii, quod ei imminebat. Superatò igitur Dravò, Solimanus Sexto Augusti ad Urbem castra metatus est; in quibus dicebantur esse ducenta armatorum millia.

Propugnationi Sigethana præerat Nicolaus Comes Zirinius (ita namq; Hungari scribunt, quem plerique ceteri Zerinium, vel Serinium) Vir nobilissimus.

Memorable factum
Imperatoris
Turcarum,
&
Hamse
præfecti.

Comitis
Serinii
eximia
fortitudo.

lissimus ac fortissimus, plurimisque pugnis cum
 Turcis confertis victoriis partis valde inclitus, an-
 num tunc agens ætatis 48. cum duobus millibus,
 & quingentis militibus, minore omnino numero,
 quanquam strenuorum virorum, quam pro lo-
 ci amplitudine, & hostium multitudine. Qui
 post novam Civitatem, deinde veterem, cum
 Et glorio- anteriorem arcem gravissimis pugnis, magnaque
 sus exitus. hostium cade, nec parvâ suorum, amissâ: demum
 igne etiam in interiorem arcem injecto, qui nullâ
 arte, ob venti vehementiam extinguere potuit, in
 medio ejus, & hostium magnâ impetu oppugnan-
 tium constitutus, ad mortem inevitabilem forti
 animâ appetendam se adornans, vestibus pretiosis
 pro thorace, galerô gemmis ornatô pro galea sum-
 pto, armillis aureis manibus aptatis, centumque
 aureis marsupio ingestis in præmium interfecturi,
 unâ cum clavibus arcis; gladioque paternô accepto,
 septimô idus Septembris vigiliâ Nativitatis beatif-
 simæ Virginis, post suos qui supererant trecenti
 circiter, vel paulo plures, magnâ parte saucii,
 ad fortiter occumbendum potius quam turpi ser-
 vilituti sededendum animatos, acclamato nomine
 JESU, præviô vexillô Casarêo, unâ cum ipsis in
 confertissimos hostes in arcem irrumpentes irruit:
 magnâque illorum strage editâ, omnes unâ cum
 ipso occubuerunt, quatuor solis exceptis. Hic dum
 forsan extra metam excessisse videbimur, si pau-
 tulum adhuc exspatiemur, veniam, puto, Lector
 dabit.

dabit. Sub hoc tempus Legatus quidam Caesaris ^{Quatuor} ad Solymantum destinatus, redux retulit, quatuor ^{admiran-} se miracula vidisse in exercitu Solymani, videlicet ^{da in exer-} innumeras copias, ne unam quidem mulierem, ^{citu Tur-} nullam vini mentionem, & quòd vesperi omnes al- ^{carum.} tã voce exclamatô Allâ, hoc est, Deus, Idinceps tantum servarent silentium, ut nec in tentoriis, nisi submissâ voce quis loqueretur. Quantum distat Christiana militia ab illa! Et miramur si in tam ordinata disciplina prosperè res agantur? An enim expectamus, ut in immoderatissimis, in compositissimis, & effrenatissimis Christianorum castris, Deus, cujus nulla in eis ferè mentio, nisi ad blasphemiam, quotidie miracula patraturus sit? Ita Spondanus. [a]

a Ad ann.

26. Ex hætenus dictis manifesta est veritas vaticinii istius S. Angeli: Ungariam pluries invadent, & ferè desolabunt eam. Quod confirmatur quoque ex iis quæ præcedenti & hoc præsentis anno in ea gesta sunt. Plura circa hæc videri poterunt apud Isthuanffium, Bizarum, Natalem, Leunclavium, Sambucum, Stephanum Brodericum; & alios rerum Hungaricarum Scriptores. 1566. nu. 14.

27. Terrebitur & infestabitur Europa. An non sæpè territa & infestata fuit Europa per Othomanos seu Turcas, dum ejus nobilissima illæ Regiones Græcia & Thracia, seu Romania, (in qua Constantinopolis) & Regna adjacentia impe-
rita

tita, & occupata per eos fuere? & dum toties, usque in præsens, florentissimum olim istud Europæ Regnum Hungariæ invaserunt, & vastarunt, dum (anno 1529.) Viennam obsiderunt? dum Hydrunte (de qua statim) interceptâ toti Italiæ perniciem minabantur. Si de mari sermo sit, nonne illud per Turcas quam maximè infestatur? adeò, ut hoc anno (1664) propterea ad depredationes Turcarum coercendus à Francis, Anglis, & Hollandis integræ classes versus Algerum & Tunetum missæ fuerint? Etiam specialiter Italiæ his verbis minatur Dominus.

Italia mala impendens præ-
nuntiata.

28. Italia verò ipsa, ubi Sedes Petri est, diu, & sæpè vexabitur, & diuturna, & pernitiosa reprehensionis bella sentiet: & videbit ignem, & sanguinem. Istas quidem, & alias calamitates à S. Angelo prænuntiât Italia quandoq; jam experta fuit, & quidem à Turcis anno 1480. quando diram in Italiam fecere excursionem, & Hydruntem Calabriae maritimam Civitatem classe obsessam, & diu noctuq; tormentorum impetû quassatam expugnarunt. Ferunt ad duodecim propè Christianorum millia vel caesa fuisse, vel in captivitatem abducta; Matronis stupratis, virginibus raptis, sanctimonialibus fœdatiis, pregnantibus cum semivivis corpusculis dilaniatis, senibus hominum & equorum calcibus conculeatis, sacerdotibus intra Ecclesias jugulatis; Archiepiscopo annoso, Pontificalibus induto, sa-

cra-

eratissimam Crucem manibus tremulis tenente, & Christianos ad constantiam fidei exhortante, capto, & ferrâ ligneâ in duas partes divisô, ut Breidenbachius habet; quem alii vivum excoriatum volunt. Oâtingenti circiter educti oppidô nudi, cum nollent fidem Christi abnegare, inter se ad constantiam cohortati, in parva valle. (quâ deinceps Martyrum vallis vocata est) trucidati sunt. Expugnationem verò Hydruntis tantum terrorem universæ Italiæ attulisse tradunt, ut de illâ deferenda magis quàm defendenda, cogitatum passim fuerit. Ita Spondanus ad illam annum 1480. num. 3. Porro piis Christianorum precibus, & pœnitentiis permotus Pater misericordiarum, Italiæ toti tum quàm maximè periclitanti, auxilium de cælo mittens, Mahometem Turcorum Imperatorem, truculentissimum Christianorum persecutorem, in ipso ejus procinctu saviorum conatum de medio sustulit, die 3. Maji Festo S. Crucis, cujus memoriam impius sublatam volebat. Eâ audirâ morte Achmetes expugnator Hydruntis, inde discessit, & mox cæteri Turci, qui Hydruntem detinebant, urbem & Italiam penitus deseruerunt. Utinam nunc quoque talis favor fieret Hungariæ! fiet utique, si ex toto corde, & Hungari, & alii Christiani peccata detestantes, viam mandatorum Dei arripiant, & currant. Denique tantorum malorum per Turcas Christianis inferendorum tempus, & causæ (peccata scilicet) panduntur à Christo.

*Peccata
causa om-
nium ca-
lamita-
tum Reip.
Christ.*

*Inter
schismata,
& discor-
dias Chri-
stianorum
Turca ma-
ximos fecē-
re progres-
sus.*

29 Tunc Angelus: Quando hæc futu-
ra prænunciabo? & Christus: Quando Ec-
clesia, nitore desertô, jacebit quasi vidua,
quando Romani Pastoris solium plurimi
affectabunt, & unus adversabitur alteri.
Quando surgent Hypocritæ... Quando
Principes divisim disceptabunt... Quan-
dò Hæreses prævalebunt... & Populi, &
qui dominantur eis ad vanitates, & infanias
convertentur. Tunc Pater meus æternus
mittet furorem, & iram, & permittet
ingratitude filios ubique torqueri ab
hostibus, & inimicis nominis mei. Qui
Ecclesiasticas pervolvit Historias, perspicuè ani-
madvertet; tunc maximos progressus fecisse Sa-
racenos, & Turcos, ac de Christianis victoriam
reportasse, quando schismata Ecclesiam scinde-
bant, quando Christiani Principes inter se bellige-
rabant. Anno 1244. & sequentibus, dum Fre-
dericus Imperator per se, & sibi confæderatos Ec-
clesiam variis modis vexabat, Ecclesiastica jura
debellabat, & immaniter plures etiam innocentes
necaret: & propterea subsidium non mitteretur
Terra Sancta, tunc res Christianorum ibi in dete-
rius quotidie tendebant, & infideles Chorasmini,
ac Saraceni prævalebant, Ierosolymam, aliâq;
Terra Sancta loca occupabant, & vastabant. Sub
annum Domini 1289. & seq. dum Christiani
Principes in Terra Sancta inter se divisi decerta-
rent,

rent, & etiam in Europa se mutuis bellis lacefferent, ac propterea succursus Terra Sancta non mitteretur, Saraceni triumpharunt de Tripoli, Tyro, & Ptolemyde, atque ita totam Palestinam & Syriam obtinuerunt, sicut hîc paulò antè ex oculato teste Guilielmo de Samuco dictum est. Sic quoque inter contentionem (de qua hîc paulò antè) de regni Hungarici successione, Turci Croatia, & Bosnensis regni partem occupaverunt. Idem evenit quoque aliis temporibus. Magnoperè etiam res Turcica crevit tempore perniciosissimi schismatis quod anno Domini 1378. inchoatum per annos circiter quinquaginta duravit, ut meritò Lezana in Annalibus Carmelitanis, sub ea tempora (ad annum 1383.) animadvertit his verbis: Si aliquando Prophetia sancti Angeli clariùs conspicitur adimpleta, hîc annò fuit. Eò enim temporis Turcarum Imperium magnoperè amplificatum est. Turbatis enim undiquè rebus, Christianis Principibus, simultatibus, bellisque, ac discordiis animo diffitis, &, quod plus, totâ Christianitate in duas scissâ partes, alterâ, ut æquum erat, Urbani Pontificatum sectante, alterâ respuente, & Clementi Antipapæ juncta, Bajazetes Turcarum Imperator commoditatem temporis nactus, quidquid opportunum prædæ fuerat, rapiebat, & integras Provincias in suam ditionem redigebat. Et

infra: Ex eis autem, ut ad nos attinet, solum id elicimus, sanctum Angelum fidelem Dei Prophetam repertum esse.

*Everſio quoque duorum Imperiorum Conſtan-
tinopolitani, & Trapezuntini tunc evēnit, quan-
dò Græci in ſuo contra Eccleſiam Latinam ſchiſ-
mate, hæreſi, perfidiâ, & depravatis moribus ob-
durati perſiſtebant. Clades etiam illa Hungaricæ
ſtatim relatæ, nec non amiſſio Cyprii regni tunc
contigēre, quandò hæreſes prævalebant.*

*30. Prophetia iſti S. Angeli ferè correſpondet
vaticinium iſtud à Laurentio Beyerlinck in Thea-
tro Vitæ Humanæ verbo Turcæ relatum his ver-*

*Prænoſti-
con de
Turcici
Imperii in-
cremento,
ac tandem
excidio.*

*bis: Ad immaniſſimos Turcas orationem
meam convertam: quos longum, latum,
& magnum Imperium, divitiarum magni-
tudo, frequentia victoriarum, & gloria in
tantum extollet, eorumque animos, &
ſpem ſic elevabit, ut ſibi putaturi ſint nec
cælum reſiſtere poſſe. Atque idcirco ad
totius Orbis Imperium aſpirabunt. Aſſy-
rios, & Ægyptios maximis præliis fractos
ſuperabunt. Armenios, Parthos, & Perſas
continuis præliis moleſtabunt. Plures ad-
verſus eos victores, & ſuperiores evadent,
& quandoque ſuccumbent. Venetis pri-
mum multa inferent damna, poſt eorum
amici facti Belgradum in ditionem acci-
pient, Rhodum ſuperabunt. Ungariam
mul-*

multis cladibus afficient. Tandem vim
comminantes, regnum Ungarorum lace-
rantes, simulque Imperium Romanum
Germanumque diutissimis bellis tentantes
in eorum manus cadent. Apuliam intra-
bunt, Siciliam, Galliæ, Hispaniæque litto-
ra classe suâ, nec non Italiam molestabunt,
& affligent. Timorem magnum Christia-
nis immittent. Sed Christus tandem suo-
rum non ferens stragem, hos nominis; cul-
tusque sui hostes virtutis suæ potentiâ pro-
sternet, & funditus evertet. De Ierosolyma
totâq; Terra Sancta Christianis asserenda, deq;
Turcici Imperii excidio agetur hîc infra §. 8.

31. Circa dicta hætenus moveri hîc potest
quæstio curiosa, sed non inutilis. Cur Deus tam *Curiosa*
celeriter & severè puniat peccata Christianorum, *quæstioni*
Turcis, spurcissimis hominibus, temporalem tri- *salis-fit.*
buens gloriam, & prosperitatem? Rationem in
simili casu assignat S. Augustinus libro 5. de Civi-
tate Dei cap. 15. ejus verba adducentur hîc infra
§. 5. Plura ad propositum videri poterunt apud
interpretes in Psalmum 72. circa hæc verba: Mei
autem penè moti sunt pedes; penè effusi
gressus mei, &c. pacem peccatorem vi-
dens, &c. cum hominibus non flagella-
buntur. Et Iob cap. 21. Quare impii vivunt,
sublevati sunt, confortatique divitiis? At-
que Ieremia 12. Justus quidem tu es Domi-
ne,

ne, si disputem tecum: verumtamen iusta loquar ad te: Quare via impiorum prosperratur? Nèpè bonis quibusdam moribus infidelium, aut perversorum, Deus temporalem retribuit mercedem, quibus (utpotè non merentibus) aterna largiturus non est præmia. Fideles autem, & bonos quandoque corripit, & flagellat temporaliter, ut parcat, & premiet aternaliter.

§. IV.

Agareni, Ismaëlita, Turci, Othomani an iidem sint, an reipsa diversi, & de eorum origine.

Ad idem Cap. XIV. Vitæ S. Angeli.

32. **O**ccasione eorum quæ in Vita S. Angeli dicto Capite XIV. referuntur de Agarenis, Ismaëlitis, & Othomanis, seu Turcis, disquirendum hic est, an, sicut nonnulli illos, atque etiam Saracenos, confundunt, iidem sint, an gentes diversæ. Et quando, unde, ac qualiter originem habeant. De Agarenis, & Ismaëlitis fit mentio Psalmo 82. Tabernacula Idumæorum, & Ismaëlita. Moab, & Agareni. Super quem locum noster Michaël de Bononia (quondam sub nomine Incogniti) ita commentatur: ET AGARENI. Isti sunt Saraceni, idem quod Ismaë-

*Agareni,
Saraceni,
Ismaëlita
an iidem,*

Ismaëlitaë ; quia quamvis ex ancilla sint geniti , falsò tamen se dicunt ex Sara uxore Abrahæ generatos. *Gilbertus Genebrardus nominatissimus Chronographus eundem Psalmum exponens circa illa verba* , Moab , & Agareni , *sic paucis multa complectitur* : Saraceni ab Agar Matre Ismaëlis , qui ut sibi gloriosam originem Abrahæ tribuerent , Saracenos à Sara ejus legitima , & nobili uxore se mauerunt appellare : vel , ut alii putant , à Sara monte cognomine. Separantur ab Ismaëlitis hîc ; fortasse quia Agar alios habuit filios præter Ismaëlem , & aliam Arabiæ partem occuparunt. Moab , Ammon , Amalec , sunt etiã populi Arabiæ , è qua Mahometes istorum Propheta.

33. *Conformiter scribit Iacobus de Vitriaco in Historia Ierosolymitana lib. 1. c. 5. ubi agens de Mahometo, hac inter cetera habet* : Fuit autem Mahometus Ismaëlita , ex Agar Ancilla Abrahæ , ex progenie Ismaëlis , hominis ferocis , cujus manus contra omnes , & manus omnium contra ipsum. Licet enim Saraceni , à Sara , tanquam ex libera , mendaciter , & inaniter se nomenclent Saracenos ; verius tamen Agareni , ab Agar , quæ concubina fuit Abrahæ , debent dici. *Fuerunt Agareni olim habitatores Arabia, unde etiam frequenter Arabes nuncupantur.*

34. Ex dictis habeatur, apud Historiographos passim pro iisdem supponi illa quatuor nomina, Agareni, Ismaëlitæ, Saraceni, Arabes. Strictè tamen loquendo Ismaëlitæ sunt posterii Ismaëlis filii Agar ex Abrahamo, & Agareni posterii alterius filii Agar ex alio viro: prout jam ante dictum est. Saracenorum sicut & Turcarum religio Mahometana est, de qua proinde §. 5.

*Turcarum
gens undè
orta.*

35. Quantum ad Turcas, tenuissima eorum memorantur primordia, & planè obscura. Plinius libro 6. naturalis Historia cap. 7. describens gentes circa Mæotim, sic eorum meminit: Turcæ usque ad solitudines, saltuosas convallibus asperas. Conformiter scribit Pomponius Mela libro 1. de situ Orbis, agens de gentibus Septentrionalibus circa Tanaim & Mæotim: Oram, inquit, quæ à Bosphoro ad Tanaim usque deflectitur, Mæotici incolunt. Et paulò infra: Turcæ vastas sylvas occupant, alunturque venando. Tum continuis rupibus, latè aspera, & deserta Regio. Præfatus Gènebrardus in eundem Psalmum [a] sic quoque breviter Turcarum initia & incrementa perstringit: Turcæ ignoti populi & obscurissimi, è media Tartaria auxiliò venerunt Arabibus & Mahometanis, è Scythia sive Tartaria in Asiam & Africam irruerunt; deinde cum Saracenis & Arabibus coierunt.

a Psal. 82.

36. Fuit igitur olim ea Gens silvestris, & barbara,

bara, Septentrionalem inhabitans Regionem, circa Maotidas paludes, idola colens, venerans, adorans, sicuti cetera in partibus adjacentibus commorantes. Postea autem ingressi Persidem legem Mahometi susceperunt, circa annum Christi 1048.

Porro ab initio nec unus aliquis dux illis erat, nec *Eorum incrementa.* certum imperium: sed pecudum instar vagantes, modo huc, modo illuc, gregatim suas incursiones faciebant, latrocinantes magis quam belligerantes. Successu temporis conjuncti Saracenis, aut ab iis conducti sæpius cum Christianis in Terra Sancta conflixerunt. Deinde Christiani nominis provincias, regna, & bina imperia violenter invadentes, & occupantes, rem suam vehementer amplificaverunt, & varios sibi principatus constituerunt. Quos omnes unitos & sibi subiectos Othomanus in Imperii formam redegit circa, & post annum Christi 1300. Tandemq; prevalentes etiam Saracenis, omnia eorum dominia in suam potestatem redigerunt anno Christi 1516. interemptis Sultano Ægypti & Mammaluchis. Atque ita extincto ferè nomine Saracenorum, Turci dominantur in Africa & Asia, ubi olim Saraceni erant, occupatis etiam postea quàm plurimis Regionibus Christianis: sicut ex dictis §. 3. & ex dicendis patebit. Et hæc succincta est originis ac incrementi Turcorum descriptio; quæ omnia aliquantò luculentius ex præstantissimis Historicis relata curiosis Lectoribus haud fastidio, at satisfactioni futu-

ra autumo : dum prius (ex jam allatis, ac mox adducendis) animadverterimus; quod olim litteraliter pradicum de Iudais, adversum eos adimpletum fuit, illud Ieremia primò : Ab Aquilone pandetur malum super omnes habitatores terræ; quia ecce ego convocabo omnes cognationes Regnorum Aquilonis, ait Dominus : & venient, & ponent unusquisque solium suum in introitu portarum Jerusalem, & super omnes muros ejus in circuitu, & super universas urbes Judæ. Et loquar judicia mea cum eis super omnem malitiam eorum qui dereliquerunt me. Etiam respectu Christianorum verificari : nam & Turcæ, qui vastaverunt Terram Sanctam, atque alias Christianorum Regiones, & solium suum in introitu portarum Ierusalem posuerunt; à Septentrione seu Aquilone processerunt. Sed hæc obiter.

De Turcorum origine, & progressu Authores celebriores.

Guilielmus Tyrius.

37. *Inter vetustiores, & accuratiores Scriptores, qui peculiariter Turcorum originem investigaverunt, occurrit Willelmus (sen Guilielmus) Tyrius Archiepiscopus in historia Orientis lib: 1. c. 7. Gens Turcorum, seu Turcomannorum, (nam ab eodem habuerunt originem) ab initio Septentrionalis fuit, inculta penitus, & certam non habens sedem. Vagabantur etenim, & passim circumferebantur, pascuorum sectantes commoditatem, non habentes*

bentes Urbes, vel Oppida, vel alicubi manentem Civitatem. Volentes autem proficisci, incedebant simul qui ex eadem tribu erant, aliquem de majoribus contribulium suorum habentes quasi Principem, ad quem universæ, quæ in eadem tribu emergebant, referebantur quæstiones; cujusque dicto ab utraque dissonantium parte parebatur; cujusque non impunè licebat examen declinare. Migrantes autem, universam secum suam substantiam transferebant, equitia, greges, & armenta, servos & ancillas: nam in his eorum omne consistebat peculium.

38. De illis hac ferè similia memorat Iacobus *Iacobus de Vitriaco* in *Historia Ierosolymitana libro I. cap. 11.* De Turcis siquidem ex antiquis Orientalium Historiis certum habemus, quòd ex Septentrionali regione exeuntes, Persarum fines ingressi, non solum Regionem illam, sed universas ferè Orientales Provincias armatâ manu occupaverunt violenter. Ex tunc autem gens illa, prius rudis & inculta, nec habens certam mansionem, sed passim cum uxoribus, & filiis, & pecoribus vagans, & pascuarum commoditatem sectans, Regem sibi præfecit, civitates & oppida possidere incipiens, agriculturæ dans operam, quæ prius de peculio

lio tantùm vivebat , & jura sibi civilia constituens. Hi autem , qui in sua ruditate permanentes , priorem vivendi modum deferere noluerunt , appellati sunt Turcomani. In multis autem qui Beduini dicuntur , imitantur Saracenos : differunt tamen natione , & quibusdam aliis consuetudinibus vivendi.

Card. Baronius.

39. *Cardinalis Baronius de eorum progressu ita scribit ad annum Christi 1048. Quod ad res pertinet Orientis , hōc ipsō annō , indiētionē primā , Turcæ , qui ad Boreales partes Cavenſis montis sedes habuēre , seque patriis finibus continuēre , nec indē nisi ad stipendia invitati recēdere consuevēre. Eādem occasione à Persarum Rege Sarraceno vocati , ab eodemque malē habiti , in ipsum arma convertentes , felici successū Perside sunt potiti ; ex hisque eventis audaciores redditi , adversus Romanum Imperium arma moventes , eō domitō tandem potiti sunt. Et infra : Ita quidem (ut declararunt eventa) ex Dei vindicta prodissi noscuntur isti , tanquam è vagina gladius , in Orientalium schismaticorum ultionem , cum iisdem traditi postea omninō fuerint. Qui multis remediis frustra tentatis , nec resipiscentes , potati calice iræ Dei , soporem conciliantis , ac lethargum inducen-*

centis, non sinuntur nōscere damna sua, & causas ipsorum inquirere, ut sanentur.

40. *Hendricus Spondanus in Continuatione Henric. Annalium Ecclesiasticorum, ad annum Christi Spondanus.*
 1300. Imperii Turcici initia refert in hunc modum: Ab hoc item anno plerique incipiunt catalogum Regum, seu Imperatorum Turcicorum, auctore Othomano. De cuius gentis origine cum plures scripserint, non est ut in eā tractandā verba profundamus, etiamsi non omnes unam eandemque agnoverint, ed (ut putamus) quod ipsi in varias partes & regiones divisi fuerint. A Scythis, qui Caucasios montes inter Pontum Euxinum, & mare Caspium habitant, primū ortos esse, plerique omnes consentire videntur. Ubi diu obscuri in silvis, & montibus, venatu victitantes, (unde & fortē nomen acceperunt, cū Turcū si-ve Turcam significare hominem, qui agrestiore victus rationem sequitur, Chalcondyles scribat. Quod autem Teucros nonnulli vocasse reperiuntur, quasi à Troianis originem traxissent, graviter eos hallucinari constat) paulatim latrocinii innotescere, & excursiones in vicinas gentes exercere cæperunt. Mox & in Asiam transmittentes, spe imperii stabiliendi atque propagandi; primū ut sese disciplinā mili-

militari instructiores redderent, stipendia apud exteros merere instituerunt: (Scytharum tamen ut plurimum nomine) deinde rem per se, ac pro se agentes, de Perfide cum Saracenis eam occupantibus magnâ contentione decertârunt, ac demum eos inde expulerunt, religione tamen eorum Mahometicâ susceptâ: hincque tam Græcis quàm Latinis auctoribus sæpè Persarum, & superstitionis occasione etiam nonnumquam Saracenorum appellatione veniunt. Quod nisi diligenter advertatur, in magnas obscuritates incidere necesse erit. Bello sacro, quod Gothofredi virtute in Syria susceptum gestumque est, nobiliores esse cœperunt, ob eas clades, quas nostris intulerunt, acceperuntque ipsi mutuò.

41. Deinde de Othomano primo Turcorum Imperatore circa præfatum annum Christi 1300. subdit: Is animi magnitudine roboreque præstans, summâ vi Græcos adortus, cum alia plura oppida, tum demum Prusam Urbem opibus florentem, vetustamque sedem Regum Bithyniæ, post longam aliquot annorum obsidionem fame ad dedicationem coëgit, regni que sui sedem constituit. Indeque semper crescente eorum potentiâ tandem etiam Byzantina urbis sceptrâ obtinuerunt, sed culpâ Christianorum, & justô Dei judiciò;

cum

cum potentia Turcica primordia in Bythinia ceperint, & in eam pedetentim creverint, ut & Imperium Byzantinum, & quamplurima alia Regna sibi subjecerint. Vtinam & non aliquandò reliqua! dum Principes Christiani haud sibi ab ea caventes mutuis se bellis conficiunt: ô Fidem! ô Pietatem! Ab isto Othomano Turcici Imperii fundatore Turcæ etiam nuncupantur quandoq³, Othomani, seu Othomanidæ, & Osmanidæ: quorum Imperium à tenui principio exortum, nostrorum ignaviâ & discordiâ in eam quam cernimus amplitudinem, universo mundo formidolosam, est auctum. Ita Spondanus ibidem.

42. Et hæc quidem aliquandò uberiùs ab istis *Dion. Pet.* descripta. sic, paucis multa complectendo, accuratè memorat *Petavius* in *Rationario* Temporum libro 9. cap. 7. Gentis origo Turcicæ, quæ hòc sæculò (scilicet decimò tertio, circa annum 1300.) magna habuit incrementa, & sequente, Græcorum nomen oblitteravit, variè ab Auctoribus traditur. Plerique oriundos è Sarmatia, vel Scythia putant. Qui egressi Caspiis portis, jam tum Heracliò imperante circa annum 625. Persidem populati sunt, & Romanis contra Chosroën auxiliò venerunt. Postea Constantinò Monomachò regnante, sub annum 1042. Persis, quorum erant stipendiarii, subactis, Mahometicam ab illis super-

perstitutionem hausere. Indè in Syriam, Capadociam, cæterasque minoris Asiæ Regionem infudere sese, in plures divisi Principatus, è quibus, oppressis extinctisque reliquis, unius Othomani posterì rerum potiti sunt: à quo in Turcarum deindè Principibus Othomanorum nomen resedit. Horum primordium annò Christi imputari solet 1300. Exinde usque in præsens quales progressus Turci fecerint, & quas Provincias, Regna, Imperia. ac quibus temporibus Christianis abstulerint, perspicuè videre licebit in subjecta Imperatorum serie.

Series Imperatorum
Turcica
dominationis.

43. I. OTHOMANUS, Imperii Turcici fundator, qui incredibiliter rem Turcicam auxit, sicut patet ex dictis. Excessit ad suum Mahometum annò 1326. juxta aliquos an. 1328.

II. URCHANES (scribunt alii ORCHANES) qui Mysiam, Lycaoniam, Phrygiam, aliasque Provincias ditioni subjecit suæ. Mortuus est annò Christi 1357. (aut secundum alios annò 1359.)

III. AMURATHES, qui primus in Europam copias suas traduxit, & Callipolim, Hadrianopolim, ac circumjectas Provincias occupavit. Decessit annò Christi 1389. aut 1390.

IV. BAJAZETHES, omnium ferocissimus, initio imperii fratrem Iacupen occidit; indè mos ille barbarus deinceps in eo Imperio vixit, ut, præ-

ter

ter unum, defuncti Principis filii neci tradantur. Bajazethes (etiam Gilderim nuncupatus) Thessaliam, Macedoniam, Phocidem, aliasq³ multas Provincias ditioni subjecit suæ. Ejus tot secundis rebus elati superbiam ultus est Deus. Quippe Tamerlanes, seu Tamberlanes, sive Temiris, cum Tartarorum infinita multitudo adversum Bajazethem bellum movens, castris Turcarum centum quinquaginta millibus, ipsum Bajazethem vivum in potestatem redegit, & vinctum catenis aureis, ac instar ferae inclusum caveæ ferreæ ad ludibrium per Asiam circumduxit inter duos equos, atque scabelli locò utens eò quoties inscenderet, aut ex eo exscenderet, illumq³ projectis frustulis, cùm cibum caperet, ut canem pascens. Plures referunt, illum, capite pluribus ictibus caveæ clathris ferreis perfractò, obiisse: memorando humana fortuna ludibrio, ut qui innumeris victoriis clarus universum Orbem animò invaserat, unius horæ adversitate fera instar inclusus, desperatione perierit. Id contigit anno Christi 1402.

V. Post mortem Bajazethis ejus filii quatuor annis duodecim inter se decertarunt de Imperio, id sibi quique per cades fraternas asserendo, hoc ordine: Primò Isazabelis mox a fratre suo Solimane interemptus: deinde Solimanes ille fratricida: tum Musa qui à fratre suo Muhammede fuit occisus. Denique Muhammedes seu Mohametes ille fratricida solus hæres Imperii paterni remansit

(à nonnullis Latinis Celebinus, sive etiam Ca-
lepinus dictus; ab aliis tamen hoc nomine Zelebi
ejus fratri tributò) annò atatis ejus circiter vige-
simò octavò, Christi 1415. qui propterea in Tur-
corum historiis (explosis trium natu majorum fra-
trum surreptitiis Imperiis) successor Bajazetis
constituitur. Isti quatuor sic à nonnullis nuncupan-
tur. Isa Begus, Emir Suleimam, Musa Ze-
lebis, Sultan Mahometes. Quintus autem
fratrum Christianam fuit amplexus Religionem,
dictus in Baptismo Demetrius. Interiit Maho-
metes anno 1421. juxta alios 1422.

VI. AMURATHES II. Is duos fratres suos
strangulari fecit. Thessalonicam capit, & sæpius
cum Hungaris confligens ac ab eis superatus, ad
extremum annò 1444. ipsos cum aliis Christianis
profligavit; eorūq; in prælio Wladislaus Hungariæ
& Poloniæ Rex periit, sicut jam antè dictum est.
Nimiâ vini copiâ obrutus (ut fertur) extinctus
est annò 1451.

VII. MUHAMMEDES, seu Mahometes
II. incredibili fuisse crudelitate perhibetur, fra-
tres suos interemit. Is duo Christianorum Im-
peria evertit, & in suam potestatem transtulit;
videlicet Constantinopolitanum (captâ Constanti-
noli, ut jam præfatum) & Trapezuntinum,
& plures alias ditiones eripuit Christianis, dum
ipsi inter se disceptarent. Italiam dirè infestavit,
ibi Hydruntem expugnavit. Nuncupatus fuit Vin-
dicta

dicta peccatorum & impietatum Christianorum, seu Carnifex Dei (sicut olim Attilla) Ira, seu Flagellum Dei. Sublatus est annò 1481.

VIII. BAJAZETHES II. qui Venetis Nauptum Metonam, Dyrrachium ademit. Quiq; Orbis venenum fuerat, venenò necatur à proprio filio an. 1512.

IX. SELIMUS patricida, Regnum adeptus fratres suos duos de medio sustulit: Ægyptum rotam, ac Syriam Turcarum ditioni adjecit. Vnicum filium Solimannum necare tentans, ipse prius peste excessit annò Christi 1520.

X. SOLIMANNUS, is Rhodum expugnavit; quantas strages Hungaria intulerit, dictum §. 3. Mortuus est annò Christi 1566.

XI. SELIMUS II. Qui Cypri Regnum suæ potestatis fecit: subitâ apoplexiâ extinctus est annò Christi 1574.

XII. AMURATHES III. qui Regnum, de more gentis barbaro, à quinque fratrum nece inchoans, ad minimi adhuc infantuli ipsi blandientis, strangulationem illacrymavit. Variis claudibus affectus fuit à Persis, & ab Hungaris. Moritur an. 1595.

XIII. MACHOMETHES III. iners, & in libidines resolutus, octodecim fratres, de ritu gentis, morte affecit. Infausta ipsi fuit expeditio in Hungariam, ubi sexaginta circiter suorum for-

tissimorum militum millia amisit. Interim occupavit Agriam. Obiit sub finem anni 1603.

XIV. ACHMETES, is à variis hostibus pressus terrâ mariq; clades accepit; videlicet in mari Mediterraneo ab Hispanis, nec non à Florentinis & Melitensibus: in partibus Septentrionalibus circa Mœotidem à Cosacis; in Asia à Persis. In medio multarum tribulationum decessit an. 1617

XV. OSMANNUS, seu Osmanes, annô etatis 18. Imperii quintô, à suis militibus Regni exutus insignibus, miserandoq; per urbem Constantinopolitanam spectaculo in equo ductus, jussu sui fratris Mustaphæ (de quo statim) laqueô præfocatur an. 1622.

XVI. MUSTAPHA fratricida, homo vecors & stolidus, & idè iteratis vicibus detrusus in custodiam; eiq; an. 1623. subrogatus est qui sequitur.

XVII. AMURATHES IV. Is Babylonem à Persis possessam oppugnavit & expugnavit: ex nimio vini & aquæ vitæ potu extinguitur annô 1640.

XVIII. IBRAÏMUS è carcere (quô detinebatur brevè, ut ferebatur à fratre præfato Amurathe, plectendus morte) eductus ad Imperii solium. Is classe potentissimâ annô Christi 1645. Candie Regnum invadens Canèam obsidione cinxit, & cœpit: exindè usque in præsens ibi cum Venetis decertantes Turci parum profecerunt.

XV. MA-

XIX. MAHUMETHES IV. qui hōc & superiore annō [a] Vngariam afflixit, & vastavit, sed exiguū lucrō: interim varias nostris clades intulit; ac vicissim accepit. Interea indè etiam confirmatur id quod à Christo S. Angelus accepit, & prædixit: Ungariam pluries invadent. Vide suprā §. 3. num. 23. & seq. & infrā in Vita S. Angeli cap. 14. a An. 1663 & 1664.

Quoad præfatam Imperatorum Turcorum seriem animadvertendum, quod illam apud nonnullos etiam ingrediantur supra nominati tres priores Bajazetis filii, sic numerus Imperatorum augeretur ad tria capita.

§. V.

De Religione Turcarum, & Alcorano Mahumetanorum.

44. **I** Smaëlitæ, Agareni (sive Saraceni) Othomani (seu Turci) de quibus in Vita S. Angeli cap. 14. & 15. sectam sequuntur Mahumetanam: hinc de illa aliqua hōc locō attexenda videntur, Author ejus fuit deterrimus ille seductor Mahomet, sive Mahumet. De cujus stirpe hīc suprā mentio fuit, ex Iacobo de Vitriaco, qui ibidem hæc de eodem habet: [b] Machumetus statim post tempora B. Gregorii, parum ante tempora prædicti Heraclii, abominabilem doctrinam suam primō in Arabia, undè oriundus

*Mahumet
bestialem
condidit
legem,*

*longè latè-
q₃ promul-
gatam.*

dus extitit; & postea bestiali populo in par-
 tibus vicinis, hominibus rudibus & incultis,
 partim prædicaverat, partim per timorem
 & violentiam in errorem suum contradi-
 centes impulerat. Cujus successores tantò
 furore, & fervore diabolicò succensi sunt,
 ut in pestiferam Magistri sui doctrinam non
 solùm verbis & exhortationibus populos
 insipientes inducerent, sed vi, & metu, &
 gladiis tam Arabes, quàm alios Orientales
 populos miserabiliter impingerent. *Et ali-*
quantò post: Doctrina enim ejus pestifera,
 serpens ut cancer, non solùm Arabes & Sy-
 ros, Medos & Persas, Ægyptios & Æthio-
 pes, & alios Orientales populos lætaliter
 infecit; sed etiam Africam, & plures Oc-
 cidentales Regiones corrumpens, usque
 in Hispaniam pervenit. Nec puto, quòd
 ab infantia primitivæ Ecclesiæ usque ad se-
 nectam, & senium ejusdem, videlicet us-
 que ad tempora Filii perditionis, major
 fuerit, vel futura sit abominatio desola-
 tionis, vel majus flagellum Ecclesiam san-
 ctam Dei oppresserit, quàm execrabilis er-
 roris venenum pestiferum, quod serpens
 antiquus per os Pseudoprophetæ & suc-
 cessorum ejus, in tanta populorum multi-
 tudine, jam ferè per sexcentos annos (*nunc
 sunt plus quàm mille*) evomuit.

45. Stultam, superstitiosam, & fœdam ejus legem sic paucis perstringit Belgii quondam illustre jubar Lipsius: [a] Mahumetes (DCXX.) ille, heu nimis nostris cladibus notus! cùm cupidine agitaretur novarum opum & Imperii, novam Religionem, id est superstitionem commentus est: ita me Deus, indecoram, futilem, nec colore ullô veritinctam; etsi ex Judæorum Christianorumque libris, velut per Satyram, miscuit, & confecit. O nugas! ô deliria! & lubet quædam recensere... Præmia, qui ipsum audient; Paradisum, qui post aliquot annorum millia referabitur: ibi quatuor flumina lacte, vinô, melle, aquâ fluere: ibi palatia & ædificia gemmata atque aurata esse: carnes avium suavissimarum, fructus omne genus, quos sparsi jacentesque sub umbra arborum edent. Consequenter refert detestabiles, infandas, & plus quàm bestiales, bestialibus hominibus traditæ, legis istius (Alcoranum nuncupant) turpitudines. Deinde subdit: Credet hæc aliquis dicta & accepta? Ampliùs: Ille verò Veneris his illecebris, totam legem suam implevit: & viro permittit uxores justas quatuor habere, pellices tot quot lubet. O turpitudinem! &c. Hæc & plura in ejus Corano: sed & Physica quoque miranda. Nam facit Solem &

a lib. 1.

Monit. &

Exempl.

Polit.

Stultitia

& fœditates

Legis

Tarcica

dicta AL-

CORAN-

NUM.

Lunam in equis vehi ; illum autem in aquam calidam vesperè mergi , & bene lotum ascendere , atque oriri. Stellas in aëre è catenis aureis pendere : terram in bovini cornu cuspide stabilitam , & agitante se bove , ac succutiente , fieri terræ-motum. Hominem aut ex hirundine , aut sanguifuga nasci. Et quid addam ? Pudet , piget , miseret generis humani , cujus magna aut maxima pars his non vanitatibus , sed stuporibus est oppressa. Nam Asia ferè tota , plurimum Africæ , multum Europæ , jura sceptri , & sacri Turcici accepit. Quin & multi extra Turcarum jura , ut magnus Tartarorum Chamus , ut Persa , ut alii in India , & extremo Oriente , deliria hæc delirant. *Hæc Lipsius.*

Ea velut colluvies est errorū ex alijs scilicet.

46. *Lex illa velut colluvies errorum confarcinata est partim ex Iudeorum , Manichæorum & Gentilium dogmatibus , aliqua etiam à Christianis emendicata continet. A Iudeis habet Circumcisionem , & Abstinentioniam à carne porcina : cum Christianis dicit Christum summum Prophetarum , conceptum de Virtute Dei , natum ex Maria Virg. antepartum , in partu , & post partum , omnium scëminarum sanctissimâ. Sed veronum infidelitatis immiscens cum Nestorianis , asserit Christum natum purum hominem , & cum Manichæis , quod non ipse Christus , sed ejus umbra , per Iudeos cruci*

cruci affixus fuerit. Deum unum summum agnoscit, Trinitatem personarum negat. Etiam à Christianis similitudinem quandam jejunii Quadragesimalis accepit; sed ut ab iis discrepet, illud durat dumtaxat unò mense successivè: ut si hòc annò in Ianuario, sequenti erit in Februario, tertiò annò in Martio, & sic consequenter semper in orbem. Abstinent autem eam observantes die totà ab omni cibo & potu; sed deinde cum fœnore recuperant, nocte totà commestationibus; & quibusvis voluptatibus, magis quàm aliò tempore, vacantes. Cum Gentilibus conveniunt in cultu astri Luciferi, Lunæ videlicet, quam peculiariter venerantur. Fabulantur enim quòd Mahomet Lunam bipartitò divisam conjunxerit & compegerit. Persuasum sibi habent hujus lucis ultimam diem singulis esse à Deo in ipsa fronte præscriptam, constitutam, & ordinatam, nec posse reddi breviorē vitam, nec item procrastinari. Quà quidem confirmati stultà ac vanà opinione intrepidè sese exponunt periculis.

47. Vt autem Lex illa carnali populo gratior sit, carnales quasvis voluptates (quibus ipse Mahomet maximè erat deditus) permittit, illisq; frænum laxat. Et illa quantumvis contra rationem sit, ne impugnetur, pœnam mortis decernit illis, qui contra Alcoranum prædicant aut loquuntur. Solent Turci Christianos per convitium vocare Canes, sed nullò fundamentò; cùm Religio & insti-

institutum Christianorum potiùs sit Angelicum, vel Divinum, quàm caninum. Longè veriùs, & justius ipsi vocari possent Porci & Canes, quorum summum bonum, sicut porcorum & canum, in ventre est, & iis quæ sub ventrem, nihilq; spirituale continet. Sed hoc manifestè indicat maximam illius spurcissimæ gentis cecitatem, ut quæ nullum bonum spirituale animò concipere possit: adeò ut ipsum quoque Deum (sicut & Angelos) immensâ mole, & figurâ corporeum statuat. Hanc doctrinam de futura vitæ beatitudine illorum propheta Mahumetus in suo Alcorano multis locis tradit. Azoarâ 2. Bonos, inquit, Dominus in Paradisum inducet, ubi dulcissimas aquas, pomaque multimoda, fructus varios, & decentissimas, ac mundissimas mulieres, omneque bonum in æternum possidebunt. Rursus Azoarâ 28. Credentes, & benefacientes sua non amittent opera. Illi namque paradisum fontibus amœnum, & illic annulos, & torques aureos, & ornatus sericos virides, & deauratos possidebunt, & in lectis aulæatis accumbent. Et hæc est maxima merces, & interminabilis. En maximam mercedem, & æternam justorum. Azoarâ 47. 48. & 62. rursus paradisi bona enumerat, nempe mulieres mundas, fructus dulcissimos, aquas limpidissimas, lectos sericos, aulæa, pulvinaria, Scyphos, pincernas, hortos,

Turca vocant Christianos canes: cum veriùs ipsi vivant instar canum, & porcorum.

tos, viridaria, fontes, &c. Neque hac mysticè (ut nonnulla similia in sacra Scriptura) sed propriè, & corporaliter intelligi volunt, & omnes intelligunt.

48. Verùm hac secta, etsi magnam Orbis partem occupet, prorsus absurda est, & porcò magis quàm homine digna, multisq; modis refutari potest. Ita Lessius libro 1. de summa bono cap. 4. ubi variis rationibus declarat, quàm absurda, brutalis, & detestabilis sit illa secta.

Denique ex Spondano in Annalibus Ecclesiasticis ad Annum Christi 1499. num. 7. animadvertendum, Mahumetanam superstitionem divisam esse in septuaginta duas sectas principales; quarum unam ad paradysum ducere putant, & reliquas omnes ad inferos; & cùm determinatum non sit quanam illarum dux sit in paradysum, hanc uniuscujusque sectatores suam esse dicunt.

49. Sed an nil boni in Mahumetanorum secta? Vix ulla est religio, quæ non aliquam boni speciem habeat. Ejusmodi inter Turcos sunt perpetua vini abstinentia, jejunium illud annuum per integrum mensem, eleëmofyna, orationes in suis templis (quæ Meschit vocantur.) Quoties in templo clarâ voce ex libro sue religionis (quem Musaph nominant) aliquid legitur singulari cum animi devotione omnes auscultant, adeoq; vel corpus paulum movere ipsis est religio. Lector quasi extra se raptus, animum iis quæ legit intentum habet, librum-

librumq₃ sublimem tenens, ingens nefas esse ducit, si infra cingulum eum dimittat. Librum autem istum in tanto habent honore, ut nemo nisi mundo linteolo manus suas circumvolverit, eum attrectare ausit: (& hæc ad multorum confusionem Christianorum, qui minori cum reverentia intersunt divinis tremendisq₃ mysteriis, quàm Turci suis diabölicis superstitionibus.) Sed & inter omnes Turci excellunt in exactissima disciplina militari de qua hîc suprâ §. 3. Deus autem nil boni sinens sine aliqua mercede, illa opera eorum bona, seu virtutes umbratiles, cum non possint promereri æterna aut spiritualia (quippe non fundata in radice veri meriti, quæ est vera Religio) remunerat felicitate aliqua temporali. Ita olim bonis moribus Romanorum largitus est temporalia bona, prout tradit S. Augustinus lib. 5. de Civitate Dei, cap. 15. in hunc modum scribens: Quibus ergo non erat Deus daturus vitam æternam cum sanctis Angelis in civitate sua cælesti, ad cujus societatem pietas vera perducit, quæ non exhibet servitutem religionis (quam latrîam Græci vocant) nisi uni vero Deo, si neque hanc eis terrenam gloriam excellentissimi imperii concederet, non redderetur merces bonis artibus eorum, id est virtutibus quibus ad tantam gloriam pervenire nitebantur.

§. VI.

Quâ ratione Christiani Turcis resistere, & victoriam ac triumphum de illis reportare possint.

Ad Caput xv. Vitæ S. Angeli.

50. **H**aud multis opus hîc est disquisitionibus seu consultationibus, ubi ipsius Veritatis habemus vocem loquentem: cùm enim sanctus Angelus in gravissima afflictione Ecclesiæ misericordiam supplex peteret, in hunc modum orans: Misere Ecclesiæ tuæ, & averte iram tuam à populo tuo, qui clementer passus es pro eo, ut liberentur dilecti tui quos effusi sanguinis pretiô redemisti. Respondet Christus; tunc Christianos liberandos à Dominio, pressura, & tyrannide Turcorum: Cùm contritus fuerit, inquit, populus meus, & agnoscat vias meas, & suscipiet justitiam, & custodiet eam. Tunc igitur finis erit abominatio-numper Turcas invectarum, & initium triumphorum Christianis, & Ecclesia ad statum bonis optatum restituetur... perditæ restituentur Ecclesiæ. Tunc, inquam, quando populus Christianus contritus & pœnitens detestabitur, & deseret peccata, atque justitiam amplectetur,

Etetur, incedetq₃ per viam observantia mandatorum Dei.

Peccata
sunt causa
desolatio-
num per
Turcas.

Etenim oppositorum opposita est ratio: causa afflictionum, tribulationum, abominationum, quas Turci hæcenus causerunt, & causant, esse superbiam, ambitionem, luxuriam cum cohorte filiarum ejus, quodq₃ populi, & qui dominantur eis ad vanitates & insanias, convertantur. Propter hæc (ait Christus S. Angelo) Pater æternus mittet furorem suum & iram, ac permittet ingratitude filios ubique torqueri ab hostibus & inimicis nominis sui. Igitur peccata & ingratitude Christianorum, sola causa est omnium istorum malorum; quæ (sicut solet semper effectus sublatâ causâ) finem habebunt, si Christiani finem faciant Deum gravissimis delictis offendendi, & ad vindictam excitandi.

Imò &
omnium
malorum
in mundo.

§1. Neque extra propositum, neque sine utilitate fore arbitror, si aliquantò magis elucescat veritas illa: Sola peccata causam esse ampliati imperii Turcici, & angustiatæ rei Christianæ: id enim confirmant cætera omnia mala in Orbem invecta, tanquam flagella peccatorum. Ut prætereamus maximam illam stragem Luciferi & Angelorum illi adherentium de cælo in Barathrum infernale detrusorum, ob peccatum superbia; nec non ob gulam & inobedientiam primorum Parentum nostrorum, eorum cum tota propagine ex Paradiso

radiso deliciarum expulsionem in hanc lacrymarum vallem, innumeris malis plenam. Quæ causa diluvii? nõne peccata & malitia hominum? Videns autem Deus, quòd multa malitia esset in terra, & cuncta cogitatio cordis intenta esset ad malum omni tempore, poenituit eum quòd hominem fecisset in terra. Et tactus dolore cordis intrinsecus, Delebo, *Videlicet Diluvii.* inquit, hominem quem creavi, à facie terræ, ab homine usque ad animantia, à reptili usque ad volucres cœli. Circa quæ verba S. Ambrosius libro de Noë & Arcâ scribit: Neque enim Deus cogitat sicut homines ut aliqua nova ei succedat sententia: neque irascitur quasi mutabilis: sed ideò hæc leguntur, ut exprimatur peccatorum nostrorum acerbitas, quæ divinam meruerit offensam: tamquam eò usque increverit culpa, ut etiam Deus, qui naturaliter non movetur, aut irâ aut odiò, aut passione ullâ provocatus videatur ad iracundiam.

52. Quæ ratio horrendi illius supplicii, ignis & sulphuris pluentis super Sodomam & Gomorrhæ? An non abominanda, & nefanda peccata: Dixit itaque Dominus: clamor Sodomorum & Gomorrhæ multiplicatus est, & peccatum eorum aggravatum est nimis. Genes. 18. Audi quid sequatur: Igitur Dominus pluit super Sodomam & Gomorrhæ

Ignis sulphurei super Sodomam.

ful-

*Afflictio-
nis populi
Israëlitici.*

fulphur & ignem à Domino de cœlo: & subvertit civitates has, & omnem circa regionem, universos habitatores urbium, & cuncta terræ virentia. Nōne ob peccatum murmurationis (de qua Numerorum 16.) Core, Dathan, & Abiron, præcipuos murmurationis aucthores aperiens terra os suum devoravit eos, descenderuntq; vivi in infernum, & alios ducentos quinquaginta (quia murmuratiōi consenserant) offerentes incensum, ignis consumpsit; & die sequenti quatuordecim millia hominum, & septingentos, quia murmurantes, incendium consumpsit? Et legenti veteris Testamenti sacros libros perspectum faciliè erit, tunc populum Israël datum in prædam, & in gladium, & in opprobrium, quotiescumque recessit à cultura Dei sui; aut murmuratiōibus suis Dei vindictam in se concitaret: dum non peccarent in conspectu Dei sui, erant cum illis bona: & Deus eorum pugnabat pro eis. prout Achior Holoferni referebat. Iudith 5.

*Amissio-
nis
Terra
Sancta.*

53. Eadem est etiam nunc gubernandi ratio in Deo respectu Christianorum: quibus Terram Sanctam aliaque regna Deus auferri à Turcis permisit propter peccata; prout disertis verbis adstruunt passim Ecclesiastica Historie Scriptores. Willemus Tyrensis Archiepiscopus libro 1. Historie Orientalis cap. 8. & 9. causas desolationis Terræ Sanctæ, tradita in potestatem Barbarorum has assignat:

assignat : Inter eos qui fideles dicebantur, fides defecerat, & Domini timor erat de medio sublatus. Fraus, dolus, circumventio latè involvebant universa. Majores Principes, qui subjectos ad pacem tenebantur dirigere, neglectô pacis fœdere, pro causis levibus contendentes ad invicem, Regiones tradebant incendiis, prædas passim exercebant, pauperum bona impiis satellitibus suis exponebant ad rapinam... Ecclesiarum & Monasteriorum non parcebatur prædiis, nec Sanctorum possessionibus conferebant aliquid à piis Principibus indulta privilegia, sed nec immunitatem solitam & pristinam sibi vendicabant dignitatem... Fornicationum etiam genus quodlibet, quasi res licita, passim & sine rubore exercebatur impunè. Sed nec inter affines aut propinquos tuta erant matrimoniorum fœdera. Amica cœlestibus & Deo placens, quasi res vilis, jussa migrare erat continentia. Nec parcimoniæ aut sobrietati locus erat, ubi luxur & ebrietas, & pernox alea præoccupaverant aditus, atque atria possidebant. Nec Clerus à populo vitâ nobiliore differebat, sed sicut in Propheta legitur: Sicut populus, ita & sacerdos. Nam Episcopi negligentes facti erant; canes muti, non valentes latrare;

*Peccata
Christianorum in
Terra sancta.*

E

per-

personarum acceptores oleo peccatoris impinguantes capita sua, commissa ovilia lupis venientibus, mercenariorum more, deferebant. Et illius verbi immemores Dominici, quo dicitur: accepistis gratis, gratis date: symoniacam non declinabant hæresim: Giezi sordibus & maculâ fœdati. Quid plura? ut in summa dicatur, omne in præcipiti vitium stetit . . . His igitur & hujusmodi ad iracundiam provocatus Dominus tradidit eos in manus inimici, & dominati sunt eorum qui oderunt nos.

Psal. 105.
39.

54. *Idem tradit Iacobus de Vitriaco in Historia Ierosolymitana variis locis, atque inprimis libro 1. cap. 1. & 2. ubi hac inter alia: Terra sancta promissionis, Deo amabilis, & sanctis Angelis venerabilis, & universo mundo admirabilis; à Deo electa & præelecta, ut eam præsentia suâ visibiliter illustraret, & in ea liberationis nostræ sacramenta ministrando, genus humanum redimeret, quantò majori zelò dilecta est à Domino, tantò frequentius, peccatis habitantium in ea exigentibus, flagellata est. Et infra: Redemptor noster à Terra sancta, cui super omnes alias amoris sui contulit prærogativam, sordes & inquinamenta peccatorum removendo, peccatores in ea comorantes affligit, flagellat, & ejicit. Pœniten-*

nitentibus & revertentibus ad cor, eam clementer restituit, dum abyssus abyssum invocat: scilicet abyssus miseriarum abyssum misericordiarum. Ut igitur aliquantulum altiùs inchoantes manifestis exemplis prædicta comprobemus, &c. Ibi consequenter variis demonstrat exemplis, qualiter fideles habitantes in Terra illa frequenter, propter peccata, barbaris, & infidelibus traditi sint nationibus, sub quibus jugum durissimum crudelium perpeffi sunt dominorum. Itaut in illis adimpletum sapiùs fuerit illud Psalmistæ: Deus, venerunt gentes in hæreditatem tuam, polluerunt templum sanctum tuum. Et iterum: Tradentur in manus gladii, partes vulpium erunt. Atque illa: Ego Dominus Deus vester, &c. Quod si non audieritis me, nec feceritis omnia mandata mea, si spreveritis leges meas, & judicia mea contempseritis, ut non faciatis ea quæ à me constituta sunt, & ad irritum perducatis pactum meum: ego quoque hæc faciam vobis: visitabo vos velociter in egestate, & ardore, qui conficiat oculos vestros, & consumat animas vestras. Frustrà seretis sementem, quæ ab hostibus devorabitur. Ponam faciem meam contra vos, & corruetis coram hostibus vestris, & subjiciemini his, qui oderunt vos, fugietis nemine persequente. Et

*Vicissitudo
habitato-
rum Terra
Sanctæ.*

Terra Sancta, ac Christianis eam incolentibus supervenerunt & hac, ibidem prænuntiata: Sin autem nec sic obedientis mihi, addam corruptiones vestras septuplùm propter peccata vestra. Et infra: Urbes vestras redigam in solitudines.

55. *Similia scribit Guilielmus de Samuco hîc supra §. 3. relatus, & Ioannes de Malinis, in Speculo historiali Ordinis Beatissimæ Virginis Maria de Monte Carmelo, cap. 8. ubi tractans de tempore & causis amissionis Terra Sanctæ, in hunc modum scribit: Deus autem Israël summè bonus his qui rectò sunt corde, nihil odians eorum quæ fecit, ut dulcedinem suam in Christianos demonstraret, Terram Sanctam fluentem lacte & melle, à potestate Saracenorum auferens, eam (ut in sexto tetigimus Capitulo) Christianis largitus fuerat: qui pro nihilo habentes Terram desiderabilem, in luxus varios effluerunt, operti iniquitate & impietate suâ: etenim prodiit quasi ex adipe iniquitas eorum; transientes in affectum cordis facinoribus pleni: attendere nolentes, solum peccatum esse quod oculos Majestatis Dei offendit; quodque ipsum mitem & suavem nobis durum reddit. Hoc enim est, quod de Angelo diabolum fecit, de amico inimicum, de libero servum, de incorrupto mortalem*

*Peccata
Deum, ex
natura sua
mitem &
suavem,
reddunt
durum nobis.*

lem & corruptum , de beato miserum , de cive exulem & ejectum , de filio Dei filium diaboli : hoc est , quod nunquam impunitum Deus relinquit. Unde peccatis prædictorum impiorum hominum exigentibus , & criminibus prophanorum , qui Terram Sanctam sceleribus multimodis sordidabant , ipsum provocantibus , conversus est nobis in crudelem , qui naturâ benignus est & suavis : facti enim sumus in derisum vicinis nostris , & inimici nostri subsannaverunt nos. Cythara nostra conversa est in luctum : & fortitudo nostra redacta est in favillam ; facta est quasi vidua domina gentium : princeps Provinciarum facta est sub tributo. Adeò enim conclusit Dominus in gladio populû suum , & hæreditatem suam sprevit , & adeò dominati sunt nostri inimici , qui oderunt nos ; quòd non solum omnes Regiones , civitates & munitiones , ab introitu terræ Ægypti , usque ad Mesopotamiam , itinere plusquam viginti dierum , amici nobis abstulerunt , sed totam Terram Promissionis violenter occuparunt.

56. *Quòd autem omnes calamitates , & vastationes hætenus à Saracenis & Turcis Hungaria , caterisque regnis , & ditionibus Christianorum illatae in hodiernum usque diem , sunt effectus,*

& pœna peccatorum, habetur ex Christi ad sanctum Angelum verbis istis: Venient autem hæc (mala à Turcis inferenda, antea recensita) propter abominationem eorum qui construunt Babylonem... Pater meus æternus mittet furorem, & iram, ac permittet ingratitude filios ubique torqueri ab hostibus, & inimicis nominis mei. Hæc omnia constanter, & intrepidè prædicabis, & annuntiabis populo Christiano quæ ventura sunt propter scelera ejus. O utinam, sicut olim Ninivæ minas illas Ionæ Propheta, Adhuc quadraginta dies, & Ninive subvertetur, irritas fecerunt, per pœnitentiam evertentes iniquitatem (sicut scribit S. Gaudentius tract. 3. ad Neophytos) ita & Christianus populus mala per S. Angelum prænuntiata per recessum à peccato, & conversionem ad Deum evadat; oracula enim Dei, minacia solent esse conditionata.

Cessantibus peccatis Christianorum cessabunt quoque flagella propter ea à Deo immissa.

57. Christiani igitur si ultiores afflictiones per S. Angelum prænuntiatas evadere, & Turcis victoriarum finem imponere velint, sollicitè abstinere debent ab istis peccatis, Dei in se vindictam provocantibus, ab eodem S. Angelo recensitis: quæ triplicis sunt generis, juxta triplicem Christi-fidelium differentiam, videlicet Principum Ecclesiasticorum & secularium, Plebis Christianæ, & Religiosorum. Primi generis sunt ambitio, schismata in Ecclesia, luxus, discordiæ inter Principes: Et hæ

hæ Turcis maxima prabuere incrementa. Etenim inter illas Turca rebus suis amplificandis intentus quàm maximè esse solet. Sic Bajazetes, atque alii, dum Christiani inter se decertarent, integras Provincias occuparunt. Secundi generis sunt, Plebis scilicet, extincta ferè fides, seu fidelitas, dolus, fraus, luxuria cum cohorte filiarum, conversio ad vanitates, & insanias falsas. Tertiï generis, nempe Religiosorum, irregularitas, seu Regularis observantiæ neglectus, quam Christus ad S. Angelum nuncupat hypocrisim, & meritò sic appellatur; dum Religiosi (dicti quoque Regulares tanquam secundùm Regulas suas regulariter & ordinatè viventes) habitû & nomine, ac professione præferentes peculiariorem Dei cultum, & perfectionem, ac sanctitatem, operibus tamen, Regulae suæ, seu statutis, & Constitutionibus, non conformibus, perfectionem simulare, atque ita populos prætextu sanctitatis fraudare videntur. Cæterùm quàm grata Deo, & ad eum placandum, ac misericordiam suam toti Ecclesiæ, nec non auxilium, & protectionem contra infideles, seu hæreticos præstandum, sit efficax Religiosorum regularis vita, & observantia, juxta primaviam institutionem, confirmatur ex eo, quod in Chronicis Minorum parte 1. libro 2. cap. 27, & in Annalibus Capucinorum ad annum Christi 1524. num. 23. refertur in hunc modum: "Cum quâdam vice

„B. P. Franciscus orationi insisteret, quàm fer-

„ventissimè, divinam Majestatem deprecans, ut
 „populi Christiani dignaretur misereri, & aver-
 „tere gravia impendentia flagella, sibi revelata,
 „sic eum Christus affatus est”: Franciscè, si
 optas, ut flagella mea à Christiano populo
 avertam: satage, ut Ordo tuus in ea Re-
 gulæ observantia permaneat, in qua fun-
 datus fuit, ut in ea viros reperiam, qui co-
 ram me stare valeant, quorum faciem pla-
 catus suscipiam. Indè enim fiet, ut propter
 te, & Ordinem tuum facilè populo flagella
 ignoscam. Igitur Religiosi suarum Regularum
 observatores exacti, viri sunt coram Deo stantes,
 quorum faciem placatus suscipit: quorum preci-
 bus populo Christiano parcit, & flagella ei parata
 avertit. Id variis exemplis aliis confirmari potest.
 Hinc, obiter, notandum, quàm utiles Ecclesiæ, &
 Reipublicæ sint Ordines Religiosi, & Monasteria,
 in quibus viget Regularum observantia; Eriam si
 alia non præstarent obsequia (quæ tamen alia non
 pauca, nec mediocria exhibent) quàm in Conventu
 suo religiosè vivendo, Deo placere, & hac ratione
 eum placabilem reddere. Quantum profuisset So-
 domorum populo, si plures tales ibi reperti fuis-
 sent? si inventi fuissent Sodomis quinquaginta
 justi, imò quadraginta, aut triginta, vel viginti,
 imò decem dumtaxat, propter eos Dominus peper-
 cisset Sodomis, & dimisisset, omni loco. Idem Deus,
 idem Dominus similiter nunc operatur, plebi Chri-
 stianæ

Religiosi
 suarum
 Regularū
 observato-
 res exacti,
 quantum
 Deo grati,
 & Reip.
 utiles.

stiana per peccata Dei vindices manus promerenti, parcendo, & beneficia elargiendo, intuitu bonorum Religiosorum. Nónne propter SS. Dominicum & Franciscum, eorumq₃ observantes Religiosos Deus pepercit Orbi, cujus exterminium minabatur? sed de istis satis.

§. VII.

De Rege, qui cum suis Exercitibus liberaturus est Orbem Christianum à dominio Turcorum.

Ad Caput x v. Vitæ S. Angeli.

58. **E**X jam dictis perspicuum est, ut à Turcarum infestationibus liberetur, & de illis victoriam referat populus Christianus, primùm necessarium esse detestari & deserere scelera & peccata (Dei in nos vindictam excitantia, & divinæ misericordiæ fontem exsiccantia) ac sectari justitiam. Sed an satis ista? atque ita cancellatis manibus expectare tempus divinæ misericordiæ, & liberationis civitatis sanctæ Ierusalem, ceterorumq₃ Terræ sanctæ sacratorum Christi gressibus & sanguine locorum? Nequaquam, sed manus operi est admovenda. Terra illa olim Abrahæ, & posteris ejus promissa, & ided Promissionis nuncupata, non dormientibus aut otiantibus Israëlitis

Pro recuperanda Terra Sancta expeditiones sacra requiruntur.

ita-

tradita fuit : at opus fuit multis praliis contra septem illas Gentes eam inhabitantes. Sic à Christo per S. Angelum prænuntiatur , pro liberatione Ierosolymæ copias magnas colligendas & transfretandas , sicut fecit S. Ludovicus Rex Franciæ , & ante eum Godefridus Bullonius.

59. Veniet tandem , qui liberabit , & ponet pacem in gentibus , & erit consolatio iustorum. Quis inquit Angelus , iste erit , qui liberabit civitatē tuam ? Et Christus : Surget tandem Rex antiquā de gente & stirpe Francigenā , insigni in Deum pietate . . . Copias transmittet , quas sequetur multitudo ultro-militantium . . . Instructā classe fretus transfretabit , & perditas restituet Ecclesias : & liberabit Ierosolymam. Ita Christus S. Angelo in Vita ejus capite 15. Apud Benedictum Gononum legitur : Angelus dixit ; O Deus meus , quis ergo liberabit tuam sanctam Civitatem de manibus infidelium ? Et Dominus respondit : Unus potens , & sanctus Rex de Domo Franciæ , & iste amabitur ab omnibus Regibus Christianorum , & ab omnibus fidei orthodoxæ professis. Et habebit passagium. Quis ille Rex insigni in Deum pietate , qui classe transfretabit , & liberabit Ierusalem ? Benedictus Gononus dictō locō ad marginem notat : Is est sanctus Ludovicus. Id non verisimile videtur , quam.

quamvis enim in ipso verificari possint pleraque antedicta; non tamen apparet, quomodo istud, liberabit Jerusalem. Isti Prophetia S. Angeli consonare videntur ea quæ de Armenis Nierses sextus Armenia Patriarcha, vir eximia virtutis vaticinatus fuit, de quibus infra §. 9.

60. Porro quia præteriti ratio est magistra futurorum. Et teste Philosophô tertio Ethicorum: Prudentia agibilium hujus mundi in nobis acquiritur per experientiam factorum. Etenim ex præteritis sumitur judicium de futuris, & ex iis quæ facta sunt, concludere licet quid in occurrentibus eventibus prudenter agendum sit. Hinc est quod opera-præmium inòdè necessarium sit, ut Principes, Duces, & Præfecti passagii seu exercitus destinati pro recuperatione Terræ Sanctæ, legant Historias præcedentium bellorum in Terra Sancta gestorum, per inclytum Godefridum Bullonium, atque aliis temporibus succedentibus, exaratas per Willermum Tyrensem Archiepiscopum, Iacobum de Vitriaco Episcopum Achonensem, & S. R. Ecclesiæ Cardinalem, atque alios plures, quorum opera simul typis edita fuerunt, in magno volumine inscripto: Gesta Dei per Francos, sive Orientalium expeditionum Historia. Ejusdem rationis, & ad propositum valde opportuna est Vita S. Petri Thomæ Patriarchæ Constantinopolitani Legati Apostolici, quæ extat in Actis Sanctorum per RR. PP. Bollandum

Quid peculiariter requiratur, ut sacra expeditiones optatum finem habeant.

& Henschenium ad diem XXIX. Ianuarii, & indè plura in Ecclesiasticos Annales transtulit Oedericus ad annum Christi 1365. atque anteriores. Est porro illa Vitaceu expressiva idea & exemplar Legatorum Apostolicorum in sacris expeditionibus, & varia suppeditat scitu dignissima. In præfatis Historiis præterita considerari poterunt utiliter ad cautelam futurorum. Historia enim speculum est temporum præteritorum, & omnis generis eventuum, quibus erudimur alienis exemplis, & prudentiores reddimur; ut proindè jure, eloquentia princeps hòc eam extollat elogiò: Historia testis temporum, lux veritatis, vita memoriæ, magistra vitæ, nuntia vetustatis.

61. Peculiariter quoque, imò quàm maximè, præ cæteris omnibus, ad hoc intentum serviet Liber secretorum fidelium Crucis super Terræ Sanctæ recuperatione, & conservatione Authore Marino Sanuto Patricio Veneto: in quo variæ exhibentur instructiones, & cautela, pro recuperatione Terræ Sanctæ. Una ex eis peculiariter commendata hæc est: Exercitum Domini non per Terram, sed per mare, classe, ducendum directè in Ægyptum, quod ibi variis rationibus, & exemplo S. Ludovici, atque aliorum suadetur, & confirmari etiam potest expeditione in Orientem factâ annò Christi 1365. quando victricibus armis Petri Regis Cy-

pri,

Expeditiones sacra
per mare
potius
quàm per
terram faci-
cienda
suadentur.

pri, & directione B. Petri Thoma Patriarcha Constantinopolitani Legati Apostolici, per mare feliciter intercepta fuit Alexandria opulentissima & celeberrima Ægypti Civitas, prout in prasata Vita ejusdem B. Petri Thoma cap. 15. 16. & seq. & ab Oderico ad dictum annum refertur. Id quoque satis innuere videntur verba Christi ad S. Angelum, de Rege qui liberaturus est Terram Sanctam, & Ierosolymam. Instructâ classe fretus transfretabit. Est etiam id commodi in exercitu navali, quod inde milites non ita facile fugam capere possint.

62. Inter omnia autem primum & precipuum, maximeq; commendatum id sit monitum: Legato Apostolico, & Ducibus exercitus summam debere esse curam, ne fornicationes, ebrietates, aliâq; graviora peccata, Dei vindictam provocantia, in castris regnent. Testes sunt Historia omnes, tunc fideles (in veteri Lege, filii Israël, in nova, Christiani) de hostibus infidelibus triumphasse, quando à peccatis se continebant. Quando autem ad voluptates, & insanias falsas se converterunt, tunc iratus est furore Dominus in populum suum. Et tradidit eos in manus Gentium, & dominati sunt eorum qui oderunt eos.

[a] Et velut mulieres, meticulosi facti sunt, & ^{a Psal.} emarcuit cor eorum, ita quod plures ex ipsis pau- ^{105.} cos ex hostibus infidelibus expectare non auderent. Recole dicta §. 4. precedenti. Adhuc requiritur quo-

quoque disciplina militaris cura sollicita : quæ utinam inter Christianos vigeret sicut inter Turcas : qui hac in re adæquare , aut etiam superare videntur Romanos illos priscos. Circa eam quædam dicta sunt hîc suprâ §. 3. num. 25.

63. Animadvertendum autem Turcarum potentiam & vires , quas plerique inexpugnabiles & insuperabiles prædicant , nequaquam esse tam formidabiles & immanes , ut , Deo benè juvante , reprimi , ac contineri non possint , modò forti & intrepidò animò invadantur , ac servatis ordinibus imperando , ac benè agendo ad solius victoriæ consequendæ finem cõmunibus votis respiciatur. Ita Spondanus ad annum Christi 1596. num. 8. Idem Author variis locis notat Turcas ad Christianorum terrorem , solitos evulgare exercitus suos numerosiores quàm reipsâ sint. Porro contra Turcas aliosq; infideles quàm victoriosus , Deo opitulante , esse soleat , etsi numerò impar , exercitus Christianorum , dum juxta belli leges , forti animò , congruèque servatò ordine ac ratione , atque peccata graviora devitando , res agitur , eventus manifestant. Inuvabit memorasse nonnullos.

64. Prætermisissis nobilissimis triumphis Godfridi Bullonii , atque aliorum ejus successorum , nec non vetustiorum exempla recentiora aliquòt proponuntur. Anno reparatæ salutis 1340. Hispani cum exercitu vix 40000. (videlicet quatuordecim millium equitum , & viginti quinque peditum)

mili-

militibus omnibus sacrâ confessione, & Euchari-
 stiâ munitis, ac rubrâ cruce signatis, aggressi
 infideles Mahumetanos Mauros Tarissam urbem
 obsidentes, quorum exercitus plus quàm decuplò
 numerosior erat (scilicet equitum septuaginta
 millium, & peditum quater centenorum millium)
 illos maximò præclarissimòq; , & ad sempiterna
 sacula memorabili præliò superarunt & fuga-
 runt, occisis ducentis infidelium millibus, præter
 magnum captivorum numerum, & ingentem præ-
 dam; ex Christianis non nisi viginti viris deside-
 ratis. Victoria omninò similis fuit an. 1212. etiam
 in Hispania, & contra Mahumetanos Mauros.
 Christiani omnes peccatorum confessione, & Eu-
 charistiæ sumptione roborati, habentes in vexillis
 imaginem B. Virginis Mariæ, & prævium signum
 Crucis, supra centum millia ceciderunt (alii nume-
 rum duplicant) ex Christianis non nisi viginti quin-
 que interemptis. Anno 1443. cum Eugenius IV.
 Pontifex piam Crucis militiam prædicari jussisset
 contra Turcos in Hungaria, exigua Christiano-
 rum copiæ, divinâ ope imploratâ, grandi cade Tur-
 cos superarunt, & eorum castra opulentissima di-
 ripuerunt. Rex Hungariæ Wladislaus ingenti
 gaudiò & sacrâ pompâ exceptus, Budæ nudis pedi-
 bus ex voto Ecclesiam Beatissimæ Virginis petens,
 signa hostium in ea affixit. Insignis etiam valdeq;
 singularis ea fuit victoria, quam anno Christi
 1456. precibus Christianorum per Callistum III.
 iudi-

Christiani
 forti ani-
 mò. & bo-
 nò ordine
 procedentes
 & peccata
 graviora
 devitantes
 quàm fa-
 cile victo-
 riosi sint de
 numerosis-
 simis exer-
 citibus in-
 fidelium.

Id variis
 exemplis
 demonstra-
 tur.

indictis Hungari reportarunt juxta Belgradum, quod Mahometes Turcorum Imperator obsidione cinxerat. Ipse Machometes graviter vulneratus fuit, & trucidata quadraginta circiter Turcorum millia, ac inter eos serè omnes proceres, factumq; divinitus, ut Turci in fuga sese mutuo ingenti numero ceciderint. Anno 1593. Christianorum sex millia, invocato divino auxilio, triginta millia Turcarum Hungariam infestantium, gravissimâ clade affecerunt. Sic & Poloni, (orthodoxa fidei strenuissimi propugnatores, abstinentiam perpetuam feriæ quartæ singulari devotione servantes) anno 1514. triumpharunt de Moscovitis, cæsis ex illis supra triginta millibus, captisq; præcipuis Ducibus, Proceribus, & Nobilibus, ex Polonis desideratis dumtaxat paulò plus quadringentis: & anno 1621. duplici atroci præliò Turcas devicerunt. Dicuntur iis certaminibus è Turcis ad centum circiter millia cæsa, totidem aliis casibus extincta. Vide Spondanum: & ista sufficiant, ut Christiani Principes cognoscant, posse Othomanicas vires, quantumvis potentissimas, profligari, & Turcicum Imperium, omnibus formidandum, ruere, si ipsi Christiani Principes sacra arma contulerint. Ex dictis constat quoque etiam in Christianis verificari illa Dei ad populum Israëliticum olim promissa: Levit. 26. Ego Dominus: si in præceptis meis ambulaveritis, & mandata mea custodieritis, & feceritis ea, &c. Persequemini

mini inimicos vestros, & corruent coram vobis. Persequentur quinque de vestris centum alienos, & centum de vobis decem millia: cadent inimici vestri gladiô in conspectu vestro.

65. Dignum scitu est, & hic ad propositum, quodq; omnes contra Turcos, aliosq; infideles militantes meritò consolari & animare debet, illud Christi ad S. Angelum: Magna eorum turma, qui pro meo nomine eô præliô cadent effectu crucis præmia suscipiet, & trophæis gloriosis cœlum ascendet. Nempe qui rectâ intentione, pro Dei amore ad bellum illud sanctum vadunt, & in eo occumbunt quâdam ratione quasi Christi Martyres gloriosô triumpho cœlum consequuntur. Et ea olim temporibus Godofridi Bullonii communis erat militantium contra Saracenos persuasio, prout testatur variis locis Willermus Tyrius in Historia Orientali, & quidem lib. 3. cap. 9. post relatum casum cujusdam strenui Nobilis, in oppugnatione Urbis Nicenæ lapidum molibus secus murum contriti. Flevit, inquit, super eum populus, ejus plurimùm commendans animositatem, & mortem ejus in conspectu Domini reputans preciosam, per quam ejus animam electis spiritibus non dubitabant sociandam: omnium enim, ut prædiximus, una mens erat, & eadem sententia, eos qui sic in acie procum-

Occumbentes in sacris expeditionibus, rectâ intentione bellantes, meritum martyrii consequuntur.

bebant, vitam mereri perpetuam; & in parte fortis Sanctorum, prædestinato collocari in lumine. Et hæc confirmantur ex doctrina S. Thomæ 2. 2. quæst. 124. art. 5. ad 3. ubi satis indicat, eos qui pro defensione Reipublicæ moriuntur, posse consequi meritum Martyrii, si illam defensionem, & mortem suam in Deum referant, in quem locum sic commentatur Franciscus Sylvius: Adverte, illos qui pro defensione Reipublicæ in bello justo occiduntur, posse esse Martyres, si illam defendant propter Deum, amore Justitiæ ac Legis divinæ; non verò si stipendii militaris, aut prædarum intuitu; aut aliâ aliquâ intentione, vel pravâ, vel bonum dumtaxat humanum spectante. Posteriori igitur ratione illi qui pro Ecclesiæ defensione, Christi causâ susceptâ, mortem patiuntur, velut Martyres censendi sunt, seu, ut S. Thomas loquitur: meritum Martyrii consequuntur; si vulnera, & mortem, Dei amore sustineant.

In sacris
expeditionibus mul-
ti salvan-
tur, qui
alioqui
damnandi
fuis-
sent.

66. Confirmantur prædicta ex notabili Historia, quam referunt Thomas Cantipratensis; in vita S. Christinæ Virginis, & ex eo Laurentius Surius ad diem 23. Iunii capite 20. Et Cardinalis Baronius in Annalibus Ecclesiasticis ad annum Christi 1187. ubi ista: Quô autem die à Saladino Ægypti Sultano capta fuit Hierusalem cum Sepulchro & Cruce Christi, illa

illa in castro Leonensi tum constituta, spiritu cognovit rem gestam. Cumque multum exultaret, ab iis, qui aderant, rogata ut ejus lætitiæ causam exponeret: Jure, inquit, exulto; nam & Christus Dominus cum Angelis suis exultans occasionem præbuit, quâ magna possit hominum copia salva fieri. Illis rursus sciscitantibus, quænam esset hæc occasio, respondit: Noveritis Terram Sanctam hodie venisse in manus hominum impiorum; atque hæc re magnam salutis oblatam occasionem. Christus enim pro illata ipsi contumelia dignum censuit, ut terra illa hæc ignominiâ afficiatur, quamvis ipsius passione sanctificata, attamen in fine mundi cum ipso mundo peritura; quando illius recuperandæ causâ animæ semper victuræ, ejusque sanguine redemptæ, ab iniquitate ad justitiæ studium convertentur, fundentque homines sanguinem suum, & quamdam morti Salvatoris vicem cum multa devotione rependent. His dictis mirabantur omnes, & quidam annotarunt tempus. *Vbi notandum eos qui recuperandæ Terra Sanctæ causâ sanguinem fundunt, quamdam morti Salvatoris vicem rependere, & hæc ratione magnam salutis oblatam occasionem.*

67. Ex dictis hætenus eruere licet plures ex-

*Utilitates
alia sacra-
rum expe-
ditionum.*

peditionum sacrarum pro recuperanda Terra Sancta utilitates publicas. Potissima quidem illa jam dicta, salus plurimorum, qui sacrò bellò mortem temporalem oppetentes vitam consequuntur sempiternam, quâ alioqui frustrati in æternum periissent. Altera, quòd hòc modò Provincia & Regna expurgentur multis discolis & inutilibus, qui eundem in bello operam utilem præstantes bonò fine coronantur. Tertia, quia dum Christiani Principes ad sacras expeditiones subsidia conferentes, externa bella gerunt à domesticis, & mutuis inter se bellis remotiores fiunt.

§. VIII.

De Turcici Imperii everfione, & fine sectæ Mahumetanæ.

Ad idem Cap. xv. Vitæ S. Angeli.

*Deus utitur
malis
hominibus
tamquam
virgis, po-
stea in
ignem mit-
tendis.*

68. **O**ccasione eorum quæ dictò Capite 15. referuntur de Rege qui liberaturus est Christianum Orbem de manibus Turcarum, quadam de fine Mahumetana sectæ, & Turcici Imperii excidio adferenda sunt. Etenim iustus Dominus, misericors Pater, castigans filios quos diligit, eum in finem uti solet malis hominibus tamquam flagellis (ita se nominabat Attila Hunnorum Rex) & quemadmodum Pater castigatò ac emendatò filiò virgas projicit igne absumendas; ita

ita bonus Dominus & Pater noster, postquam castigaverit suos quos diligit, & illi se correxerint, infideles & malos (cùm eorum iniquitates, juxta definitum ipsis tempus completa fuerint, & ad summum cumulata) exterminat. Ita olim pessimas & abominabiles Nationes, scilicet septem Gentes inhabitantes Terram Sanctam, à facie filiorum Israël ejecit. Idem evênit Philistæis, Chaldeis, Medis, & tempore Christianorum Arianis, Nestorianis, caterisque sectis Ecclesiam falsis dogmatibus infestantibus; nec non Gothis, Wandalis, Hunnis, Saracenis, Chorasmiis, Mammaluchis, Mauris in Hispania, aliisque infidelibus. Eadem sors etiam aliquando Turcis superveniet. Cornelius à Lapide in illud capitis sexti Apocalypseos: Et ecce equus pallidus; & qui sedebat super eum, nomen illi mors, & infernus sequebatur eum; sic ad propositum scribit: Joachim, Seraphinus Firmanus, Pannonius & Pererius, per equum hunc pallidum intelligunt sectam Mahometis, Turcas & Saracenos, infensissimos & celeberrimos jam à mille annis hostes Christianorum. Hi enim post Gothos, Arianos, aliosque priscos hæreticos, mox Ecclesiam gravissimè infestarunt, & jugiter infestant: estque hæc quasi quarta ætas Ecclesiæ. Hæc secta rectè comparatur equo; quia planè irrationalis est, bruta & carnalis. Ibi consequenter variis

Ita tandem contingeret Turcis.

rationibus declaratur, per quartum equum pallidum denotari Mahumetanos; tandemq³ concluditur: Sicut ergo per secundum equum rufum significati sunt Gentiles & Pagani Ecclesiæ persecutores; per tertium, nigrum scilicet, Ariani, Gothi, Wandali, aliique hæretici: ita per pallidum significantur Saraceni, Turcæ, & Tartari (ex quibus prodiit Gog & Magog, de quo capite 20. 7.) Hi enim præ aliis duobus, puta præ Gentilibus & Gothis, fuerunt & sunt acerrimi & continui, per decem sæcula, primi albi equi & equitis, puta Christi & Christianorum, hostes. Itaque significatur hîc acre, longum, & continuum Ecclesiæ certamen & bellum, æquè ac victoria, cum omni hostium & hominum genere. Primò enim per trecentos annos certavit cum Gentilibus & Imperatoribus Romanis: hosce tandem subegit, cum Constantinus & sequentes Imperatores colla subdiderunt Christo & Ecclesiæ. Secundò certavit cum Arianis, Nestorianis, Eutychianis, aliisque hæreticis, per totidem, scilicet trecentos, annos proximè sequentes: sed & hos vel profligavit, vel extinxit. Tertiò, certavit & adhuc certat cum Turcis & Saracenis: hosce etiam suo tempore dissipabit. Et quemadmodum olim

Balaam, etsi Ariolus, verè vaticinatus est de Romanis: Venient in trieribus, de Italia, superabunt Assyrios, vastabuntque Hebræos; ac de iisdem subjungit: & ad extremum etiam ipsi peribunt. Sic etiam Turcis continget: & verisimiliter haud longò post tempore; cum jam ferè omnia de dilatazione Imperii eorum, & occupatione regnorum, ac regionum plurimarum à Christianis, nec non sapiùs iteratà desolatione Regni Hungaria à S. Angelo prænuntiata, adimpleta videantur. Idq̃ confirmatur ex eo quod idem Cornelius à Lapide in caput 20. Apocalypseos circa illa verba: Donec consummentur mille anni; scribit: Quod apud Turcas constans sit oraculum, Mahometis sectam duraturam mille annos. Et ibidem paulò antè, Mahometani jactant oraculum, suam sectam & regnum duratura mille annis; estque hoc in ore eorum frequens & celebre; nimirum post mille annos illa declinata, ut sensim secta deficiat, & eat in ruinam. Et infra in Appendice ad capitis 20. vers. 4. Denique nonnulli suspicantur per annos mille, quos hîc præcisè assignat S. Joannes & sexties iterat, symbolicè notari mille annos quibus duratura est secta, Regnum & persecutio Mahometis, puta Saracenorum, & Turcarum. Et aliis pro hujus assertionis confirmatione adductis. Tertiò, quòd mille annos.

Oraculum
de duratio-
ne sectæ
Mahome-
tanae per
mille an-
nos.

toties præcisè hoc capite assignet & iteret. Mille autem nusquam invenire possumus, nisi in secta Mahometis. Ipse enim Mahomet sive à Deo, sive à diabolo inspiratus prædixit, suam sectam & Regnum duraturum per mille annos. Idem prædixerunt alii, adeoque hæc communis Saracenorum & Christianorum est vox & sententia, quam Mahometani pro indubitata & certissima habent. Et ibi consequenter, post alia etiam ad idem intentum. Quodq; expletô millesimô à Mahomete annô, magna Imperii Turcici inclinatio, vel ruina, vel ruina exordium futurum sit nonnulli viri sanctitatis & prophetiæ famâ celebres in Italia, Germania, Hispania, &c. prædixerunt. Idem viri sapientes & sagaces ex variis tum præteritis, tum præsentibus eventibus solerter conjectant, dictitantque finem & terminum belli contra hæreticos, quem propediem sperant, fore principium belli contra Turcas & Saracenos, nisi Christianorum vel æmulationes & dissidia, vel socordia & torpor, vel graviora scelera impediunt. Ad hoc enim multis magnisque voluntatis suæ indicibus eos invitare & vocare videtur Deus. Ita Cornelius ibidem.

69. Id tamen de duratione sectæ Mahumetana non præcisè, & arithmeticè accipiendum est, sed

sed moraliter, & geometricè: sicuti & illa Id non
 S. P. N. Elia attributa prædictio de mundo dura- præcisè, sed
 turo sex millibus annorum, his verbis: Sex mille moraliter
 annis erit mundus. Duobus mille inanitas; intelligen-
 duobus mille lex: duobus mille dies Chri- dum.
 sti. (De hac prædictione videri poterit Sixtus Se- Prophetia
 nensis libro 2. Bibliotheca sanctæ in Elia, & lib. 6. S. Elia de
 annot. 190. Baptist. Mantuan. lib. 3. de Pa- mundo du-
 tientia cap. 29. Lezana tom. 1. Annal. Carme- raturo sex
 lit. ad annum mundi 3132. ante Christum 921.) millibus
 annorum.
 Porro illi sex millenarii non præcisè, & arithme- Quo sensu
 ticè accipiendi, sed moraliter hoc sensu, quòd mun- id acci-
 dus duraturus sit tantum sex millenarios annorum, piendum.
 non plures, ac proinde non perventurus sit ad se-
 pties millesimum, sed ante eum desinet: an autem,
 & quot anni vel simplices vel deni, vel etiam cen-
 teni post sexies millesimum futuri sint, & excur-
 suri versus septies millesimum, usque ad finem,
 hoc ignoramus. Iuxta illud Christi Act. 1. Non
 est vestrum nôsse tempora vel momenta
 quæ Pater posuit in sua potestate. Et Mar-
 ci 13. De die autem illa vel hora nemo scit,
 neque Angeli in cœlo. Eadem est ratio vati-
 cinii illius de millenario duraturi Mahumetismi.
 Cui etiam consonat vaticinium hîc suprâ sub fi-
 nem §. 3. relatum. Quòd autem illud non desi-
 nitè, & præcisè intelligi debeat, patet effectû: secta
 enim illa initium habuit circa annum Christi
 630, atque ita arithmeticè loquendo millenarius
 fini-

finitus fuit circa annum 1630. & adhuc durat, & præcisè quamdiu duratura, & quando venturus ille Rex, qui liberaturus est Christianum Orbem è manibus Turcorum, & an completa jam sint minatoria illa prædictiones capitis 14. ejusdem vitæ, certum non est: sed tamen Imperii Turcarum declinationem instare persuadent verisimiliter jam allata.

70. Liceat jam dictis subicere ad propositum, quæ ante annos serè ducentos (annò videlicet salutis M. CCCC. LXXX.) Antonius Torquatus Ferrariensis scripsit in Prognostico suo, in quo agit de vastanda Hungaria & infestanda Europa per Turcas, deq; ampliando valdè Turcico Imperio, atque aliis nonnullis: quæ pleraque ita contigère. Ibi-
dem de Mahumetana sectæ destructione, & Turcici Imperii excidio, deq; Imperatore Turcarum ista referuntur: Terrorem magnum Christianis incutiet (scilicet Turcarum Imperator) im-
mittetq;: sed Christus tandem suorum per illos stragem diutius non feret. Furorem nempe Germanorum, Ungarorum-
que militiam, & Hispanorum, Italorum-
que ingenia contra eum adducet, & tandem superatus in prælio, interficietur... Orietur inter Duces eorum (Turcarum) & Othomannos discordia, quòd ad invicem & ab externis interficientur, & destruentur. Et tota Græcia ruinis & externis bel-
lis

Vaticiniū
de Turcici
Imperii oc-
casu.

lis fervereſcentibus permiscebitur, atque affligetur. Pesteque ac fame laborans sævissimis ultra modum excrucietur, & exinanietur, nec sibi paululum respirandi tempus præstabitur aut locus, donec penè tota pereat & corruat. Tunc Christiani omnes unò animò unòque impetu alacres mare transibunt, & velocitate tantâ & tot copiis ac tantis, ut quasi totam terram Christianorum in Orientem volare potiùs quàm ire credendum sit... Tunc videbis Turcas ad fidem Christi convolare. Tunc Christiani qui Christum abnegaverunt, ad ejus suave jugum revertentur, & gemina imperia sub uno convolabunt Imperatore. Africaque sanguinolentis bellis devastabitur, pesteque sevirissimâ laborans ac multis afflictâ calamitatibus & ipsa Hispano Regi victas cogetur dare manus... Nec cessabunt aut desinent Hispani ad ulteriora procedere, donec omnia Meridiana ad extremam usque Indiam sibi subjicient. Sed suam gloriam avaritia luxuriaque aliquantulum denigrabunt, prædâque ingentissimâ ab omni parte genteque abductâ, supra quam credi potest ditabuntur. Sicque Domini nostri Jesu Christi vexillum ad Orientales partes cum gloria portabitur, & Mahumetana secta cessabit, & passim Mahu-

humetani, & Indi, atque Judæi ad Christi Baptisma convolabunt. Cui sit honor & gloria in sæcula sæculorum. Amen.

*Prædictio
S. Francis-
ci de
Paula.*

71. *Istis consona sunt ea, quæ S. Franciscus de Paula, Ordinis Minimorum Fundator vaticinatus est de nova quadam Religione. De ea inter cetera hæc prædixit: Tres habebit partes; prima erit Equitum armatorum, secunda Sacerdotum, tertia Hospitalariorum. Erit hæc Religio omnium ultima, magnum fructum afferet Ecclesiæ, extinguet maledictam Mahometis sectam, quin & hæreses omnes, ut fiat unum ovile, & unus Pastor. Ita referunt P. Lucas Montoya in Chronicis ejusdem Ordinis sub finem: & ex eo Cornelius à Lapide in Appendice ad finem capitis 17. in Apocalypsim, ubi & hæc subjungit: Idem (sanctus Franciscus) in aliis Epistolis hunc Ordinem vocat Cruciferorum, eò quòd in vexillis suis præferent imaginem Crucis, vel Christi crucifixi, pro quo pugnabunt, cuique subjicient tam Mahometanos, quàm Hæreticos, & pravos Christianos. Atque hæc omnia sibi à Deo revelata, & certò eventura asseverat. Litteræ illæ Italicò idiomate nuper editæ fuerunt Romæ per Franciscum Longobardum Ordinis Minorum, & per Franciscum Maria Maggio, in Apparatu prævio ad Vitam Ven. Vrsule Benincasæ; extant quoque Latine,*

tinè , Hispanicè , & Gallicè apud varios Authores.

72. Hactenus adductorum suppositâ veritate, & collatis eis cum Prophetia S. Angeli, in ejus Vita cap. 15. haberetur Turcicum Imperium aliquando sic dissipandi, ut Ierosolyma & Terra Sancta cedant Regi de stirpe Francigena, seu, ut apud Gononum habetur, Regi de Domo Franciæ; Terra autem Meridionalis, videlicet Africa Regi Hispaniæ; & illa quæ Turca possidet in Hungaria, nec non Thracia & Græcia, Hungaris & Germanis: sub Germanis verisimiliter comprehenduntur & Poloni, Ecclesiæ orthodoxæ propugnatores strenuissimi: quibus omnibus jungerentur novæ istius Religionis milites. Sed quid de Anglis, qui olim in Terra Sancta strenuam navarunt operam? Fortè nec ipsi à participatione istius gloriæ excludentur. Deus donet, ut truculenti isti hostes in sua feritate confidentes, & loca sancta ac multa Regna alia Christianis violenter erepta, occupantes, suisq; spurcitiis polluentes, dextera ipsius potentiâ citò conterantur, & ista jam dicta verificentur; hunc in finem sic orare licebit: Te oramus, Deus æternæ, mitiga propter Filium tuum mala tot annis Ecclesiæ illata; conserva pro immensa misericordia tua doctrinam Euangelii: ut sublati Mahumetanorum blasphemii, gloriosum fiat Nomen tuum in Gentibus. Excita ad necessarium bellum Principum Christianorum animos;

ut

ut liberatô grege tuô ab impiïssimo tyrannidis jugo, tuam bonitatem & potentiam agnoscat atque prædicet Orbis universus. Amen.

§. IX.

Consonantia variorum aliorum Vaticiniorum de restituenda & reformanda Ecclesia, & everfione sectæ Mahumetanae, deque mundi duratione.

Ad Caput xiv. & xv. Vitæ sancti Angeli.

73. **U**terius hîc declarandum videtur, quòd & qualiter variorum aliorum sanctorum hominum vaticinia consonent iis quæ S. Angelus prænuntiavit (& hætenus illustrata sunt) de affligenda Christianorum Republica, de Rege venturo, qui junctus Romano Pontifici Ecclesias à jugo infidelium liberaturus est, & de Ecclesia ad statum bonis optatum restituenda: de quibus omnibus Cap. XIV. & XV. Vita S. Angeli. Imprimis istis concordant ea quæ Nierfes, cognomine Magnus, sextus Armenia Patriarcha, vir eximie virtutis, paulò ante annum Christi quadringentesimum, tempore Imperatoris Theodosii Senioris, suis Armenis propheavit his verbis:

*Vaticiniũ
Niercesis
de Armenia
Regno
per infide-
les diffi-
pando:*

bis: Destruetur Regnum vestrum, quem-
 admodum Israël, & dissipabuntur confi-
 nia vestra per manus exterorum inimico-
 rum; trademini in captivitatem, in fa-
 mem, in gladium, nec deficiet jugum ser-
 vitudinis à collo vestro. Regionem vestram,
 & labores vestros devorabunt coram vo-
 bis Alienigenæ, & sicut disperguntur fron-
 des, dispergemini: neglecti critis sicut aqua
 effusa, & ab intensione arcus infirmabimi-
 ni. *Et iterum postea*: auferetur Regnum
 vestrum, & Sacerdotium; atque sine Do-
 mino vestro circuibitis super terram, sic ut
 grex absque pastore. *Et post multa alia*: evel-
 lentur muri insuperabiles à gente Tarta-
 rorum: & comedet generatio illa carnes
 brachiorum ipsorum, & loca sancta Arme-
 norum Pontificum evadent habitationes
 generationum infidelium. *Et hæc omnia na-*
tioni isti acciderunt propter suas hæreses, quibus
obstinatè inhæserunt, & defectionem à vera Fide.
Deindè latiora idem Nierses denuntiat, futura
ante mundi consummationem. Post hæc, inquit, *Ac tan-*
 fiet redemptio omnium Regionum, & *dem per*
 Christianorum à Potenti Romanorum *Romanos*
 gente, qui Franchi nominantur. *instauran-*
do. Et postea
 in gressibus bonis requiescet terra quam-
 pluribus annis: & expellentur infideles,
 & cadent sub jugum servitudinis Romano-
 rum.

rum. Et dicetur illâ die : Væ mortuis , qui ad hæc felicia tempora , & requiem hanc magnam non pervenêre. *Hactenus Nierses Patriarcha ; cuius , tanquam Sancti , festum celebrat Ecclesia Armena , & in oratione hac , inter alia , canit : Protege nos Christe , precibus sancti Niersesis , cui occulta temporis futuri secreta revelasti , &c. Ita in Historia Armeniæ cap. 6. Hinc est , quòd soleant Armeni , durò infidelium jugò preßi , dum Christiani aliqui ex Europa ad illos venerint , lamentabiliter exclament : Ecquando venient Romani , ad redimendum nostrum locum , & gentem. Ita testatur Clemens Galanus , Apostolicæ Sedis Missionarius in Historia Armeniæ , inscripta Conciliationis Ecclesiæ Armenæ cum Romanâ pars prima , impressa Romæ typis Sacræ Congregationis de propaganda fide.*

*Similis
prædictio
Isaaci Pa-
triarchæ.*

74. *In eadem Historia cap. 7. de Isaac Patriarcha septimo , ista memorantur : Extat prætereà Isaac Patriarchæ liber quidam Revelationum , in Armenæ Historiæ Codice insertus ; in quo præcipuè legitur , quòd dum hic Dei famulus exularet , pœnitentiâ ducti Primates Armeniæ , venerunt ad ipsum , ut erroris sui veniam peterent ; quibus ille visionem quandam , divinitùs sibi revelatam , aperuit ; quam & Angelus explanans , simile quid , quod antea de Regni & Ec-*

& Ecclesiæ Armeniorum ruinis Nierses Magnus prædixerat, his ei verbis vaticinatus fuerat: Throni visio, quæ tibi apparuit, similis fluctui maris glaciati significat fluctus agitationum Regionis Armenicæ. Nam absconditum illud sub nigro & denso velo, ostendit flagellum quod subitura est Regio tota. *Ibi prolixè visio per Angelum ei ostensa describitur, & tum subditur:* Hæc ab Angelo acceperat perillustis Isaac, in cujus commemorationem Armena quotannis sic decantat Ecclesia: Domine, qui tua futura mysteria sancto Isaac revelatione significasti, suscipe nostras, commemorationem ejus celebrantium, preces, &c. *Quomodo ista vaticinia adimpleta sint ibi consequenter declaratur: & quidem de everfione Regni, & Ecclesiæ Armeniorum ista:* Ultimus similiter ex Arfacidis Armeniæ Regibus fuit ipse Ardasciras: cùm exinde Armenii, suis orbatî Regibus, primò fuerint Persarum, tum modò Græcorum, modò Saracenorum, modò Tartarorum durissimo sub dominio mancipati; jam verò huc illucque dispersi, partim Persis, partim Turcis miserrimè, penitusque subjiuntur. *Claruit ille Patriarcha Armeniæ sub an. Christi quadringentesimum.*

75. Præfatis S. Angeli, & Patriarchæ Nierses vaticiniis de futura exaltatione, reformatione

& felicitate Ecclesia etiam concinere videntur an-
 tediſta ex S. Francisco de Paula prænuntiantis fo-
 re ut Mahumeti ſecta omneſque hærefes ex-
 tinguantur. O verè felicia tempora illa, de qui-
 bus meritò dictus Nierſes ! Væ mortuis, qui ad
 hæc felicia tempora, & requiem hanc ma-
 gnā non pervenēre ! Quia, ut ſuprà diceba-
 tur : Tunc Domini noſtri Jeſu Chriſti ve-
 xillum ad Orientales partes cum gloria por-
 tabitur & Mahumetana ſecta ceſſabit, &
 paſſim Mahumetani, & Indi, atque Judæi
 ad Chriſti Baptiſma convolabunt.

76. Illa erunt aurea tempora, de quibus in Vi-
 ta S. Angeli verbis præallatis : Quod tunc Eccle-
 ſia erit ad ſtatum bonis optatum reſtituta, &
 Chriſtus apud Matthæum: [a] Et prædicabitur
 hoc Euangelium regni in univerſo orbe, in
 teſtimonium omnibus gentibus : & tunc
 veniet conſummatio. Ac apud Marcum: [b]
 Et in omnes gentes primū oportet præ-
 dicari Euangelium. Scilicet ante mundi con-
 ſummationem, de qua ibi conſequenter agitur.
 Priorem locum ſic interpretatur Dionyſius Car-
 thuſianus : Prædicatio Euangelii per totum
 mundum intelligi poteſt dupliciter. Primò
 quantū ad converſionem quorundam de
 omni genere hominum, ſeu quantū ad
 principalia climata. Et hoc modo facta eſt
 per totum mundum tempore Apoſtolo-

rum,

Matthæi
24.

Marci
13.

rum, & ante destructionem Jerusalem à Romanis. Sic enim de Apostolis allegat Paulus illud Psalmistæ: In omnem terram exivit sonus eorum. Et Christus dixit Apostolis: Eritis mihi testes in omni Judæa & Samaria, & usque ad ultimum terræ. Et rursus: Prædicate (inquit) Evangelium omni creaturæ. Et: Euntes docete omnes gentes. Unde & Paulus ad Collocenses ait: Ut sermo Dei clarificetur in vobis, sicut & in omni creatura quæ sub cœlo est. Secundò intelligi potest prædicatio Evangelii in toto mundo simpliciter, quantum ad universorum conversionem & idololatriæ, atq; sectarum errantium plenissimam eradicationem, exceptis paucissimis Antichristi ministris. Et hoc modo prædicatio Evangelii fiet circa finem sæculi.

*Ante mū-
di consum-
mationem
prædican-
dum Euā-
gelium in
universo
Orbe.*

77. Maldonatus quoque exponens illa verba, & prædicabitur hoc Evangelium Regni in universo mundo declarat illa non posse verificari de prædicatione facta ante Ierosolymitanum excidium (sicut aliqui sustinent) sed faciendâ in fine mundi: Certè, inquit, in multis Orbis terrarum partibus Evangelium prædicatum non erat, cùm & Patrum nostrorum memoriâ reperta sit quarta pars Orbis multò cæteris major, ubi nulla Evangelii notitia unquam fuerat; & D. Augustinus-Epi-

stolâ 80. testatur, multas suo tempore in Africa fuisse gentes, quæ Euangelium neque acceperant, neque audiverant. *Idem sustinet Cornelius à Lapide circa eundem versum, ubi inter alia hæc: Quocirca S. Hieronymus, Beda, & alii veteres docent hoc planè & plenè fore ante consummationem Orbis: hæc enim obsolutè dicitur consummatio, & ante hanc Euangelium in omnes omnino gentes divulgabitur & propagabitur; ita ut apud omnes gentes fundentur Ecclesiæ; instituantur Parochi & Episcopi, omnisque Ordo hierarchicus: quod factum non esse ante excidium Jerosolymæ in confessio est, idque fiet in testimonium omnibus gentibus, quò scilicet Deus testetur paternam suam in omnes gentes providentiam. Vbi consequenter addit: Unde ex hoc Christi oraculo S. Hieronymus, Franciscus Suárez, & alii passim docent, hoc fore certum signum instantis finis mundi, scilicet prædicationem Euangelii per totum Orbem, talem tantamque scilicet, ut ubique fundetur Ecclesia, quæ ubique habeat suos Christianos, suos Clericos, sua Tempia, suos Sacerdotes, &c. Et post alia: Porro quia jam à centum quinquaginta annis videmus ab Hispanis inventum novum Orbem, cum scilicet Americus (à quo Ame-*

Americæ nomen) Vesputius & Christophorus Columbus, navigando detexerunt Indiam Occidentalem, quæ planè dimidia est pars totius Orbis: atque ibi passim propagari Euangelium per omnes Provincias, exceptis nonnullis Regionibus Australibus adhuc incognitis; hinc colligere possumus, nos sensim appropinquare ad finem mundi.

78. Illa igitur Euangelii prædicatio per universum Orbem, & consequenter sectæ Mahumetanæ eversio, atque Ecclesiæ exaltatio futura, verisimiliter videntur haud longò post tempore, videlicet aliquantò ante mundi consummationem: quæ non multis centenis annis abesse videtur, conformiter vaticinio suprà allato, attributo S.P.N. Eliæ, de duratione mundi sex millibus annorum: cui consonare videtur S. Malachiæ Archiepiscopi in Hibernia Prophetia de Romanis Pontificibus, à suo ævo usque ad finem mundi, quos omnes ordine per symbola & emblemata depingit; quæ symbola explicuit, & singulis Pontificibus usque ad Clementem VIII. appositè adaptavit Alfonsus Ciacconus. Nec minùs concinnè conveniunt illa sua quinque subsequentibus usque ad SS. D. N. Alexandrum VII. qui modò præsidet Ecclesiæ, cujus est symbolum in illa prophetia Montium Custos: Montes enim habet pro Insignibus. Post hunc numerantur dumtaxat viginti octo. Si vera sit illa

*Suppositâ
veritate
Prophetia
S. Malachiæ de
Rom. Pontif. finis
mundi
haud longè
abesset.*

prophetia, & tantum supersint 28. Pontifices Romani singulisq; assignentur novem, decem, undecim, aut duodecim anni, quibusdam fortè plus, & plerisque minus, pertinget eorum series circiter ad annum à Christo nato bis millesimum: duo autem

De mundo duraturo sex millibus annorum vetus communisq; traditio. annorum millia legis Evangelicæ juncta quatuor millibus anterioribus, conficerent sex millia, quibus mundus duraturus putatur juxta præfatā traditionem à S. P. N. Elia cujus mentio facta est §. 8.

79. Cùm autem hîc sermo inciderit de sex millibus durationis mundi non abs te erit, neque extra propositum patefacere hoc locò, quòd in hanc sententiam conspirare videantur Christiani, Hebræi, Gentiles, Græci, & Latini; ut videatur esse vetus communisq; traditio, sicut declarat Sixtus Senensis in Bibliotheca sancta librò 5. cap. 190. & Cornelius à Lapide scribens in cap. XX. Apocalypsis. S. Hieronymus in epistolari explicatione Psal. 89. ad Cyprian. ex illo ejus versiculo: Quoniam mille anni ante oculos tuos sicut dies hesternæ, quæ præterit, deducit omnem præsentis sæculi durationem fore sex millium annorum. Ego, inquit, arbitror ex hoc loco mille annos pro uno die solitos appellari; ut scilicet quia mundus in sex diebus fabricatus, sex millibus tantum annorum credatur subsistere, & postea venire septenarium & octonarium numerum, in quo verus exerceatur sabbatismus: undè octo beatitudinibus

Ita sentiunt sanctus Hieronymus.

bus bonorum operum præmia promittuntur. *Idem innuit scribens in cap. 4. Micheæ.*

80. *S. Augustinus lib. 20. de Civitate Dei cap. 7. illa Apocalypsis verba cap. 20. Donec consummentur mille anni explicans: mille, inquit, anni duobus modis possunt intelligi: aut quia in ultimis mille annis ista res agitur, idest sextô annorum millenariô, tanquam sextô die, cujus nunc spatia posteriora volvuntur; secuturô deinde Sabbatho, quod non habet vesperam, requie scilicet Sanctorum quæ non habet finem.* *S. Augustinus.*

81. *Irenæus librô quintô adversus hæreses, cap. ultimô in eandem sententiam sic loquitur: Quotquot diebus hic factus est mundus, tot & millenis annis consummatur: & propter hoc ait Scriptura Geneseos, Et consummata sunt coelum & terra, & omnis ornatus eorum. Et consummavit Deus in die sexto omnia opera sua, quæ fecit: & requievit in die septimo ab omnibus operibus suis, quæ fecit. Hoc autem est ante factorum narratio, quemadmodum facta sunt, & futurorum Prophetia: est enim dies Domini quasi mille anni. In sex autem diebus consummata sunt, quæ facta sunt. Manifestum est ergo, quoniam consummatio istorum sextus millesimus annus est.* *Irenæus.*

82. *Lactantius lib. 7. Institutionum cap. 7. Lactantius.*

eidem sententiæ subscribit his verbis: Sciant igitur Philosophi, qui ab exordio mundi sæculorum millia enumerant, nondum sextum millesimum annum esse conclusum: quò numerò expletò, consummationem fieri necesse est, & humanarum rerum statum in melius reformari. Cujus rei argumentum est; quòd mundum Deus, & hoc naturæ admirabile opus, sicut arcanis sacræ Scripturæ continetur, sex dierum spaciò consummavit; diemque septimum, quò ab operibus requievit, sanxit.

Atque alii.

83. *Aliorum auctoritates videri poterunt apud præfatum Sixtum Senensem lib. 5. Biblioth. cap. 190. qui ibi consequenter indicat S. Cyrillum libris de Antichristo, S. Chrysostomum Germanum Constantinopolitanum Episcopum, & Hippolitum è Roma supra numerum sexies millesimum adjicere Annos quingentos, significantes Christi adventum ad judicium futurum annò mundi sexies millesimò quingentesimò. Vt ut sit, sciendum id quod supra dicebatur, auctoritates seu istorum, seu aliorum non præcisè, & arithmeticè accipiendas, quasi ipsò annò sexies millesimò futurus sit finis mundi, sed moraliter, videlicet vel paulò antè, aut aliquantò post: saltè non complendum annum mundi septies millesimum.*

84. *Fructuosa magnoperè nobis erit isthac cogitatio, de appropinquante adventu Domini, ut cor terrenis citò transitoriis, non affigamus, sed to-*

tam

tam mentem ad futurum ævum transferamus, studeamus, pingamus, vivamus aternitati. Ad hanc meditationem nos seridè monet Princeps Apostolorum: [a] Adveniet autem dies Domini ut Epist. 2.
cap. 3. fur, in quo cœli magnò impetu transient, elementa verò calore solventur, terra autem & quæ in ipsa sunt opera exurentur. Cum igitur hæc omnia dissolvenda sint, Meditatio
utilis. quales oportet vos esse in sanctis conversationibus & pietatibus, expectantes & properantes in adventum diei Domini?

85. In Bibliotheca Patrum editionis Paris. an. M. D. LXXV. tomo secundo extat libellus, cui titulus est: Divi Methodii Patarentis Episcopi & Martyris de rebus quæ ab initio mundi contigerunt. Quæque deinceps contingere debent, Revelationes per Paraphrasin translatae: In quo pleraque vaticiniis S. Angeli, & aliorum hætenus relatorum, de gravi afflictione Ecclesie per Saracenos, ac dein ejusdem exaltatione, & Barbarorum oppressione ferè omninò conformia sunt: propterea inde aliqua excerpta hîc subnectuntur. In primis paraphrasi 10. prædicuntur filii Ismaël, & Agar (ii sunt Ismaëlita, Agareni, Saraceni, & Turci) exituri de deserto, & devastaturi magnam orbis partem, futuri sunt autem, ut Vaticinia
S. Metho-
dii. exeant semel, & devastent terram, & obtineant orbem terræ, & regiones in introitu pacis à terra Ægypti, usque ad Æthiopiam, &

*De variis
Regioni-
bus per
gentes Bar-
baras deso-
latis.*

& à flumine Euphrate, usque ad Indiam, & à Tygri usque ad introitum Naboth regni Jonithi filii Noë, & ab Aquilone usque ad Romam, & Illyricum, Ægyptum & Thesalonicam & Albaniam. *Et paraphrasi* 19. Armenia quoque, & illi qui habitant in ea, in captivitatem, & gladiò corruent. Capadocia in corruptione, & desolatione erit, & ejus habitatores in captivitate, & jugulatione absorbebuntur, Cilicia in tribulatione erit, terra Syriæ erit in solitudine, & ejus habitatores captivi ducentur. Ægyptus quoque, Oriens & Asia sub gravi tributo auri & argenti erit. *De Gracia dicitur*: quòd tota in occisione gladii & perditione & corruptione ducetur. *De Hispania, Gallia, Italia, quòd variis præliis devorandæ sint*, & ex iis multi ducentur captivi. *Deinde in sequentibus prædicitur*, quòd Turci, & infideles destruent Ecclesias & Altaria, facientes abominabilia in locis sacratis: quòd Christiani deducti ad viam angustiam, & tribulationis, irridebuntur per infideles, & deludentur: quòd mulieres Christianæ habentes partus in utero, perfodientur, cum infantibus suis gladiò, ab infidelibus, & Turcis, & corpora projecta in plateis, erunt volatilibus in escam, & canibus: quòd plures Christiani abnegabunt fidem: quòd ex fame, & pestilentia plurima pars viventium morietur. *Et hæc quidem omnia similibus penè ver-*

nè verbis à S. Angelo prænuntiata, Christianis in Terra Sancta, Ægypto, Gracia, aliisq; Europe, Asia, & Africa regionibus supervenisse patet ex dictis §. 3. & sequent.

86. Deinde in eodem S. Methodii libro lata Christianis prædicuntur: quòd Turci post victoriam lati existentes, & convivantes à Rege Romanorum, & Christianis opprimuntur, captivi abducentur, & variis pœnis afficientur. Et tunc multi-

Ac tandem per Regem Romanorum instaurantur.

plicabuntur homines super Terram quæ desolata fuerat, sicut locustæ in multitudine: & sedebit terra in pace, & erit pax, & tranquillitas magna super terram, qualis nondum est facta, neque fiet similis illi, eò quòd novissima est & in fine sæculorum. Erit enim lætitia super terram, & commorabuntur homines in pace & reædificabunt civitates, & mansiones hominum, & liberabuntur Sacerdotes de necessitatibus suis, & requiescent homines in tempore illo à tribulationibus suis. Nónne illa sunt felicia, & aurea tempora, de quibus supra: quando Euangelium prædicabitur in universo Orbe? [a]

a Matth.

87. Sed quia homines in statu felicitatis magna diu subsistere nequeunt, en iterũ tristia. Quia Christiani, sicut in diebus Noë, erunt manducantes, & bibentes, & nubentes, & dantes ad nuptias, exultantes, & gaudentes, & ædificantes, construentes, & non erit timor eorum, vel sollicitudo. Gen-

24.

tes

tes exient ab Aquilone, & comedent carnes hominum, & bibent sanguinem bestiarum sicut aquam, & comedent immunda, serpentes, scorpiones & universa abominabilia, & horribilia bestiarum, & reptilia quæ reptant super terram, jumentorum autem, & corpora mortuorum, & abortiva mulierum, & necabunt pueros, & largientur eos matribus suis ut comedant eos, & corrumpent terram, & contaminabunt eam, & nullus erit qui possit stare contra eos. Sub ea tempora apparebit filius perditionis Antichristus, qui fallacissimus, & falsissimus deceptionum prodigiis multos seducet. Cumq; multiplicata fuerit tribulatio dierum illorum ad istius redargutionem, & electorum suorum consolationem, ac instructionem mittet Deus suos famulos sincerissimos atque charissimos Eliam, & Enoch: quibus tandem occisis à seductore illo, etiam ipse interficietur à Deo spiritu oris ejus: ac denique apparebit signum adventus filii hominis (idest Christi) ut judicet mundum, & , qui bona egerunt, ibunt in vitam æternam: impii autem in infernum projicientur. Hactenus ex præfato Divi Methodii libro. Ista, & anteriora vaticinia poterit Lector eruditus conferre ad lapidem lydiū eventuum, qui novissimis temporibus Orbi supervenient: sacram scilicet, mysteriisq; absconditis plenam Apocalypsim, ejusq; Interpretes.

De Anti-
christo, &
fine mundi.

88. Ut tandem finis imponatur Tractatui huic prævio ad Vitam S. Angeli, & magis confirmetur veritas amabilium illorum præallegatorum Christi ad S. Angelum verborum, de Ecclesia ad statum bonis optatum restituenda, sciendum illa non tantum esse conformia vaticiniis hæcenus adductis (imò & testimonio Domini ex sanctis Evangelistis Matthæo & Marco hic paulò antè explicato) sed & aliis non paucis prædictionibus personarum sanctitate aut eximia virtutis opinione illustrum; videlicet S. Catharina Senensis in Vita ejus per B. Raymundum Italicè reddita, per Ambrosium Catharinum lib. 3. cap. 1. 2. 3. & 23. ubi varia de conversione fidelium, & exaltanda Ecclesia Catholica memorantur: B. Maria Magdalena de Pazzi (ut Virgini Virginem similem conjungamus) cui similia à Christo revelata fuere, ut in ejus Vita refertur: S. Vincentii Ferrerii in Tractatu de Vita spirituali sub finem; ubi inter alia hæc habet: Tria sunt à nobis singulariter & quasi assiduè meditanda. Tertium illorum hoc assignat: Status virorum Apostolorum futurus. Et aliquantò post de felicitate illorum temporum. Hæc imaginatio ducit te, plusquàm credi potest, in quoddam impatiens desiderium adventûs illorum temporum, ducet te in quoddam admirabile lumen, amotô omnis dubietatis & ignorantia nubilô.

De exaltanda Ecclesia Catholica ante finem mundi varia prædictiones.

89. Abbas quoque Ioachim in expositione Apocalyp-


calypsis de illa Ecclesiæ renovatione, & temporis tunc felicitate plura scribit, ac inter cetera ista: Adveniet tempus beatum; tempus quod erit simile solennitati Paschali: in quo revelatis ad plenum mysteriorum latebris, incipient videre fideles facie ad faciem: & nullus penè, aut vix ullus audebit ultrà negare Christum esse Filium Dei; quia plena erit terra scientiâ Domini, sicut aqua maris operientis: exceptis dumtaxat quibusdam gentibus, quas producturus est diabolus in fine mundi. Illæ gentes erunt Gog & Magog tempore Antichristi, de quibus Apocalypsis 20. Ejusmodi prædictiones plures alias ad longum refert Franciscus Maria Maggio Clericus regularis Panormitanus, in Apparatu prævio ad Vitam Ven. Vrsulæ Benincasæ, idq; eâ occasione, quòd in illa Vita variæ referantur revelationes factæ isti Ven. Vrsulæ, de Ecclesiæ exaltatione & reformatione, & de Romano Pontifice tunc futuro, nuncupato Pastore Angelico. Sed hæc sufficiant præviè ad Vitam nostri Angeli quæ sequitur.



V I T A
 SANCTI ANGELI
 HIEROSOLYMITANI,
 Ex Ordine B. Virg. MARIÆ de
 Monte Carmelo,

*Per Reverendiss. D. Enoch Patriarcham
 Hierosolymitanum scripta an. 1227.*

Et à R. D. Thoma Belloroso Cano-
 nico Panormitano in Capita dige-
 sta, sicque edita anno 1527.

90.  *Mplissimo in Christo Pa-
 tri [a] Magistro Nicolao A vide
 Audetto, S.T.D. & totius Notas.
 Familiæ sacratissimæ Re-
 ligionis Carmelitane primario Moderatori
 Thomas Bellorosius, Panormita, Apost. Pro-
 thonotarius, æternam in Christo Deo S. D.
 Nescio*

B.

*Vita sancti
Angeli
Scriptor
Enoch ejus
comes.*

Nescio quâ inscrutabili summi Dei dispositione, Pater Amplissime, de Vita sanctissima D. Angeli Martyris Carmelitæ incidit in manus meas libellus vetustate miratu dignus: quem cum accuratè sæpè ac sæpiùs perlegissem, nonnullis illum purgavi mendis. [b] Fuit sanè Vita beatissimi Martyris Latinis tradita litteris ab hinc annis trecentis, à viridico & beato Viro Enoch, Carmelitana Religionis Professore, coætaneo & comite sanctissimi Angeli, tam in patria sua, quàm in peregrinatione, & in loco martyrii. His igitur nimirum de causis indubitata, & sole perspecto clarior adhibenda est fides simplici & bonitate vitæ Scriptori; sed quia libellus ipse rerum admirabilium quâdam farragine videtur oppletus; ne Lector, confusio rerum gestarum cumulò, afficiatur tadio, perquirendo rem aliquam singularem, cognitione dignam, breves prius exsculpsi ex eo indices; & deinde totum opusculum in triginta digessi Capita: quod latuit postea in arca mea trienniò, quandoquidem cupienti mihi deligere Principem quempiam, & istius sacerrimæ familiæ

Car-

Carmelitanae studiosissimū, in cujus nomine libellus in lucem prodiret, nunquam, nescio quō judiciō, visus est quisquam idoneus, qui curā, studiō, labore, & omni aliō favore ac adjumentō, promulgari curaret in toto Christiano Orbe, sicut fuit Scriptoris flagrantissimum desiderium banc Vitam Sanctam, & ipsum Divum Angelum tandem decretō indelebili summi Pastoris, Sacro-sanctiq; Senatūs Apostolici, in catalogum Cœlicolarum Martyrum referri efflagitaret, efficeret quē, nisiq; Tuæ Amplitudini hæc anxifera cura, hoc studium ardentissimum, hic labor desudatus, hic divini amoris ardor in ipsum gloriosum Martyrem divinitus, & quidem meritō servabatur, quoniam & insperatō, & hōc tempore, in divina mente prævisō, advenisti ad hanc Siculam Patriam, ubi conditum est beatum corpus ipsius D. Angeli Martyris, quotidie miraculis refulgentis, qui ad hos Sicanos populos olim ex Hierosolymis fuit missus à Christo Deo: ut prænuntiaret excidium quod hāc tempestate fortē videtis ingruere cervici totius Christianæ Reipublicæ, & partim Italiæ à

Turcarum debacchantium immanitate; & valde timeo huic Trinacriæ, ad quam peculiariter S. Martyr fuit Legatus, cui propterea inditum fuit nomen Angeli priusquam nasceretur à B. Virgine; quia futurus erat Dei Nuncius, mirabiliumq; rerum ducturus quoque vitam Angelicam.

91. *Advenisti, inquam, Pater Amplissime tamquam novum Sidus, ad reparatio- nem penè labentis sanctorum morum Regula Carmelitana; & utinam atque utinam ceteræ familie Religionis Christianæ excuterent contractam rubiginem ex incuria Majorum, inducerentque priscum splendide puritatis indumentum, & non simulate sanctitatis; ut avertatur æterni Patris indignatio contra hypocritas jam manifestata nuperrimè in debellatione Regni Pannoniæ; quoniam, sicut Christus D. Angelo reseravit, sex & trecentis hinc prætergressis annis, ut prædicaret, quot Regna, quotque Provinciæ Christianorum in Asia, Africaque ab Agarenis, & Ismaëlitis, ac etiam in Europa Turcarum Imperiò vi armorum occupandæ forent usque ad Regnum Hunga-*

ria. [c] Id quod jam ita evenit, pro dolor ! proximis Kalendis Septembris ; ut Pannoniæ Rege interfecto (quem quandoque [d] dum esset infantulus, in ulnis meis tenui) ejusque validissimò exercitu penitus deletò Regnum ipsum quod olim Archi-regnum dicebatur, ceciderit in manus cruentas sævissimi hostis. Monuitque idem Christus Deus noster, ut prænuntiaret, quales subsequenter postea calamitates, & cruentissima bella adversus totam Italiam, vexaturaque ferè omnes Christianos ; & inter reliqua mala quæ præcessura essent præfatorum temporum turbines, inquit, quòd tunc ventura sunt hæc flagella, cum multæ forent Religionum familiæ vitis magnis scatentes, & præsertim hypocrisis, quâ decipient Christianum populum, indicans hypocritarum dolis, & fictò animò mirificè offendi Majestatem Divinam, cujus offensionis causa tota Christiana res laceranda foret ; & nisi eatur in criminum pœnitentiam à populo Christiano, deplorenturque, tam propria, quàm aliena peccata ab ipsis Religionum familiis ; vereor, & plus quam

C

D

Clades
magna
Hungarorum.

vereor, ne propediem efficiatur quod à Chri-
sto revelatum est S. Martyri, & conscri-
ptum in cap. XIV. hujus parvi volumi-
nis de Turcali victoria contra Italiam; &
væ! væ tibi Reginae Orbis, quæ caput es
Christianæ fidei, quandoquidem non pos-
sunt membra tua discerpi absque incom-
parabili capitis dolore! En, age, rumpe
moras, Pater Venerabilissime, & da ope-
râ ut citò & in proximo tempore Quadra-
gesimi jejunii hic libellus volitet per Or-
bem, & signanter totam perlustret Ita-
liam, moreque declamantis Jonæ Pro-
phetae, tam per te, quàm per alios Con-
cionatores idoneos fungaris officiò, quod
Tuæ Paternitati, ut mihi persuadeo, cæ-
litùs reservatum esse non dubito, tibi, in-
quam in præsens hoc onus à Deo injun-
ctum est, reformandi Religiosam vitam
Carmelitanae Familiae, & in hoc Regno
Sicano, ubi summâ usus es curâ, & sin-
gulari prudentiâ in expurgandis Domi-
bus sacris, omni sorde, & abusu; inter
quas illud Cœnobium Drepanitanum, mi-
raculis assiduè Virginis gloriosæ cuncto
Orbi famigeratum, & D. Alberti pe-

Liber Vita
S. Angeli
idoneus ad
pœnitentiâ
excitandâ.

culiare, dum vixit, domicilium, revocatum est ad pristinum honestissimè splendorem tuò paternò affectu, & auctoritate, juxta divinam dispositionem, quæ adhuc, imminente ruinâ, & in articulo ferendæ sententiæ, misit tuam Amplissimam Paternitatem ad has Siculas oras, velut alterum Angelum, ad ingerendum mentibus hominum ea, quæ prænuntiata sunt à D. Angelo, abhinc annis, ut dixi, plus quàm trecentis: & non sine inscrutabili mysterio advenisti, Pater in Christo, in habitu D. Angeli, & Religionis immaculata Virginis Matris Dei: quæ mundi est Advocata indefessa, & assidue, ut verè confidimus, provoluta, pro nostris delictis ad pedes divina Trinitatis, profusis lacrymis orat, & rogat inducias, ut intereà Christianus populus, scelerum sopore sepultus, evigilet & resurgat.

92. Nec miretur tua Amplitudo si tibi videor intimo quodam premi dolore, ob debellatum Regnum Pannoniæ à Turcis, vel [e] ob cladem illam miserabilem illius gentis belligeræ centum quinquaginta sex millium pugnatorum; quoniam in illo Re-

E

In Hungaria centum quinquaginta

ginta sex
millia à
Turcis ca-
duntur.

Revelatio
à Christo
facta san-
cto Angelo
merito om-
nes Chri-
stianos an-
xios tenere
debet.

E

gno quinquennio gessi vices Amplissimi
Patris quondam Cardinalis Rhegyni in
gubernatione Episcopatus Vespriensis &
duorum Cœnobiorum insignium Pechiva-
cadionensis, & Sassardiensis; novique
in ea Patria fuisse propugnaculum, &
antemurale Christianæ Rei: quibus per-
fractis facilis patet sævissimis hostibus
aditus ad Italiam. Præterea revelatio
Christi ad D. Angelum tenere debet omnes
Christianos anxios, & [f] sollicitos; quo-
niam perpauca restant ut adimpleantur,
sed horribilia impendent: & si de quodam
Christiano sancto Rege Christianæ Rei pe-
nè ruentis reparatore spes tandem promit-
titur, calcandi communes hostes, reven-
dicandæque Imperium Christiano Orbi, pa-
rum profectò nos patefactos, & excussos
hæc expectatio solari potest; serò enim
Rex ille & ad nutum Dei movebit lacer-
tos, & fortè quando, quod absit, consum-
mata erit divina ultio: & verum quia Di-
vina Majestas suopte nutu non delectatur
vindictâ, sed potius clementiâ, non est no-
bis hæsitandum, quin ipse Clementissimus
Pater æternus cupiat emendationem po-
puli

puli sui notamque fieri mortalibus iram suam, quæ placari nostrâ pœnitentiâ facile potest. Ideoque rogo, & obsecro per viscera divinæ misericordiæ tuam magnam in Christianum populum charitatem; ut tanti meriti magnitudinem viriliter amplectaris, quam nullo modo tibi defecturam spero. Ne igitur quæso, differas quod exequi ex divina dispositione cōmissum esse non dubito, sed rejectâ omni morâ invigiles, ut hoc divinum Opusculum, refertum stupendis miraculis, sanctisque exemplis, cœlestibus arcanis, atque divinis monitis, à me tibi Amplissimo Viro, dicatum, ad laudem, & gloriam Dei omnipotentis, ejusque Sponsæ immaculatæ **MARIÆ Virginis**, & ad honorem **D. ANGELI, Martyris**, & totius **Familiæ Carmelitane**, in tuo celeberrimo nomine ubique cunctis populis innotescat. Vale, Decus moderatorum Sacratissimæ Religionis **B. V. MARIÆ Matris Dei Montis Carmeli**.

NOTATIONES.

A 93. **M** Agistro Nicolao [a] Audetto. Is natione Cyprius, pietate & doctrinâ clarus Ordinem totum in magna temporum varietate rexit annis triginta octo, videlicet ab an. 1524. usque ad 1526.

B [b] Fuit sanè Vita B. Martyris latinis tradita litteris abhinc annis trecentis. Ab anno 1227. quo scripta notatur usque ad 1527. quò à Thoma Bellorofio digesta in capita, & typis edita fuit, anni erant trecenti.

C [c] Id quod jam evenit, proh dolor! ut Pannoniæ Rege interfecto, &c. Ingens illa fuit & luctuosa clades Hungaricæ gentis, cuius hic mentio fit. Contigit anno 1526. festo decollationis S. Ioannis Baptistæ (nonnulli alium diem assignant) quò Ludovicus Rex Hungaria, annò ætatis vigesimò, in palude cum equo suffocatus interiit, & casi duo Archiepiscopi, quinque Episcopi, permulti Barones, atque immensus Nobilium numerus. Et sequentibus diebus Hungaria tota ferrò, & flammâ vastata fuit per exercitum Solimani Turcorum Imperatoris. Vide Suprà in Commentario prævio §. 3. num. 24.

D [d] Quem quandoque dum esset infans, tulus in ulnis meis tenui. Ex istis verbis, & ex officiis quæ in Hungaria Thomas ille Bellorofius obiit gerendo vices Cardinalis Rhegini in administratione

nistracione Episcopatus Vespriensis, & duorum insignium Cœnobiorum, habetur magnæ illum authoritatis fuisse.

[e] Ob cladem illam miserabilem illius gentis belligeræ centum quinquaginta sex millium pugnatorum. Numerum casorum, & captorum illo in pralio Hungarico (de quo mox antè) ascendisse suprâ ducenta hominum millia referunt Hungaricarum rerum Historiographi, & Annales Ecclesiastici. Inter ceteros certius, uberior, & dilucidius infelicitis illius pralii Historiam descripsit Stephanus Brodericus Episcopus Vatiensis, illius Regni Procancellarius, qui interfuit.

[f] Revelatio Christi ad D. Angelum tenere debet omnes Christianos anxios. Et meritò; evidens enim est prophetiam illam S. Angeli (de qua hîc infrâ cap. 14.) de tota Terra Promissionis, caterisque Regionibus Asia & Africa, Turcico Imperio subjugandis, jam pridem esse adimpletam, sicuti & illam, Ungariam pluries invadent, & ferè desolabunt. Quis autem novit, an jam evenerint, & omninò adimpleta sint illa quæ sequuntur: Terrebitur & infestabitur Europa. Italia verò ipsa, ubi Sedes Petri est, diu & sæpè vexabitur.

VITA

SANCTI ANGELI.

PROLOGUS.

A
Vide
Notas.

94. **E**noch [a] servus Dei & Domini
nostri JESU CHRISTI, divinâ mi-
seratione Patriarcha Hierosolymi-
tanus, toti ac venerabili Eccle-
siæ Orientali, Occidentali, Meridionali, &
Septentrionali, ac omnibus Catholicis, &
fidei orthodoxæ subjectis salutē & pacem.
Vobis universis & singulis, quibus Spiri-
tus Dei, in virtute Domini nostri Jesu Chri-
sti, mysteriō & Sacramentō fidei lumen
cognoscendæ veritatis infundit, verē &
fideliter scribere statuimus vitam & trium-
phum sanctissimi Viri Angeli Hierosoly-
mitani, Christi Martyris gloriosissimi (cuius
Martyrium propriis ipsi manibus con-
trectavimus) ad instructionem præsentium
& futurorum Christi fidelium, & in testi-
monium veritatis: Athanasii Episcopi Ale-
xandrini, & Hieronymi Presbyteri Car-
dinalis vestigia imitantes, & aliorum do-
ctrinā & sanctitate præstantium hominum,
qui

qui magnâ virtute & fide vitas, passionēs,
& flagella Martyrum ac Christi Confessorum,
diversis temporibus conscripserunt,
& conscriptis eorum exemplis, atque miraculis populo Christiano multipliciter profuerunt. Quamquam enim nos imbecilli & fragiles, ac Dei servorum minimi ingenii viribus diffidimus, immensô tamen charitatis ardore, & Sanctorum exemplis incensi, non de linguæ terfitie, & styli candore, sed de sola Dei bonitate & mentis sinceritate confisi, id operis scribendum suscepimus, ut per nos Vestræ Sinceritati, & fidelium universitati Vita hujusmodi undecumque probatissima tanti Patris, quam Deus mirabilium suorum operibus insignivit, & tam gloriosi Martyris victoria imitanda proponatur. Et deinceps per Vos, quasi per manus, posteris etiam excolenda tradatur, & in omnium sæculorum memoriam reducatur.

95. Nos enim nonnisi, aut qui ipsimet rem oculis conspeximus, aut à sociis nostris aliis, fide certissimâ dignis, audivimus & cognovimus, veritati semper inhærentes nunciamus, ab omni etiam mendacii suspitione penitus alieni, non immemores dicti Salomonis: *Qui mentiuntur, occidunt animam;* *Scriptor Vita sancti Angeli testis oculatus in plerisque.* & Psalmographi dicentis: *Perdes omnes qui loquuntur.*

loquuntur mendacium ; cùm & Dominus in Euangelio suo instruat , de omni verbo otioso in extremo iudicii die rationem esse reddituros. Hanc igitur Vitam sanctissimam Viri sancti Dei , hanc ejus victoriam gloriosissimam meritò imitandam vobis & cunctis fidelibus intimamus. Vos autem imprimis, qui Ecclesiæ ipsi à summo Deo præpositi, per salutaria Christi pascua commissum vestræ fidei gregem ad cœlestem patriam dirigitis , hortamur & obsecramus in Domino ; ut non modò vitam ipsam , & victoriam S. Martyris, sed etiam revelationes , quibus futuris ætatibus moneri potest & instrui populus Christianus, à Domino Jesu Christo ei factas , omnibus notissimas faciatis ; ut ex his etiam , magnò fidelium profectu , glorificetur Deus in S. Martyre suo in hac ipsa mortalium militiâ , qui Martyrem suum æternum vivere facit in patria.

CAPUT I.

De Testibus & S. Synodo approbante Vitam S. Angeli , cum compendio ejus Martyrii.

B 96. **C**ongregatis [b] in S. Hierosolymitana Synodo sanctis Patribus, dum Angeli , Hierosolymitani viri , omnium
con-

consensu, sanctissimi, nuper in Sicilia gladio perempti, extremus vitæ dies, profusis lacrymis, & intimo pectoris dolore prænuntiatur, & vitæ necisque innocentissimi viri decursus, scitu quidem dignissimus, & à plerisque Patrum studiosâ meditatione perquiritur; Jerasimus homo divinus, Archiepiscopus Nazareth, Angeli ipsius sæpissimè memorandi socius, & Joannes Archiepiscopus Cærariensis, ac Petrus Episcopus Hastilonensis, (quæ est Bethlem) multi etiam sanctissimi ac honestissimi viri Eremitæ Montis Carmeli, atque alii complures sacratissimi homines, qui ejusdem sancti Angeli diuturnam societatem habuerunt, & cum eo religiosissimè convixerunt, veritati testimonium perhibentes, constanti animò affirmant ipsum Angelum totò vitæ spatio virum sanctitate clarissimum, Dei jussu cum Reliquiis Sanctorum, & Deiferae Virginis Mariæ imagine, primùm ad Italiam, mox verò ad Siciliam profectum, atque ibi tandem in oppido Agrigentinae Diœcesis, quod Licata dicitur, quum veritatem prædicaret, & contra plurima & nefanda, quæ indies magis pullulabant, hominum facinora invecus; ne Deus offenderetur jugiter, néve boni, si qui aderant, malorum contagia contrahere sinerentur, ac-

*Testes sancti
licitatis B.
Angeli.*

acriter argueret (sicut à Christo mors ei prænuntiata fuerat) pro divinæ voluntatis revelatione, & veritatis defensione gladiò peremptum, & martyriò coronatū, diuturni certaminis victoriā ad Christum, quem totò mentis ardore inhiabat, migrasse. Quorum attestationem ego Enoch (qui in ejus obitu præsens fui, illumque diem, & ejus societatis memoriā nunquam delere valui) certò & solidò veritatis argumentò confirmans, ab ipsis Viri sancti natalibus, quos Nichodemus Patriarcha, vir sanctissimus, prædecessor noster vivâ voce sæpiùs referebat usque ad martyrii gloriam, totam Vitæ seriem (prout præsentibus scriptis digeram) gravissimò approbante Senatu, tum animi alacritate, tum ingenti cordis mœnore recensui.

*In Synodo
Ierololym.
Acta san-
cti Angeli
examinata
& probata*

97. Fuerunt autem inter alios illo in consessu Patres numerò sex & triginta: videlicet Athanasius de Claramonte Patriarcha Alexandrinus, Joannes Archiepiscopus Duracensis, Andreas Archiepiscopus Nichomediensis, Joannes Archiepiscopus Terdenensis, Lucas Archiepiscopus Thessalonicensis, Paulus Archiepiscopus Colossensis, Alexander Archiepiscopus Nicosiensis, Petrus Archiepiscopus Carthenensis, Stephanus Archiepiscopus Toranensis,
Jose-

Josephus Archiepiscopus Tirenſis ; Philip-
pus Archiepiscopus Petracenſis , Joannes
Episcopus Atonenſis , Julianus Episcopus
Beramenſis , Paulus Episcopus Bindenſis ,
Caſſianus Episcopus Syndonenſis , Mer-
curius Episcopus Bariconenſis , Sixtus E-
piscopus Panadenſis , Petrus Episcopus Ti-
beriadenſis , Elias Episcopus Joppenſis , id
eſt Jaffa , Andreas Episcopus Aſcolenſis ,
id eſt Gaza , Pelagius Episcopus Napo-
lienſis , id eſt Siteñ. Athanaſius Episcopus
montis Tabor , Georgius Episcopus Pal-
pherenſis , Paulus Episcopus Famegu-
itenſis , Georgius Episcopus Jerobolienſis ,
Andreas Episcopus Gabulenſis , Joëles E-
piscopus Anterebenſis , Petrus Episcopus
Tripolienſis , Athanaſius Episcopus Rages
Medorum , Alexandrinus Episcopus Da-
maſcenus , Thadeus Episcopus Scopienſis ,
Antoninus Episcopus Steplanenſis , Ale-
xius Episcopus Oronenſis , Georgius Epiſ-
copus Albanenſis , Joannes Episcopus He-
ridenſis , Petrus Episcopus Dulanenſis , Ja-
cobus Episcopus Alexienſis ; à quibus om-
nibus , & ſingulis , nemine ulla ex parte in
aliquo discrepante , gravi cenſuræ judiciò ,
relata primùm , omnia rigorosò cognita
examine , confirmantur. Mox verò magni-
ficatur divina bonitas , & ſanctus ipſe Chri-
ſti

*Et ipſe S.
Angelus
Martyr
Chriſti de-
claratus.*

sti Martyr Angelus Cœlituum adjunctus consortio, & pro militanti Christiano populo sit apud Deum perpetuus intercessor, communi omnium prece rogatur, & maximè demum apud cives Hierusalem devotione recipitur, & assiduis ac magnis votis observatur & colitur; ubi indies maioribus, Deo operante, miraculis claret.

C A P U T II.

De Parentibus S. Angeli, & Apparitione gloriosæ Virginis illis facta.

*S. Angeli
parentes de
stirpe Da-
vid.*

98. **N**ondum communis naturæ necessitas omnes, qui Jessæum, & Mariam, Martyris Angeli parentes, noverrunt, de medio sustulit: sunt enim adhuc Hierosolymis complures, tametsi longævi & annis graves, sensuum tamen ferè omnium integritate vegeti, qui eorum vitam inculpabilem, Christi fidei receptionem, ac mortalis vitæ exitum adeò memoriâ teneant, ut perindè ac si illi nondum vitâ functi essent, de singulis hi rationem reddere, & honestissimam illorum cōsuetudinem recensere & approbare consuecant. Ipsi itaque Jessæus & Maria (quod locupletissimis testibus comprobatum est) utpotè natione

tione Hebræi, de stirpe & progenie David; etsi antiquam Dei legem totò mentis studiò servabant, & jejuniis ac vigiliis mirificè vacantes, vitam, non intermissò Dei servitiò, traducebant; cum primis tamen studiosissimè orabant, ut Deus lumen veritatis mentibus eorum infunderet, & num in lege promissus venisset jam, an venturus esset Messias, ostenderet.

*Dubitant
de Messia,
an vene-
rit, an
venturus.*

99. Post longas denique meditationes, & diuturnas preces ad nonum Kalend. Aprilis prope festum azimorum, dum solò prostrati, & rigidò induti ciliciò, ac multis profusis lacrymis, continua in oratione persistunt, & confirmatò animò, donec æternus Pater diuturni gemitùs & lacrymarum misertus, fidei Catholicæ veritatem manifestet, in ediam pati præeligunt, & sine cibo & potu persistere decernunt; sub horam noctis sextam diei sanctæ Veneris Virginem splendidissimam Christi Matrem, magnò Angelorum cœtu comitatam, conspiciunt; quæ his eos dictis affari dignata est: Progenies de domo David, unde me quoque produisse Altissimus voluit, ponite dubium, & metum mentis oculis abstergite, & Messiam in lege promissum frustra postmodum expectari credite; vênit ille, & salvum fecit populum

*Iejuniis
& oratio-
nibus in-
stant.*

*A B. Virg.
Deipara
apparente
de vera fi-
de edocen-
tur.*

*Ad Nico-
demum
Patriar-
cham mis-
suntur.*

suum quem noctis, & caliginis tenebræ non comprehendent: hic Dei, quoad divinitatem Filius, de Spiritu sancto conceptus, absque virili semine, ex me, matre & virgine, assumptæ carnis humanitatem suscepit: hoc vos suscipite mysterium, hoc tenete sacramentum; id ipsum, ut deter-sâ mentis acie percipiatis, Hierosolymita-num Patriarcham, virum spiritu propheticô insignem, sæpiùs convenite, ipsum-que seu pervigilem animarum Pastorem, & verum Catholicæ fidei zelatorem consulite, jamque moram tollite, templum adite, ubi divinæ ex more celebrantur lau-des, & quæ vidistis sacro Antistiti renun-ciate: quæ verò ipse de Christiana fide in-sinuet, pectore fidô suscipite, & mente firmâ credite, in ejus etenim manibus Messiam videbitis optatum JESUM Chri-stum Filium Dei vivi, quô mortalibus visô oculis, sacrosanctum baptisma nequicquam differetis, eô enim fidei Sacramentô supe-rioris Jerusalem incolæ fieri poteritis, qui inferioris nunc cives estis. Id autem, Jessæ tibi prædictum velim, vigesimô post Pen-tecostes die Mariam uxorem tuam duos ti-bi filios concepturam, quorum primo An-gelo, secundo Joanni nomen esto; [c] erunt hi olivæ binæ florentes in Carmeli vertice,
duo-

duoque candelabra lucentia, atque duæ lucernæ ardentes in sancta Dei Ecclesia. Hic enim erit Patriarcha magnus, & instruet Jerusalem virgâ virtutis suæ: ille vero pro divinæ voluntatis revelatione, & Christi nomine gloriosum consequetur triumphum martyrii. Quibus dictis Virgo venustissima velut latitans circumfusâ nube accedere visa est: ac Jessæus, & Maria primùm animò conterriti, mox quâdam fiducia freti piis Virginem, & devotis prosequuntur vocibus; atque ubi felicissimâ visionem desitui cognoscunt, poplite flexo, & capite ad terram provolutò, Deo et ipsi Deiferæ Virgini gratias agentes gaudiò, & exultatione explentur.

C A P U T III.

De conversione sancta Parentum S. Angeli, ejusque nativitate, & miraculosâ infantuli abstinentiâ.

100. **C**ertissimâ demùm hujus oraculi *lesse &* evidentiâ firmati, & animis au- *Maria ad* cti, sanctum Dei templum festini, & ala- *Patriar-* cres adeunt, quod cum nullus, aut Judai- *cham pro-* co, aut idololatræ dogmati deditus in- *perant.* gredi posset, ingenti animi fiduciâ subire volentes, à janitore impetu quasi tumultua-

I 2 tua-

tuariô repelluntur. Tum candidati juvenes specie, & nitore venustissimi quasi de improvîso apparentes repulſorum protectionem ſuſcipiunt, & cuſtode ſecedere coactô fores patêre faciunt, quorum duo Jeſſæum, duo Mariam ſuſcipientes introducunt. Hac Angelorum apparitione permoti complures qui Legibus adhuc Judaicis tenebantur Chriſtum animô Deum verum concipiunt, & magnâ fide, & ſpe ingreſſos ſubſequentur. Jeſſæus, & Maria ritum ſervantes [d] Antiſtitem reverentibus dictis ſalutant, & ceu minimè diffidentes, juſſâ Deiferæ Virginis, ejuſque viſionem clarâ oratione exponunt: populo (qui quatuor circumſtantium millia hominum excedeſſat) ſtupore repletô, Antiſtes Deo Virginiſque gratias referens illos incomparabili charitate ſuſcipit, ſacriſque Chriſtianæ fidei initiari, ac ſalutaribus documentis inſtrui præcipit: atque interim, cùm dies ille Chriſti Paſſioni dicatus eſſet, & maximâ populi confluentis devotione divina celebrantur officia, Chriſtianis eoſ ritibus, & divinis laudibus intereſſe jubet: illi verò incredibili mentis alacritate, utpote nuper ad fidei Sacramenta vocati, ritus, & ceremonias, ipſaque divina officia admirati, Deo majores gratias egerunt,

runt, qui ab eorum oculis tenebras effugasset.

101. Sequenti verò die, cui *Sabbati* nomen indicitur, [e] cùm solitò more Antistes hostiam manu tenens, signò crucis calicem signare voluisset, *Jessæus & Maria* (dictu mirabile) Christum eâ ætate & formâ, quâ mortî subjici voluit, mortalibus oculis vident. Quod verum sanè fidei argumentum, & alii non pauci, horâ eâdem atque eodem modò vidisse attestati sunt; fuere autem numerò triginta, qui purâ idipsum conscientiâ Patriarchæ retulerunt, & æquè omnes perceptò expleti gaudiò, divinæ bonitati gratias egerunt, quæ tali eos tantoque munere dignata fuerit. Ipsâ Sabbati die aquâ fontis sacri sanctificatâ, Præsul ad se *Jessæum, & Mariam* vocari jubet, & quid de Christiana fide sentirent, quidve crederent, interrogat, atque omni usus diligentîâ, intima etiam cordis scrutatus, quoad ejus fieri potuit, singula quæque examinat, quos ubi mente purâ, cordeque sincerò esse comperit, prout sancta docet Ecclesia, baptizat in nomine Patris, & Filii, & Spiritûs sancti, universò populo respondente, Amen. Quo peracto corporis eos & sacratissimi cruoris participes efficiens, more Ecclesiæ communi-

E
Christum
visibili
formâ in
sacra ho-
stia cer-
nunt.

Baptizan-
tur.

cat, indeque statuta loca eis adire præcipit.

E
Ad Mona-
steria sece-
dunt.

IOZ. Jessæus igitur uxore valere iussâ,
[f] domum adiit eremiticam Coenobitarum Dei Genitricis de monte Carmelo, quæ Divæ Annæ ædes, ubi Deifera Virgo in lucem edita est, servatô adhuc nomine, censentur: Maria verò, veniâ à conjugè impetratâ, petiit montem Sion, ubi Monasterium est Sanctimonialium Ordinis S. Basilii; hoc autem Patriarchæ præceptô præstare, & usque ad festum Pentecostes seorsum cum sanctis illis hominibus moram adducti sunt, eâ lege, ut post præfixum dierum terminum, ad eorum ædes redirent: difficile dictu est, quantô animi ardore, quantâ & fide, & charitate, non modò præcepta, sed & consilia Christi servare, eaque totô spiritu complecti, studuerint, atque adeò ut non modò Christianissimi, sed & omnium integerrimi, & religiosissimi iudicati sint. Unde factum est, ut eorum exemplô brevi temporis spatiô centum & triginta Judaicâ pravitate relictâ ad fidem orthodoxam conversi, sese Christo addixerint. Intercâ festô die Pentecostes adveniente, poenitentiae sacramentô, juxta Ecclesiæ institutum, imbecillitatis humanæ piacula deponunt, & pristinô animi

can-

candore receptô , manu Antistitis, solemni ritu Ecclesiæ, Sacramentum incomparabili devotione suscipiunt. Nec multò post, obtentâ à sacro Antistite veniâ, ad proprios lares remigrant. Miratur universa Civitas & indies magis singulorum mentes firman- tur, dum brevissimi temporis successu animi constantiam, virtutem & religionem utrius- que suscipiunt. At Maria (prout virgineæ visionis oraculô ei prænunciatum fuerat) felici puerperiô geminam prolem suscepit, & transactô justô dierum numero ex mo- re Antistiti offerens sanctissimi fontis la- vacrô gemellos regenerari curavit, primo quidem Angelo, secundo vero Joanni no- men fuit. Hos tantâ solertiâ pietas paterna nutriendos suscepit, ut nihil eis deesset, quô utique idonei fierent ad omnium virtutum exemplar. Patriarcha imprimis parentum paupertate cognitâ (omnibus enim illi, quæ ante susceptum fidei Sacramentum posside- bant, Pauperibus, Patriarchæ jussu , distri- butis, solô Christô contenti & nudi ad Ec- clesiæ sinum pervenerant) summô chari- tatis affectu, & parentibus, & infantibus ipsis alimenta simul & omnia vitæ neces- saria ministrat. Hoc autem silentiô præter- mitti non debet, cum non sine mysterio, & admirandæ virtutis præfagiô effectum

*S. Angelus
& B. Io-
annes ge-
melli nas-
cuntur.*

*Mira san-
cti Angeli
& fratris
infantum
abstinentia*

judicari possit, quòd uterque infantulus
uberibus admotus, nunquam vel lac fume-
ret, nisi prævîa & notabili corporali ne-
cessitate adductus, & ita ut facilè eos con-
sultò abstinere dignosceres.

103. Quartum denique infantiaë annum
complevêre, quum parentes diem sui obi-
tûs Angelò Dei nunciò prænunciante ac-
cepisse, & ad supernam Hierusalem se
propediem à Domino vocari, constan-
tissimè Antistiti retulerunt, atque ut eo-
rum corpora, in domo S. Annæ extra
Urbis mœnia, ubi Eremitarum S. Mariæ
de monte Carmelo constructum est Mona-
sterium, sepeliret, votis piis supplicantes,
ipso eorum liberos infantulos ejus fidei cre-
diderunt, quibus potuerunt precibus oran-
tes, ut patrem indueret, & infantulos ip-
sos in filios adoptaret. Antistes susceptâ
priùs piò, & benignò animò infantum cu-
rà, conversus ad utrumque parentem reli-
giosis verbis: Fiat, inquit, in pace locus
vester, & habitatio vestra in monte sancto
Sion. Habitâ tum Præsulis benedictione,
incomparabili in Deum devotione accensi
ad lares proprios redierunt. Indeque sæpiùs
repetitis quotidianis orationibus, Sanctissi-
mæ Trinitati, & beatæ Virgini, toti que
cœlesti Curiaë preces fundebant, ut men-
tem

*Parentum
S. Angeli
obitus pius*

tempiam usque ad vitæ exitum eis servarent, & paucis denique interjectis diebus Maria primùm felicem animam exalans, ad Dominum, qui eam elegit, non sine Beatorum lætitia pervenit, [g] nec longô post interpositô temporis spatiô ipse quoque Iesæus consortem secutus est. Illorum corpora omni honore & devotione, ac curâ Antistites sepulta sunt in Monasterio Carmelitano ubi Divæ Annæ ædes esse consueverant extra Urbis mœnia.

G

*Domus
S. Anna in
qua nata
B. V. Ma-
ria.*

C A P U T IV.

De S. Angeli educatione, studio litterarum, & proposito ingrediendi Religionem.

104. **S** Epultis parentibus Angelus & Joannes in domum Nicodemi adducuntur, ubi crescente firmiori ætate linguarum, & artium peritiâ, ac moribus informari cæperunt: Hebraicas primô, Græcas proximô, Latinas postremô locô litteras paucis annis tantô studiô didicerunt, ut à septimo ad decimum octavum suæ ætatis annum trium linguarum peritissimi censerentur. Verumtamen cum linguis non mediocriter, & artibus, & scripturis profecerunt, adeò ut eruditam eorum adolescentiam,

*S. Angeli
& fratris
studia &
doctrina.*

tiam, & optimis informatam moribus, nemo satis admirari possit. Interim Nicodemus Patriarcha Vir sanctus, & se multo onustum senio, & morti proximum cognoscens, vocatos ad se adolescentes, paternâ hâc oratione compellat: brevî, relictâ mortali hâc vitâ, scio me profecturum ad Patrem qui me de nihilo procreare dignatus est. Vos, Charissimi Filii, Deo gratias agite, qui deduxit adolescentiam vestram ad optimæ indolis periodum: tempus jam adest ut bonæ spei fruges proferatis, quo circâ quanti filiis paterna charitas fieri debet vos hortor, ut vanam spem omnem, & fallacissimi mundi hujus illecebras contemnatis, ac vitam cœlibem, sacræquæ Sanctorum hominum societati dicatam, eligatis, & in ea, firmatô vivendi propositô, usque ad mortem Deo serviatis, vitâ enim cœlibe nihil aut felicius, aut beatius, quæ homines ceu Angelos efficit.

105. His auditis Juvenes ingenti dolore confecti, & imô pectore suspiria trahentes, mœsta hæc responsa dederunt: Stupor invasit cor nostrum, & anima in amaritudine posita est, ubi tristi nuntiô te, quem ceu unicum, & verum parentem novimus brevî nos relicturum accepimus, & quamquam majoris gloriæ coronâ, ad quam properas,
læti.

lætitiam proponit; paternæ tamen præsentia (è qua filii recreari mirificè solemus) prædicta jam privatio menti tristitiam affert: quia verò divinæ dispositioni humana semper voluntas conformanda est, Deum, veræ consolationis Patrem, oramus, ut tanti parentis curâ destitutos, consoletur, & divinæ clementiæ suæ manum ipse porrigat, & animos languentium erigat, tueatur, & foveat; hortationibus sanctis tuis sic hærebimus, ut vitâ durante tuæ sanctæ memoriæ nunquam immemores videamur; immortalī Deo, ejusque Genetrici, quod nobis vitæ superest, dedicamus. Regula S. Basilii miris modis nostrum animum diu jam invitavit. Sed, [b] Deo denique inspirante, animo statuimus vitæ normam servandam suscipere, quam [i] annis supra quadringentos, pluribus jam evolutis, [k] Prophetarum Successores diu in monte Carmelo, nunc verò plerisque in locis, servare susceperunt. [l] Hæc enim vel ex eo mirificè nostrum invitat & commovet animum; quia præcipuô Dei Genitricis titulo dicata, uberrimas in sancta Dei Ecclesia virtutum omnium fruges proferre videtur. In hac ipsa Religionis professione, te Patre filiis benedicente, Deo, & Virgini Deiferæ servire decrevimus, oramus, que-

H

I

K

L

*Religionē
Carmeli-
tanam eli-
gunt.*

que, ac precamur filii Patrem, ut antequam ad Dominum migraturus tuæ æternitatis iter suscipias, in Monasterio S. Annæ Cænobitarum Carmeli montis, ubi quiescunt ossa parentum, filios reponas, in Dei, & beatæ Virginis obsequio vitam mortalem acturos. Exploratis itaque adolescentium, & cognitis animis, annuit benignissimè eorum votis Vir sanctus, & quibus potuit verbis hortatus, ad confirmandum propositum eos induxit, ac paucis tandem interjectis diebus, re prius opportunè discussâ cum Hieronymo expressi Monasterii Priore, Virô vitæ integritate, ac innocentia singulari, habitoque Fratrum consilio, & assensu, ipsum Monasterium ingrediendi propositum, & diem statuunt.

CAPUT V.

De ingressu Religionis, & victus abstinentia, de camisia ferrea, & aliis indumentis, de strato, de somno, & modo orandi.

*S. Angeli
ingressus in
Religionē.*

106. **D**ie igitur scilicet festo Nativitatis beatæ Virginis, omni solemnitate servatâ, adolescentes moribus, & vitâ conspicui, incredibili humilitate, & devotione, habitum Carmelitanæ professionis susci-

fufcipiunt, nec folùm Religionis ingreffu,
virtute, ac probitate proficiunt, fed & in-
terim fanctimonix, & humilitatis quotidiana
exempla proferunt, ficque tandem per-
actô probationis annô, & ex more folemni
professione emiffâ, decretô Patrum in Cœ-
nobio Carmeli Montis conftituuntur; ubi
[m] abftinentiâ majori, quàm Regulæ in-
ftitutô tenerentur, vivere cœperunt. Nam
cùm à Fefto S. Crucis, quod mense Se-
ptembri celebratur, ufque ad Dominicæ
Refurrectionis folemnia Carmelitæ jeju-
nia continuare foleant, ipfi ardentiori ani-
mô corpus abftinentiâ premere cupientes,
impetratâ humiliter à Priore veniâ, eadem
jejunia fimplicis, & folius panis, & aquæ
modicâ refectione contenti peragebant.
Feriâ tamen fecundâ, quartâ, & fextâ nil
penitùs aliud nifi crudarum, & mollium
fabarum modicum fumebant. A fefto quo-
que Refurrectionis ad Pentecoften quartâ,
& fextâ feriis, folô & eodem modicô, pa-
ne & aquâ contenti erant. Aliis verò die-
bus parùm caulium modicô oleô condita-
rum edebant. A Pentecofte autem ad Fe-
ftum S. Crucis, Dominicô, & Jovis die co-
ctis, tum oleribus, tum leguminibus vefce-
bantur. Cæteris autem diebus folius panis
& aquæ fimplici cibô vivebant. Nunquam
deni-

M

*Ejus, &
Fratris
Observan-
tia reg.
& rigor
vita.*

denique, aut carnes, aut lac, aut ova comederunt, nec vinum biberunt.

107. Sed neque solum ciborum abstinentiâ & jejuniis corpus premere, sed & ferè intollerabili vestium duritie, & asperitate illud ad servitutem spiritûs redigere satagebant. [n] Ferreâ namq; camisiâ nudam carnem tegentes, [o] laneam desuper albam, griseamq; deinde, ceu canusinam nativi coloris cucullatam, Cœnobitarum more, gestabant. Cæterum divinis in choro vacantes, aut extra Monasterium, jussu Prioris, prodeuntes, [p] candidam insuper clamydem canusinis, ceu virgulis distinctam, & circulatam gerebant; lecti eorum nuda humus, & cum spiritus quandoque languidior esset, tabulæ seu (quod majus mente concipi levamen non poterat) mediocris fœni manipulus, cubile festis, plusquam mollissimum videbatur: duabus tamen lodicibus, inferiùs alterâ, alterâ superiùs, uti solebant. Nunquam visi sunt in lecto jacentes: & erat tanta eorum vigilantia, tanta sollicitudo, ut quotidianô officiô ex debito persolutô die singulâ totum genibus flexis Psalterium, legem Domini meditando, perlegerent, nunquam orationibus vacare desisterent, nisi ad alia obedientiæ salutaris monita vocarentur.

*Corporis
macerationes.*

*Orandi
assiduitas.*

C A P U T VI.

De primo Miraculo S. Angeli.

108. **D**ie quâdam, jussu Prioris, nomine Hieremiæ, viri seniô venerabilis, Angelus & Joannes lignatum mittuntur; ubi cum Joannes arboris stipitem scindere niteretur, fortè manubriô egressa securis, in profundissimum, qui juxtâ erat, [q] fontem Eliæ decidit, quô casu percussus juvenis animus, tristari cœpit: Angelus verò, hûc visô, bonô fratrem animô esse jubet, & lignum manu accipiens, dixit: Nunc, Frater, quantâ in Deum fide erigamur facilè cognoscere est: orandus quippè nobis est Deus, Virgo etiam, ac [r] ELISEUS PATER NOSTER, ut nunc quoque securim hanc nostram supernatare faciant, veluti tempore Prophetarum supernataste non dubiâ fide creditur: quô dictô aquæ lignum apposuit, & ferventi oratione habitâ; agedum Frater, inquit, securim cape: & surgens Joannes, ferrum invenit, ut priùs erat, ligno conjunctum, medio in fonte quasi natans, & acceptâ securi ingentissimas Deo, & Virgini, ac Patri Eliseo gratias egerunt.

109. Tunc Angelus nè hominum venti

*S. Eliseum
invocat,
& Patrem
suum nuncupat.*

venti cuiusmodi Dei donum huiusmodi revelaret Fratri præcepit, Deo, inquit, soli acceptum, & Sanctis ejus, ac sinceræ Fidei referendum: & nihil Deo magis placere, quàm majori semper humilitate Dei servum proficere, ad memoriam revocavit. Erat tum senex Hieremias oratoriò clausus, & divinorum meditationi innixus ubi quasi raptus vidit Angelum ferventissimè orare, & ejus orationis virtute ferrum natum, prout oratione PATRIS ELISEI olim natasse dicitur: & hoc primum Miraculum fuit, quod fecit Dominus per orationem servi sui Angeli. Hæc autem superius explicata omnia à Nichodemo Hierosolymitano, Patriarchâ prædecessore nostro, fide & sinceritate relata, jam omnibus in aperto sunt.

C A P U T VII.

De Miraculis S. Joannis fratris sancti Angeli.

110. **I**Psè quoque à primis (quod ajunt) incunabulis ferè semper in domo superius expressi Nicodemi Patriarchæ versatus præfata omnia ab eo ipso pluries accepisse in conspectu Dei, & hominum atte-

attestari non vereor. Cæterùm posteaquam Religionem ingressus sum vidi & alia multa ipsius Angeli opera mirabilia, quibus quantæ divinæ bonitati ardentissima fides, cum spe, & charitate, atque cum abstinētia, nunquam intermissa oratio, ac denique sinceræ probitati conjuncta humilitas, acceptæ forent, facilè perspectum est. Silentio nunc præterirem [s] quæ plurima meritis Joannis Deus operari dignatus est. Sed decet Deum glorificari in operibus Sanctorû, qui semper est mirabilis, & facit mirabilia magna solus, in cœlo, & in terra. Vidi ego qui vita penitens functi ad suæ resolutionis corruptionem accedebant, orationis virtute, & lacrymis Joannis, vitæ officium resumpsisse; vidi non modò paralisi, & leprâ, sed & morbis aliis ferè incurabilibus laborantes, ad sanitatem revocatos fuisse: ut taceam plurimos oculis captos, qui faciem cœli videre non poterant, oculorum beneficio restitutos; ut omittam dæmonibus vexatos, & denique liberatos: hæc enim ut factu facilia sunt Sanctis, in virtute illius in quo sanctificentur, sic & verè credentibus non difficilia, quæ facta fuerint, videbuntur.

CAPUT VIII.

De S. Angelo transeunte unà cum 70. hominibus supra Jordanem siccis pedibus.

*S. Angelus
ejusq; fra-
ter ad sa-
cros Ordi-
nes promo-
ventur.*

III. **N**Icodemô vitâ functô Honuphrius
societatis Cœnobitarum S. Basilii
Professôr, vir sanctitate eximiâ, in Patriar-
cham eligitur, & interim supervenientibus
quæ celebria sunt Nativitatis jejuniis, Hie-
remias montis Carmeli Prior Angelû, Joan-
nem, Zebedeum, & Thadeum, Cœnobitas
egregii nominis, & spectatæ sanctitatis, ad
suscipiendos Ordines sacros promovet, &
propterea Hierosolymam mittit; quocirca
Prioris benedictione humiliter acceptâ sese
alacres itineri accingunt: ubi verò ad Jor-
danis ripam perveniunt nimiâ defluentium
aquarum excrescentiâ flumen exundare
conspiciunt, adeò ut demersâ schaphâ, plu-
rimi qui ad alteram fluvii ripam trajicere
cupiebant frustrâ ibi morari cogerentur:
quibus in unum coactis Angelus sic ait:
Viri fratres, vos præcipuè qui regeneratio-
nis caractere signati estis, nunc precor, re-
vocate animos, & Deum verâ fide creden-
tibus benignum, & exorabilem sperate; ip-
se enim omnipotens, nec abbreviata est
manus ejus, ut mirabilia faciat; orate igitur,

tur, Fratres, ut, divinô digni munere nunc effici mereamur, & flumen pertransire valeamus; quibus dictis nuda terræ apponens genua atque Orientem versus faciem dirigens junctis, & extensis utrisque manibus & oculis in coelum elevatis tota simul cum multitudine dimidiam horam, vel circiter, oravit, postmodum ad flumen se conferens dixit: O flumen verè sanctum! quod Dei mandatô meatus tuos retorsum convertisti, & populum electum siccis pedibus transire permisisti, ac D. N. J. C. in baptismo recepisti, per signum quod in te fecit S. PATER [1] ELIAS, præsentem ELISEO ad Paradisum per turbinem profecturus, & per virtutem Dei Patris, & Filii, & Spiritûs sancti, atque per merita sanctorum Prophetarum, nec non per obedientiam nobis inpositam siste, & comprime cursum tuum, ut omnes nos spiritu & aquâ regenerati illæsi transire valeamus. His dictis flumen (mirabile dictu, & longè mirabilius visu) parte inferiori cursum velocissimum retrofecit, superiori verò, ceu aquarum planicies instar firmissimi montis stetit, atque ita omnes tuti, illæsiqûe pedibus siccis pertransivêre.

112. Hoc miraculum totâ regione vulgatum multis tum improbis conversionis

T

Siccis pedibus Iordanem transeunt.

ad poenitentiam, tum Agarenis, Hebræis-
que reductionis ad fidem causa fuit. Ve-
rum Angelus quantò magis Dei benignita-
tem erga se, & gratiam cognoscebat, tantò
se humiliorem præstabat, tantòque arden-
tius Christianæ pietati, & orationibus ex-
hibebat. Venit tandem cum sociis Hiero-
solymam, & à S. Viro Honuphrio sacros
Ordines incredibili humilitate, & devotio-
ne suscepit. Erant autem Angelus & Joan-
nes tunc Sacerdotii dignitatibus sublimati
vigésimum & octavum annum nati, cum,
auditâ interim Angeli sanctitate, Hieroso-
lymitani Cives Priorem conveniunt, ut
diebus aliquot Angelum Hierosolymis re-
tinerent, quem commodè salutare, ejusque
orationibus se commendare cupiebant;
quod cùm Prior ab Angelo requireret, ho-
nestis ille adductis rationibus, quò celerius
indè discederet, persuasit. Hoc autem im-
primis Angelo discedendi rationem sua-
debat, ut popularem auram declinaret.

C A P U T IX.

De resuscitato Iosepho adolescente à sancto Angelo.

113. **T**Ransactis itaque Natalitiis festis Angelus cum Joanne Bethlem proficiscitur: ubi prout loci devotio exquirebat, Religionis officia complere studet: cum interim mulier, Helisabeth nomine, Viri sancti Dei nomen celebre, & miracula audiens, devotione accensa, & spe erecta, natum biduò jam antè vitâ functum ad Angelum afferri curat, eumque his compellat: Angele, Serve Dei, Prophetarum imitator, credo firmissimè, si filium hunc meum chlamyde, quam geris, tetigeris, revicturum. Cui Angelus: mortuos suscitare peccatori hujusmodi, qualem me esse profiteor, non est datum: munus hoc Dei solius, & verè servorum ejus. At illa, obortis perfusa lacrymis, nunquam, inquit, abscedam donec chlamyde contexeris Iosephum filium meum, & pro eo orationem feceris. His commotus lacrymis Vir Dei sanctus puerum chlamyde coöperuit, & ad Orientem versùs in hæc orationis verba prorupit: Deus admirande in omnibus ope-

*Ad in-
vocationem
S. Patris
Elia ado-
lescentem
ad vitam
revocat.*

ribus tuis, qui per merita PATRIS ELIÆ viduæ filium suscitasti, per virtutem sanctissimæ Passionis Filii tui Domini nostri JESU CHRISTI, qui suscitavit Lazarum quatrduanū à monumento jam foetidum, quæ tua est infinita potentia, suscitet, & revocet ad vitam filium Elisabeth ancillæ tuæ. Vix orationem complevit, & adolescens quasi à somno excitatus, revixit, ubi, multorum cœtu adstante; Verè, inquit, Dei cultor Angele, quem Deus exaudit, & mortuos revocat ad vitam, ora pro Josepho, qui per orationem tuam à corporali simul, & spiritali morte ad vitam iterum revocatus sum. Conversus postmodum ad astantes dixit: Scitote me æternis damnatum tenebris, & sempiternis pœnis destinatum, eò quòd sanctissimum Dei nomen blasphemare sum ausus; & sancti hujus Viri Angeli meritis, & intercessione ab utraque morte liberatus. Fuit autem miraculum hujusmodi omnibus notissimum, non modò Bethleëmitis, sed his qui ad festum convenerant, decem numerò hominum millia excedentibus, aderant autem compressis Joannes Archiepiscopus Nazareth, & Petrus Episcopus Bethleëm, [v] cum aliis Græcorum Præsulibus.

v

C A P U T X.

*De recessu S. Angeli clàm in desertum,
& de operimento ejus cappæ albæ quam
reliquit, quo septem mortui resuscitati,
& mundati quatuor leprosi sunt.*

114. **N** Octe verò sequenti, longâ, & fer-
ventissimâ oratione peractâ, jam
spectatæ sanctitatis, & gratiæ æstimatio-
nem de se concitatam, & honoris reveren-
tiam omnium consensu passim exhibitam
fugere statuit, & humilitati, ac contempla-
tioni in solitudine vacare decrevit; ob id-
que locum pœnitentię idoneum, mente re-
volvens, tandem visione manifestâ apud se
Angelum vidit, qui ejus propositum con-
firmavit, locum docuit, & sese ducem ex-
hibuit. Surgens itaque Angelus, Angelo
Dei dumtaxat comitatus, in desertum abiit,
ubi Christus quadraginta diebus, & nocti-
bus pro humano genere cum jejunio pœ-
nitentiam continuavit: & quamquam loci
facies undecumquë squalida, situ nihil non
asperum præferens, horrida solitudo, ob-
via pericula omnia intentabant, ipse ta-
men ad deliciarum omnium locum veluti
amoenissimum pervenisse judicat, ibique

*Auram
popularem
declinatu-
rus ad
Christi de-
sertum su-
git.*

*Ejus ibi
exercitiâ.*

firmatô permanendi consilio, quoscumque humanarum virium conatus, pœnitentiâ, & devotione, ac continuâ cœlestium meditatione, assiduus experitur. Quotidiè Christi jejunium ad memoriam revocatur, quotidie locus Christi contactu venerabilis cor ejus inflamat: quotidie demum Christi Passio solvit ad lacrymas, & provocat in singultus; atque his studiis eo in loco quinquennium complet, quò tempore ubi Angelus esset ad nullius quidem notitiam pervenit, tametsi per nemora, & montes, & universam Regionum Provinciam diu quidem quæsitus foret.

115. Interea verò chlamys ipsius, quæ penes socios relicta erat, apud Bethlem ingenti & incredibili devotione quæsitâ, ejus apud Deum merita & gratiam multipliciter patefecit. Hoc autem relatione & stupore dignum videri poterit, quòd cùm plurimi variis vexati languoribus, & (quod humani ingenii vires excedit) nonnulli vitâ functi devotione inenarrabili eadem chlamyde contacti, certissimô fidei argumentô referantur. Non tamen omnes ejusce chlamydis contactu sanitatis & vitæ beneficium accepisse dicuntur. Ex his autem, qui, non sine Dei gloria, revixerunt, Andreas Joannis filius Hierosoly-

solymitanus, Blasius Antonii ex Bethania, Thadæa Pauli Samaritana, Stephanus piæ memoriæ Philippi Hierosolymitanus, Lazarus bonæ recordationis Blasii ex Jericho, Matthæa recolendæ memoriæ Iosephi Nazareni, fideli multorum testimonio memorantur: Ex his verò qui fuerunt ad vitam revocati viri Cœnobitarum, mulieres autem Sanctimonialium in Monte Sion Monasteria ingressæ sunt, Deoque & magnæ ejus Genitrici semper Virgini, vitæ austeritate & poenitentiâ incomparabili servierunt, & miris modis alios ad Dei obsequium induxerunt. Hæc autem omnia & singula palàm proferri per totam Orientalem Ecclesiam omnibus fatis constat. Inprimis autem in ipsa Hierosolymitana Ecclesia [W] ab Honuphrio Patriarcha, virò certissime fidei, ea omnia publicari audivimus, præsentibus sex & triginta Episcopis superiùs pag. 126. & 127. expressis, in Synodali Concilio ejusdem Honuphrii Patriarchæ prope Hierosolymas solemniter congregatis. Eorum unanimi assensu ipse divus Angelus in Divorum numerum relatus debitâ Martyribus veneratione excolitur: sed quod reliquum est vitæ, & gestorum ejus memorabilium, narrare procedamus.

W

CAPUT XI.

Quodd S. Joannes Frater S. Angeli fuit electus in Patriarcham Hierosolymitanum juxta revelationem B. Virginis: & S. Angelus remansit quinque annis in deserto, nutritus, & visitatus quotidie ab Angelis.

X 116. **H**Is verò diebus [x] Patriarcha vitæ diem clausit, cujus locò Joannes, Angeli Frater subrogatus, & unanimi totius Civitatis assensu, Spiritûs sancti gratiâ disponente, in Patriarcham electus, oves contagiis purgare, & ad pascua salutis reducere satagebat, & non multò post constans fama per ora omnium volare, & ubique increbrescere cœpit, Angelum in deserto, ubi Christus jejunavit, quinquenniò, perstitisse, ibique spiritali alimoniâ, & pane Angelicò nutritum, ac Beatorum alloquiò roboratum, ab officiis corporeis quasi alienum, soli spiritui, & divinorum contemplationi vacare, & ipsâ Christi solitudine, totò Spiritu, & affectu Christi imitari, Christo adhærere, Christum denique totò mentis ardore, momentis omnibus resonare: hujus rei verò constantissimæ famæ cer-

certissimi fuêre authôres , & plurimi haud dubiâ sanctitate homines , quibus idipsum antelucanâ , & certâ visione , & oraculô non obscurô renunciatum fuerat.

C A P U T XII.

Quod Christus cum multitudine Angelorum apparuit S. Angelo , cui præcipit ut iret in Siciliam ad prædicandum & ad subeundum martyrium.

117. **I**Ntereâ verò quinquenniô trans-Christus
actô, Christus sole splendidior mag-S. Angelo
nâ Angelorum , & Sanctorum multitudine apparet.
comitatus , Angelo apparuit , dicens : Satis
hîc tibi Angele , jam satis hic immoratum
est , satis privato profectui , & contempla-
tioni datum. Ea te nunc celerius præstare
oportet, per quæ à Pater æterno ad gloriam Mittit ad
prædestinatus non dubiâ adoptione voca-
ris. Martyriô igitur in Insula Siciliae , & op-
pido Agrigentinae Diœcesis , quod Licata
dicitur, Dei amore suscipiendo, & plurimis
pro revelanda Dei voluntate , & veritate
tuenda laboribus perferendis te accingas.
Verumtamen primùm Hierosolymam , &
ad Ecclesias Orientis te transferas , & fide-
les confirms in his omnibus quæ sunt se-
cun-

Y

cundum voluntatem Patris mei, postea cum tempus fuerit [y] Alexandrinus Patriarcha Athanasius, jussu meo credet tibi reliquias Joannis Baptistæ, Hieremiæ, Georgii, & Catharinæ, cum imagine Matris meæ, quam Theclâ Virgine, Pauli discipulâ, instante, mirò devotionis affectu Lucas depinxit. Ea enim ubi sacrilega Barbarorum impietas omnia contaminare & furens in sacra dehonestare contendit, servari non decet. Quæ Romano Pontifici Honorio Tertio, & Frederico de, Claramonte resignabis in Italia apud Urbem viderem. Quibus peractis Siciliam versus iter facies, ibi enim evangelizare opus est, ibi pugnare oportet, nefanda ibi Christianorum scelera, impia sacrilegia, crudeles incestus, execranda cordis duritia, nulla Dei reverentia, nullus timor, infidelitas plurima, nulla legum observantia, & fere nulla fides. Ea nullo censore committuntur, & crescunt, quibus offenditur Pater meus celestis. Quam ob rem evangelizabis legem meam, increpabis, argues, & clamabis, in abominationem, & detestationem impiorum: & nisi conversi fuerint pronuntiabis evaginatum gladium, & manum ejus percutientem, & ita hæc ultio veniet super eos. Cum verò in oppido Licathæ fueris, scito ibi homi-

*Reliquias
transferre
mandas.*

mi-

minem scelestissimū, qui propriam sororem,
elapsis jam annis duodecim, cognovit carna-
liter, & tres ex ea filios habuit, quamquam
illa maritum habet (quod nefandissimum
scelus inquinat Siciliam totam, & cedit in *Martyriū*
scandalum populorum, & fidei) ibi labo- *prædicis.*
res tibi, ibi sudores plurimi supersunt. Sed
Margareta tuis tandem prædicationibus ad
pœnitentiam adducta, crimen, quod jam
manifestum est, palàm pronuntiabit, &
culpam fatebitur, tres filios in medium pro-
ducens, & supplex ac humilis veniam pe-
tens; Berengarius verò, hujus facti causâ
irâ replebitur, & insolescet, ac primùm
coactâ sceleratorum, & consciorum manu,
te innocentem gladiò perimet: Sororem
postmodum, quia pœnitens illa crimen
propriò ore detexerit, amens, & furiis agi-
tatus, petet, quam tu servari præcipies.
Hoc prædicationis labore in abominatio-
nem execrabiliū scelerum, & impietatum,
ac nefandi incestus, hoc martyrii mediò,
more Joannis Baptistæ, ad cœlestem pa- *Z*
triam ascendes, ad quam mors pro veritate *Aureolam*
accepta spontaneò martyrii patibulò, viam *triplicem*
aperiet, ubi [z] tribus laureis coronato pa- *promissis.*
ratum tibi regnum invenies ab initio sæcu-
li, & gaudebis cum sanctis Angelis in æter-
num.

CAPUT XIII.

*De responsione S. Angeli ad Christum, de-
que commendatione civitatis Hieru-
salem.*

118. **A**ngelus ubi se Christum clarâ vi-
sione vidisse cognôrit, reveren-
ter prostratus quâ potuit mente purissimâ,
adoravit, atq; post piam maximi & devotif-
simi affectûs orationē sese obtulit pro ejus
nomine & amore moriturum, & pro viribus
ubique commissurum, ut ejus voluntas
omnibus innotesceret. Tu, inquit, fili
Dei vivi, verè Deus æterne, pro me hanc
vilissimam carnem induere, tot labores, tot
dolores, tot ærumnas pati, mortem etiam
subire dignatus es, & ego pro nomine san-
cto tuo non moriar? moriar certè lætus
& erit dulce mihi tua pro veritate mori;
demùm autem, unum, inquit, te oro, ac
AA [aa] precor, clementissimè Jesu, ut Ci-
vitatem istam Jerusalem immensæ bonita-
tis tuæ oculô respicias, ubi manus ad Pa-
trem tetendisti in Sacrificium vespertinum,
ubi contumelias omnes, & quæ hominis
linguâ exprimi vix possunt, spontè passus,
& tandem in cruce affixus, & spineâ co-
rona.

ronatus , facratissimum Sanguinem tuum
pro instauratione & salute humani generis
effundere voluisti: Miserere , miserere , &
propitius esto propter nomen tuum & libe-
ra eam , ne semper in ea glorientur inimici
tui.

C A P U T XIV.

*Revelatio Christi de Regnis & Provin-
ciis Christianorum occupandis ab Is-
maëlitis , sive Agarenis , de quæ Impe-
rio Turcarum extendendo usque ad Re-
gnum Vngariæ: quorum armis casti-
ganda foret ipsa etiam ferè tota Eu-
ropa , & Italia , ac ferè omnes Chri-
stiani.*

119. **T**um Christus ; scito Angele , & *Christi ad*
hanc revelationem ubique præ- *S. Angelū*
dicabis, quòd Civitas Jerusalem diu erit sub *prædictio*
ditione Agarenorum , quæ & ab eis non *de Terra*
multò pòst ferè tota funditùs destruetur: *Sancta de-*
solatione,
ipsa insuper Judea , Samaria , Galilea , &
tota terra promissionis , & Cappadocia , &
Ægyptus , cum multis Regionibus , & Pro-
vinciis Asiæ , & Africæ , paucis interjectis
annis , omni ex parte cedent in potestatem
Ismaë-

Ismaëliitarum, & quas nunc vides, ubi divi-
næ celebrantur laudes, sacræ ædes, delu-
bra, & Ecclesiæ destruentur & Christiani
ritus ferè ubique ad nihilum reducentur.

*Gracia, &
aliorum
Regnorum
vastatione,*

Nec multò post universa illa mundi pars,
quæ minor Asia dicitur, in ditionem Mahu-
metis, Othomanô Duce, deveniet; cujus
successores Græciam invadentes ferè to-
tam occupabunt. Indeque terrâ & mari
indies magis potentia eorum augebitur, &
terrebit ferè omnes gentes, & perveniet
usque ad Regnum Epyri, Dalmatiæ, &
Rassiæ: succedente verò tempore Civita-
tem etiam ipsam Hierosolymam, cum uni-
verso Ismaëliitarum dominio Othomani
obtinebunt, & ipsa Christianorum propu-
gnacula expugnabunt, ipsam etiam Unga-
riam pluries invadent, & ferè desolabunt
eam, & terrebitur & infestabitur Europa.
Italia verò ipsa, ubi Sedes Petri est, diu, &
sæpè vexabitur, & diuturna, & perniciofa
reprehensionis bella sentiet, & videbit
ignem & sanguinem, & ruinam, & quasi
desolationem. Et erit afflictio, & sæviet
furor, & ira super filios ingratitude, &
præcedent fames, pestis, & divisio, & co-
mitabuntur, & non deficient. Venient au-
tem hæc propter abominationem eorum
qui construunt Babylonem, dissipant san-
ctua-

*Hungaria
frequenti
infestatio-
ne.*

ctuarium, & sustinent populum iniquitatis, & odii, & rancoris, & convertunt eum ad impietatem, & turpitudinem omnis immundiciæ, & omnis peccati.

120. Tunc Angelus: Quando hæc futura prænuntiabo? & Christus: Quando Ecclesia, nitore detersô, jacebit quasi vi-
Propter schismata & peccata.
dua: Quando Romani Pastoris solium, & Regnum auctum, plurimi affectabunt, & unus adversabitur alteri; Quando surgent hypocritæ populos fraudantes prætextu sanctitatis, & religionis, & erit plena Ecclesia sectarum, in quibus regnabunt superbia, ambitio, & luxuria, cum cohorte filiarum ejus. Quando Principes divisi disceptabunt, & Rex Regi, & Pontifex Pontifici adversabitur, & quasi tolletur pax de medio gentium, & discordia ferè pariet interitum. Quando hæreses prævalebunt, & erit ferè extincta fides, & populi, & qui dominantur eis ad vanitates, & insanias convertentur: tunc Pater meus æternus mittet furorem, & iram, ac permittet ingrati-
Ad hæc prænuntianda mittitur S. Angelus.
tudinis filios ubique torqueri ab hostibus, & inimicis nominis mei. Hæc omnia constanter, & intrepidè prædicabis, & annuntiabis populo Christiano quæ ventura sunt propter scelera ejus.

CAPUT XV.

Revelatio de Rege qui liberaturus est Orbem Christianum è manibus Turcarum.

121. **E**T Angelus: Misere, inquit, Ecclesiæ tuæ, & averte iram tuam à populo tuo, qui clementer passus es pro eo, & liberentur dilecti tui, quos effusi sanguinis pretiò redemisti; & da tandem qui liberet Civitatem sanctam tuam, & eripiat eam à captivitate, & manu hostium. Cui Christus: Cùm contritus fuerit populus meus, & cognoscet vias meas, & suscipiet justitiam, & custodiet eam, veniet tandem, qui liberabit, & ponet pacem in gentibus, & erit consolatio justorum. Quis, inquit Angelus, iste erit, qui liberabit civitatem tuam? Et Christus: Surget tandem Rex antiqua de gente, & stirpe Francigena, insigni in Deum pietate; & suscipietur à Regibus Christianis, & fidei orthodoxæ professis, & erit dilectus eis, & terrâ, ac mari crescet potentia ejus. Hic, rebus Ecclesiæ quasi ad internecionem redactis, subveniet, & Pontifici Romano junctus, purgatis Christianorum erroribus, & Ecclesiâ ad statum bonis optatum restitutâ, copias trans-

*Christia-
nus Rex
venturus,
qui Terrâ
sanctam
recuperet.*

transmittet, quas sequetur multitudo ultromilitantium, & magna eorum turma qui pro meo nomine eô præliô cadent effectu crucis præmia suscipiet, & trophæis gloriosis cœlum ascendet. Ipse verò instructâ classe fretus transfretabit, & perditas restituet Ecclesias. Et liberabit Hierusalem, & his dictis ab oculis Angeli Christus candidissimâ nube circumfusus abiit.

C A P U T XVI.

De reditu S. Angeli à deserto, & conversione 80. Judæorum in Hierusalem.

122. **H** Ac Christi visione confirmatus Angelus, & consolatione repletus Hierusalem versùs iter arripuit: ubi propter magnam diuturnæ inediæ abstinentiam vix cognitus. Priorem petiit, quem ubi vidit, [bb] religioso more in terram provolutus, humiliter salutavit. Prior cognitô Angelô, omni coactô Fratrum cœtu, gestiens ingentes Deo gratias egit. Ipsumque complexus suavissimè recepit. Audiens Angeli adventum Joannes Patriarcha ejus Frater, venit ad Monasterium S. Annæ, plurima lætitiæ signa ostendens. Angelus verò Joanni ipsi Patriarchæ fratri, & simul Priori, ac Fratribus, eum ut Hieroso-

BB

*S. Angelus
prædicat
Ierosolymis*

*Plurimos
convertit.*

lymis remaneret orantibus, Christi iussu exposuit, ejusque apparitionem, & revelationem narravit. Deinde prædicare cœpit, & sæpius universò totius Civitatis populò congregatò, sexaginta ferè millium hominum numerum excedenti, Christi revelaciones, tantò fervore, tantòque spiritus ardore manifestavit, ut non modò Christianorum plurimi, alii quidem absterfis prioris vitæ maculis ad vitæ integritatem sese contulerint, alii verò Religioni, & regularibus claustris perpetuò sese addixerint: sed & ex Agarenis multi, & ex Judæis non pauci; Mahumeticâ spurcitiâ, & Judaicâ perfidiâ relictis, ad Christi fidem conversi, Sacramentum regenerationis susceperint; quibus peractis, multis aliis in oppidis & urbibus, Christi iussu exequutus, incredibilem laborem subiit, & vitæ non pepercit.

C A P U T XVII.

*De recessu ab Hierusalem, & adventu
S. Angeli in Alexandriam.*

123. **P**ost hæc autem, assumptò fratre Josephò ex oppido, quod Emaus nuncupatur, Fratre Petrò ex Bethlem, & me Fratre Enoch, Alexandriam versùs iter

iter facere cœpit. Quò ubi pervenimus illius Civitatis Patriarcha Athanasius, vir sanctitate, & famâ nemini postferendus, quòd jam sanctissimi Viri Angeli virtutem & sanctimoniam percepisset, incredibili charitate nos suscepit: cui Angelus, post ardentissimam habitam ad populum concionem, Christi visionem, & mandata exposuit. At ille de Reliquiis designandis, nihil penitus accepisse respondit: ultrò tamen sese vir sanctus obtulit, divinis se monitis obsequentem præstiturum. Nocte verò sequenti [cc] manifestissimâ visione, & certissimò oraculò habitò, Reliquias Angelo credidit, eique ad Fredericum de Claremonte litteras dedit, atque quò Christi præcepta exequeretur omni cum humanitatis officiò affectum dimisit.

C C

C A P U T XVIII.

De navigatione S. Angeli, captivatis quatuor triremibus Saracenorum, quorum septuaginta fulminati, cæteri omnes cæci facti sunt, quorum cæteri crediderunt in Christum.

124. **A** Lexandriâ relictâ Kal. Aprilis, Januensi navigiò freti indè Sici-
liam versùs solvimus, & prosperâ usi na-
L 3 viga-

vigatione quindecim dierum spatiô ad portum Siciliae propinquum pervenimus. Fortè autem ibi triremes quatuor infidelium latebant, quæ Januensium navem, de improviso, aggressæ, capiunt, eamque sexaginta, vel circiter, Saraceni ascendunt, & Christianos ferè omnes compedibus ferreis devinciunt. Quibus Angelus dixit: Nolite Dei servos, & amicos Christi offendere; illi verò irâ perciti in Angelum ruunt, quem dum ligare volunt, ille junctis manibus hæc voce orare cœpit: Libera nos Deus de manibus inimicorum nostrorum, & da gloriam nomini tuo, ut gloriemur in laude tua, & liberentur dilecti tui. Et his dictis subito ignis de cœlo descendere visus est, quò septuaginta, qui navem ascenderant Saraceni exulti, quasi in favillas, & cineres convertuntur. Alii verò, qui trecenti in triremibus erant, omnes oculis capti, voce humili misericordiam petebant: hinc Angelus ad triremes primus pertransiit, & Christianis, ut sequerentur, animatis hōc sermone usus est: Quicumque vestrum, ô viri Ismaelitæ, corde sincerò credet in Jesum Christum filium Dei dicto citiùs spiritûs, & corporis lucem suscipiet, & denique æternæ vitæ gaudia consequetur. Quâ Angeli oratione omnes sacri fontis lavacrum susceperunt, &

Ad S. Angeli preces ignis de cœlo descendit & Saracenos consumit.

lucem obtinuerunt. Indè verò soluentes in
Siciliam pervenimus.

C A P U T XIX.

*De adventu S. Angeli in civitatem Mes-
sanam, deq̃ reslituta muto loquela.*

125. **P**Rimum itaque [dd] Messanam
profecti Cœnobium Carmelitanæ
professionis adivimus, Priorique, ex more
obedientiâ præstitâ, & Cœnobitis salute
datâ, hospitia charitatis accepimus, atque
ipsâ in Urbe solemnia sacra peregrimus, totâ
Civitate gestiente spectaculô eorum qui
nuper Sacramentum fidei receperunt. Mu-
lier tunc nobilitate insignis, nomine Con-
stantia, filium mutum, ut eum sanum face-
ret, antè Viri Dei sancti pedes constituit; à
quo, Deo oratione factâ, linguæ beneficium
infans recuperavit; tribus postmodùm reli-
giosis Sermonibus habitis, ab oculis multo-
rum tenebras effugavit.

DD

CAPUT XX.

De adventu S. Angeli ad portum civitatis vetulæ, deq. Reliquiis allatis Domino Frederico de Claramonte.

126. **P**ost hæc, Messianâ relictâ [ee] ad portum Urbis veteris pervenimus.

*S. Angelus
ab Honorio
Pontifice
benignè
suscipitur.*

Erat autem ibi Honorius III. Romanorum Pontifex, & Fredericus de Claramonte. Angelus Christi Vicarium prius ex more salutât, & summâ eum prosequitur reverentiâ: à quo benignissimè suscipitur, ac de multis primùm Terræ Sanctæ mirabilibus devotissimè interrogatur; & post mutui & prolixi sermonis colloquium, liberô & facili aditu spontè datô, quò sæpè redeat requiritur. Demùm benignè Pontifice relictô, Fredericum de Claramonte convenit, & cum Patriarchæ Athanasii fratris nomine valere jubet. Qui quantâ humanitate, & quibus officiis nos cumlaverit, longum esset referre. Multis denique cum eo colloquiis habitis, opportunitate datâ, ipsis Pontifici & Frederico, Sanctorum Reliquias resignavit, sancti Brachium & Tibiam Joannis Baptistæ, Caput Hieremiæ Prophetæ, Brachium sanctæ Catharinæ, Tibiam S. Georgii, & Ima-

*Pontifici
Reliquias
tradit.*

Imaginem B. Virginis. Eas honore incomparabili & incredibili devotione suscepit Honorius, & Angelum mirificè complexus, omnibus eum officiis humanitatis prosequitur, & ut ibi remaneret, omni studio hortatur: ille verò candidus & humilis, ingentes Pontifici gratias egit, & se ad Christi mandata vocari affirmat; cui suæ professionis Coenobitas Carmeli Montis commendat. Verùm ubi Pontifex eum quinques publicè prædicantem audivit, in eum mirâ devotione accensus, & sanctitate ac doctrinâ ejus incredibiliter permotus, modis omnibus ipsum detinere nititur; & mœstus tandem abeundi sollicitum, & invitùs dimittit. [ff] Fredericus B. Virginis Imaginem à Pontifice impetrat, & Angelo Panhormum perferendam commendat.

*Coram eo
quinies cõ-
cionatur.*

FF

C A P U T XXI.

De sancto colloquio S. Angeli cum sancto Francisco, de quæ Leproso mundato.

127. **R** Elictis Honorio, & Frederico, Romam venimus, ubi loca Sanctorum omnia devotè lustrantes, manè primò, maximâ tum Cleri, tum populi multitudine coactâ, in Basilica S. Ioannis Latera-

GG

*S. Angelus
prædicans
in Ecclesia
Lateranensi
à SS. Do-
minico &
Francisco
agnoscitur.*

*Salutatur,
& resalu-
tat.*

teranensis sanctus Dei Angelus magnò spiritûs fervore prædicare cepit. [gg] Aderant ibi sancti Dei viri Franciscus & Dominicus, quos cum nusquam antea vidisset, supernæ claritatis splendore mens illustrata, cognovit, & novas, sed solidissimas Ecclesiæ columnas adeste prædixit. Sermonem tandè finitò S. Dominicus spiritu elevatus dixit S. Francisco: Hic est Angelus Hierosolymitanus, Christi, & fidei Catholicæ defensor, & Declamator ardentissimus, qui doctrinâ, & sanctitate vitæ incredibiliter Christianæ fidei profuit. Cui S. Franciscus respondit: Hic ille est Civis cœlestis, qui in Sicilia martyriò coronabitur; & ambo simul, animò hilari, ad S. Angelum veniunt, & eum incredibili humilitate salutant, ac mutuò pacis osculò prosequuntur. Tunc Angelus: Salvete, inquit, maximi Christianæ militiæ Doctores, Dominice impugnator hæresum strenuissime, & Francisce Christi præcipue imitator, qui virtute humilitatis vera portabis stigmata Christi. Dominicus verò: Tu, inquit, Angele, gaude & lætare; tibi enim Christi privilegiò datum est, mortiferam hæreticorum rabiem compescere, Christianum nomen defendere, & Ecclesiam augere & illustrare. Et Franciscus subdit: Tibi, Angele,

gele, veritatis defensor, meritò gestiendum est, brevì namque in Sicilia martyriò vitæ militiam terminabis, & triplici laureâ coronatus divinæ fruitionis, & sempiterni gaudii præmia fuscipies. Ad hæc Angelus: Vobis sanctissimi Viri, vobis magis gaudendum, quibus Christianam Rempublicam felicibus cœptis, meritis, & doctrinis amplificare concessum est. His, & aliis ultrò citroque, in enarrabili charitatis ardore dictis, seorsum cedentes, de multis & magnis Scripturarû & fidei mysteriis, humiliter inter se aliquamdiu loquuti sunt. Quibus ita agentibus felicem, qui aderant diem, & rarum, ac singulare spectaculum dixerunt, quò simul tria mundi Lumina in unum convenerint. Indè verò simul procedentes, quum propè ad S. Sabinam pervenissent, homo genere nobilis leprosus offert se obvium eis, dicens: Orate sanctissimi Viri, ut Deus fœdò hóc morbô, vestra intercessione, me liberet. Quem illi in pacem abire jubent: & subito sanus effectus dat gloriam & honorem omnipotenti Deo. Angelus autem, cum Dominico & Francisco, diem illam, & noctem divinis sermonibus, & oratione transegit.

*Trium
istorum
Sanctorum
Propheticũ
colloquiũ.*

CAPUT XXII.

¶ Nunc
dicitur
Panormus

*Quòd S. Angelus * Panhormi convertit
ad fidem septem supra ducentos Iudæos.*

HH
S. Angelus
variis in
locis evan-
gelizat &
Miracula
edit.

128. **B** Enignâ tandem à Summo Ponti-
fice Honorio Tertio veniâ impe-
tratâ , & sanctis Dominico & Francisco
in Christo valere jussis , ab Urbe profectus
cum sociis per superiorem Italiam iter lon-
gum faciens , ubicumque moram trahe-
re oportuit , evangelizando , & verbô , &
opere in fide construendo multa , & admi-
ratione dignissima fecit miracula : & [hh]
aliqua , tum in Apulia , tum in Campania,
suæ professionis Cœnobitis loca suscepit ,
ac tandem in Siciliam pervênit , ubi prima
Panhormus ei hospitium dedit in Monaste-
rio S. Mariæ , cognomentô de Grotta , Or-
dinis S. Basilii : ubi Athanasius monasticam
duxit vitam , antequam in Alexandrinum
Patriarcham assumptus foret ; quoniam
nondum ibi domus Carmeliticæ professio-
nis esset. Hîc , spiritûs fervore incompara-
bili , diebus quadraginta , quotidianis ser-
monibus vacat Angelus , & incomparabi-
lia conversionis opera , & fructus incredi-
biles protulit : nam & Judæorum septem
supra

supra ducentos [ii] conversi sunt, & de Imaëlitis plurimi: Christiani verò ferè omnes ad pœnitentiam redacti; infirmi quoque non pauci diversis ægitudinibus vexati ad sanitatem restituti: quibus peractis, eisdem assumptis focus majorem Insulæ partem, ubi sanctus suâ prædicatione opus esse. Christo inspirante, cognoscebat, Verbum Dei seminando peragrat, plurimisque interim Carmelitanæ professionis habitum concedit, & loca aliqua Carmelo addit; ac denique Agrigentum, ut illius Urbis Antistitem reverenter salutaret, profiscitur.

II.

Loca aliqua & plurimas personas Ordini suo acquirit.

C A P U T XXIII.

Quodd S. Angelus mundavit septem Leprosos, & sanavit Archiepiscopum Panormitanum ab incurabili infirmitate.

129. **P**orrò transeunti per balnea Cephalitana, in ipso thermarum loco inventi sunt septem viri leprosi videlicet Joannes Drepanensis Pinus Thermentis, Franciscus Pactensis, Andreas Nothenis, Lazarus Randacensis, Antonius Calathamixensis, Manfredus Sutcranus, quibus cùm aliquamdiu balneorû custos contenderat, prohibens ne balneum intrarent, ipsum leproforum non

non esse attestans. Tum ille eorum contraversiam audiens, dixit: Pacem habete, precor, viri Christiani, & audite obsecro: creditisne balnei virtute sanitatem vobis restitui posse? At illi Credimus, inquiunt. Tunc Angelus: Error certè vester est viri Christiani aliâ enim viâ sanitas vobis quærenda est: pœnitere vos peccatorum oportet, contritione præviâ confessio vestra est medicina, quâ sine balnei ingressu jam liberati eritis. His auditis sancti Viri monitis parent, & pœnitentiæ sacramentum perficiunt. Quos Angelus proximi fontis aquâ propriis manibus lavat, & oratione præhabita per virtutem Jesu Christi lepram abire jubet, subitoque eorum carnes mundissimæ visæ, sunt, ac si nunquam lepræ contagiô laborassent. Sanatis verò Angelus dixit: Cavete, nè in aliam, peccando, graviores ægitudinem incidatis; scelus enim infirmitatis causa est, & peccatum in Deum, & proximum. Fecit autem vir Dei sanctus hoc miraculum palàm: quod manifestum fuit viris centum & triginta præsentibus, præcipuè verò Gotfridô Panhormitanô Archiepiscopô, qui doloribus pressus in balneis morabatur. Et Deum magnificans in sancto viro Angelo subito & ipse sanus fuit.

*Sacramēto
pœnitentiæ
& lotionē
in fonte
leprosos
mundat.*

C A P U T XXIV.

Quòd Angelus Agrigenti curavit Paralíticos, Dæmoniacos, Cæcos, & Surdos.

130. **D**Iscessurum Angelum Antistes Panhormitanus multis precibus detinere nititur; quem ubi confirmatô animô abiturum vidit, Agrigentum usque comes sequitur, ubi quinquaginta dierum spatiô quotidianis prædicationibus Angelus ipse operam dedit, & populum ad *Quinquaginta diebus quotidie prædicat magno cum fructu.* pœnitentiam & devotionem usque adeò convertit, ut ferè tota Civitas opera pietatis & Religionis complexa, uberrimas salutis fruges proferret, summô Dei & Catholicæ fidei cultu, justitiâ, observantiâ, & pæe fidelibus restitutis. Illuc Paralitici, dæmonibus vexati, cæci, surdi, leprosi, aliisque infirmitatibus variis oppressi, à diversis Insulæ partibus confluentes, meritis S. Angeli recuperatæ sanitatis beneficium receperunt.

CAPUT XXV.

Quod S. Angelus venit ad oppidum Licatam, & cepit exequi mandatum Domini.

KK

131. **K** Alendis Martiis, [kk] dimissio Agrigentinò Licatam pervenimus, quò præcipuè Christi Domini nostri præceptò ad prædicandum missus fuerat Angelus; venit & nobiscum Panhormitanus Antistes, Angeli sanctissimi divinò colloquiò mirificè delectatus, in cujus domo hospitari, & cum eo diebus aliquot permanere, antequam nostræ professionis locum, qui non multis antè annis ibi constructus fuerat, ingrederemur, multis ejus precibus coacti fuimus, missò ad priorem loci fratre Josephò, & venià impetratà: denique Religionis demùm ingredimur, & omnibus juxta professionis morem peractis, haud multò post cœpit Angelus fervore sui spiritûs vehementissimò prædicare, vitia arguere, peccata detestari, incestum damnare, sacrilegia, stupra, & id genus facinora, quibus ira Dei provocatur, taxare, pœnas, & supplicia, quæ subituri sunt obstinati, proponere, Dei ultionem ad memoriam revocare, justitiam docere,

*S. Angelus
Licata
serventer
prædicat.*

Scri-

Scripturarum dogmata aperire, & alia hujusmodi declamationibus quotidianis agere; quibus plurimi, licet maximis innodati sceleribus, & malis malorum artibus irriti forent, ad cor redire, gemitu, & lacrymis cordis dolorem præ se ferentes, & Dei misericordiam implorantes. Quos* Beringarius tyrannus ore impudenti ridens subnabat, quem S. Angelus, servatô charitatis, & fraternæ correctionis ordine, quàm sæpissimè monuit; ut Deum metueret, incestum dimitteret, Christi legationem audiret; & ita quidem monuit, ut nihil prætermissum relinqueret, quod ad ejus reductionem attineret. At ille indies insolentior effici, in malitia gloriari, & obduratô, ac inflatô animô jura, leges, & divina oracula detestari, justitiam contemnere, Deum execrari, aliaque hujusmodi, factiosâ tyrannide fretus, agitare cœpit.

*Peccatores
multos
convertit:*

* *Alias
Beringa-
rius & Be-
rengarius*

*Berenga-
rium sæ-
pius mo-
net, sed
frustrâ.*

132. Angelo denique metum incutere, ut prædicare desisteret, minis, & multis modis tentavit; namque homini perditissimo aliorum etiam resipiscentia, & ad Deum conversio mirum in modum displicebant omnesque suæ perditionis participes fieri cupiebat. Verùm Angelus Christi præcepto intentus, spiritu ardentissimo quotidianæ prædicationi incumbibat,

M donec

*Margare-
ta Beren-
garii soror
publica in
concione
scelus suū
confitetur.*

donec tandem eō prædicante mulier, nomine Margareta, cum tribus filiis, quos ex fratre Belingario, carnaliter cognito, conceperat, pœnitentiâ adducta, die, quô major Litania est, coram toto populo flens amarè, & magnô cordis dolore incensa, in medium processit, ubi: Precor, inquit, Angele sancte, pro nostra salute à Deo misse, ut ores pro me miserrima muliere, quæ diabolicæ potestati subjecta diu, vix expiabili peccato detineor. Jam enim transiguntur anni duodecim, quibus cum fratre meo Belingario, de quo hosce concepi filios, in nefandissimo scelere perstiti. Cui Angelus: Deus clemens, & misericors, qui te convertit ad pœnitentiam, peccatis tuis parcere dignetur. Hoc crimine sic manifestè à muliere pronunciatô Belingarius spiritu diabolicô magis agitari cœpit, & sanctum Dei Angelum, cujus prædicatione mulier ad pœnitentiam conversa peccatum protulit, interficere disposuit.

C A P U T XXVI.

Qudd S. Angelo apparuit D. Ioannes Baptista, & animavit eum ad subeundum martyrium, cujus diem prædixit.

133. **N**Octe itaque sequenti Angelo Joannes Baptista apparuit, quem Dñi JESU verbis hortatus dixit: Scito, Angele, humilitatem, obedientiam castitatem, constantiam, aliasque quibus te dotavit Altissimus, virtutes tuas ipsi Dño JESU Christo, & magnæ ejus Matri semper Virgini mirificè placuisse; quocircà gaude, & lætare, mortem brevè gloriosam recepturus; quia exultant Angeli te simul cum Sanctis in patria expectantes. Accingere igitur sancto operi, & quintô die Maji sanguinem tuum pro veritate effundas, intrepidus Christi miles, qui commissô præliô, & victoriâ partâ victor trophæô perducaris ad gloriam. His auditis gratias Deo immensas egit, & Joannem Baptistam veneratus, ejus intercessionibus apud Deum, & Virginem, se plurimùm commendavit. Manè verò primô, Dominicis expletis officiis vocat Angelus Fratrem Josephum, Fratrem Petrum, & me Enoch, quibus S. Joannis

M 2

Ba-

*Martyrii
ardens de-
siderium
in S. An-
gelo.*

Baptistæ visionem recitat, & quintâ Maji die se amore Christi gladiô peremptum iri affirmat. Cui Petrus: Evitanda inquit hæc mors est, & hinc nobis sine dubio secedendum. Nec defuerunt persuasiones tum ab eo, tum ab aliis adductæ; ut indè abiremus. Cæterum, omnibus auditis, tandem ipse: Orate, inquit, obsecro filii, ut quod ordinatum est à Deo Patre, Filio, & Spiritu sancto, hoc martyrium intrepidô, & constanti animô pro Christo patiar. Jam enim, ut Apostolus cupiebat, & ipse nunc maxime cupio dissolvi, & esse cum Christò, mox verò subjunxit sæpiùs repetens: Sufficit, sufficit, sufficit mihi Domine, tolle animam meam.

C A P U T XXVII.

De Martyrio, & transitu S. Angeli.

134. **A**Dveniente [II] quintâ die Maji, re divinâ peractâ in Basilica Apostolorum Philippi, & Jacobi, prope mare, coactâ populi multitudine quinque hominum millia excedente, Angelus prædicare cœpit, tantâ divini fervoris efficacîâ, ut omnibus de cœlo missus nuntius judicaretur, qui hominum mentes neglectis mortalibus curis ad cœlestia sublevaret. Mirabatur

batur jam universus populus vultum ejus ,
 & suspiciebat faciem quasi candentem ut
 fulgur , quô sic prædicante supervenit Be-
 lingarius furis plusquam cerbereis agita- *S. Angelus*
 tus, magnâ sceleratorum & suæ conjuratio- *prædicans*
 nis cohorte armatus , & populô spectante, *quinque*
 pulpitem ascendit , atque Angelum divino *lethalibus*
 operi innixum , tanquam agnum mansue- *plagis con-*
 tum sanguinolentus invadens, quinquiesque *foditur.*
 pugione percutiens quinque lethalibus pla-
 gis transfodit. Quod sacrilegum & nefan-
 dum facinus , contra innocentissimum , &
 verè Angelicum virum , impiè & nequis-
 simè commissum , populus non sustinens ,
 sanguinarium tyrannum interficiendum in-
 sequitur . Angelus verò lethalibus affectus
 vulneribus jugiter ejus corpore sanguinem
 effundente , nullô dolore percitus , nullô
 percussus metu , sed vultu hilari , & alacri
 voce , populum hortatur , ut Belingarium
 dimitteret , ejusque sororem potius ad pœ-
 nitudinem conversam , nè à furente tru-
 cidaretur , servaret.

135. Positis deinde genibus Crucifixi
 imaginem versùs , junctis manibus , & ocu- *Pro popu-*
 lis elevatis , pro universo populo , & obitùs *lo, & per-*
 sui memoriam agentibus , oravit , Crucifi- *secutoribus*
 xum deprecatus , ut qui pro omnibus pas- *orat.*
 sus esset , suis etiam persecutoribus ad pœ-
 nitentiam converteretur.

nitentiam converſis veniam concederet, & diei illius, ac obitûs ſui memoriam agentibus optatam omnem gratiam impertiret.

Ad mortē ſe diſponit. Quâ oratione peractâ, Pſalmum cantare cœpit: *Beatus vir qui non abiit in conſilio im-*

piorum. Et Pſalmum: In te Domine ſperavi, non confundar in æternum. Et ubi pervēnit ad

illum verſum: *In manus tuas, Domine, commendo ſpiritum meum;* audita vox eſt de cœ-

lo: *Veni, Angele, ad Regnum tibi & Electis meis paratum à conſtitutione mundi,*

ut gaudeas cum Sanctis, ac inter Angelos, in cœlis colloceris, & cum Martyribus in

æternum vivas, qui in ſuperna Hieruſalem triplicem jam tandem aureolam meruiſti.

His auditis, felix anima, ceu columba candidiſſima, è corpore exiens viſa eſt, & lux ſole ſplendidior ſupra ſanctiſſimi Martyris

corpus, & cantus ſuaviſſimi, ac mirabiles audiri cœperunt, odores inſuper de corpore

illo ineffabiles exiverunt, quorum fragrantia incomparabili oppidum impletum eſt. At Belingarius domum accurrens, cū ſororem interficere nequiverit, conſcius ſcleris tanti, ſuique impo-

tens, ac deſperatione, ſic divinâ ultione permittente, ſuperatus, laqueo ſe (ut Sca-

rioth olim Judas) ſuſpēdit: cujus corpus locis profanis populi univerſi decreto

expo-

Vox è cœlo vocatur ad triplicē aureolam.

Anima in columba ſpecie cœlum petit.

Corpus ejus cœleſti luce, odoris fragrantia, cantu honoratur.

expositum , atque insepultum feris relictum est dilacerandum.

C A P U T XXVIII.

Quòd anima S. Angeli apparuit Gotfredo Archiëpiscopo Panhormitano, cui commendavit Corpus suum ut sepeliret.

136. **E**A die Gotfredus Antistes Panormitanus prædicationi Martyris Angeli, prout consueverat, aliis impeditus, interesse non potuit. Domique cùm lectionibus S. Bernardi vacaret, clarissimâ luce refulgens ipsius Martyris anima thalamô clausô commoranti apparuit, dicens: Gotfrede Antistes, vale: &, quod facis, Deum time: ego verò Christum pro te orabo ad cœlestium Patriam profecturus. Tunc Gotfredus non mediocriter territus: Quis, obsecro es? Ille verò: Ego sum Angelus Carmelita, hodie gladiò peremptus in Basilica Apostolorum Philippi & Jacobi: Vade, & sepelias Corpus meum in loco ipso, ubi Jesu Christi amore martyrium sustinui, & pro justitia & veritate morti traditus fui.

CAPUT XXIX.

De Funere S. Angeli, & Miraculis.

137. **T**Risti hęc nuntio, incomparabili Antistes dolore conficitur, nec potest se lacrymis temperare, tanti viri jacturam ex corde deplorans. Quumque non multò post multi insigni pietate viri, imò de pectore suspiria trahentes, ipsique præcipuè Carmelitici Cœnobitæ, luctu & amissi tanti Patris dolore, & gemitu ducti, ad Antistitem illum, tamquam præcipuum Martyris amatorem, convenissent, Præsul ipse alios consolaturus consolatore egere videbatur, casum lugubrem miseratus amici, cujus virtutem noverat, cujus sanctitatem satis laudare non poterat. Proce-
dit itaque cum tota familia, populi lamentationes, quibus oppidum complebatur, audiens & ubi tandem pervenit ad S. Basilicam, odoris fragrantia, & cantû Angelorum mellifluo quasi raptus nonnihil sistere jubet: mox sanctum Corpus reverenter veneratus, & voce lamentabili, minùs audientem, sic est affatus amicum. O Angele, veræ pietatis amator, Christi athleta fortissime, quæ tanta * Erymnis furem illius excivit animum, quis te, unicum sanctita-

*Lamenta
publica ob
sublatum
tantum
Patrem.*

* Erym-
nis seu E-
rinny,
una Furia-
rum.

ctitatis exemplar, crudelibus his vulneribus foedavit? O mentem sacrilegam! ô pectus efferum! ô impiam manum, quæ temporis nostri specimen, firmissimam Ecclesiæ columnam, fidei Catholicæ clypeum, sustulit! Digna, Belingari, te manent supplicia, cui justam Dei ultionem mors peperit Martyris innocentis. At tibi, Angele, velut Baptistæ Joanni, pro redarguto incestu morienti, æternam comparavit gloriam, & immortalem coronam. Istis, & aliis plurimis piè & amicè prolatis, corpus honorificè, solemni apparatu, sublimi in loco constitui curavit, & diebus octo cereis faculis circumquaque accensis, & juxta Ecclesiæ morem, officiis pro Martyre celebrari solitis, horis omnibus celebratis custodiri fecit.

138. His autem diebus quot, quantaque gloriosus Dei Martyr miracula fecerit explicare difficile esset: nam surdis auditus, lumen cæcis, claudis gressus, mundities leprâ vexatis, paraliticis sospitas, & denique quâvis, etiam incurabili ægritudine pressis, qui per ipsos dies octo sacratissimum illud corpus tetigêre, sanitas restituta est. Orta autem fuit pia admodum controversia inter Carmelos Coenobitas, & eos qui Ecclesiæ præerant Philippi & Jacobi, de

*Ostendit
insepultus
Martyris
officio ho-
noratur.*

*Miracula
varia.*

Mar-

*Fons olei
ex sepul-
chro ejus
scaturit.*

Martyris sepultura, quam Archiëpiscopi auctoritas diremit, attestantis, Martyrem, ut eô in loco sepeliretur, ubi fuit Martyriô coronatus, petiisse: cui accessit & fons eâdem in loco miraculosè scaturiens, ubi sanguis Martyris sanctissimi profusus fuerat: cujus liquore omnis languoris solet curari infirmitas, festô præcipuè die, & festi vigiliâ ejusdem sanctissimi Martyris. Fuit itaque sepultus eodem in loco ubi fuit Martyriô coronatus, manibus propriis ejusdem Archiëpiscopi Panhormitani. Et in his omnibus Frater Petrus, Frater Joseph, & ego Frater Enoch socii fuimus, annô Domini nostri Jesu Christi M. CC. XX. Obiit die quintâ Maji, die verò XIII. Maji fuit sepultum Corpus ejus.

C A P U T XXX.

Revelatio D. Ioannis Baptistæ facta beato Athanasio de Claramonte Patriarchæ Alexandrino, qui eam scripsit fratri suo Frederico de Claramonte Panormitano.

M. M.

[mm] **A**thanasius de Claramonte Panhormitanus, Ordinis S. Basilii, miseratione divinâ Patriarcha Alexandrinus,

nus, Dei Servorum minimus, spectabili Vi-
ro, & Nobili, Frederico de Claramonte,
Panormitano Fratri suo salutem & pacem.

139. Frater Angelus Carmelita, vir do-
ctrinâ, & sanctitate singularis, ac spiritu
Dei ad divina opera excitatus tuæ specta-
bilitati voce vivâ renunciabit quod præ-
sentibus nos scriptis significamus. Nuper
enim festo die Annunciationis B. *MARIÆ*
Virginis, cùm post matutinas noctis circa
horam quasi nonam orarem [nn] in Basili-
ca S. Joannis Baptistæ [oo] ante sacratissi-
mas ejusdem Reliquias vidi apud me homi-
nem annorum triginta, vel circiter, cujus
aspectus nitens, & lucidus, tanquam sol, to-
tam Basilicam illustrare videbatur: is in-
dutus pellibus camelorum, & tenens manu
vexillum S. Crucis ter vocavit me dicens:
Athanasî, Athanasî, Athanasî, scito, & sis
certus, quòd voluntas Dei est, & deside-
rium meum, ut Imago gloriosæ Virginis
MARIÆ, & Reliquiæ, quæ in hac condun-
tur Basilica, in Italiam mittantur. Non
enim diu quæ huic populo imminet divi-
næ ultionis ira differetur: has Fratri An-
gelo Hierosolymitano, qui in Insula Siciliae
pro veritate dicenda martyrium sustinebit,
sicut & ego sustinui; credes, & resignabis:
qui eas, magnâ fide, & devotione, cum
focius

N N

O O

*S. Ioannes
Bapt. quâ
formâ ap-
paruerit
Athanasio
Patriar-
cha.*

*Iubet
transferri
suas, &
aliorum
reliquias.*

fociis Petro, Josepho, & Enoch, portabit. Quâ apparitione territus, & non mediocriter tremebundus; demùm resumptis non-nihil animi viribus, interrogavi, quisnam esset. Et ille: Joannes, inquit, sum Baptista præcursor Domini nostri JESU Christi, cujus Reliquiæ sunt in ista Basilica; eas ad Fredericum de Claramonte Fratrem tuum devotum, & timentem Deum mittas, qui cum Honorio Pontifice eas suscipiet, & ubi divina voluntas disposuerit honestè reponet. Et his dictis non ampliùs apparuit. Hujus igitur oraculi præceptò moniti, habitâ priùs oratione, & firmatò nobis propositò, per ipsum R. Fratrem Angelum præsignatum, & socios ejus, ipsas Reliquias tuæ ipectabilitati mittimus.

Qua fuerint illa Reliquia.

140. Reliquiæ autem hæ sunt: Imago gloriosæ Virginis MARIÆ, Brachium & Tibia S. Joannis Baptistæ: Caput Hieremiæ Prophetæ, Brachium S. Catharinæ Virginis & Martyris, Tibia S. Georgii: de quibus, prout Dominus disposuerit, consultò S. Patre Honorio Pontifice Romano, dispones piè, & religiosè, ut te præstare solitus es erga Deum. Audies autem plura ab eo ipso R. Fratre Angelo, cujus colloquiò mirificè delectaberis: quem ut optimè dignoscas, & omni studiò complectaris, hortamur.

tamur. Est enim non minùs opere, quàm sermone mirabilis, & præcipuus veritatis amator, ac fidei Catholicæ defensor acerrimus. Cætera quæ de ipso referri possunt admirandæ sanctitatis opera, quod ipse brevibus scriptis assequi non possum, & tu faciliè (ut spero) cognosces, silentiò prætereo. Vale in Domino nostro Jesu Christo, & orationibus S. Honorii Papæ nos commenda. Datæ Alexandriæ annô Domini nostri Jesu Christi millesimô ducentesimô decimô nonô.

EPISTOLA

THOMÆ BELLOROSII, ad eundem Amplissimum Patrem Magistrum NICOLAUM AUDETUM, de quotidianis Miraculis S. Angeli Martyris, in oppido Leucatæ, ubi sepultus est: deque Fonte vivo, & fluxu Olei medicinalis, in loco sepulturæ dicti Martyris gloriosissimi.

141. **H**abes, Amplissime Pater, ea quæ scripta sunt olim de Vita sanctissimi Angeli Virginis & Martyris à me non minùs expolita quàm digesta per Capita, ut innotescant toti Orbi Chri-

S. Angelus
miraculo-
rum gloriâ
illustris.

Christiano, quæ ita ferè quotidie miraculorum locupletissimò testimoniò comprobantur, ut non egeant aliquò testificationis adjumentò (sicuti profusè tua Paternitas amplissima percepit à multis viris præstantibus in hoc Regno.) Non enim tuam Paternitatem latet; quodd Divus Angelus spiritu humilitatis, quæ de sinu Patris descendit, plenus, ut declinaret inanem hujus mundi ventosi gloriam, priusquam ab humanis recederet, mandavit, ut in eo corpus ejus humaretur loco, in quo erat scelesti hominis gladiò confossus: nemo tamen postea fuit ausus hanc supremam sanctissimi Martyris voluntatem violare; verens nè inferret offensam, quoadusque aliter visum fuit divinæ Majestati, quæ (sicut conjicimus) ut dilectissimus ejus Martyr, assidue affulgeret miraculis, ex sepultura loco, quæ in templo erat, & quasi ex ore sepulti, repente pulchrum lilium enasci fecit, quod quoties fuit incisum statim renatum est. Et hòc miraculò permoti incola illius oppidi Leucata locum effoderunt, ubi inventum est S. Corpus mirò fragrans odore, quod honorificè reposuerunt in arca honestissima.

Ex ore sepulchri lilium proasit.

142. Ex loco verò, ubi prius jacerat corpus, fons vivus aquæ nitidissimæ & suavissimi odoris emanavit: ex ea verò parte, quâ caput Martyris quiescebat, cœpit fluere medicinalis olei liquor, ubi postea manu artificis aqua illa per gradus operis lapidei circumdata est, quæ tertiò nonas Maji, anniverfariò die Martyris, plus solitò excrescit, &

tunc

tunc etiam [pp] oleum effluit, incipiens pridie ab hora vespertina usque ad solis occasum diei sequentis: quod solertissimè à plebe colligitur, ad sanandos infirmos; multiq; agroti illò die solemnè descèdunt per gradus fontes, loturi corpus, implorantes D. Maryris auxilium, & sensim, populò spectante, recipiunt sanitatem, præsertim hernici & paralitici. Plura quoque efficiuntur miracula, si die illò celeberrimò vir doctus Carmelitana familie, & non alterius Ordinis professor, more declamatoriò habebit Sermonem ad populum de Vita, Miraculisq;, & Martyrio prædicti Martyris gloriosissimi. Non videtur mihi profectò hac de causa opus esse ut quærantur antiquæ attestations de Vita S. Martyris, quandoquidem vivi fontis scaturigo, & effluentis olei liquamen testentur omnia quæ tradita sunt litterarum monumentis de cælesti beatitudine Divi Angeli, verissima esse, & sole meridianò clario-
ra. Nava igitur ex imis sensibus operam, Amplissime Pater, ut sicut à divina Majestate, & Cælicolarum Senatu prædictus Martyr factus est cælestis civis, triplici coronâ donatus; pari modò in hac Ecclesia militante perpetuò summi Pontificis, ac sacrosancti Senatûs Apostolici decretò divinis honoribus condecoretur venereturq; ab omnibus, ad laudem & gloriam totius Curia cælestis, & individua Trinitatis regnantis in sæcula sæculorum. Amen.

PP

Oleo ex
ejus sepul-
chro fluen-
te plurimi
sanantur.

NOTATIONES

IN VITAM S. ANGELI.

AD PRO- 143.
LOGUM.

A
Enoch Vita
S. Angeli
Scriptor
postea Pa-
triarcha
Ieros.



Noch [a] Servus Dei ...
Patriarcha Jerosolymitanus,
videlicet pro Syro-Græcis, succes-
sor B. Ioannis fratris S. Angeli.

De illo Arnoldus Bostius in Speculo Ordinis Carmel.
l. 7. cap. 11. ista scribit : Enoch de Jerusalem
frater Ordinis Beatissimæ Virginis Mariæ
de Monte Carmeli, post præfatum Joan-
nem Episcopus extitit Jerosolymitanus,
quo in loco levavit se supra se, ut videret,
& gustaret quàm suavis est Dominus, qui
cùm aliquamdiu Ecclesiæ Jerosolymitanæ,
dignè & laudabiliter præfuisset, tandem
infirmatus obdormivit in Domino. In per-
vetousto Kalendario Mechliniensi ad diem 12. Au-
gusti inter Sanctos, & Beatos Ordinis huius re-
fertur his verbis : Enoch Patriarchæ Jero-
solymitani Ordinis nostri. Plura de eo habes hîc
suprà in Notis præviis §. 2.

AD CA-
PUT I.
B

144. Congregatis [b] in Jerosolymitana
Synodo sanctis Patribus. Synodum illam Ie-
rosolymis habitam refert Venerabilis P. Lezana
in Annalibus Carmelitanis ad annum Christi
1222. ubi inter alia hæc : Videtur autem
hanc

hanc Synodum nationalem fuisse ex Syro-Græcis solum Episcopis adunatam, nec propterea contemnendam, sed potius venerandam. Etsi enim vera, & legitima Divorum Canonizatio, solum ad Sedem Apostolicam Romanam pertinere dignoscatur, non tamen propterea Orientalis Ecclesiæ Catholicorum Antistitum (quales hos fuisse credimus) iudicium spernendum, pro sancti Angeli sanctitate comprobanda. *Synodus comprobans B. Angeli sanctitatē qualis.*

Quis autem tunc fuerit Patriarcha Ierosolymitanus assistens, seu præsiciens isti Synodo, habetur ex Cap. 10. Vitæ S. Angeli sub finem, erat nempe Honuphrius successor B. Ioannis, diversus ab eo qui secutus proximè fuerat Nicodemum. Vide Notas ad dictum Cap. 10. Ille autem Patriarcha, & triginta sex Episcopi, Capite 1. recensiti, approbatores fuere sanctitatis B. Angeli, auditis testimoniis trium Antistitum eodem Capite 1. nominatorum, videlicet Ierasimi Archiepiscopi Nazareth, Ioannis Archiepiscopi Casariensis, Petri Episcopi Bethléemitani, atque aliorum plurimorum, qui aliquando ipsi S. Angelo convixerant, aut cum eo conversati fuerant.

145. Animadvertendum hic, quod sub ea tem- *Patriarcha duo olim e-*
pora Ierosolymitani Patriarchæ duo essent, alter *rant Iero-*
Latinus, pro Latinis residens Achone (quæ etiam *solymis, al-*
Ptolemaida dicitur) cuiusmodi erat B. Albertus, *ter Græcus*
Regulæ Carmelitane Scriptor, seu veriùs com- *alter Lati-*
pendia- *nus.*

pendiator , ab Innocentio III. institutus annò 1205. cui annò 1214. defuncto subrogatus fuit Radulphus , qui annò sequenti interfuit Concilio Lateranensi. Alter verò Gracus, seu Syro-Gracus, Ierosolymis Patriarchalem Sedem tenens pro Christianis non Latinis , scilicet Gracis, Armenis, Palestinae, Syris, seu Surianis, qui suae nationis & idiomatis Patriarchas expetebant (sicuti & his temporibus in Belgio, & alibi, vix admittitur Episcopus qui non sit illius nationis & ejusdem idiomatis, cujus usus potissimum ibi est.) Nam licet ab anno 1187. (quo Saladinus Ierosolymam , & ferè totam Terram Sanctam occupavit , & vastavit) Civitas sancta sub jugo gemeret Saracenorum, illitamen (solis Latinis expulsis) Gracis, Syris, Armenis, & aliis Orientis Christianis loca in Vrbe permittebant. Sic expressè habent Ioannes Heroldus in continuatione historiae Belli Sacri, lib. 1. cap. 7. & Henricus Pantaleon in histor. Ordin. Ioannit. Rhodior. lib. 2. sub hoc anno. Ordinatum autem à Saladino dicitur , ut in gratiam Imperatoris Graecorum (cum quo suspecta erat familiaritas) in omnibus Ecclesiis Terrae Promissionis, secundum ritum Graecorum Dei cultus fieret , ut scribit Conradus in Epist. ad Cantuariæ Archiepiscopum , quam refert Baronius ad annum 1187. Et quidem si de Surianis sermo sit , hac de illis testatur Cardinalis Iacobus de Vitriaco in Historia Ierosolymitana cap. LXXIV. Utuntur autem Suriani in sermo-

ne vulgari linguâ Saracenicâ. . . Consuetudines autem, & institutiones Græcorum in divinis officiis, & in aliis spiritualibus Suriani penitus observant, & eis tanquam superioribus suis obediunt: Latinorum autem Prælati, in quorum Diœcesibus commorantur, non corde, sed ore tantum, & superficialiter se dicunt obedire, timore scilicet secularium dominorum: habent enim proprios Episcopos Græcos. *Et capite* 64. licet temporibus illis totam terram Promissionis Saraceni, peccatis exigentibus, occupassent, multi tamen Christiani de gente Surianorum patriam suam deferre noluerunt, sed extremis conditionibus afflicti, & jugo duræ servitutis oppressi inter Saracenos habitabant. Princeps autem Ægyptius, qui universas Regiones à Laodicia Syriæ usque ad extremam Ægypti civitatem Alexandriam possidebat, quartam civitatis Jerosolymitanæ portionem ex parte Dominici Sepulchri Surianis, & Patriarchæ eorum sub annuo tributo ad habitandum concesserat. Ex quibus, & aliis quæ idem Author habet eodem librò cap. 20. satis patet Surianos fuisse Christianos fideles; erant tamen inter eos multi hæretici, & schismatici.

146. Neque mirum cuiquam videatur, ejusdem civitatis duos tunc fuisse Patriarchas, seu

Episcopos. Id enim sæculis superioribus frequens fuit in partibus Orientis. Exemplum passim obvia sunt. En aliqua, tum Ierosolymis (ante, & post S. Angeli tempora) tum alibi Anno Christi 1187. & sequentibus: Ierosolymitanus Patriarcha Latinus erat HERACLIUS, eodem tempore Patriarchæ Ierosolymitani Græci successivè fuerunt DOSITHEUS, ATHANASIVS, & LEONTIVS, prout habetur ex Baronio ad dictum annum [a] & sequentem. [b] Post tempora S. Angeli, anno 1342. PETRUS DE CASA, seu DE CÆSIS, ex Priore Generali Ordinis Carmelitani à Clemente sexto assumptus fuit ad Patriarchatum Ierosolymitanum, existente Ierosolymis aliò Patriarchâ Græcò, seu Syro.

a Anno

1187. n. 11.

b Anno

1188. n. 30.

Etiam

Constanti-
nopolis per
plura sæcu-
la duo Pa-
triarcha,

Si de Constantinopolitanis Patriarchis sermo sit, anno reparata salutis 1204. Patriarcha Constantinopolitanus Latinus erat THOMAS MAUROCENUS, & Græcus JOANNES CAMATERUS, cui anno 1206. successit MICHAEL SAURIANUS, Sedem suam habens Nicææ, residente Constantinopoli præfatò Thomâ. Anno 1364. ab Urbano IV. institutus fuit Patriarcha Constantinopol. S. PETRUS THOMAS, Ordinis B. Virginis Mariæ de Monte Carmelo (cujus Vitam magnificis gestis refertam ediderunt RR. PP. Bolandus & Henschenius ad diem 29. Ianuarii) eodem tempore. Pro Græcis Patriarcha erat PHILOTHEUS. Anno 1398. Patriarcha Constantino-
poli-

politanus Græcus ponitur ANTONIUS IV. Latinis autem ANGELUS CORARIUS, postea Romanus Pontifex Gregorius duodecimus. Anno 1453. Patriarcha Constantinopolitanus pro Græcis erat GEORGIUS SCHOLARIUS, mutato nomine dictus GENNADIUS, cui successivè alii Græci suffecti fuere. Interim inter Latinos Constantinopolitani Patriarchæ fuere ISIDORUS Cardinalis Ruthenus, & post hunc BESSARION Cardinalis Nicænus, MARCUS CORNELIUS Venetus Cardinalis, ÆGIDIUS VITERBIENSIS Ordinis S. Augustini Vir doctissimus etiam Cardinalis, atque alii successivè. Similiter in Idem accidit alibi; Cypro erant Antistites Græci, & Latini. Idem accidit aliis temporibus, & locis. Vide Spondanum ad dictos annos, & *q*l an. 1222. num. V. nec non ad annum 1572. num. XXVII. ubi tres memorat eodem tempore Constantinopolitani Patriarchæ titulum tenentes.

Et non ita pridem in quibusdam Urbibus Polonia seu Lithuania simul tres fuerunt, v. g. Kiovia, aliter Kyovia, & Ciovia, erat Latinus Episcopus, qui Polonis Catholicis præerat; alter Græci Ritûs, sed Catholicus, qui Russis Ecclesiæ Romanæ unitis; tertius schismaticus. Ita etiam alibi. Alia quedam ad hoc intentum dicuntur in Notis ad Caput tertium.

147. Erunt [c] hi olivæ duæ florentes in Carmeli vertice, in eo plantata dexterâ
N 3 ipsius

ipſius admirabilis Matris , quæ ſimul etiam Virgo ſemper manet : hujus enim favore S. Angelus & B. Ioannes nati (prout ex hoc Capite habetur) ejuſdem quoque attrahente amore Carmelo inſertos eſſe , evidens eſt ex iis quæ capite 4. referuntur. Hæc enim (Regula , ſeu Religio) vel ex eo mirificè noſtrum invitāt & commovet animum , quia præcipuo Dei Genitricis titulo dicata. Vide Notationem in illum locum hîc proximè ſequentem.

D

148. Antiftitem [d] reverentibus dictis ſalutant. Is erat Nicodemus, Syrus , ſeu Græcus , cui ſucceſſit Honuphrius , ut habetur ex capite 8. Vitæ S. Angeli. Iſtum ſecutus eſt Ioannes frater S. Angeli , de quo capite 11. ejuſdem Vitæ. Poſt Ioannem ſucceſſus fuit ille , etiam Honuphrius appellatus , cujus fit mentio capite 10. Vitæ S. Angeli. Hujus ſucceſſor fuit Enoch Scriptor Vitæ ſancti Angeli. Hîc ad propoſitum ſunt quæ Lezana in Annalibus Carmelitanis ad an. Chriſti 1191. notat his verbis : Nè autem quis in hujusmodi Nicodemo , & alio Onuphrio , ipſoque Joanne , qui Patriarchæ in ipſa Hiſtoria numerantur , & in ipſius Authore Enoch , qui etiam Hieroſolymitanus Patriarcha dicitur , vel leviter offendat ; ſciendum S. Hieroſolymorum Civitatis & Terræ Sanctæ hunc uſum vetuſtum fuiſſe , ut cùm in ea omnium Nationum Chriſtiani

De Pa-
triarchis
Ieroſol.
Græcis, ſeu
Syris.

ob

ob loca illa sancta Christi præsentia summè veneranda mansiones habuissent, non solum Latini & Græci, sed etiam Syri vel Suriani illius patriæ incolæ, suos Episcopos, suumque Patriarcham Jerosolymitanum etiam haberent. De Latinis id certum & evidens est, cum plures ex ipsis; & novissimè Heraclium hoc annò defunctum sæpiùs retulerimus. De Græcis etiam non minus verum esse constat ex iis, quæ tradunt Nicetas Choniata in Isaïco, Genebrard. in Chronolog. lib. 4. circa annum 1181. Baronius sub annis 1187. & 1188. & alii, apud quos notum est, Hierosolymitanos Patriarchas eâ tempestate fuisse Leontium, Athanasium, & Dositheum. *Vide plura circa hæc paulò antè in Notis ad Caput primum.*

149. Cum [e] solitò more Antistes hostiâ manu tenens signò Crucis calicem signare voluisset Jessus, & Maria Christû eâ ætate & formâ quâ morti subijci voluit, mortalibus oculis vident. *Simile refertur in Vita S. Ludovici Regis, cujus ad conspiciendum miraculum acciti dignum Christianissimo Principe hoc redditum est responsum: Irent visum qui non crederent: se quidem continuò in corde suo videre & conspicere. Ita Villanus, & ex eo Spondanus, in Annal. Eccles. ad an. Christi 1257.*

E

*Miraculum pro
confirmatione Eu-
charistia.*

nu. IX. Plura ejusmodi (pro confirmatione fidei Eucharistia) videri poterunt in Speculo Exemplorum, verbo Eucharistia.

F 150. Domum [f] adiit eremiticam Cœnobitarum Dei Genitricis de Monte Carmelo, quæ divæ Annæ ædes, ubi Deifera Virgo in lucem edita est, servatô adhuc nomine, censentur. De illo Monasterio sanctæ Annæ scribunt Historici Ordinis Carmelitani: Ioannes Grossius Generalis in Viridario Clavi 1. sic ejus meminit: Sicut in Chronicis Romanis legitur tempore prædicationis Apostolorum, annô à Nativitate Domini quadragessimô primô, regnante Imperiô Romanô, ad tempora Titi & Vespasiani apud Jerusalem in porta aurea, ubi Joachim & Anna, progenitores Virginis Mariæ sibi mutuo obviaverunt, religiosè confederunt. Et ibi ad honorem, ubi concepta fuerat, Ecclesiam construxerunt, & unâ cum Apostolis in multis Regionibus fidem Christi constanter prædicaverunt. Ioannes Hildensheimensis vetustus celebrisq; Author in libro inscripto, Defensorium Ordinis contra detractores cap. 14. hæc de eodem commemorat: Traditum tenemus à Patribus, quòd primus Conventus Ordinis post Montis Carmeli Collegium fuit in loco, qui Porta aurea dicitur, in quo Joachim & Anna convenerunt, & in

Monasterium anti-
quiss. Ordinis Car-
melitani, nuncupa-
tum: Di-
va Anna
ad Portam
Auream.

in illam conjunctionem consenserunt, ex qua gloriosa Virgo concepta fuit, & nata: quasi B. Virgo diceret, Ibi meritò debent morari Fratres mei, ubi primò tractatum est de Conceptione mea. *Ferè eadem habet Ioannes Palaeondorus in Historia Carmelitana libro 2. cap. 1. Balduinus Leersius in Collectario Exemplorum cap. 1. & Petrus Lucius in Compendio Historiali. Præ cæteris autem accuratè (ut solet) id pertractat Lezana Tomo 2. Annalium ad annum Christi 40. ubi num. 4. circa præfata ex Ioanne Hildesheim addit: Potuit autem hic Pater hanc novam mansionem primum Conventum Ordinis, post Montis Carmeli Collegium appellare; quia vel fuit primus in Lege nova, post receptum ab Elianis Christi Euangelium, vel quia fuit primus sub titulo forsan B. Virginis de Monte Carmeli, prout relata ipsius indicant verba; cùm sub hoc tempore primum eò titulò cognominari cœperint. Ibidem num. 7. ex Arnolando Bostio & Palaeondoro tradit, mansionem illam, seu Monasterium, in Porta aurea sanctæ Annæ nuncupatum, renovatum fuisse à sancta Helena circa annum Christi 326.*

Nec longò [g] pòst interpositò temporis spatiò ipse quoq; Iesùs consortem secutus est, *In alia Vita quæ hic subsequitur, habetur:*

Unâ

G

Unâ eâdemque horâ maritus cum conjuge animas eidem (Deo) reddiderunt. In exemplari Vaticano apud Benedictum Gononum, & in Menologio Carmelitano refertur, eos obiisse Feſto SS. Petri & Pauli.

In Monasterio Carmelitarum, ubi ædes divæ Annæ eſſe conſueverunt, extra urbis mœnia. Erat igitur Monasterium iſtud in ſuburbio juxta portam: ideò Groſſius relatus tradit illud fuiſſe apud Jeruſalem in Porta aurea.

H

151. Deô [h] denique inſpirante animô ſtatuimus, vitæ normam ſervandam ſuſcipere, quam annis ſupra quadringentos, pluribus jam evolutis, Prophetarum ſucceſſores diu in monte Carmelo, nunc verò plerisque in locis ſervare ſuſceperunt. Ali- ter, ſed mendosè, & abſurdè (prout rectè ani- madvertit Lezana in Annalibus Carmelitanis, ad Annum Chriſti 1204) iſta leguntur in vita, quam exhibet Benedictus Gononus in Vitis Patrum Occi- dentalium. Plura circa hæc videri poterunt di- cto loco Annalium.

I

152. Annis [i] ſupra quadringentos, pluribus jam evolutis. Norma vitæ religioſæ, quæ in Carmelo, aliisq; locis hujus Ordinis ſervabatur eò tempore, quò S. Angelus, ejusq; fra- ter habitum ſuſceperunt, erat ea quam ſcripſit & tradidit Ioannes Antiſtes Ieroſolymitanus an- nò Chriſti quadringenteſimò duodecimò: de qua la- tius

tiùs S. Cyrillus Constantinopolitanus in libro de processu hujus Ordinis (extat is insertus Vineæ Carmeli, sub initium, & in Speculo Ordinis librò octavò) agunt de ea cateri Historici Ordinis, atque inter omnes luculentius, & accuratius Lezana tomò tertiò Annalium Carmelitanorum.

153. Prophetarum [k] successores. Con-
formitèr loquuntur summi Pontifices in Diploma-
tibus seu Bullis suis, huic Ordini concessis, disertis
verbis adstruentes Ordinem Carmelitarum
per ELIAM, & Elisæum in Monte Carme-
lo inchoatum. (Ita Ioannes XXII. & Alexan-
der V. in Bullis, de quibus in Vineæ Carmeli parte
2. cap. 2.) & Ordinem hunc, ejusq; Professores
à SS. Prophetis ELIA, & ELISÆO succes-
sionem hæreditariam tenere (Ita Sixtus IV.
Iulius II. & Gregorius XIII. in Bullis, de qui-
bus ibidem in Vineæ Carmeli) quæ etiam confir-
mantur ex mox dicendis in Notis ad caput 6. & 8.
circa illas loquendi formulas: S. P. noster E-
lias, S. Pater Elisæus.

K

Successio
Ordinis
Carmeli-
tani à S. P.
ELIA
confirma-
tur ex Vita
S. Angeli.

Vide etiam
infra nu.
162.

154. Hæc [l] enim vel ex eo mirificè
nostrum invitat & commovet animum,
quia præcipuo Dei Genetricis titulo dica-
ta. Titulus Ordinis hujus, à summis Pontificibus
non modò approbatus, sed & indulgentiis peculia-
ribus decoratus, & miraculis confirmatus, est
iste: Ordo Fratrum gloriosissimæ Virginis
MARIAE de Monte Carmelo. Sed de eo plu-
ra vi-

L

ra vi-

ra videri poterunt in Vineâ Carmeli parte 5. cap. 1. & apud Lezana in Annalibus variis in locis, ac in libro inscripto; Maria Patrona, ceterosq³ historicos Ordinis. Hoc idem quod S. Angelo, ejusq³ fratri, etiam plerisque adolescentibus huic Ordini adscribi postulantibus, motivum est, videlicet, titulus B. Virginis MARIE.

M

155. Abſtinentiâ [m] majori, quàm Regulæ præscriptò tenerentur, vivere cœperunt. Sub finem Regulæ opera supererogationis permittuntur his verbis: Si quis supererogaverit, ipse Dominus cùm redierit, reddet ei. In quibus Regulæ supererogaverint S. Angelus & ejus frater Ioannes perspicuum erit, ea quæ hōc capite scribuntur conferenti cum Regula ipsa.

N

Mortificationis & pœnitentiarum antiquus usus in Ordine Carmelitano.

Parte 1.
cap. 9.
nu. 3.

156. Ferreâ [n] namque camisiâ nudam carnem tegentes, &c. In Ordine hoc semper in usu fuit, ut Orationi & interna cum Deo conversationi (quæ primaria pars, seu finis instituti Carmelitici est) perpetua sociaretur interna & externa sensuum mortificatio, sicuti Viras Sanctorum hujus Ordinis legenti pateſcet. Hinc in Constitutionibus Reformationis [a] Quæcumque corpori acerba sunt, tam in cibis quàm in vestibus amplectenda suademus Fratribus nostris: ut sensualitatis motibus spiritui magis submissis, Deo faciliùs mens possit adhærere. In eum finem in singulis Conventibus habebuntur cilicia, indusia, & cinctoria

etoria nodis & fetis intertexta, catenæ ferreæ cingendis renibus accommodatæ, & similia pro maceratione corporis apta instrumenta. De studio orationis, meditationis, internæ cum Deo conversationis, in SS. Angelo & fratre ejus, testatur Author Vitæ, sub finem hujus capituli 4. Quid Legem Domini meditantes nunquam orationibus vacare desisterent. *En prototypon perfecti Carmelita.*

157. Laneam [o] desuper albam, griseumque deinde, ceu canusinam nativi coloris, &c. gestabant. *En antiquum & genuinum Ordinis habitum, videlicet de lana: unde in antiquis Ordinis Constitutionibus, à Ven. Patre Ioanne Soreth, Priore Generali Bruxellis, celebrato anno 1466. statuitur: Vestimenta Fratrum lanea sint. Et infra: Sint albæ tunicæ, (scilicet de lana.) De tunica superiori ibidem habetur: Habeant tunicas amplas, griseas, ad nigredinem tendentes. Plura circa hæc videri poterunt in Vineâ Carmeli parte 4. cap. 7.*

158. Candidam [p] insuper chlamydem canusinis, ceu virgulis distinctam & circumlatam gerebant. *In Vita S. Angeli apud Gononum legitur: Cappam albam cum friseo nigro gestabant. In Menologio Carmelitano: Pallium album virgulatum deferebant. Vestis superior hujus Ordinis ex institutione S. P. ELIÆ, usurpatus tum in veteri tum in nova Lege usque ad annum*

Vestis superior Ordinis Carmelitani primitus alba, deinde ab anno 639. barrata, denique ab anno 1287. rursus alba.

annum Christi sexcentesium trigesium erat pallium seu chlamys albi coloris, prout habetur ex Ioanne Ierosolymitano, in libro de Institutione primorum Monachorum, & cæteris Historicis Ordinis. Anno autem 639. Omar Rex Arabia, cum totam Terram Sanctam occupasset, inter cæteros sua sævitia actus in Religiosos Carmeli Montis id fuit, quod refert S. Cyrillus in libro de Processu huius Ordinis cap. 2. his verbis: Saraceni autem molestè ferebant, quòd nostræ Religionis Professores veste albâ desuper induti incederent, cum soli eorum Satrapæ huiusmodi coloris habitu desuper uterentur. Propter quod gestationem pallii albi dictis Professoribus interdixerunt; pro quo Professores prædicti pallium Barratum tunc unanimiter assumpserunt. Quod palliū, sicut scis, ex septem partibus duplicis coloris ab invicem distinctis, sed confutis, ipsum totaliter integrantibus, perpendiculariter à collo usque ad talos descendentibus, constat: quarum tres sunt nigræ sive griseæ, aliæ verò quatuor sunt albæ. Pallia autem illa Barrata, seu virgulata gestarunt Religiosi huius Ordinis per annos circiter sexcentos quadraginta octo, videlicet à dicto anno sexcentesimo trigesimo nono usque ad annum 1287. quò authoritate Sedis Apostolicæ, depositis Barratis palliis, resumpta sunt alba. Sed de his plura videri poterunt in

Anna-

Annalibus Ordinis, Vineæ Carmeli, & cæteris Historicis.

159. In [q] fontem ELIÆ decedit. Fons ille S. ELIÆ in Carmelo est, & propè eum erat Monasterium. Mira de eo fonte memorantur in Annalibus, & historiis Ordinis hujus. Videri poterit in Vineæ Carmeli Index verbo: Fons ELIÆ.

160. Elisæus [r] Pater noster. Sic eum nuncupat S. Angelus, quia ipse unà cum S. P. Elia fundator fuit Ordinis Carmelitani; de quo dici solet: Elias plantavit, Elisæus rigavit. Vide Notas in Caput 8. circa illa verba. S. Pater ELIAS.

161. Plurima [s] meritis Joannis Deus operari dignatus est. Obitus istius Beati Joannis in Annalibus Carmelitanis refertur ad annum Christi 1222. ubi ista, inter cætera, de eo referuntur: Inter Sanctos Religionis nostræ prædictum Joannem Patriarcham sancti Angeli Fratrem enumerant, nedum Historici Ordinis, sed extranei etiam. Et ibidem paulò antè: Ipsius enim præclara gesta, singularem virtutum merita, ac in vita patrata miracula, de quibus sub annis præcedentibus diximus, id sufficienter suadent. In pervetusto Kalendario Sanctorum Ordinis hujus M S. Conventus Mechliniensis ad tertium Idus Junii fit memoria B. Joannis his verbis: Joannis Con-

Confessoris Ordinis nostri Patriarchæ Jerosolymitani, fratris sancti Angeli.

T

162. S. Pater [t] ELIAS, S. Angelus eum appellat PATREM; utpote Ordinis sui Patriarcham, Authorem, Fundatorem, Institutorem, à

S. P. E-
LIAS Pa-
ter, Insti-
tutor, Dux
Carmeli-
tani Ordinis: qui
inde hæreditariam
tenet success.

Vid. etiam
suprà n.
153.

quo Ordinis hujus Professores hæreditariam successione tenent. (Vide Notas hîc antè in Caput 4.) In idem conspirant Ordinis hujus Historici omnes, & exteri quamplurimi Scriptores illustres. Et ut talis à toto Carmelitano Ordine colitur solemnissimò officio, & Missis propriis die 20. Julii, & septem sequentibus. Et ad illum diem (20. Julii) in Missalibus, & Breviariis, à Sede Apostolica approbatis, legitur: In Festo S. ELIÆ Ducis & Patris nostri. Istum autem loquendi modum S. Pater noster ELIAS, S. Pater ELISÆUS, olim in hoc Ordine valdè communem fuisse patet ex iteratis ejus repetitionibus, hoc, in antecedenti, & sequenti capitibus. Hinc, & ex miraculis similibus, meritò concludit Wastelius librò primò Vindiciarum sect. 5. art. 14. traditionem perpetuam, & continuam in Ordine hoc viguisse de Patriarchatu S. ELIÆ: quem etiam confirmat hâc ratione: Absque dubio ad veritatis solidam illustrationem confert etiam ea consideratio, quòd Sanctorum suorum glorificator Deus solis Sanctis Carmelitani Ordinis illud concesserit privelegii, ut similia Patrum suorum ELIÆ ac Elisæi opera-

operarentur miracula ; maximè verò ad recensita dictorum Prophetarum merita, ceu verè suorum Patrum. Unus nobis hic sufficiet pro exemplo S. Angelus Hierosolymitanus Martyr Siculus. Et ut brevi utar compendiò, habet Breviarium Carmeliticum ex Henoch Patriarcha Hierosolymitano, ad 5. Maji lect. 5. Insignem sanctitate virum, patribusque suis Eliæ, ac Elisæo perfimilem miraculis Deus similibus illustravit. *Latiùs ibidem prosequitur, & premit intentum.*

163. Cum [v] aliis Græcorum Præsulibus. Ex Notationibus ad caput primum habetur, quòd ab Anno Incarnationis Dominicæ 1187. & deinceps Patriarcha Ierosolymis residentes semper fuerint Græci, seu Syri, non autem Latini. Latinus autem Patriarcha Ierosolymitanus residebat Achonè usque ad annum Christi 1291. quo Achon à Saracenis capta, & diruta fuit.

164. Ab [w] Honuphrio Patriarcha viro certissimè fidei ea omnia publicari audivimus, præsentibus sex & triginta Episcopis superiùs expressis in Synodali Concilio ejusdem Onuphrii Patriarchæ prope Hierosolymas solemniter congregatis. Honuphrius ille susceptus fuerat B. Ioanni Fratri sancti Angeli, jam antè defuncto, prout rectè animadvertit Lezana in Annalibus Carmelitanis ad

an: Christi 1222. num. 3. his verbis: Veritas tamen, est, jam eo tempore è vita cessisse B. Joannem, & Patriarchalem Sedem pro Syris tenuisse Honuphrium ut testatur præfatus Enoch in dicta historia sancti Angeli cap. 10. Hic porro Honuphrius diversus ab eo fuit ejusdem nominis Patriarcha, sub quo Ordines sacros Angelus, & Joannes susceperunt, ut in superioribus vidimus. Hic enim ipsius Joannis in Patriarchatu Prædecessor fuit, alter verò successor. Non referri autem hunc Honuphrium in Synodo præfata tribui facile potest, quod ipse Athanasio antiquiori, Ecclesiæ nempe Alexandrinæ Antistiti, seniori, & hospiti locum cedere voluerit. *De eodem illo Honuphrio similia ad intentum scribuntur in iisdem Annalibus ad annum Christi 1216. num. 5.*

X

His [x] verò diebus Patriarcha vitę diem clausit, cujus loco Joannes Angeli Frater subrogatus. *In Annalibus Carmelitanis id refertur ad annum Christi 1217: ubi ista ad propositum:* His annis incolatus S. Angeli in Ere-
mo Quarentenæ, cum Honuphrius ille, sancti Basilii Monachus, pro Syrorum natione Patriarcha Jerosolymitanus diem suum obiisset, Beatus Joannes noster ejusdem Angeli germanus, meritis, & sanctitate suffragantibus, ad idem Patriarchale mu-

munus gerendum evehitur. De illo B. Ioanne, miraculis ejus, vita sanctitate, & obitu. Vide *suprà* cap. VII. & in *Notis* ad illud.

165. Alexandrinus [y] Patriarcha Athanasius jussu meo credet tibi Reliquias. *Ad ann. Christi 1219. n. 19*
De istis Reliquiis latius agetur *infra* cap. 17. & 30
& ibi in *Notis*. De iisdem agunt Bzovius in *Annal.*
[a] *Lexana* etiam in *Annalibus* [b] Eusebius Nestor
rimbergius in *Trophæis Marianis* [c] *Ad ann. 1219.*

Tribus [z] laureis coronato paratum tibi regnum invenies. Solet propterea S. Angelus depingi cum palma, & triplici corona. *cli. 5. c. 31*
Z

166. Precor, [aa] Clementissime JESU, ut Civitatem istam Jerusalem immensæ bonitatis tuæ oculò respicias... & libera eam. *AA*
Civitas illa sancta anno Christi 1187. à Saladino Christianis erepta, Saracenorum jugo premebatur, etiam tempore S. Angeli: qui, licet Christianos Syros, & Græcos (non Latinos) ibi tolerarent, eâ lege ut ritum Græcorum (non Latinorum) in Ecclesiis servarent, eos tamen vehementer affligebant, gravissima imponendo tributa, & convitiis laceffendo. *HH*

167. Religiosô [bb] more in terram pro-volutus, humiliter salutavit. Mos ille ab antiquo est in hoc Ordine, quod exituri extra Conventum, & de foris redeuntes Superiorem adeant, & ab eo benedictionem petant, prout faciendum dēternunt Constitutiones Ordinis his verbis: Exe-
O 2 untes

untes Fratres petant benedictionem, & reversi præsentent se Priori, iterum benedictionem habituri.

CC A 168. Manifestissimâ [cc] visione, & certissimô oraculô habitô, Reliquias Angelo credidit. *Athanasius de Claramonte Alexandrinus Patriarcha revelationis sibi factæ per S. Ioannem Baptistam de Reliquiis per S. Angelum in Italiam transmittendis testimonium perhibet in litteris ad suum fratrem Fredericum, ex monumentis MSS. Bibliothecæ Vaticanæ relatis à Bzovio, ad annum 1219. num. XIX. Eadem integræ extant in hac Vita sancti Angeli cap 30.*

DD Messanam [dd] profecti Cœnobium Carmelitanæ professionis adivimus. *Lezana in Annalibus Carmelit. refert foundationem Monasterii Messanensis, ad annos Christi 1153. & 1173.*

EE Ad [ee] portum Urbis veteris pervenimus. *Italicè Civita-vecchia, celebris ratione commodi portûs, & ibi triremes Pontificii subsistunt.*

FF 169. Fredericus [ff] B. Virginis Imaginem a Pontifice impetrat, & Angelo Panhormum perferendam commendat. *De ista Imagine hac memorantur in Annalibus Carmelitanis: [a] Constat eam in Metropolitana Panormi Ecclesia adhuc reservari, prout in speciali discursu de hac re, & in eadem Civitate sub anno 1597. typis edito, Canon-*

* Ad ann.
Christi
1220. n. 3.

noni-

nonicus Joannes Baptista de la Rōssa testatur. Plaudat ergo inclyta Civitas tantō donō decorata, & S. Angelo Carmelitæ ex Alexandria Panormum deferenti gratias reddat.

170. Aderant [gg] ibi sancti Dei Viri G G
 Franciscus, & Dominicus, &c. Illam collo- Colloquiū
 quii trium istorum Sanctorum, historiam (ab om- SS. Angeli,
 nibus vitæ S. Angeli scriptoribus traditam) Lucas Dominici,
 Waddingus in Annalibus Minorum refert ad annum & Fran-
 Christi 1216. Lezana autem in Annalibus Car- cisci quō
 melitanis adscribit annō 1219. idq; conformius est annō.
 contextui vitæ S. Angeli. Porro S. Dominicum eō
 annō (1219.) Romæ fuisse, ex Bzovio, & aliis
 Scriptoribus ostendit præfatus Waddingus. Eodem
 autem annō S. Franciscus festō Pentecostes cele-
 bravit comitia generalia Assisii: quæ Civitas cū
 paucorum dierum itinere distet Româ, potuit fa-
 cile ipse S. Franciscus, aut ante, aut post illa Co-
 mitia, & antequam in Syriam navigaret, Romæ
 fuisse, eo tempore, quo illuc advenerat S. Angelus.

Aliqua [hh] tum in Apulia, tum in Cam- H H
 pania suæ professionis Cœnobitis loca su-
 scepit. De illis videri poterunt Annales Ordinis ad
 annum Christi 1220.

Conversi [ii] sunt, & de Ismaëlitis plu- I I
 rimi. Ex Commentario prævio §. 4. habetur, qui-
 nam sint Ismaëlitæ, videlicet iidem qui Agare-
 ni, & Saraceni.

KK

171. Dimissô [kk]. Agrigentô Licatam pervenimus. Licata idem est quod Leocata, dicitur quodque Alicata. Ita Lezana in Annalibus Carmelit. ad annum Christi 1200. num. 5.

D D

Missô ad Priorem Fratrem Josephô, & veniâ impetratâ: Id semper observatum in Ordine, ne in loco ubi est Conventus Ordinis extra eum quispiam Religiosorum hospitetur absque venia expressa Superioris loci.

Stupell.
K. 27
D. 10
F. 10
Lup. 10
G. 10

Belingarius tyrannus. In vita apud Benedictum Gononum, ex Vaticana Bibliotheca edita, & apud alios Autores passim legitur Berengarius.

LL

172. Adveniente [ll] quintâ die Maji, &c. quinque lethalibus plagis transfodit. Animadvertendum, quosdam Autores existimasse, & scripsisse S. Angelum vulneratum fuisse die primâ Maji, & supervixisse usque ad quintam Maji. Sed id minus est verisimile, cum in vita ab ipsomet oculato teste Enoch scripta (tum hac, quam edidit Thomas Bellorofius, tum eâ quam habent Benedictus Gononus, & Menologium Carmelitanum) expressè referatur vulneratus & mortuus eadem die, scilicet quintâ Maji.

HH

MM

173. Athanasius [mm] de Claromonte. Bzovius in Annalibus ad annum Christi 1219. ex MSS; Monumentis vetustis Vaticanis de illo Athanasio, & revelatione ipsi facta ista refert: Per id temporis Alexandrinæ Ecclesiæ præfuit B. Athanasius de Claromonte Patriarcha:

II

cha: cui secundum quietem S. Joannes Baptista apparuit, eique tum suas tum aliorum plurimorum Sanctorum Reliquias revelavit. Sed praestat ipsum eundem audire ista his verbis referentem. Anno Domini 1219. in festo Annuntiationis B. Mariae post horas matutinas, quasi circa horam nonam noctis, in Ecclesia S. Joannis Baptistae coram suis sanctis Reliquiis in oratione positus inter somnum & vigiliam, videbam juxta me hominem unum quasi annorum xxx. *ibi consequenter iisdem penè verbis, prout hic Historia illa describitur ex MSS. Bibliotheca Vaticana.*

174. In [nn] Basilica sancti Joannis Baptistae. Basilica illa S. Ioannis Baptista Alexandria quoloco & tempore edificata sit, scribit Cardinalis Baronius Tomo 4. *Annalium* [a] his verbis: In loco igitur ubi Serapis templum erat, erecta Basilica fuit, illataeque in eandem ipsae sacratissime Reliquiae (ut S. Athanasius antè praedixerat) S. Joannis Baptistae per Theophilum Episcopum Alexandrinum. Porro ipsa aedificatio Ecclesiae sub Theodosio facta est; Reliquiarum verò collocationem post ipsius obitum fieri contigit sub ejus filio Arcadio Imperatore, quò tempore dedicata est, quartò Kalendas Septembris.

NN

a ad ann.
389.n.97.

OO
 a l. 2. c. 28.
 b Tom. 4
 ad ann.
 Chr. 362.
 nu. 146,

175. Ante [oo] sacratissimas ejus Reliquias. Reliquia illa S. Ioannis Baptista ex Vrbe Sebaste, ubi corpus S. Ioannis Sepultura fuerat traditum, translata fuerunt Alexandriam annô Christi CCC. LXII. prout ex Ruffino [a] refert Card. Baronius in Annalibus Eccles. [b] Ista s^q3 sacras Reliquias, cum aliis prænominatis, S. Angelus Alexandriâ transtulit in Italiam.

PP
 e ad ann.
 Christi
 1220. nu.
 18.

176. Oleum effluit. [pp] De admirando illo olei fonte scaturiente eo in loco, in quo gloriosus Martyr Angelus sanguinem pro Christo effudit. Plura testimonia adducuntur in Annalibus Ordinis hujus [c] ubi & hæc: Temporibus autem sequentibus ex hoc fonte non jam oleum, sed aquam solum emanasse, refrigerante forsân devotione erga sanctum Martyrem, refert Didacus de Coria in Chron. Carmelit. lib. 10. cap. 5.





V I T A

SANCTI ANGELI

Alia compendiosior,

Ex vetusto Codice M. S. Carmeli Mechliniensis.

177. **B**Eatus Angelus ex tribu Juda traxit originem. Ejus pater Jesse, & mater Maria dicebantur, Jerusalem habitantes, sub divino timore legem Moyfi ad litteram servantes, prout narrat Enoch Jerosolymitanus. Hi jejuniis frequentissimis, & asperis ad nudum corpus indumentis utebantur, orationibus continuis insistentes. Et dum in eam vitam perseverarent, nonnumquam dubitatio corda eorum invasit, an in Lege promissus Messias venisset, an adhuc esset venturus, & hujus rei gratiâ Nicodemum Episcopum sæpè adibat: erat enim vir Sacrarum litterarum do-

*S. Angelî
Parentes.*

*Dubitant
de veritate
sue Reli-
gionis lu-
daica.*

doctissimus; nec tamen fidem Nicodemi verbis adhibebant: qui eisdem Messiam venisse, & Jesum Christum fuisse affirmabat. Nec peritorum in lege Judæorum sententiis prorsus adhærebant. Sic, nullis humanis rationibus contenti, ad Deum confugientes assiduè precabantur, ut scrupulum istum a cordibus extirparet. Et cùm multo tempore in ea ambiguitate perstitissent, proximò die Paschæ Judæorum domi orantes, frontibus humi procumbentes, voverunt se nunquam ex eo loco amoturos, nec sumpturos cibum, donec è mentibus ista tolleretur dubietas.

*Per B. Virginem Dei-
param de
vero Mes-
sia, mundi
Redempto-
re pridem
nato in-
struuntur.*

178. At cùm noctu dieque cum lacrymis in orationibus perseverassent, piissima Dei Mater visibili specie, Angelicò coetu comitata, lumine circumfulsit eos, taliqùe sermone affatur: Estote fortes animi, Davidica progenies, sum namque ipsa Davidicò etiam genere nata, quæ verum Messiam à Lege promissum Jesum, mundi Redemptorem, genui, & lacte propriò nutriti, de qua Nicodemus vobis persæpè locutus est: cui indubiam fidem esse adhibendam nullatenus dubitetis. Ad cujus vocem caput extollentes, clamaverunt unò ore, dicentes: Heu Mater gratiæ! quid, ut salvemur, facere nos expediat? Quibus respō-

dens

dens Virgo , ait : Cùm dies crastinus illuxerit , ite ad templum ubi divinis Nicodemus Pontifex adserviet , & eidem quæ vidistis , & audistis indicate , & sacrò baptismo renovari petite.

179. Qui cùm in crastino , summò diluculò surgentes , ad templi valvas se contulissent , & ingredi vellent , templi custos , ubi Judæos esse cognoscebat , acrè satis repulit. Sed cùm audisset , eos , ut sacrum Baptisma reciperent , adventasse ad Pontificem eos adduxit : ad cujus genua provoluti , narraverunt omnia per ordinem , quæ præcedenti nocte viderant , & audierant. Quibus auditis Pontifex gratias egit Deo , & eos Catechumenos fecit , eosque remotiùs ab altari cæteris fidelibus jussit semoveri : eò tamen pactò , ut licet longè stantes videre mysteriorum administrationem valerent. Cumque Nicodemus Dominicum corpus assumeret , ut assolet quilibet Sacerdos , super calicem in humana specie Dominus Jesus apparuit illis , & quibusdam Christianis , vacillantibus forsan in fide , ut in ea firmarentur. Postmodum ex Nicodemi mandato [a] Jesse in contubernium se dedit Eremitarum Carmeli , qui portæ Aureæ vicini erant , in domo , quæ dicitur Beatae Annæ , & ejus uxor Maria in consortium

Ad Antistitem Ierosolymit. properant.

Christum in sacra Hostia conspiciunt.

A
Jesse ad Monasterium Portæ Aureæ secedit.

Puel-

Puellarum, quæ sub beati Basilii Regula in monte Sion vitam agebant, ubi uterque in loco suo manserunt, usque vigiliam Pentecostes, meditantes beneficia, quæ Dei gratia eis contulerat.

*Eorum
exemplò &
hortatione
Judæi
c. xxx.
conversi.*

*Angelum,
& Ioan-
nem filios
lacte do-
ctrina sa-
lutaris
educant.*

Moritur.

180. Transactâ solemnitate suam repetentes domum convicinos ad fidei percipiendum lumen hortabantur. Ex quo factum est, ut infra quatuor annorum curricula c. xxx. Judæi ex tenebris infidelitatis ad verum fidei lumen pervenerint. Interea Maria concepit, & peperit gemellos, Angelum videlicet, & Joannem. Quos, cum prima ætas capax fuisset disciplinæ, bonis moribus, & lacte doctrinæ salutaris educarunt. Vix autem septem annis superstititerunt. Et cum ex hac misera luce sentirent se discessuros cœlestem adipisci ardentem cupientes, à præfato Pontifice Nicodemo devotâ prece postularunt duo: unum, ne eorum cadavera in Eremitarum Monasterio prohiberet humari. Alterum, ut filios post parentum obitum sub tutela educaret. Itaque se Deo commendantes unâ eademque horâ maritus cum conjuge animas eidem reddiderunt, & sicut se dilexerant in vita, sic nec mors separavit.

181. Pontifex igitur præfatus, post dignas

gnas parentibus præstatis exequias, paternali curâ filios suscepit, & honestis moribus, ac litterarum scientiâ ornavit. Cùm verò jam adolevissent, essentque annorum circiter decem & octo, Nicodemus sentiens se viribus corporis destitui ac resolvi, eos advocavit, religiosam vitam plurimùm laudans, ad eam postmodum aggredientdam attentius exhortando. Adolescentes, ut erant devotione fervidi responderunt id ipsum multò tempore desiderasse. Quam ob rem ubi parentum corpora sepulta erant, ut ibidem Domino famulari permitterentur, exorant. Nicodemus igitur [b] Patre Monasterii, quem Priorem vocant, accersitò, eidem, ipsos valde commendans, religiosè tradidit. Revolutò annò probationis testimoniales humiliter petierunt ad Priorem superiorem, scilicet Montis Carmeli, cui profiteri habebant, & obedientiam promittere: quod in ejus manibus facere peroptabant. Quibus acceptis festinanter accesserunt: quos cum gaudio suscepit, quia eorum sanctimonix vitæ fama longè illos prævenerat. Qui statim professione emissâ Regulæ supererogare cœperunt. Ab Exaltatione sanctæ Crucis usque Pascha tribus in hebdomade diebus solò pane & lymphâ contentabantur. Reliquò

S. Angelū, ejusq; fratrem Nicodemus Patriarcha in scienciis erudiri curat.

B

Religionem ingrediuntur.

Eorum acta vita.

quô tempore panis, olus cum oleo & fale
cibus illis erat, vinum pro venenò ducen-
tes. Super tabulis ligneis, modicò interje-
ctò fænò, vestiti dormiebant, omnes cæte-
ros Coëremitas in admirationem suæ auste-
ritatis inducentes.

*Sacerdotiò
insigniun-
tur.*

182. Vigestimò octavò nativitatis suæ
annò Montis Carmeli Prior Jerosolymam,
ut Sacerdotii ordinem susciperent, eos de-
stinare voluit, illique plurimùm renitentes,
se humiliantes indignos asserebant tantò
mysteriò. Tandè præceptò Patris adjectò,
virtute compellente suæ professionis ac-
quiescentes, litteras obedientiales accepe-
runt: quos cum magna animi lætitia Nico-
demi jam defuncti successor ordinavit. Præ-
tereà ad civium Ierusalem instantiam, qui-
bus de illorum præcipua Religione, pro-
clamante famâ, innotuerat, Priorem,
apud quos illi Religionis habitum suscepe-
rant, rogavit, ut ipsos retineret, nec ad so-
litudinem Carmeli migrare permitteret,
Qua ex re apud Fratres illos aliquamdiu
moram traxerunt.

183. Sed cùm Nativitatis Dominicæ dies
appropinquaret, ambo unò consensu Beth-
leëm, ut in partûs intactæ Virginis locum
ejus solemnia celebrarent, se conferre de-
creverunt. Quo in loco ubi primùm ap-
pli-

plicuerunt, mulier quædam, cujus filius in mortis agone laborabat, ad pedes B. Angeli cum fratre pertranseuntis cecidit, plangens & ejulans dicit: Angele Pater, amice Christi, credo quòd si in nomine Nati ipsius Virginis de Virgine pallium tuum super filium meum extenderis, ipsum posse restitui sanitati: Virum enim Dei mulier illa ex sola fama agnoverat. Ad quam B. Angelus respondit, Heu mulier! numquid Deus sum? homo sanè ac peccator; quod verò à me petis id singularibus Dei amicis aliquandò concessum est: abi hinc cum cœlesti benedictione, meque pertransire sinas. At illa rursus: Me nunquam abs te discessurum certum habeas nisi pallium tuum porrexeris super filium meum, & Deum pro eo depreceris. Vir sanctus mulieris fidem cernens mantellum super filium, jam vitæ spiramen emittentem imponens, oravit in hunc modum: Omnipotens & mirabilis Deus, in omnibus operibus tuis, qui filium Reguli, incipientem mori sanasti, & filium viduæ suscitasti, ac quatrduanum Lazarum jam foetidum de monumento vivum eduxisti, hujus desolatæ mulieris lacrymas respice, & ejus filium ad vitam evoca. Oratione factâ illicò filius se vivum, & incolumem erexit, &

mater,

*S. Angelus
precibus
defunctum
adolefcentem
ad
vitam re-
vocat.*

nefandum cum sorore incæstum committit: quod primò quidem exteros latebat, sed jam inverecundus factus, nec Deum timet, nec homines reveretur, asserens, etiam amicis redarguentibus, nullum omninò committere nefas: quin potius charitatis opus; eò quòd vir sororis frigidus sit & impotens: nec, ut assererat aliquam maris & fœminæ conjunctionem in eadem specie lex naturæ prohibet, si avium, quadrupedum, & omnium reptilium conditiones commiscendum attendantur. Et induratô corde non veretur affirmare, sanctam Ecclesiam non posse hoc prohibere. Ex ea nempe Sorore tres excepit filios. Ambos admonebis secretò, ut pœnitentiam agentes à tam nefando desistant opere. Post plurimas tuas exhortationes, illis tamen non acquiescentibus tale crimen publicâ prædicatione damnabis, Ecclesiæ tamen auctoritatem super Decretis constituendis Christi auctoritate firmatam probabis. Attamen dico quòd mulier aliquando sui pœnitens misericordiam consequetur, Berengarius in sua hæresi pariter, & scelere pravô induratus te necabit. Itaque pro fide Ecclesiæ, & veritate pudicitiae, quasi alter Joannes Baptista, ad cœlestem gloriam aspirabis. Quibus auditis à Domino Jesu Christo B. Angelus respondit:

dit : In tua ditione cuncta sunt posita , neque tuæ decet velle repugnare voluntati.

D [d] Plurima itaque de miserabili Christicolarum persecutione eidem sunt revelata futuris temporibus adimplenda.

Plurima de Christiana Reipub. afflictione ipsi revelantur

Ierosolymis predicat.

Judaos plures convertit.

In Sicilia navigat.

185. Angelus verò post hæc Jerusalem rediens, vix, ob sordem. in Eremita contra-ctam à Pontifice, suo germano, agnitus est : Cui, & nonnullis aliis, visionem aperuit, & commissam eidem Siciliae legationem : ibidemque in Septuagesima, fratre suo impulsore, prædicavit, ad quem audiendum frequenter ultra septuaginta milia personarum convenisse sunt æstimati, doctrinam ejus, & sapientiam admirantes. Ex Judæis autem, qui convenerant, ad Baptismi gratiam circiter octoginta sunt conversi. Ipse verò postmodum cum fratribus Joseph ex Emaus, & Petro de Bethleem, & Enoch Ierosolymitano navem ascendens quorundam Januensium xv. Kal. Maji Siciliae appropinquaverunt : & cum non longè à portu Siculo essent, ecce in navim quatuor Barbaricæ triremes invadunt, illamque brevi domitam præliò populus Barbarus ingreditur, Christicolæ contundunt manu, pede conculcant. Quos B. Angelus sic alloquitur : Ah ! nè servos Christi tantoperè offendatis ! quidam verò

præ

præ cæteris ea verba indignissimè ferens, Barbari
 Virum Dei magnò ictu tutudit in faciem, navim in-
 deinde fuste acceptò malè illum feriebat. vadunt.
 Vir autem Dei oculis in cœlum intensus, &
 manibus expansis orabat dicens: Libera nos
 Deus de manibus inimicorum, & da glo-
 riam nomini tuo; ut gloriemur in laude tua,
 & liberentur dilecti tui. Ad hæc emissum
 protinùs de cœlo fulmen cecidit, & abun-
 danti igne sexaginta Barbarorum, & am-
 plius, consumpsit, nullumque Christico-
 larum prorsus offendens. Qui verò super-
 vixerunt infidelium, se privatos lumine
 oculorum comperierunt: & eos ut Dei mi-
 sericordiam implorarent, B. Angelus hor-
 tatus est, dicens: Qui crediderit Domi-
 num Jesum Christum Filium Dei illumi-
 nantem omnem hominem venientem in
 hunc mundum, certum se habeat lumi-
 na recepturum. Ex eis ducenti, & eo plus
 oculorum aciem receperunt. Qui postmo-
 dùm Messanæ urbi Siciliæ sunt advecti,
 qua in urbe mutus quidam B. Angelô oran-
 te linguæ usum recepit.

*Barbari
navim in-
vadunt.*

*Eorum a-
liqui ad
preces san-
cti Angeli
fulmine in
cineres re-
diguuntur,
ceteri om-
nes obcoe-
cati ad fi-
dem illu-
minantur.*

186. Non multò post Romam adiit, ubi
 cùm Sanctorum limina visiteret, beatis
 Francisco & Dominico in Æde Lateranen-
 si obviavit: quò in loco B. Franciscus cha-
 ritatis succensus ardore, spiritu Propheti-

*Roma SS.
Dominico
& Fran-
cisco sit ob-
vius.*

cô altâ voce B. Dominico dixit : Ecce Angelus Jerosolymitanus , vir utique Angelicus , Christi Martyr in brevi futurus ; & ut insuperabilis erat humilitatis , in terram se prosterbens , cœpit Angeli pedes deofculari. Et quamquam Angelus beatum Franciscum nunquam fuisset antea intuitus , eidem tamen intulit : Salve humilitatis exemplar , qui singulariter in corpore stigmata Domini Jesu portabis. Beatus verò Dominicus horum sermones audiens , tacitus admirabatur. Post hæc in Siciliam remeans Panormi applicuit ; ubi in Monasterio Ordinis S. Basilii , in quo beatus Athanasius tunc Alexandrihus Patriarcha sanctæ conversationis habitum primò susceperat , honorifice fuit receptus. Prædicavit igitur per dies quatuor ibidem verbum Dei. Cujus sermo ita efficax fuit , ut Judæos plurimos converteret ad fidei orthodoxæ lumen. Deinde Agrigentum pervênit , ubi prædicans per plurimos dies attentissimè auditus. Deus virtutem dedit voci suæ. Itaque Deo operante multa miracula perfecta fuerunt.

187. Postmodum Angelus concomitante Episcopô Panormitanô Leocatam pervênit. Diebus paucis peractis Berengarium hæreticum , de quo meminimus , vir sanctus

*In Siciliã
redit.*

*Varius in
locis præ-
dicat ma-
gno cum
fructu.*

ctus ad se privatim evocavit, eique rem ex ordine patefecit, & non solum septies, sed plus quam decies diversis illi diebus admonuit. Berengarius quoque suum defendebat scelus, & furore repletus dicebat illum non Angelum bonum, sed diabolum esse hypocritam, ac pseudo-prædicatorum. Sanctus verò illi æquè dicebat: Nisi poenitentiam egeris, certum scias tuum scelus, aliquantò tempore prius absconditum, jamque tuis amicis cōsanguineis, & familiaribus, cum cunctorum cordium displicentia agnitum, toti mundo esse Deo jubente, manifestandum. Berengarius, non confitendo ita esse ut opinabantur propinqui, asserbat interim illud esse secundum legem naturæ, contra quam neque Ecclesia tota valebat statutum condere. Cui Angelus replicabat, aliud esse naturæ brutorum, & rationalium quibus Deus prophetica voce ait: *Nolite fieri sicut equus & mulus, quibus non est intellectus.* Cùm verò Berengarius adderet, necesse factum fuisse in filiis Adæ, respondebat Angelus: tunc pro implendo Domini præcepto licuisse, sed multiplicatò genere; à Domino prohibitum fuisse illò per Moysen dicente; *Non revelabis turpitudinem sororis tuæ.* Contra hæc quod dicebat Ecclesiam non posse statuere, dicebat oppositum

*Berengarius
sapius monet
ad poenitentiam.*

*Berengarius
brutales
discursus.*

vitare in Viri sancti necem virulentô spiri-
tu aspirabat.

189. Sequenti nocte ei cælesti oraculô ^{s. Angelo}
revelatur, quod in eum irrueret veritatis ^{dies mar-}
& virtutis inimicus Berengarius, & plagas ^{tyrii reve-}
mortis eidem adjiceret. Quod cum in cra- ^{latur.}
stinum Fratribus Joseph, Petro, & Enoch
retulisset quæ viderat, illi suadere cæpe-
runt, ut à leocata discederet: quòd si se non
respiceret, comitum suorum saltem com-
passionem haberet. Tandem nullâ prece
motus respondit: Fratres, divino nutui non
licet repugnare, hoc ipsum non me peten-
te, sed Deo decernente statutum est, quare
nullus apud me precibus vestris locus esse
potest; comites inde supplicationibus finē
imposuerunt. Cùm jam dies neci dicata
venisset Missarum solemnitis celebratis B.
Angelus prædicavit secus littus maris, jux-
ta ædem Apostolorum Philippi & Jacobi,
quo ferè quinque millia hominum conve-
nerant, in eum præfatus scelestus Beren-
garius cum Satanæ satellitibus gladiis eva-
ginatis in Virum Dei per medium populi
irruerunt inferentes quinque vulnera mor-
tifera: & licet potentissimus in regno illo
esset ipse homicida opibus & amicis; tamen ^{Ei concidit}
populus non potuit se continere, visâ inju- ^{nati quin-}
riâ illatâ servo Dei, quin in eum impetum ^{que vulne-}
^{ramortife-}
^{ra infligitur.}

*Percussio-
nem nun-
cupat a-
micū suū.*

*Pfallens
spiritum
emittit in
cœlum.*

facerent, volentes ipsum vitâ privare. Sed Beatus Angelus prohibuit, dicens: Per Dominum Jesum Christum vos obsecro, ut nullus amico meo in aliquo noceat; per ipsum namque expeditiùs migro ad Creatorem. Illi finite ultionem, qui ait: mihi vindicta, & ego retribuam. Precor autem, ut ad sororis ejus lares quàm citò properetis, tollaturque de via, ne turbidus pudicitiae hostis furibundè ad eam perveniat.

190. Ipse quoque vir sanctus pfallere cœpit: *Beatus vir qui non abiit in consilio impiorum, &c. Domine quis habitabit in tabernaculo tuo? &c.* Et demum: *In te Domine speravi; & cum pervenisset ad illum versiculum: In manus tuas Domine commendo spiritum meum,* audita est vox de Cælo à circumfuso populo, dicens: Angele veni, accipe perennis gloriæ coronam: & statim reddidit Domino spiritum. Auditæque fuerunt voces, & harmoniaci cantus Angelorum, qui ejus animam concomitabantur in cœlum. Berengarius autem cùm ad sororis ædes currisset, nec eam invenisset, reversus in propriam domum laqueo se suspendit.

*Miraculis
plurimis
homonan-
tur.*

191. Corpus Beati Angeli diebus octo, jubente Archiepiscopô Panormitanô, super terram dimittitur: ex quo odor suavissimus emanabat. Et eô tempore plurima facta

facta sunt miracula : surdi auditum , claudi gressum , cæci visum receperunt. Octavo die traditum est corpus sepulturæ. Præmissa scripta tradiderunt B. Angeli comites Petrus de Bethleem, Joseph de Emaus , & Enoch Jerosolymitanus. Obiit autem annô Domini 1220. tertio nonas Maji. [e] Miracula , quæ continuè operatur Deus in loco suæ sepulturæ, per Notarios oppidi in magnis voluminibus ostenduntur scripta , nec valent faciliter recitari.

E
Ea per
Notarios
publicos in
magnis
volumini-
bus scripta.

NOTATIONES.

192. Jesse [a] in contubernium se dedit Eremitarum Carmeli, qui Portæ Aureæ vicini erant, in domo quæ dicitur, B. Annæ. De illo Monasterio S. Annæ ad Portam Auream actum est suprâ in Notis ad cap. 3. prioris Vitæ. Animadvertendum , olim eam fuisse piam consuetudinem , ut recenter baptizati secederent ad tempus , in Monasterio aliquo piis vacaturi exercitiis , sicuti de Jesse , & ejus conjugæ Maria hic narratur.

A

193. Patre [b] Monasterii, quem Priorem vocant , accersitô. Superior Ordinis hujus olim nuncupabatur Abba, seu Pater : pro quo sub annum Christi 1141. auctoritate Aymerici Patriarchæ Antiocheni, & in Terra Sancta Legati Apostoloci, substitutum, & introductum fuit nomen

B

domen Prior. Ita testatur istis temporibus vicinus scriptor S. Cyrillus Constantinopolitanus, in libro de processu hujus Ordinis cap. 4. (insertus extat in Vineâ Carmeli, sub initium) Idem post eum referunt ceteri Historici Ordinis.

Qui statim professione emissâ Regulæ supererogare cœperunt. Vide Notas ad caput 5. prioris Vitæ.

C 194. Apparuit [6] ei Dominus JESUS, dicens: Angele, per Martyrii palmam ad Angelorum consortium assumêris. Illa revelatio latiùs describitur cap. XI I. Vitæ prioris.

D Plurima [d] itaque de miserabili Christianicolarum persecutione eidem sunt revelata. Hac luculentiùs, & particulariùs descripta sunt in anteriori Vita cap. XIV. De illa Christianorum afflictione per Saracenos, & Turcas per S. Angelum prænuntiata peculiariter actum est in Commentario prævio §. 3. & sequent.

E Miracula, [e] quæ continuè operatur Deus in loco suæ sepulturæ, per Notarios Oppidi in magnis voluminibus ostenduntur scripta. De voluminibus istis, seu registris in quibus per Notarios publicos descripta erant Miracula S. Angeli ex authenticis scriptis testimonium perhibet Reverendissimus Pater Ioannes Ant. Philippinus in Synopsi Miraculorum, quam subjicit Vitæ S. Angeli, per illum Italicè editæ. Ea in Latinum traducta, sequitur hic paulò infra.

D E

SANCTO ANGELO,

E X

Baptista Mantuano libro quinto Fa-
storum.

195.

A

Ngele Carmeli venerabilis inco-
la Montis,
Cui natale solum fuit in regione
Syrissa,S. Angeli
Festum die
s. Maji.

Lux tibi conversò sacrata revertitur annò,
Et Maji tua quinta dies : tu prima juventa
Tempora & ætatis specimen , floremq; dicasti
Christiparæ Matri conjectò in vincula sensu.
Vsq; adeò tua virginitas , tua nescia fraudis
Simplicitas placuit Divis , ut sapè relictò
Ad tua contulerint sese gurgustia cælo ,
Vt tibi languores hominum , casusq; sinistros
Subdiderint : poteras etenim depellere morbos,
Infranare malos manes , succurrere nautis,
Quando procellosò spumant freta concita cælo.

Is primam
juventutē
Christi
Matri di-
cavit.

196. Cùm mare trāsisses cupiens invisere Romæ
Reliquias, sacros cineres, monumentaq; Patrum
Et Lateranensis stares in limine templi
Contigit æternis res commemoranda diebus :
Nam minor Etruscæ veniens de monte Laverna
Ad tua Franciscus sese vestigia flexis

Occurrit
SS. Domi-
nico &
Francisco.

Pro-

Prophetica
eorum col-
loquia.

Prostravit genibus, sacris dedit oscula plantis:
Insuper adjecit: salve Pater Angele, montis
Incola Carmeli, te mors manet incluta: Christi
Testis eris, tibi Rex Divum decus annuet istud.
Te quoque Francisco memorant responsa dedisse
Talia, solvenda tanto pro munere grates;
O, Francisce Deo: sed crit tua gloria nusquam
Inferior, tibi Christus enim sua vulnera quinque
Imprimet, & fies Christi patientis imago.
Dominicus Hispanis qui tunc veniebat ab oris
Fortè aderat, tam mira notans præsagia Patrum;
Et tulerat casus mundi hac tria Lumina in unum.
Prater eo quantum poteras sermone; fluebant
Ad te turmatim velut ad spectacula Roma
Scænica dicentem populi: tu corda movebas
Vt movisse ferunt lapides Amphiona quondam.

S. Angelus
potens in
sermone.

A
Prophe-
tia S. An-
geli de Im-
perio Tur-
cico am-
pliando.

197. [a] Prater eo quod te Superi monuere,
Scytharum

B

Hoc insame genus Turcos tunc temporis ultra
Caucaseos montes, positum, trans Bosphoron esse.
Venturum excidio Grajis, sine quibus aditurum
Ausonios; quod nos hac tempestate dolentes
Vidimus [b] impletum, quando per Iapidis a-
gros,

De Rege
qui Turcas
debellat.

Atque per Hidruntis colles ea turba profusa est.
Atque utinam veniat tua, quem dixere futurum,
Rex novus ex Francis, oracula, qui fuget istam,
Progeniem, peste hac totum qui liberet Orbem,
Nec sinat arumnis homines tabescere tantis.

198. Cùm verò incesti grave persequerêre tyranni

Crimen ut Helias lucos & Iezabel aras,
 Et Baptista nefas regis Veneremq; nefandam,
 Heu caput! heu pectus gladiis crudelibus auxit
 Hostis iter pandens anima super astra volanti,
 Cùm fierent ad busta viri miracula in horas
 Plurima, consensu populi tellure levatum
 Insigni posuêre loco venerabile corpus.
 Cùm verò injectis vellent occludere glebis
 Os tumuli, subito turbis mirantibus unda
 Fluxit, & in vitreum versa est humus arida fontē:
 Qui quoties redit ista dies, licet aëra nulla
 Pervolitent nubes, clauso licet areat imbre
 Omne solum, crescit, summisq; dat oscula ripis.
 Tunc cadit in sacrum (Siculas res ista per urbes
 Cognita jam dudum) virtus divina liquorem,
 Fitq; salutaris, dictu mirabile! morbi
 Omne genus, cui ferre nequit medicina salutem,
 Solvit, & abluitur tactis angustia lymphis.
 Præstat idem circa fontem manantis olivi
 Ex tellure liquor, sanctos ita curat Olympus.
 Sancte Pater fer opem nobis, animaq; volenti
 Ad Superos niti faveas, & porrige dextram
 Palpanti tenebras, loca per salebroso meanti.

S. Angel
 zel' instar
 S. P. Elia
 & S. Ioan.
 Bapt.

Miracula
 ad ejus se-
 pulchrum.

Inde fons
 olei fluit.

Omne ge-
 nus morbo-
 rû pellens.

Oratio ad
 S. Angel.

NOTATIONES.

A

199. Prætereo, [a] quod te Superi monuere, Scytharum

Hoc infame genus Turcos tunc temporis ultra

Caucaseos montes positum, trans Bosphoron esse,

Venturum excidio Grajis.

De illa revelatione S. Angelo facta, & de vaticinio illo vide hic supra capite decimo quarto Vita sancti Angeli, & in Commentario prævio §. tertio & sequent. Caucasus mons est in finibus Persidis, seu, ut alii, Scythia versus Septentrionem, circa quem Turca originem habuerunt. Bosphorus autem angustum mare est circa Byzantium, seu Constantinopolim: trans illud venientes Turca Græcis excidium attulerunt: prout dudum antè prænuntiaverat sanctus Angelus, à Christo edoctus. De Bosphoro ista, scitu digna, scribit Guilielmus Tyrius librò secundò Historiæ Orientis capite septimò cujus titulus est. Descriptio sitûs Urbis Constantinopolitanæ: ubi hæc, inter alia: Hoc autem ita angustum mare, quod à Pontico in Mediterraneum per ducenta triginta milliaria protenditur, Bosphorus Propontidis, sive Hellespontus appellatur. Quod autem ita sit, Solinus in septi-

septimo decimo de Memorabilibus testatur, ita dicens : Quartus Europæ sinus Hellesponto incipit; Mæotis ostio terminatur : Atque omnis hæc latitudo, quæ Europam, Asiamque dividit, in septem stadiorum angustias stringitur. Hic est Hellespontus, quem Xerxes ponte navibus factò permeavit tenus deinde. Europus porrigitur ad Asiæ Urbem Priapum, quæ Magnus Alexander potiundi Orbis amore transcendit, & pontus est inde diffusus, æquore patentissimò rursus stringitur in Propontidem, mox in quingentos passus coarctatur, fitque Bosphoros Thracius, quæ Darius copias transportavit. Horum autem causæ nominum à veteribus Poëtarum fabulis videntur deductæ. Nam Bosphorus dicitur, quòd Jupiter Europam Agenoris filiam in bovis effigie assumptam, trans illud mare legitur deportasse. Hellespontus autem ab Helle Phryxi sorore, quæ super arietem cum eodem fratre suo nihilominus dicitur transfretasse. Verbò autem vulgari dicitur Brachium S. Georgii, Europæ Asiæque limes.

[b] Vidimus impletum, quando per Japidis agros,

Atque per Hidruntis colles ea turba profusa est.

B

Hy-

- Hydruntem Calabriae maritimam Civitatem
Turci classe obsederunt & occuparunt annò salutis
nostrae millesimò quadringentesimò octuagesimò ;
& indè Italia universa impendebat exitium , nisi
Deus clemens populi sui misertus fuisset. Sed de
his satis hîc suprà in Commentario praviò §. 3.





MIRACULA

Meritis & ad invocationem

SANCTI ANGELI

FACTA,

Desumpta ex Libro Vitæ ejus Italicè scriptæ per Reverendiss. P. JOANNEM ANTONIUM PHILIPPINUM, Priorem Generalem Ord. Fratrum B. Virg. Mariæ de Monte Carmelo.

200.



Mirabilis Deus in Sanctis suis, ad illorum declaranda merita, gloriam, & efficacem intercessionem, quamplurima per Orbem terrarum omni tempore hominibus præstitit beneficia, & mirabilia pertravit ad eorundem invocationem, vel etiam mediantibus quibusdam rebus ad ipsos quodammodò spectantibus, ut locuples testis est S. Augustinus de Civitate Dei lib. 22. c. 8. & Gregorius Turonensis

Q de

de Miraculis S. Martini lib. 2. c. 1. & lib. 3. c. 12. atque passim ejuscemodi in Patribus, Historicis, Actisq̃ue Sanctorum leguntur Miracula per sanctum Angelum in vita sua patrata, magna, admiranda, & frequentia fuerunt (etenim ad instar sanctorum Patrum nostrorum Eliæ & Elisei non unum, sed plures defunctos ad vitam revocavit; Jordanis cursum sistens siccô pede cum sociis pertransiit; ferrum in aquam prolapsum natare fecit; ignem de cœlo dejecit; leprâ infectos plures mundavit; ab infidelitatis errore stupendis prodigiis multos ad veram fidem perduxit.) Hinc est, quòd sicuti in Græcorum Kalendariis sanctus Gregorius Thaumaturgus intitulatur, *Miraculorum effector*; similiter & S. Spiridion: ita & S. Angelus non immeritò honorari queat eòdem titulò.

201. Post obitum autem ejus quamplurima, & quasi continua miracula meritis ejus facta fuisse, & fieri, habetur ex dictis tum in prima Vita cap. 29. & ibi consequenter ex testimonio Thomæ Bellorossii ad Nicolaum Audeth: tum ex secunda sub finem, his verbis: *Miracula, quæ continuè operatur Deus in loco suæ sepultura per Notarios oppidi in magnis voluminibus ostenduntur scripta, nec valent faciliter recitari*: tum denique ex Joanne

Joanne Grossio, Arnaldo Bostio, & Auberto Miræo, hîc suprà in Commentario prævio §. 1. nec non jam ex Mantuano, atque ex iis quæ ad calcem Vitæ Italicæ per Reverendiss. P. Joannem Antonium Philippinum editæ referuntur ex relationibus & attestatationibus authenticis; & ea indè in Latinum traducta per R. P. Gratianum à S. Elia Priorem Carmeli Alostenfis, hîc subnectuntur.

CAPUT PRIMUM.

S. Angelus Protector Leocatæ, & Leocatensum erga eum devotio.

202. **M**irabilia magna Deus operatus *S. Angeli*
est in Angelo nostro, cùm & in *Miracula*
vita, & in morte miraculis reddidit cele- *continua.*
brem regno Siciliæ, toti quæ mundo stupendum. Per Octavam colitur solemnibus exequiis, & divinis honoribus: sed tamen nemo existimet hîc honorum, & laudum positam esse metam, cùm vel indè cœpta sit major populi devotio, & undique ad sacras ejus Reliquias maximus concursus: ut à Divina prudentia sic factum credatur, ut nomen ejus esset in sæcula gloriosum. Quippe sæcula quatuor transacta sunt cum dimidio circiter, ex quo martyrii coronâ accepit,

*Nō Leocata
solum,*

cepit, neque tamen est minùs fervens erga sanctum Angelum fidelium pietas, cùm adhuc indices recurrunt in calamitatibus, morbis, periculis, & quibusvis necessitatibus ad potentissimum Liberatorem: si vel Leocata sola loquatur, meritò ebuccinârit experta jam pridem tam promptam Angeli assistentiam, & continuam protectionem; quis non credat perpetuum esse Miraculum: siquidem vix nomen in Oppidi publicis, aut Civium privatis miseriis est invocatum, & ecce votorum effectus infallibiliter subsecutus?

*Sed & ali-
bi.*

Sed ne quis cogitet solam Leocatam tot accepisse beneficia, sciendum est, per totum Siciliae regnum, aliasque semotiores Provincias etiam fuisse effusa. Testes sunt promiscuè Christiani Malenses, & qui habitant in Sardinia, aliisque circumjacentibus Patriis, cùm S. Angeli opem implorantes, innumeras quotidie gratias, & insignes favores consequuntur, quibus si enumerandis intendam, oportebit in infinitum excurrere.

*Registrari
ea solebant
in libris.*

203. Laudo Civium Leocateniũ diligentiam in accurata descriptione Miraculorũ ab obitu S. Angeli patratorum; utinam æquè possim in asservatione exacti Cathalogi, quem confecerant, & hodie lugemus amissum,

sum, cujus incuriâ? Credamus injuriâ temporum periissent ut si quæ restaret memoria, sola Parentum traditio filiis inculcabat. Itaque maximè indolentes, & sentientes medullitùs tam pretiosi thesauri deperditionem Leocatenſes, quoquò modò ja-
Injuriâ temporum perierunt.
 cturam tantam reparare conati sunt, cùm
Leocatenſium diligentiam istorum annotentur.
 Annò 1625. & duobus immediatè sequentibus, ad Magistratùs Leocatæ instantiam
Testium bonâ fide comprobantur.
 & expressam Curiaë Episcopalis Agrigentinorum ordinationem, curam demandarunt Jacobo Murci Notario publico, qui eòdem piò zelò commotus, magnò adhibito studio, & factâ debitâ informatione, testes adnotavit plus quàm centum, eosque omnes sincerâ fide deponentes, se gratias maximas, & favores eximios à Deo obtinuisse beneficiis S. Martyris Angeli: & quod maximè advertendum est, loquebantur de iis solùm, quæ vel sibi ipsis acciderant, aut personis sibi notis facie, vel ex vera delineatione, traditione, inquam, & fide bonâ Parentum.

204. Et certè non parum facit ad confirmationem, quod Leocatæ annò. 1625. *Leocata à peste liberata.*
 accidit, ut vel indè satis constare posset de certo, & assiduo S. Angeli patrocinio; audite eventum. Pestis grassabatur per Civitatem Panormitanam, & Drepanensem,

*Meritis**S. Angeli.*

neque Castellum vetus erat immune, nec ulla Siciliae Civitas, quippe jam serpebat virus mortiferum intra Leocatæ suburbia, & adjacentia loca: Medicis conferentibus consilia, ut morbo cognitò præscribant remedia, & ecce vixdum pestiferum & exitialem declarant, subito pestilentialis ignis extinguitur die decimâ tertiâ Junii, ita ut die 20. ejusdem mensis vix scintilla restaret, & quidem paucis modò hominibus peste sublati: quod uno ore omnes S. Angeli meritis, & intercessionibus adscripserunt, utpote cujus solitam benignitatem fiducialiter requisiverant, ut accipere mererentur contra pestiferam luem ita præsens antidotum.

*Zelò R. P.
Generalis
Ord. Car.*

*Fit denuò
scriptum
authenticum
Miraculorum*

205. Mirum hunc eventum Leocaten-
ses valde depredicârunt posteris, ut vel
indè commotus Reverendissimus Ordinis
nostri Carmelo-MARIANI Prior Generalis
Thodorus Stratius depositorum omnium
mirabilium prædictorum à testibus supra
scriptum authenticum fieri curârit, ut sic
omnibus evidens foret continua S. Marty-
ris protectio Leocatæ, & quam sit potens &
efficax illius intercessio apud Deum. Et
quamvis eò non ferat animus, scripti illius
authentici hîc ponere tenorê; lubet tamen
de quibusdam eventibus magis prodigiosis

ali-

aliquid in hoc compendio dicere, ut ex his paucis possit zelosus Lector de infinitis aliis facilè colligere, indeque fidelis quilibet stimulum accipere ad extollendam Dei bonitatem, & omnipotentiam, atque ad Sanctorum intercessionem implorandam.

*Pleraque
cōpendiosè
hic refe-
runtur.*

C A P U T II.

*De vetula quæ miraculosè facta est lactans
ut prolem à morte præservet, & de duo-
bus Hydropicis S. Angelo intercedente
sanatis.*

206. **I**N extremis hominum necessitati-
bus plerumque Dei potentia magis
relucet, & sanctorum Miracula maximè
coruscant, cùm in periculis, ubi humana
remedia videntur deficere, auxiliantur.

*In rebus
hominum
desperatis
magis elu-
cescit Dei
potentia.*

Paucis istis diebus, cùm pestis (ut suprà
relatum est de anno 1625.) Leocatenses in-
festabat, & in angustias redigebat, in Laza-
ret adducta est mulier nomine *Agatha Scolla*
Rouetta vidua ætatis 54. annorum: quam co-
mitabatur ejus filia, cui nomen *Gratia*, &
hæc uxor erat *Antonii de Maggio*. *Gratiæ* igi-
tur puellula erat 14. mensium nondū abla-
ctata: moritur dicta *Gratia*, & inde *Agatha*
summò affecta est dolore, & timore; nam

*Expertæ est
vidua se-
nex anno-
rum 54.*

*In obitu fi-
lia huic
proles non-
dum abla-
ctata.*

In periculo mortis.

*Fame aut peste extinguenda
S. Angeli intercessione mirabiliter præservatur.*

Vetula fit lactans contra ordinem naturæ.

Hydropicus curatur ad S. Angeli sepulchrum, desperatus ab hominibus.

præterquam quòd cerneret jam mortuam Filiam, attendebat ad statum miserum neptis infantulæ, quæ etiam versabatur in periculo mortis, certò certius inediâ si non peste extinguenda. Quid faceret desolatissima Agatha? Ad S. Angelum se vertit, & humi prostrata, tota quæ in lachrymis ferventer æquè ac fidenter ejus subsidium rogat, præfertim ad periclitantis infantulæ conservationem. Non fuerunt incassum preces, quia nedum prolis conservationem obtinuit, sed abundantiam lactis vidua in uberibus habuit ad ejusdem alimentationem. O miraculum verè magnum! quis sanò sensu id neget naturæ vires superasse, si vel provectam ætatem mulieris à 23. annis viduæ confideret, & de vitæ ejus honestate, ac continentia bonam famam?

207. Hydropicus aliquis Leocatæ in Xenodochio Divi Jacobi diu infirmatus, cum non posset aliundè levamen acquirere, tandem meditatus est ad S. Angeli merita se convertere, statuit sepulchrum visitare, & de aqua profluente ex loco sepulturæ ad sanitatem consequendam bibere. Venit igitur ad Ecclesiam, Priori Conventus votum suum indicat, qui, ut vidit morbi gravitatem, potum aquæ permittere renuit, donec victus infirmi precibus, quem conspicabatur anima-

animatum tantâ pietate, & fiduciâ erga nostrum Sanctum, consensit. Et ecce, vix quantum satis ad libitum ebiberat, subito altè exclamat: Pater Prior, jam sum sanatus. Et ita erat. Recessit factus omninò incolumis, & curatus à morbo isto acerrimo, contra solitum naturæ cursum, siquidem ab aquâ verosimiliter oritur & augetur istud malum.

Aqua sacra potu integrè convaleuit non citra miraculum.

208. *Melchiora* conjux Pauli Bella astmate laborabat, & hydropisi, morbis sanè vehementibus, neque minùs periculosis. Horrendum in modum turgebat venter ulceribus plenus, & inde sanguis copiosissimè effluebat. Eò miseriarum adducta, de vita parum sperans, ad cœlum se vertit, Sancto nostro vota faciendò. In somnis magnam ventris strictionem sensit, ut inde expergefacta altum clamârit; & sic in brevi integrè convaluit.

Mulier astmatica, & hydropica, & ulceribus plena, S. Angeli meritis subito fit incolumis.

C A P U T III.

De leproso mundato, claudis, impotentibus ac infirmis pluribus curatis.

209. **S**ANCTUS Angelus sicut in vita non paucis, ita & post mortem innumeris miraculosè contulit sanitatem. Inter leprosos

Leprosi complures sanantur.

profos alios, miramini *Angelum* filiolum *Bien-
nen Iosephi Manara*, quem lepra pessima per
16. menses tenebat infectum, edque jam
angustiarum reductum, ut spiritum ferè ex-
halaret: imò desperans Pater tumbam fune-
ralem fieri curabat, sed tamen sollicita Ma-
ter constanti fide ultimum adhibitura re-
medium, aquam accepit è sepulchro Sancti,
devotè puerum lavat, atque ita subito ex
integro & mundat, & sanat, & (quid ni ad-
dam) vivificat; siquidem videbatur certò
certius debere statim mori.

*Aquâ S.
Angeli lo-
tus reddi-
tur sani-
tati.*

*Sancti
quàm po-
tentes.*

210. Casum subdo non minùs prodigio-
sum, ex quo redditur manifestum quàm sit
valens Sanctorum intercessio, cum viva fi-
de in periculis, & necessitatibus advocan-
tur. Frater Vitus Guilielmotta Ord. Car-
melitici Religiosus Sacerdos, qui in Con-
ventu S. Angeli vixerat annis quinque, per-
functus variis officiis, nempe Supprioris,
Vicarii, & Prioris, eratque senex sexagin-
ta annorum; interrogatus ipse de S. Angeli
miraculis; inter alia, hoc sanctè deposuit,
vidisse se mulierem, quæ per septem annos
fuerat utroque pede clauda. Illa manè se-
mel ad Ecclesiam deferri petiit, ibique fufis
humiliter precibus, se Deo & S. Angelo
impensiùs commendavit. Vesperè factò,
cum deberet Sacrista januas claudere, eam
cum

*De S. An-
geli mira-
culis.*

*Mulier
claudicans
perfectè sa-
natur.*

cum mulieribus comitantibus abire jussit: ipsa autem tergiversari cœpit, & in has voces erumpere: Angele sanctissime, non recedam de loco isto, nisi prius à te sanitatem obtineam. Vix illa dixerat, & ecce perfectè curata surrexit, totaque sana ac vegeta domum reversa est.

211. Iosephus Antonij Graci puer formosissimus, integrò quinquenniò jacuerat miserimus, pannis infantilibus totò illò tempore involutus; erat enim membrorum omnium (si oculos & linguam excipio) usibus destitutus. Pater ejus & mater commoti, ad S. Angeli præsidium frequentius confugerunt, & aquâ fontis benedicti corpusculum abluerunt. Cùm semel mater fascias manè solveret, & pannos, quibus erat involutus; erectus in pedes subito cœpit incedere tam firmò gressu, ac si nunquam vel minimum fuisset in membris passus defectum. Ad spectaculum istud attoniti, & stupefacti parentes, natum interrogant, quomodo sic ex improvviso feliciter sit plenè curatus? quibus ille, hâc nocte, inquit, Religiosus Carmelita manu me apprehendit, & dixit: Erigete, & vade: ego sum S. Angelus. Illucescente jam die festo Sancti, qui instabat, publicè expositus est puer, in conspectu confluentis undique populi, qui satis mirari non poterat

*Adolescens
paralyticus
ad fontem
S. Angeli
plenè curatur.*

Miraculum divulgatur.

rat tam subitam , & perfectam sanitatem , quam meritis Sancti misellus iste obtinuit.

Alter eodem modo sanatur a paritione S. Angeli.

212. Nec minus periculosa fuit infirmitas, quâ *Michaël Gattuto*angebatur, cùm & accessu febris malignæ omnium membrorum deliquium patiebatur. Sanctum nostrum fervidè invocat, & aquâ fontis ejusdem frequenter lavat, oleô lampadis perungendo. Nocte unâ expergefactus, Sancti nostri eximiam beatitudinem cùm attentius perenderet, eundem apparentem vidit, atque semel & iterum ad lectum pertranseuntem & exinde ab omni malo se liberatum sensit.

Mutus & membris fractus aquis S. Angeli ablutus sanatur.

213. *Franciscus Ziraffi* 12. annorum adulescens, ut erat mutus, deformis valde, & membris omnibus fractus: Francisca ejus mater post varia per tres menses continuos adhibita medicamenta domi suæ balneum parat, & aquis istis, quas ex fonte S. Angeli hauserat, Filium tertio lavat, Sancto humillimè supplicans, ut virtutem infundat. Nocte subsequente expergiscitur juvenis, & altè vociferans ait: juxta balneum in quo sum lotus, fratrem Carmelitam vidi, ad cujus aspectum exterritus, conatus sum è lecto me levare, ut fugerem, & ecce eram membris omnibus sanus, & jam expeditus ad loquendum.

CAPUT IV.

*De tribus Mirabilibus, quæ Deo dispo-
nente, facta sunt ad sepulchrum san-
cti Angeli.*

214. **P**rimum est, quodd divina Maje-
stas locum sepulturæ S. Angeli
honore non exiguo celebrem reddiderit,
cùm in eodem germinare candidissimum
lilium visum est, atque illud idem (quod
magis mirandum) quoties decerptum, to-
ties illicò repullulare; ut meritò dici pos-
sit hic index cœli digitus, lilium formo-
sissimum verè designans in terræ istius gre-
mio contentum, ut & verificatum sit Dei
elogium, quodd nimirum *Iustus germinabit
sicut lilium, & florebit in æternum ante Domi-
num.*

*Locus se-
pultura S.
Angeli
miraculosè
detectus.*

*Lilium
germinans
non mar-
cescit.*

*Semper
florens
Sanctum
indigitat.*

De hoc ingerit mentionem Thomas
Bellorofius Panormitanus, Protonotarius
Apostolicus, qui non minori pietate quàm
diligentiâ, in capita distinxit Vitam S. An-
geli à B. Enoch Patriarchâ antea exara-
tam, quam & ab erroribus vetustæ scri-
pturæ non paucis expurgavit. Addit igitur
ipse mirandum hoc visum multis annis
continuis à morte Sancti, eò quodd nemo
præsumeret attingere locum, aut terram
illam

*Describit
Thomas
Bellor. qui
& Sancti
Vitam in
Capita di-
stinxit.*

*Lilii per-
ennitas.*

illam effodere, in qua erat sepultus, veritus contra Viri sancti reverentiam peccare. Sed lilium, de quo jam dictum est, cum visum sit tandē esse pro indicio tam loci in quo essent repositæ, B. Mart. nostri sacratæ Reliquiæ, quàm puritatis ejus Angelicæ, Deo obsequium se præstituros crediderunt Leocatæ cives, si sacrum hunc thesaurum istic latentem quærerent: ita factum, apertâ terrâ sanctum corpus reperiunt, idque gratissimum odorem exhalans.

*S. Angeli
corpus se-
pultum ef-
foditur, o-
dorem sua-
rissimum
exhalans.*

*In loco se-
pulchri
fons vivus
emanat.*

*Aqua mi-
ri odoris
salutifera.*

215. Subdit etiam præfatus Author in eo sepulturæ loco detectam esse scaturiginem aquæ limpidissimæ mirum in modum odoriferæ, ad infirmorum quorumcumque medelam. Adfert unâ locum sepulture redactum in formam accommodi fontis, circumdati gradibus ad faciliorem accessum infirmorum confluentium ad salutares has aquas, prout videre est in præsentem diem. Fons S. Martyris, raræ dicam virtutis, miraculosæ & medicinalis, quam accipit à sanguine ejus effuso, evidenter ostendit, quàm efficaciter oraverit in morte pro civitate Leocata, ut Deus eam dignaretur protegere, & incolas supplices exaudire. Ita factum, siquidem aqua sepulchri ejus probatissimum & commune contra quascumque infirmitates remedium est

est adhibitum; experti sunt quot in potu, aut in balneo usi, tot infirmi sanati. Quocirca in æstimatione tanta est & veneratione apud omnes, ut continuò circumferri debeat per Provincias & vicinas & remotas, in vasis plenis, iisque sigillò Senatûs Leocatenfis obfignatis, ut pro balsamo habeatur, aut si quis alius est pretiosior liquor.

*Aqua ista
quaqua-
versum
mittuntur*

Neque minùs est mirandum quod, sequitur ab eodem Scriptore relatum. Quandoque per annum videtur aqua ista moveri, præsertim mense Aprili aut Majo, & crescere in tantum, ut totum Ecclesiæ pavimentum inundetur; atque istâ exuberatione quasi manu trahuntur Leocatenfes, ut ad Sanctum nostrum properent gratias amplas recepturi, in maximo populi undique tum concursu. Quidni dici possit motus iste assimilari Piscinæ Probaticæ, de quâ in sancto Euangelio facta est mentio, nisi quòd ad hujus motionem unus tantùm sanabatur infirmus, ad fontis autem nostri effluentiam curentur promiscuè omnes; languidi sint, cæci, claudi, herniosi, dæmoniacy, aut quoquò aliò morbo gravati, Sancti nostri interpositis precibus, liberantur.

*Istarum
motus pro-
digiosus.*

*Similes
Piscina
Probatica.*

Adfert idem credi vix posse aut concipi quomodo etiam aqua ista plus solito exuberet in vigiliâ & festo Sancti; asseritque die-

*Mirum
visu in fe-
sto S. An-
geli.*

bus

bus istis stupenda patrari miracula, herniacos passim & paralyticos curari, atque infirmos incredibiliter sanari, præsertim si die illô festô, Religiosus Carmelitici, & non alterius Ordinis, sermonem ad populum habeat de vitâ, miraculis, & glorioso martyrio nostri Sancti.

216. Et ne obliviscar, quis citra stuporem sensuum accipiat suave spirantem illum odorem quem indefinenter emittit sacrum oleum profluens in eodem loco, ubi sanctus noster coronatus est Martyriô, & sepultus juxta Altare majus, in media Ecclesiæ navi? atque adeo terra ista purpurata sanguine gloriosi Martyris patriæ pro azylo misericordiæ est, & cælestium benedictionum abyssus omnibus, qui ad sanctum istum locum turmatim confluunt sanctas Reliquias veneraturi. Hæc omnia expressit Bellorofius in litteris suis ad Reverendissimum Patrem Nicolaum Audeth, Carmelitarum Priorem Generalem, qui postquam Ordinem quadraginta annis rexerat, mortuus est anno 1562. & ipse vivens aliquando Siciliam peragrans oculis prodigia dicta perlustrarat. Petrus de Natalibus lib. 12. de sanctis nuper canonizatis, & cum eo jam plures graves Auctores tam externi quàm domestici, idem attestantur de oleo miraculoso,

*Oleum è
sepulchro
Martyris
emanans.*

*Miserorū
omnium
eò refugiū.*

*Testantur
litteræ ad
Ord. Ge-
neralem.
Confir-
mant Au-
thores fide
digni.*

culoso, afferentes illud emanare de loco, ubi sparsus est Martyris cruor & sanctū Corpus sepultum; atque indefinenter fluere die sancto nostro sacrō, idque à primis ad secundas Vesperas, ad omnium infirmorum concurrentium medelam.

CAPUT V.

S. Angelus Leocatam ab invasione Turcarum liberat, & quosdam Cives à servitute.

217. **Q**Uanti valeant apud Deum Sanctorum preces, quàm sit efficax intercessio, patet quidem ex miraculosis infirmorum curationibus, cùm & è mortis faucibus extrahunt; nihil tamen minùs elucet, dum nos eripiunt è manibus hominum, quos experimur sæpè sæpius peste deteriores, & feris ipsis ferociores, imò magis hîc manifesta fit Dei potentia, utpote cùm vitæ mortisque sit Author, nec possint ejus ordinationi resistere: hominum verò impiorum, ut creaturæ sunt liberæ, oppositas habeat voluntates, easque cohibendas.

Sanctorum intercessio miranda.

Maximè cum è manibus impiorum eripiunt.

In hoc protectionis genere non minùs suppetias tulit S. Angelus iis, qui ejus opem

Patet in S. Angelo.

R

implo-

implorarunt, quàm in necessitatibus aliis. Eventum unum aut alterum pro multis hîc apponam, ne Lectori sim gravis.

In finibus Siciliae contigit, quòd eo narratum: nocte unâ ante festum S. Angeli navis Turcica littus arripuit ad 5. leucas ab urbe Leocata, & casu cives duo Leocatenſes

*Vbi duos
Cives Leo-
catenſes
protagit.
Capti sunt
à Turcis.*

Franciscus de Labiso, & Franciscus de Antonino, capti sunt à Turcis, in navim conſecti, factiq; mancipia. Navi solutâ iter suum proſecuti, summô manè ad castrum Leocatæ appellunt, & cùm audirentur à Turcis tormenta bellica, petunt à duobus iſtis Chriſtianis,

*Turca ri-
dent Chri-
ſtianorum
Leocata
jubilum
& devo-
tionem in
feſto S.
Angeli.*

in quem finem tam crebra fieret exploſio; eiſque reſpondentibus die illô totam Civitatem exultare lætitiâ & jubilô in ſolemni feſto S. Angeli, cùm & ſacratiffimæ ejus

Reliquiæ ſupplicatione publicâ quotannis efferuntur à Civibus, qui Sanctum illum habent Patronum, & mirabilem Protectorem. Ad hæc contemptim ſubridendo dixerunt Turcæ: & vos ſanctû invocate, qui vos

protegat & eripiat è manibus noſtris. Miſeri interim noſtri ſub catenarum pondere gementes ex imo corde ſuſpiria trahentes, ad ſanctum Protectorem vota, preceſque dirigunt, & ex improvifo ſupervenit claſſis Maltenſium, qui Syracuſis navigabant verſus Leocatam, idque tam opportunè, ut

*Duo mira-
biliter è
vinculis
crepti.*

Turcis

Turcis non daretur effugium, dicerentque jam verius Christianis istis duobus: Sanctus vester fecit miraculum. Vos modò estis liberi, nos autem mancipia. Et ita factum est, nam captâ navi duo Christiani evaserunt liberi, & Turcæ, quotquot inerant, in ipsa vincula sunt coniecti.

Turca in ea coniecti.

218. Sed ad majora progredimur, & evidentiora protectionis assiduæ S. Angeli, non modò erga Leocatenſes aliquot incolas, sed totam Civitatem adferimus signa. Erat in mari Siciliae cum octodecim triremibus Dragut Rais insidiator notissimus, & cùm intenderet hostili impetu Leocatam obruere, præmisit Turcas, qui naviculis ad littus pertingerent, sed jam approximantes ad canalem, viderunt Religiosum Carmelitam supra petram sedentem, Qui pisces hamo captabat, & ipsis dicebat: quò tenditis Charissimi? an non totam Civitatem in armis intuemini? Aspexerunt illicò Turcæ, & ecce apparuit illis Civitas in flammis, & circumquaque in terra imminere equitum cohortes. Retulerunt visum ad Dragut, & ipse etiam videndi cupidus, propius navi accessit, & sic esse oculis clarè percepit, & S. Angelum muris Civitatis insidentem, & Cives ad strenuè propugnandum ferventer excitantem con-

S. Angelus protector non modò 2. Civium, sed totius Leocata.

Turcarum insidias detegit.

Invasionem impedit, quomodo?

Leocatenſis oppidi propugnator.

spexit, quô visô consternatus, & attritus, confestim abscessit. Sed cæ nec primæ vi-
ces sunt nec solæ: siquidem sæpiùs antea se fidelem Leocatæ propugnatorem, & so-
licitum Gubernatorem ostendit, cùm eam contra Turcarum & piratarum invasionem munivit, & non sine insigni miraculo toties protexit. Multis quoque hominibus mise-
ris quocumque malô gravatis est solitus ap-
parere totus amabilis & benignus ad conso-
landum & liberandum, si modò sanctum
ejus nomen devotè pronuntiarent.

*A miseris
invocatus
solet appa-
rere totus
affabilis.*

CAPUT VI.

*Apparitiones S. Angeli, ubi à periculis
salvat, & morbos varios sanat.*

*Sanctorum
favores
estimandi.*

219. **B**eneficia cæli sanctorum meritis
destinata, quis non semper lætan-
ter & gratô animô excipiat, cùm sint evi-
dencia favoris illorum signa? fatendum est
tamen majorem hanc censerî, esse gratiam
singularem, cùm Sancti ipsi apparent & pro-
pitiantur, quàm si modò invisibili id præ-
stent. Ita factum à S. Angelo, suprà osten-
sum est, & adhuc infrà videndum, quoties
infirmis aut miseris quibuscumque se affa-
bilem exhibuit, tantâque benignitate suc-
currit,

currit, ut vel indè pateat omnibus quàm facilis ad ejus patrocinium accessus.

Entinora uxor *Antonii Smecca*, febris ardentissimâ tenebatur non sine evidenti mortis periculo. Doctores Medici, cùm arte solâ non possent juvare, oleum sacratum, & aquam de fonte S. Angeli adhibent, medicamentis præparatis ea commiscendo. Necte quâdam adstitit infirmæ S. Angelus in peregrini forma, ei que dixit: sanitatem recuperasti: atque ita statim disparuit Sanctus & mulier ab infirmitate est liberata.

220. *Ioannes Baptista de Orlando*, ætate annorum duodecim, casu fortuito in altum puteum est delapsus, ex quo præcipitio certò mors erat secutura, aut gravis læsio, præsertim cùm in fundo putei essent accumulati durissimi lapides, si in casu S. Angelum non advocasset, quem ita statim adesse vidit extendentem Adolescentis pallium, quod ante deciderat, quò ceu lectò molli cadentem excepit. Mirum sanè! in pedes erectus faxeum fundum leviter tetigit, & sine læsione vel minimâ ex profundo extra-
xerunt.

221. *Angelus Lixi*, puer septem annorum graviter infirmatus ex ruptura, die quâdam subsistens ad portam Ecclesiæ S. Angeli, eamque clausam, nondum enim erat Con-

*Mulier fe-
bri laborās
oleo &
aquâ S.
Angeli re-
secta.*

*Adolescens
12. anno-
rum in
gravi
lapsu S.
Angelum
invocans
illasus
preserva-
tur visibi-
liter à
morte.*

*Puer septē-
nis herniâ
cruciatus
sanatur.*

ventus Carmelitici Ordinis, introspectit per rimas, & vidit Fratrem Carmelitam manu librum gestantem, & statim indè domum accelerans, visum Avix retulit, quæ, Sanctum fuisse, opinata, juvenem ad Ecclesiam remittit, ei que injungit, ut ab eo petat sanitatem: fecit, ut jussit; Sanctum rogat, ut subveniat: exaudivit Sanctus, & ad portam accessit, & per rimas extensâ manu rupturam tetigit, & strinxit in tantum, ut infirmus præ dolore clamaret hei mihi! ingemiscens: atque ita statim domum recurrit, à cruciatu liber & expeditus.

*Alius item
juvenis
Simile be-
neficium
curationis
obtinuit.*

222. Palmerinus, Angeli Spatola filius annorum quinque eâdem infirmitate pressus, cùm semel in templo S. Angeli cum pueris coætaneis ageret, à Religioso Carmelitâ fuit elevatus, & supra Altare locatus, atque ibi rupturam tetigit dictus Carmelita, ita ut altè clamare sit puer coactus: ad clamorem accurrunt reliqui pueri, aderat statim turba plurima, etiam Palmerini pater ac mater, invenerunt puerum ex integro sanatum: sed Religiosus qui tangendo sanaverat, jam non amplius comparebat; maximum tamen hoc beneficium Sancti nostri meritis fuit attributum, cò quòd ad conferendum hujusmodi favores, dignatus sit aliàs sæpiùs, & solitus apparere.

223. *Torchinus Titta* ad mortem ægrotans, *Alter in*
 piè & fidenter Sancti nostri intercessionibus se totum commendat, cumque jam ver- *extremo*
 saretur in extremis agonizans, Sanctum vi- *vita di-*
 dere videbatur in deserto, seque sequen- *scrimine*
 tem, ac sanitatem ab eo postulantem, quam *S. Angeli*
 solò intuitu sancti impetrasset, ut visum, *intuitu*
 ita effectum habuit, dum paucis post die- *statim cõ-*
 bus pristinæ sanitati est restitutus. *valescit.*

224. *Anthonia, Petri Falconis* Filia ita pustulis circa guttur exurebatur, ut ex inflammatione nimia penè suffocari sit visa. *Puella in-*
 Remedia hominum sæpiùs tentata nihil pro- *flammato*
 derant; ad fontem itaque S. Angeli recur- *guttur*
 rit, aquâ fontis collum iteratò lavit, oleo- *dus cru-*
 que lampadis inuncta ad pedes S. Angeli se *ciata me-*
 projecit, donec aliquando nocte in somnis *detur.*
 ei Sanctus apparuit, à quo perfusa lachrymis
 levamen requirere videretur. Sanctus ad
 collum ejus manum extendens, signò cru-
 cis signavit, atque ita disparuit: ipsa paulò
 post superabundans gaudiò, perfectam ha-
 buit sanitatem.

225. *Anthonia* eadem, quam dixi, in filio *Filius 12.*
 suo duorum annorum non minùs à Sancto *annorum*
 beneficium est experta. Puerulus ut erat & *rupturâ*
 valde ruptus, semel cum sorore sua Fran- *curatur.*
 cisca ivit ad S. Angeli templum, indeque re-
 versus, inventus est sanus, & ab omni indis-

spositione liber. Sororcula retulit se Fratrem Carmelitam vidisse, qui rupturam infirmi contactu sanaret, cum ad fontem se aquis jam lavarent.

CAPUT VII.

Favores alii, & Miracula S. Martyris in extremis necessitatibus & eventibus.

Gratia miraculorum scientias nostras & artes naturæ longè superat.

226. **G**Ratia miraculorum Sanctis à Deo collata, in hoc præ cæteris scientiam medicam & naturæ artem vincit, quod hujus remedia quantumvis præstantia sint & arcana, determinata sint ad certos morbos, quos curare modò valeant, si contingat fortiri effectum. Sanctorum verò, quæ miseris applicant, media, cum à Dei Omnipotentia virtutem accipiant, destinata sunt ad omnigenas infirmitates sanandas, sine ulla artis, aut naturæ interventione.

Ratio est evidens in S. Angelo.

Manifestum hoc redditur in Angelo nostro; si umquam possit in aliquo Sancto; siquidem intercessione ipsius dignatus sit Deus, tot & tam præclara omnis generis miracula operari.

Puerum in fontem il-lapsum

In vigilia S. Angeli mirabile istud evênit: *Michaël de Labiso* infantulus in fontem in Ecclesia S. Angeli incidit, & supra aquam quievit,

quievit, donec à præsentibus in Ecclesia à submer-
dicta, & videntibus, extraheretur intactus, sione mi-
rabiliter
conservat.
ubi verosimiliter debuerat fuisse submer-
sus. Infans postea narravit à Religioso Car-
melitâ manu ad pectus supra aquas susten-
tatum se, ne potuisset submergi.

227. *Horatius Contrera*, puer ut erat quin- Alium
que annorum, confractâ tibiâ dextrâ gravi- fractâ ti-
biâ valde
infirmum
reddit ve-
getum.
ter infirmabatur, sed in debilitate maxima
præsens remedium sensit, statim atque ad
Sancti corpus fuit à parentibus delatus, illi-
cò deperditas vires recuperavit, & curatâ
plenè tibiâ factus est sanus.

228. Quàm feliciter cessit *Michaëli de La- Alterū à*
biso; ipse cum aliis lapides & materialia con- mortis pe-
riculo li-
berat.
gèrebat ad fabricam pro Ecclesia S. Angeli;
& cùm in terram cecidisset, rapidissimè ro-
ta currus supra caput & tibiam dextram
fuit voluta. Sanctum nostrum ut invocavit,
illæsus permansit.

229. Sed magis adhuc notandum est, & Matronas
admirandum, quod addo. *Antonia de Labiso* duas pro-
regit.
& *Angela* uxor filii ejus *Josephi*, qui, Sancto
nostro opitulante, à peste fuerat præserva-
tus, justæ sunt domi tantisper latere, quia
vulgò habebantur suspectæ ut infectæ.
Cumque jam quadraginta diebus, & aliis
quatuordecim ab hominum consortio man-
sissent abstractæ, balnea pararunt ad purifi-
candum

candum & abluendum, antequam in publicum liberè prodirent. Sed aqua non erat ad manum, ideoque timebant valdè, ne ad mare pellerentur mundandæ in hominum conspectu, quod sine honestatis dispendio vix possibile credebant. Angustiis maximis premebantur, & pudore, neminem habentes qui aquam adferret: quid facerent miseræ? ad Sanctum nostrum refugiunt supplices, ut ejus intercedentibus meritis, in puteo, quem domi habebant exsiccatum, scaturiat aqua. Itaque eâ confortatæ in sanctum Angelum fiduciâ, situlam in puteum immittunt, atque inde extrahunt plenam mundissimâ aquâ, eratque alta in puteo ad duos pedes, eaque limpidissima, & quantum sufficeret ad balneum, quô erat opus: lotæ ut erant, & mundatæ, evolutis octo diebus prodierunt in publicum, solitis se commerciis applicando. Sed reversæ postea ad puteum dictum ut haurirent aquam pro necessitate domus, reppererunt ut antea exsiccatum, nîl in fundo videntes, nisi terram aridam, ut adhuc videre est in hodiernum diem.

*Aquam
miraculosè
submini-
strat.*

*Leocate ad
Sancti Re-
liquias mi-
racula
continua.*

Innumera hujusmodi beneficia Leocatenenses recipiunt indies, ad S. Angeli sacratissimas reliquias, ut ad azylum tutissimum confluentes, & quem Patronum eorum vidimus

dimus suprà, peste grassante, iterum habent liberatorem anno 1575. eâdem totam civitatem depopulante.

Iterum à peste liberat.

230. Quanta sit hujus nostri Angeli sanctitas, non rarò patuit in sævissima maris tempestate, cum injectione solùm particulæ ligni in quo sepultum fuerat corpus viri Sancti, visi sunt repentè fluctus subsidere, totumque reddi tranquillum.

Maris procellas subito compescere visus.

231. Quoties non succurrit hominibus equò delapsis in unum præcipitium, quos servavit illæsos ad fæliciter perficiendam viam, invocatô dumtaxat aut cogitatô ejus nomine?

Equò delapsos frequens succurrit.

232. Ex improvîso pluvix, & ventorum impetu procul dejecta sunt duo tecta, & aliquot trabes de templo sancti Martyris, neque tamen extinguî potuit lampas ardens ante sacratissimum ejus Corpus

Aliud mirabile.

C A P U T VIII.

De mortuis resuscitatis, cæcis illuminatis, aliisque à morte præservatis.

233. **S** Alvator noster post legationem sibi factam à S. Joanne Baptistâ Præcurfore, per Discipulos, ut mundo divinitatem manifestaret, & veritatem missionis à Patre;

Missio à Deo operibus comprobanda.

*Ita fecit
S. Angelo.
lus.*

à Patre; respondit operibus, cæcos illuminandô, mortuos resuscitandô, &c. Angelo nostro si regulam hanc adaptemus, ut de missione ejus constet, facilè patebit, eam à Deo esse, cùm & ipse opera Dei faciat.

*Cæcis dat
visum.*

Duo simul miracula, quia paria, unô verbô absolvam: *Marchionissa Gibellina*, uxor Vincentii Vassalli Maltensis, & *Francisca Francisci Julivi* filia, utraque cæca Sancti nostri Angeli precibus visum recuperaverunt.

234. Par alterum breviter connecto: cum in supplicatione per urbem Reliquiæ Sancti solemniter deferrentur, illuminati sunt pariter *Marsius Cumbus*, & *Ioannes Angelus Vitreus*, admoventes ad oculos rosarium Angelæ Anutæ Mariani Monasterii, quod solùm à S. Martyris Reliquiis fuerat contactum.

235. Idem beneficium consecuta est *Agatha de Trepiano* cæca, cùm indutô ex devotione Carmelô-Marianô habitu, accensam faciem manu ferens ad Sancti templum; lumen oculorum quod petivit, ejus meritis exoravit.

*Mulier
desperata
in partu
subvenit.*

236. Mulier quædam nomen ei erat *Flavia*, uxor *Matthæi Reciputi* prægnans, cùm jam tres dies continuos detenta fuisset in acutissimis partûs doloribus, sanguinem in
tanta

tanta copia emisit, ut jaceret languens penè exanimis, & disperata à Medicis, illorum suasu de cœlo auxilium, & robur imploravit, utq; animæ suæ bene esset, sanctis Ecclesiæ Sacramentis muniri voluit, uti & plenâ fide fecit. Rectè dies erat S. Angelo sacer, ipsa ardenti cum affectu sanctitatem ejus interpellavit, & statim ut fuit oleô lampadis ejusdem ad sinum inuncta, filium peperit mortuum, quem illicò votis resumptis Sancto nostro impensè commendatum fecit, & vix tribus post horis vivum recepit, baptizari curavit, eiq; nomen Angelus inditum fuit: plenaque sanitas puerperæ restituta.

Puerule mortue vitam reddidit, & puerperam sanitatem.

237. Hispanus aliquis in ruina domus, quæ casu illum obruerat, præter omnium opinionem repertus est vivus; eò quòd eodem momentò se nostri Sancti meritis commendasset.

In periculis à morte præservat.

238. Sæpius etiâ contigit homines inundationibus submersos à morte, ad vitam fuisse reductos S. Angeli intercedente virtute, cui se plenâ fiduciâ commiserant periclitantes.

Inundatione absorptos ad vitam revocat.

239. Alios scimus ereptos à manifestissimo naufragii periculo, contritâ, & demersâ in profundum navi. Aliquos Taurorum cornibus impetitos, & graviter læsos, fuisse illicò liberos & sanatos. Plurimos navi-

A naufragio, à taurorum impetu liberat & à

gantes

*Turcarum
servitute.*

gantes è Turcarum persequentium manibus servatos legimus, & bonum acceptum omnes attribuisse intercessionibus nostri Sancti.

*Miseris
omnibus
succurrit,
&c.*

240. Quid si cæcos miraculosè illuminatos, leprosos mundatos, infirmos ab omnigenis malis curatos, claudos & membris fractis sanatos dicere incipiam? vix modum aut finem video, si non in compendio facerem.

C A P U T IX.

De Leocatenſium conſtanti devotione erga S. Angelum, de Feſto celebri, & ſupplicatione ſolemni, & Miraculis in eorum favorem patratis.

241. **G**Ratiarum de cœlo ad creaturas nunquam ceſſabit fluxus, & refluxus, ſi non canalem obſtruat hominum ingratitude.

*Leocata
erga S.
Angelum
gratitudo.*

De Leocata ſæpè jam actum eſt, quanta receperit beneficia, quot favores meritis S. Patroni. Addendum modò, quod facit ad Leocatenſium laudem, nimirum quomodo gratiſſima etiam ſemper extiterit, gratiarum actiones nunquam intermittendò. Quis ſatis deprædicet, eorum quanta ſit erga Sanctum, & quàm fervens devotio, quâ

quâ venerantur indies cultu singulari, & quotannis solemniſſimô feſtô, quô die vidèri poſſint læta Encænna, ita per totam civitatem dantur feſtivi gaudii ſigna, nundinationes publicæ, & populis undique confluentibus ad jucunda ſpectacula, ludunt, & ad bravium concertant, per mare, per terras curſitando. Miracula ut dixi, licet omni tempore & varia ſint, & penè continua, maximè tamen eâ manifeſtantur quoties S. Angeli Corpus proceſſionaliter circumfertur: quò maxima fidelium frequentia confluit, non ſolùm ex Leocatenſi urbe, ſed ex toto Siciliae regno, comitari tunc ſolent claudi, & læſi potentes incedere; impotentes feruntur: & videre eſt plurimas mulieres, quæ geſtant in ulnis languentes proles, pro iſdem à Sancto medelam implorâtes. Alii infirmi ad fenestras exponuntur, alii ad oſtium domûs in ſolita ſupplicationis via: quiſque geſtit vel ſemel oculos conjicere in ſacratas Martyris Reliquias, ut invocato ejus nomine levamen aliquod ſentiant.

242. Addo quod jucundum eſt videre, quoties reparanda eſt aut amplianda Sancti Eccleſia, populus unicè curat, & libenter contribuit media, quiſque quantum commodè poteſt. Pauperes verò, quibus media

Signa pietatis.

Festiva gaudia.

Supplicatio ſolemnis.

Frequens populi concurſus.

Infirmorum multitudo & fiducia.

Prompta obſequia, erogata media, impenſi labores.

media dicta non suppetunt, labore proprio compensant, lapides, & saxa ingentis ponderis humeris imponunt, atque ita onusti turmatim concurrunt, ut videri possit verè devota supplicatio per integrum diem, neque tum desint currus, ut sufficiant lignis, aliisque materialibus advehendis. Et quidem ex authentica relatione monumentum superest, de muliere, quæ cum aliis in hujusmodi occasione convenerat, atque ipsa saxum portabat simul cum prole, iisque sustinendis cum esset fortè nimis gravata, proles è brachio infeliciter corruit, & obruta onere lapidum inversò curru miserè extincta est, mater ad triste spectaculum invocat nostrum Sanctum, atque ita statim recipere meruit infantem redivivum, & illæsum.

*S. Angelus
denuò su-
scitat mor-
tuum.*

*Alium à
gravi læ-
sione ser-
vat.*

243. In occasione consimili accidit, quod jam dicam. Quidam octo annorum Juvenis, clavum videns in curru solutum, arripere dum cogitat, appropinquans corruit, sic ut à rotis brachium ejus lævum fuerit pessumdatum, certò certius conterendum in partes, si non præservasset S. Angelus, à Parentibus ejus præsentibus exoratus.

244. Ne silentiò prætereundum, quod ad majorem pompam etiam servant Leoca-

ten-

tenſes incolæ, cùm dictos currus exornant
viridantibus ramis, & floribus animalia tra-
hentia coronant.

C A P U T X.

*De ſignatis honoribus S. Angelo Leocatæ
exhibitis.*

245. **H**onor Sanctorum cùm fit à glo-
ria inſeparabilis, neceſſe eſt ut
Sanctos comitetur, non ſecus ac umbra
corpus, & veluti felicitatis eorum acceſſo-
rium. Deus utique addixit honorem iis, à
quibus honoratus eſſet in terris, idque mo-
dis mille poteſt ad placitum: & priùs cœ-
lum & terra peribunt, quàm Dei verbum
non ſit adimpletum. Notandum verò eſt,
ſi ad cognitionem noſtram ſolùm attendi-
mus, Deum non impertiri omnibus poſt
obitum in mundo iſtum honorem, quem
acceſſorium dixi, & eſt pars gloriæ acci-
dentalis. Multi enim nobis incogniti ſunt,
quorum mors pretioſa eſt in conſpectu Dei,
tameſi illorum nomen apud homines non
ſit celebratum, & corpus in viſceribus ter-
ræ ſit occultatum: ſed quos ſelegit, & ut
exemplaria propoſuit, illos intelligo, quos
tenuit major Dei gloriæ, & ſalutis proxi-

*Honor S. An-
geli exhibi-
tus in
mundo.*

*Non om-
nibus æ-
qualis
quantum
nobis ap-
paret.*

*Quibus
major?*

S
morum

morum zelus, credibile est, eosdem reddere honoratiores, & per mundum illustriores.

*Verè talis
S. Angelo
collatus*

Meritò illis adnumerem nostrum Angelum, cujus amorem erga Deum fuisse eximium satis fit manifestum, quòd nomen apud homines habeat tam gloriosum.

*Corpus
S. Angeli
exaltatiss.*

Ex litteris toties citatis Bellorosi didicimus, quomodo corpus sancti Angeli repertum sit, & magna cum honorificentia exaltatum in capsâ renovata, & ex depositione testium, de quibus antea facta est mentio, evidens fit, à Leocatenſibus idem sanctum Corpus in honoratiori capsâ argentea circa annum 1486. fuisse collocatum.

*Capsa fit
pretiosior
an. 1623.*

246. Sed cùm indies augeretur fidelium erga Sanctum nostrum devotio, post longum temporis decursum & illa ipsa capsâ Leocatenſi populo cæpit displicere, quòd formæ esset vetustioris & pretii vilioris: ideò ex decreto publico Civium facta est alia, cui formandæ, & poliendæ duo auri-fabri impenderunt integrum annum & amplius, felici quidem ad votum successu. Opus namque erat ab artificibus mirè elaboratum, quod novis circulis & variis tractibus nitidissimum, atque deauratis frondibus pretiosissimum eminebat. In capsâ illa ornatissima

natissima repositum solemniter fuit Corpus
 sacratum anno circiter 1623. tertiô nonas
 Maji, Martyrii ipsius anniversariô die. Et
 magna populi multitudo ex omni parte ade-
 rat, ut sancti Martyris videret, & venera-
 retur sacras Reliquias, quas Archipresbyter
 Civitatis reverenter omnibus ostendebat.

*Devotio
 erga San-
 ctorû Re-
 liquias.*

Vix credi possit, quantum fuerit gau-
 dium, & jubilus, unusquisque dum se cla-
 mat Beatum, merendo videre sacratissi-
 mum istum thesaurum, qui asservatur ho-
 die in dicta Capsa clausa, & sollicitè obse-
 ratâ in Sacello hujus S. Martyris decenter
 adornatâ, totâque intûs vestitâ fidelium
 votis, spoliis, inquam, infirmorum sana-
 torum.

247. Ecclesia, in qua sepultum fuerat
 S. Martyris Angeli nostri Corpus, audie-
 bat vulgò, SS. Philippi & Jacobi, atque
 in ea celebrârant olim divina officia Sacer-
 dotes sæculares, ut suprâ tactum est, suc-
 cessu temporis introductum, ut ibidem
 etiam Patres Carmelitæ divina peragerent:
 donec aliquando Magistratus Urbis, ad
 promovendum Dei cultum, & nostri San-
 cti, captus est desiderio videndi dictam Ec-
 clesiam cum appendentiis omnibus colla-
 tam nostræ Religioni. Itaque recurrentes
 ad Sedem Apostolicam, obtinent votum,

*In Ecclesia
 Sanctorum
 Philippi
 & Jacobi
 Religiosi
 Carm. di-
 vina officia
 celebrant.*

*Ex indul-
to Pontifi-
cis fit Or-
dinis Car-
melit. eiꝰ
adnexus
Conven-
tus.*

& desuper expeditum Breve à summo Pon-
tifice Clemente octavo felicis recordatio-
nis annis 1598. & 99. deinde adjunctum
est ædificium Ecclesiæ contiguum in for-
mam Conventûs, in quo permanserunt Pa-
tres nostri Carmelitæ competenti numerô,
diu noctuque divinis obsequiis, & S. An-
geli laudibus concelebrandis intenti, ad
magnam populi Leocatenfis satisfactionem
& applausum. Nec facilè dici queat quan-
ta fuerint Patres nostri perfusi lætitiâ, &
quàm se existimarint felices, cùm ad tam
eminens ministerium essent assumpti, ad
servitium, & cultum S. Martyris Angeli
Concarmelitæ, viri inter eos Beatos præ-
cipui, qui Sanctum nostrum institutum vi-
tæ sanctitatem, & virtutum gloriâ illustrâ-
runt.

C A P U T X I.

*De cultu S. Martyris in Vrbe Panormita-
na, ubi in Patronum, & Protectorem
delectus, celebratur solemni festô.*

*Panormi-
tanorum
erga san-
ctũ Mar-*

248. **P**Eccare videar, si non unâ hîc pro-
feram eximiam Panormitanorum
devotionem, ut vel ex tantæ Civitatis (quæ
Regni est Metropolis) exemplô, plures
imi-

imitentur, atque ita etiam toti mundo in-
notescat affectus, & cultus S. Angelo de-
latus nedum à Leocatenſibus, ſed & uni-
verſo Siciliæ Regnò.

Relatum eſt ſuprà, quomodo in Civita-
te veteri ſummo Pontifici Honorio tertio
S. Angelus conſignarit ſacratas Reliquias,
quas Alexandria acceperat à Patriarcha
Athanaſio de Claromonte, cujus frater Fre-
dericus donatam ſibi ab ipſo ſummo Ponti-
fice imaginem miraculoſam Virginis Matris
ſanctiſſimæ commiſerat noſtro Sancto ut
exponeretur in Metropolitana Eccleſia
civitatis Panormitanæ: ubi aſſervata eſt de-
bitis culta honoribus. Panormitani cives
itaque acceptò hòc pretioſiſſimò Theſaurò
feliciter gloriantes, & lætò ac gratò ani-
mò recolentes ſpeciales favores obtentos,
& miracula facta meritis noſtri Sancti, pià
conſultatione deſuper habità annò 1626.
elegerunt unanimiter in ſuum Protecto-
rem; & ſtabilitum eſt à Senatu decretò pu-
blicò, ut futuris temporibus ſint obligati
quotannis offerre in templo PP. Carmeli-
tarum, titulò S. Nicolai quatuor faces,
quinque librarum ſingulas, die quintò men-
ſis Maji, feſtò S. Martyris Angeli.

Applauſit, & laudavit hanc Civium pie-
tatem Eminentiſſimus Dominus Cardina-

*tyrem ſin-
gularis de-
votio.*

*S. Angelus
Imaginem
Deipara
Panormi
exaltat.*

*Eligitur
Civitatis
Patronus*

*Approbat
& laudat
civiū de-
votionem
Cardinalis
Archiepisc.
Panorm.*

lis Doria Archiepiscopus Panormitanus, volens concurrere, & promovere, edictō publicō jussit in perpetuum, nt die ejus festō omnes Ecclesiastici tam Regulares, quàm Sæculares utriusque sexus singulis annis Officium duplex de Sancto nostro persolverent, & Sacerdotes missam de Mærtire celebrarent in ejus honorem, uti semper est factum, & fit hodie in nostra Religione.

C A P U T XII.

Conclusio cum reflexione morali, & Chronologica ad Vitam S. Angeli, & quomodo iteratis vicibus apparuerit beatæ Mariæ Magdalenæ de Pazzi.

*Synopsis
vitæ S.
Angeli.*

249. **A** Dcscum piè Lector, quisquis eris, præsertim si Sancti nostri gestas insignia, Ordinis Carmelo-Mariani gaudens favoribus, lubet obiter hîc repetere, quod compendiō dedimus in vita, & attentius perpendere ex una parte quanta fuerit S. Angeli erga Deum fidelitas, ex altera verò Dei quanta erga eum liberalitas.

*Fidelitas
ejus erga
Deum ex-
penditur.*

Fidelitas quidem, si obsequia præstita, annos impensos, & labores rememoramus: ut vertimus; sedulum in Dei cultu Angelum

lum admiramur, cùm obsequia à charitate, *Charitas*
 annos à vita, & labores à martyrio æstima-
 mus. Charitas ea magna est, quæ totum
 pro Deo impendit, vita longa quæ tota ejus
 servitio exponitur; martyrium illustre,
 quod constans est, & à tam prompta volun-
 tate. Ardor charitatis scintillat in austeri-
 tatibus ejus, jejuniiis, macerationibus cor-
 poris, arctiori solitudine, in vigiliis & ora-
 tionibus assiduis. Sanctitas vitæ prominet
 in peregrinationibus ejus, prædicationibus,
 conversionibus & miraculis. Constantia *Constan-*
 martyrii probatur, quia ultrò se obtulit, ut *tia mar-*
 revelatum fuerat, occasionem quæsit, *tyrii.*
 cùm fugere potuisset, & quia dum vitam
 profudit, tam enixè pro inimicis perora-
 vit. Fidelitatem Sancti erga Deum vidimus,
 & ex capitibus istis eximiam prædicamus;
 at verò longè major fuit Dei erga Angelum
 bonitas, & sine fine liberalitas.

250. Obsequia ejus omnia, inculpatā vitā, *Dei erga*
 nec non gloriosum martyrium æquā lance *Sanctum*
 perpendimus: at nihil ista, aut parum valde, *liberalitas.*
 intuitu mercedis, quam in coelis accepit:
 servitia ejus nihili ducimus, si gratias pon- *Vita san-*
 deramus, quibus fuit ab infantia præven- *cti Angeli*
 tus; & vitam ejus brevem dicimus, si an- *brevi &*
 norum numerò mensuremus. Nunquid & *quomodo*
 martyrium dulce est & leve, cùm tam in- *eam trans-*
 egeris.

genti præmiô est compensatum? verè equidem, si Deus labores Sanctorum non tam à charitatis pondere quàm annorum multitudine æstimet, dicendum erit parum meruisse S. Angelum, quia parum vixit: nam si ejus ætatem supputemus ex antè relatis, liquet, non ultra 35. annos & aliquot dies fuisse provectam: ad calculum veniamus, si lubet, in vita descriptum est suprà S. Angelum nostrum ætatis 28. anno missum è Carmelo Jerosolymam, ut ad Sacerdotii gradum promoveretur circa Festum Nativitatis Domini, annus iste salutis erat 1213. Eâdem illâ viâ insigne miraculum patravit, dum unà cum sociis, & reliquâ viatorum turmâ Jordanem siccis pedibus pertransivit: & ab isto tempore non supervixit plusquam annis 7. donec martyriô vitam finivit 1220. Annos 5. in deserto Christi jejunis consecratô transegit, quò, ut mundi illecebras fugeret, & post mortuum bethleemiticum resuscitatum, applausus hominum declinaret, Angelô Comite Angelus se receperat.

Inde Christô Dominô expressè jubente quaquaversum per orientem profectus, nationes fidelium doctrinâ Evangelicâ illustravit. Tandem Alexandriam venit, ubi per annum commoratus est, & recessit an-

no 1219. secum habens SS. reliquias, & litteras ad Patriarcham expeditas 25. Martii die Virginis Deiparæ annuntiatae sacrô ; quô etiam S. Joannes Baptista ipsi Patriarchæ apparuit, mandans, ut sacras Reliquias Sancto nostro committeret in Italiam perferendas : à die, quem dixi 25. Martii, ad 5. Maji, tantummodò restant tredecim menses & undecim dies, quod tempus, tum itinerando, tum prædicando in locis variis, ut in Civitate veteri, Romæ, Neapoli, & maximè in regno Siciliae legimus à S. Martyre magno cum fructu animarum transactum : sic ut à Nativitatis momento, quod fuit anno 1185. usque ad illud gloriosæ ejus mortis 1220. compertum sit Angelum vixisse solum annos 35. & undecim dies. Ut verè de eo dicamus, quod consummatus in brevi nimis, expleverit tempora multa, si tam multa gesta heroïca & prodigiosa in vitâ ejus consideremus. Viginti & octo primos annos silentiô prætereamus, quos vel apud Patriarcham Nicodernum sanctiori disciplinâ, vel certè regulari in Religione peregit, iisque superadditô quinquenniô cum in solitudine egit, annos jam 33. habebimus, quibus latentem & solitariam vitam non minùs Deo acceptam quàm mundo incognitam traduxit. Addendum hoc superest quodam-

*S. Angelus
in brevi
mirabilia
magna
operatus
est, pro
brevis la-
bore ater-
na merces.*

quodammodò incredibile, quomodò potue-
rit in tam arcto duorum annorum spatio,
fungendò legationis à Christo, & prædica-
tionis munere, tantùm terrarum peragrarè,
tot subire itinerum labores, tot habere con-
ciones, peccatorum conversiones & mira-
cula operari, quàm apud homines celebre
nomen, quàm ingentem in cœlo gloriam
sit affecutus. Merces magna nimis! pro duo-
rum annorum exanthlatis laboribus in tan-
tum à Deo honorari, ut successu sæculo-
rum, magis magisque visus sit exaltari,
cùm tot ejus meritis impetrata beneficia
credimus in præsentem diem. Duobus an-
nis fideliter servivit & inde perennat in glo-
ria. Vita tam brevis, labor & martyrium
quasi momentaneum fuit, & tamen gloria
ejus immensa cœpit à quatuor jam sæculis
& 44. annis decursis nunquam habitura fi-
nem. Magna est itaque Dei erga Sanctum
Angelum liberalitas, quia magna ejus fide-
litas erga Deum.

*Antiqui-
tas Ordinis
Carmeli-
tici atten-
ditur ex
occurso
S. Angeli
cum SS.
Dominico
& Fran-
cisco*

251. Ad notas istas chronologicas addendū
hoc superest in favorem ordinis Carmeli-
tici, quo in originis suæ antiquitate glorie-
tur jure meritò, & facilè colligat prudens
Lector in occurſu Angeli nostri cum Pa-
triarchis duobus sanctissimis Franciscò &
Dominicò in urbe Romana. Tunc tempo-
ris

ris cùm duo illa Ecclesiæ sanctæ Lumina jaciebant ordinis sui quisque fundamenta, S. Angelus tum erat, laborabat strenuè in vinea Domini, prædicabat fervidè, existens Religiosus Carmeli: duo isti faciebant initium Ordinis, ille vivebat in instituti sui successione immemorabili; isti suum stabi-
 liebant, hic noster membrum erat Ordinis omnium antiquissimi in Ecclesia Orientali, licet in Latina recenter tunc propagati; isti Conventus novos ædificabant, hic jam habitabat in ædificatis olim à suis Patribus filiis Prophetarum, in spiritu & instituto Patriarchæ maximi Eliæ successione hereditariâ continuantibus, Carmeli possessori-
 bus in testamento veteri, & in novo etiam habitatoribus deserti, ubi & S. Joannes Baptista moratus, atque juxta fluenta Jordanis commorantibus, etiam successu temporum in propria domo S. Annæ, quæ deinde conversâ fuit in monasterium dependens à Carmeli sanctis Eremitis, eorumque Hierosolymis ad portam auream refugium ordinarium. Ita in Historia Vitæ sancti Angeli fideliter relatum manet, & confirmatur à fide dignis Authoribus, qui dum loca terræ sanctæ scriptis suis delineant, asserunt Religiosos Carmeli montis ibi conversatos esse, & Possessores ædium Lauretanarum

Ordo sancti Angeli Carmelitanus Marianus Ordinum Antiquissimus.

Carmelitanus commoratus juxta fluentia Jordanis, in domo propria S. Annæ conversâ in cœnobium Carmeliticum.

Deiparæ

*Carmelita
possessores
domus
Lauretana
D. Virg.*

Deiparæ Virginis, antequam ex Nazareth essent Angelorum ministeriô translatae, ut expressè notat Turfelinus Societatis Jesu Scriptor, & alii; atque ista est ratio cur dictus locus sacer ab ultima translatione facta Lauretum, ubi in hodiernum diem perseverat, commissus fuerit Carmelitarum tutelæ, utpote quia veri possessores fuerant in terra Sancta. Atque hoc incidenter allatum sufficit. Ad finem imus vitæ, & miraculorum S. Angeli; de duabus ejus aparitionibus restat unum aut alterum verbum in favorem Virginitatis.

*S. Angelus
purissimus
virginæ
cultor exi-
mius.*

252. Verum quidē: eximiis cœli favoribus, Angelus exaltatus fuit ad tam eminentem sanctitatis gradum, excelluit gratiis, & virtutibus, sed præ cæteris Virginitate, quæ ad gloriam martyrii præcipuum facit ornatum. Virtus ea Angelica, quàm Sanctus noster totâ vitâ tam ardentem adamavit & coluit, ostendit quo in pretio sit habenda apud eos, qui spretis sæculi voluptatibus, & vanis illecebris ad Deum conversi, castè vivere desiderant, sed potissimum apud illos, qui decorati sunt titulô filiorum Deiparæ Virginis, & sub vexillo candido sanctæ Matris Mariæ de monte Carmelo fideliter militant.

253. Idcirco, ni fallor, B. Maria Magdalena de

de Pazzi, Ordinis nostri Monialis, liliū puritatis incomparabile, hanc petivisse à Sponso cœlesti gratiam, ex æmulatione quadam dictæ virtutis, aut certè sympathiâ aliquâ spirituum & humorum, ut ei liceret videre gloriosum nostrum Martyrem & Virginem Angelum, atque ita ei concessum duabus vicibus: primò quidem cū in extasim rapta Christum Dominum cum S. Angelo obvium habuit, à quo & accipere Coronam spineam meruit: aliàs cū suppliciter apud Deum intercessit, ut certa fieret ad Religionem vocatio Leonoræ Carlini, quam à tam sancto proposito Sathan abducere, & mundi anfractibus intricare tentabat. Sed tamen vicit illa ejus intercessionē, ut dixi, habitum Ordinis nostri assumpsit, & religiosè vixit Florentiæ in Conventu S. Mariæ Angelorum. Tunc, inquam, iterum B. Virgini Pazziæ visus ad votum gloriosus Angelus, initiō quidem in consortio Regis Martyrum & Virginum Christi Jesu; deinde solus ipse, confortans eam, spem faciens de felici ad salutem successu in omnibus: sed in tanta utrobique apparebat gloria, ut splendorem Virgo ferre non posset, unde rapta est extra se, & in tantum accensa amore erga Sanctum, ut præcipuum sibi Patronum elegerit, conata

*Apparet B.
M. Magd.
de Pazzi
Virgini
castissima,
qua unā
coronam
spineam à
Christo
accipit.*

*Amor Vir-
ginis erga
Martyrem
zalis ut
eum Pa-
tronum
sibi delegerit totâ vi-
tâ imitan-
dum.
Beatifica-
ta ab Vr-
bano VIII.
Duo Car-
meli lumi-
na, vene-
randa à
nobis.*

ta deinceps tam perfectè imitari, ut vitâ suâ sanctissimâ, & frequentibus miraculis non parum contulerit ad Ordinis nostri, & totius Ecclesiæ ornamentum. Motus est tot virtutibus & prodigiis Urbanus VIII. felicitis recordationis Pontifex maximus, Beatam pronuntiavit, & à fidelibus solemni ritu coli permisit, ut vel inde unâ omnes commoverentur piâ æmulatione, quos eadem vocatio conjunxit, ad imitandum in vita duo hæc Luminaria virginitatis integerrimæ, quatenus eorum vestigiis insistentes, sub signo & auspiciis Reginae Virginum Matris & Patronæ Carmelitarum sanctissimæ concertando, pervenire mereantur ad nuptias Agni, cui sit benedictio, claritas, sapientia, gratiarum actio, honor, virtus, & fortitudo in sæcula sæculorum. Amen.

F I N I S.



CEN-

VAticinia de Christianæ Reip. afflictione, ac dein consolatione, &c. exarata in Vita S. ANGELI Hierosolymitani, Martyris, Doctoris, Virginis, ex sacro Ordine B. Virginis Mariæ de Monte Carmelo, scriptâ anno 1227. ab oculato teste Enoch Patriarchâ Hierosolymitano: Commentariô præviô, ac notationibus illustratâ, studiô, ac operâ R. adm. Patris DANIELIS A VIRGINE MARIA, præfati Ordinis Provincialis in Provincia Flâdro-Belgica, nihil continentia fidei, ac bonis moribus contrarium, utiliter in lucem edentur, quò Christiani omnes videant, quàm meritò Deus peccatorum justus judex, & vindex, non tantùm in lege veteri, repulerit tabernaculum suum, sed & modò sacra templa, ubi habitavit in hominibus, eaq; contaminari permiserit. Cùm enim digni non sunt in quibus habitaret, cur non repelleret tabernaculum, & templa, quæ utique propter se non instituerat, sed propter ipsos, quos jam judicabat indignos, in quibus habitaret? Non enim propter locum gentem, sed propter gentem locum elegit Deus, idèq; & ipse locus particeps factus est malorum populi. Et offensô religionis Deo, justè contaminantur omnia, ut unde peccatum, inde judicium sit. Cumq; suis aulis minimè parcit, Deus, terrorem iis, qui peccant, injiciat, atrociorẽ videlicet pœnam, ob ea, quæ agunt, expectantibus. Vluet enim abies, quia cecidit cedrus, fortibus cadentibus, imbecilliora erudiantur. Datum Bruxella 22. Decembris 1664.

D. Aug:

2. Machab. 5.
D. Hier.D. Isid.
Pelus.Zach.
11.

J. CERON, Pastor B. Mariæ
de Capella, Archipresbyter
Bruxell. librorum Censor.



